



BIBLIOTHECA
UNIV. JAGELL.
CRACOVENSIS


Mag. St. Wn

3180

kat.komp.

TEOLOGIA

I



3180 I
TEOLOGIA

Ther
3180

17. Vll. 100

JOA

E

A

I

L

In qu

Ch

ex

che

Th

eff

Do

Cr

ad

TYE

JOANNIS EVSEBII NIEREMBERGII
MADRITENSIS
EX SOCIETATE JESV

D E
ADORATIONE
IN SPIRITV
ET
VERITATE
LIBRI QVATVOR.

In quibus totius spiritualis vitæ, imitationis
CHRISTI, & Theologiæ mysticæ nucleus eruitur
ex sanctis Patribus, & spiritualissimis viris, Diado-
cho, Dorotheo, Climaco, Rusbrochio, Sufone,
Thaulero, Kempis, & Gersone: nonnulla piè &
efficaciter adduntur.



TYRNAVIÆ.
Typis Academicis, exudebat Melchior
Venceslaus Schneckenhaus, 1663.



R

J

AE

PR

D

ECC



revo

Domus P. de Conde de J. H. de J.
REVERENDISSIMO

DOMINO, DOMINO *Barba
ran.*

JOACHIMO
ALOYSIO

LVZENSKY,

ABBATI DE MONTE
ZEBEGEN,

PRÆPOSITO S. THOMÆ
DE MONTE STRIGONIENSI,

ECCLESIAE METROPOLITANÆ
STRIGONIENSIS

CANONICO.



X Hesperia seu ori-
ginis suæ, seu me-
moræ in Orientem

revocas libellum hunc aure-

um REVERENDISSIME
DOMINE. Dignus est ille
tum ab argumento operis,
tum ab efficacia & dignitate
sermonis, qui Lucinam sem-
per habeat faventem, & nul-
libi non terrarum sit in Ori-
ente. Dignissimus es Tu, per
quem DEVM rectè adorandi
methodum capiant Adorato-
res veri, qui in pulcherrimum
senium ætatem omnem A-
dorans exegisti. Fiet, ut re-
divivus hic liber evadat histo-
riæ Pietatis Tuæ, ac vitæ DEO
deditissimæ abs TE actæ, com-
pendium. Legent hic Cy-
gnæas TVAS voces, & canam
artem de DEO benè merendi,
quibus non contigit audire
TE de Divinis, ut soles, amce-
nisi.

nissimè differentem ; aut vi-
dere TE ad Divina ferventis-
simè anhelantem. Illi verò, qui
verum Adoratorem TE in spi-
ritu & veritate noverunt usu;
etiam recordatione perenni
TE in hoc Tui monumento
sibi in Idæam curiosiores ser-
vabunt. Fortunatam TUAM
Liberalitatem ! siquidem, dum
alienas lucubrationes evulgas,
Tuos planè sensus pertexis :
dum vitam aliorū volumini-
bus quæris, historiæ Tuæ con-
cinnas immortalitatem : fruc-
risq; tandem propriæ Volun-
tatis partu, postquam alieni
ingenij foetus toties exornasti.
Quid autem de illa, quæ ea-
dem operâ hinc accedet lo-
cuples, ut ominari licet, &

comes æmulorum in ado-
rando rectè DEO socianda
TIBI solertia? Omnes hi TE
Patrono stratum, TE Duce
initum sanctè agendi, viven-
diq; iter sibi, TIBIQUE olim
gratulabuntur. Gaudeant me-
dullitus, qui Honori, & A-
mori REVERENDISSIMÆ
DOMINATIONIS serviunt, de
tam beata sorte Ejusdem, &
per Eam Multorum.

Ita vovet.

REVERENDISSIMÆ
DOMINATIONI
VESTRÆ

addictissima

DOMUS PROFESSA VIEN-
NENSIS SOC: JESU.

PARTITIO HVIVS
OPERIS.

LIB. I. *Continentur quæ spe-
Etant ad expiationem animæ.*

LIB. II. *Quæ ad illustratio-
nem, & Christi Domini
imitationem.*

LIB. III. *Quæ ad praxim
perfectissimè operandi.*

LIB. IV. *Quæ ad ardentis-
simum Dei amorem excitan-
dum, & elevationem animi
ad divinam unionem.*

INDEX CAPITVM LIBRI PRIMII.



- AP. I. *Mendacium secularis
vita.* 1
- CAP. II. *De veritate spiritus.* 8
- CAP. III. *De puritate spiritus.*
12
- CAP. IV. *Quomodo veritas per fidem con-
stet. Et de fructu & usu hujus virtutis.* 18
- CAP. V. *De spe venia & zelo pœnitentie.*
24
- CAP. VI. *Forma peccatoris proponitur.* 28
- CAP. VII. *Alter a pars parabola. Et quo-
modo creaturis utendum sit.* 36
- CAP. VIII. *Affectus veri pœnitentis.* 42
- CAP. IX. *De ardenti desiderio servientium
Deo.* 52
- CAP. X. *De contemptu & recessu mundi.* 56
- CAP. XI. *De modo acquirenda pacis.* 60
- CAP. XII. *De excellentiâ ejus qui est in
gratia.* 66
- CAP. XIII. *Quomodo penitentie & affli-
ctiones corporis juvent.* 82
- CAP. XIV. *Quòd nimius amor carnis im-
pediat spiritum.* 87
- CAP. XV.

CAP. XV. De jacturâ temporalium. 9

CAP. XVI. De utilitate tentationum. 94

CAP. XVII. Quòd oporteat timere DEVM,
& sperare in illo. 98

CAP. XVIII. Quòd non possimus non patè
aliquid. Et de bono patientia. 101

LIBRI SECVNDI.

CAP. I. De diligenti cura orandi. 110

CAP. II. Quòd non oporteat intermitteri stu-
dium orationis. 119

CAP. III. Quàm efficax sit Christi gratia
& favor. 124

CAP. IV. Quantum oporteat devotè affici
erga beatissimam Mariam Virginem. 138

CAP. V. Quòd imitari Christum debemus,
& de SS. cordis sui dolore & passione. 153

CAP. VI. Quantum oporteat sequi Chri-
stum. 163

CAP. VII. Quòd patienter ferenda sint ne-
cessitates & arumna à Deo immissæ. 173

CAP. VIII. Qualiter puritas corporis juvet
spiritum. 179.

CAP. IX. Studium mortificationis continu-
um. 183

CAP. X. De sufficientiâ & bono paupertatis.

CAP. XI. *Patientiam in cunctis necessari-*
am esse. 197

CAP. XII. *Quantum bonum sit subditum*
esse alteri. 202

CAP. XIII. *Defectus leves & quotidiani*
quantum damnum efficiant. 208

CAP. XIV. *De solertiâ circa res exiguas.*
220

CAP. XV. *Laudem propriam vitandam esse.*
226

CAP. XVI. *De vilitate hominis.* 230

CAP. XVII. *Quae contineant hominem in*
humilitate, & quod nihil potest habe-
re, nisi solum DEVM. 237

CAP. XVIII. *Quantum debeamus gratia*
DEI & Christi. 242

CAP. XIX. *Quod se debeat homo non tan-*
tum sentire nihil esse, sed maximam
peccatorem. 249

CAP. XX. *Quid sit, nihilum se dicere &*
maximum peccatorem. 255

CAP. XXI. *Gloria DEI querenda est sem-*
per. 258

LIBRI TERTII.

CAP. I. *De curâ benè operandi.* 268

CAP. II. *Quod excutienda sit omnis negli-*
gentia. 272

CAP. III. Quàm incommoda sit somnolen-
tia. 279

CAP. IV. Fervidè ad orationem maiuti-
nam surgendum. 288

CAP. V. Feror quotidianus debet retine-
ri. 293

CAP. VI. De custodia fervoris. 301

CAP. VII. Quàm oporteat constanter se ha-
bere in operibus bonis. 306

CAP. VIII. De solitudine agendi grati-
am. 311

CAP. IX. Quomodo laudandus sit DEVS. 318

CAP. X. Quanta dignitas sit offerre sacrifici-
um Christi. 325

CAP. XI. Quòd desiderandus sit DEVS, &
cupidè in Eucharistiâ suscipiendus. 333

CAP. XII. Non ultra necessitatem indul-
gendum refectioni corporali. 343

CAP. XIII. Quòd vite ratio sit sumenda
frequenti discussione sui. 353

CAP. XIV. Quomodo erga alios debeamus
affici. 360

LIBRI QVARTI

CAP. I. Quàm ingrati sumus DEO. 366

CAP. II. Quòd sint sine numero beneficia
DEI. 371

CAP. III.

- CAP. III. *DEI amor pater infinitus in redemptione.* 377
- CAP. IV. *Quàm merito sit amandus Deus, precipue propter se.* 381
- CAP. V. *Quomodo bonitati DEI non possimus satisfacere.* 391
- CAP. VI. *Quàm magnum beneficium gloria speremus.* 394
- CAP. VII. *De mortis tolerantia.* 403
- CAP. VIII. *Se debet homo tradere DEO pro beneficijs suis.* 410
- CAP. IX. *Quod DEVS dumtaxat sit amandus.* 413
- CAP. X. *Extirpandum esse amorem sui.* 417
- CAP. XI. *Quâ ratione diligendi sint proximi.* 429
- CAP. XII. *Nihil desiderandum esse nisi quod Deus vult.* 432
- CAP. XIII. *Quod non oporteat voluntati nostrae attendere.* 437
- CAP. XIV. *Quod oporteat jugiter meminisse DEI.* 445
- CAP. XV. *Quod amanda sit incomprehensibilis bonitas DEI.* 451
- CAP. XVI. *De superessentiali lumine sanctissima Trinitatis.* 457

Domus Profanes Sol J. H. U. A.

22) * * (25)

LIBER PRIMVS.

De ijs, quæ spectant ad expiationem
animæ.

CAPVT I.

Mendacium secularis vitæ.



Ores hominum, mendacium sine honore. Nolite zelare mortem in errore vitæ: Spiritus enim sanctus disciplinæ effugiet fictum. Mendacia perniciosiora sunt, quatenus salubrioris atque pretiosioris rei. Mortales nihil pretiosius quam vitam habent: quomodo sustinere possunt mendacium vitæ? quomodo tolerare falsitatem spiritus & obsequij divini, quod infinities oportet pluris haberi quam vita ipsa? Mendacium vitæ, est omnium malorum perniciosissimum. Nimis periculosum est & extimescendum, in hac re pretiosissimâ seduci. Oculos non patiuntur homines falli: quomodo benigni sibi sunt, si decipiatur mens? In lapidibus non sistent frustrari: quomodo in seipsis ferunt illudi? Quam solliciti & industrij sunt, ne pupillæ eorum adulterinus color lapilli im-

A

ponat

ponat loco veri? non emunt gemmam, nisi adjurato & cautionem præstanti venditore, quod ille lapis verus sit. Hæc amentia hominum; quod gaudeant pretio vitæ suæ falso, non lapidis: qui nolint seductos habere oculos, & ament seductam habere mentem, spiritum, vitam, & cælum denique.

Grave ducimus ab alio decipi, etiam in rebus exiguis: & à nobis, in ipso nostri pretio, libentissimè volumus seduci. Audire, vel dicere mendacium nolumus: & tamen volumus ipsum mendacium esse, & vivere. O Miseri! quia & decepti, & deceptores nobis sumus, & patienter sustinemus geminum hoc malum, quod maximè fugiunt homines; & duplicem toleramus infamiam in re tantâ, cum in levissimis neutrum sustinermus. Si nefas judicâs decipere amicum tuum, & summam injuriam putas, decipi ab amico: quod jus & fas erit, ut te decipias & à temet decipiaris, qui fidelior & charior debes esse tibi? At privilegio quodam patientiæ honoramus damna nostra adversus nos, quæ sunt omnium majora, & duplicia; atque quadam non modo immunitate, sed gratulatione instigamus & armamus magis, ad perniciem nostram. Si aliquis falleret avarum in bonis fortunæ fugitivis, agrè ferret;

ret; si arcas & loculos pro pecuniâ opplerer
illicône & sordibus, summam injuriam pu-
tarer: cur falli à nobis in bonis virtutis &
gratiæ, non tantum sustinemus, sed affecta-
mus; nec dolemus vitam contaminatam
vitijs & defectibus habere, vel fictam virtu-
tem, adulterinam charitatem, superficialem
mortificationem, & spuriam humilitatem?

Hujus damni præcipua causa est, quòd
latentem amorem nostrum non persequi-
mur, nec interimimus hunc hostem verna-
culum. Non licet tanti facere, & servare vi-
tam inimici, ut vitam nostram periclitemur.
audiendo consilia hostis hujus incolumis.
Appetitus nostros auscultamus ut oracula,
cum semper mendacia nobis suggerant.
Qui audit adulatores studentes placere ho-
minibus, plurima falsa opus est credere: sic
qui audit blandientem sibi suum amorem,
passim decipietur.

Dic mihi, o anima, si in Senatu sapientissi-
morum & optimorum hominum omnes u-
nanimi suffragio judicarent causam ali-
quam, & solum reus jam culpam confessus
ipse, & convictus ab alijs, qui idiota & rusti-
cus, & sceleratissimus erat, repugnaret sen-
tentiæ totius Senatus, velut injustæ; an tu
huic magis fidem adhiberes, quam illis viris

4 *Lib. I. De ijs, quæ spectant*
sapientissimis & iustis? Cur igitur nugæ &
voces sequeris amoris tui, & cupiditatis non
modo rusticæ, sed bestialis? cur hujus unius
dictamen opponere audes Deo, Angelis,
Doctoribus Ecclesiæ, Philosophis antiquis,
Rationi ipsi, imò tuimet conscientiæ, con-
demnantibus ea quæ bona judicat affectio
propria, & judicium ipsum amoris privati &
cupiditatis? Crede falsum, quod Deus non
judicat verum, quod Angeli condemnant,
quod Doctores refellunt, quod Philosophi
refutant, quod Ratio damnat, cui conscien-
tia tua dissentit. Omnes peragunt rerum
mendacij amorem tui versutum, & technis
innumeris armatum. Pleni omnes sumus
fallacijs, quia referti amore proprio; eò
perniciosis, quatenus impostor non modò
domesticus est, sed concatenatus & radici-
tus confitus nobiscum, ut numquam disce-
dat, sed semper adsit absque inducijs erro-
ris. Hinc inveteratum est damnum ipso usu,
& velut præscriptione mentiendi; ut quod
vitium est, non modò defendant homines
prudenter factum, sed juxta Evangelium;
& quod est contra rationem, ex doctrinâ
Christi interdum sanctificent. Sufficeret mi-
seriæ humanæ ignorantia, quâ laborat, quin
opus esset superaddi deceptionem. Misa-

ria

ria igno-
deceda-
eorum
quæ re-
ignorat

Hæc
mundo
vis sap-
Docto-
sapien-
Elige
omnes
rum or-
& sterc-
dissimi-
abjecit
suader
cùm il-
has div-
qui non
plet an-
rum au-
rem D-
Deum
honor-
di, qu-
scilicet
si dica-

ad expiationem animæ.

ria ignorantium levis & facilis est, ut quæ decedat disciplinæ, simul ac docentur; ac eorum qui decepti sunt, dura & pertinax, ut quæ resistat doctrinæ. O, utinam solùm ignorantes essemus, & non seducti!

Hæc stulticia & impostura hominum in mundo ferè in omnes grassatur. Quantumvis sapientissimos se putent, & sint primarij Doctores & Professores Vniversitatum; insipientes sunt, & seducti, nisi probi, & sancti. Elige quemcumque sapientem, quem tibi omnes prædicarunt ut summum scientiarum oraculum: si hunc semel videres lutum & stercora servare in pretiosissimis & mundissimis thecis, & inde ejecisse vasa aurea, & abjecisse gemmas & uniones; an posses persuaderi, illum hominem esse sapientem, cum illas sordes æstimaret, & depretiaret has divitias? Quomodo igitur sapiens erit, qui non semel, sed perpetuò cor suum implet ambitione honorũ, desiderijs divitarum aut voluptatum? contemnit verò amorem Dei, divitias gratiæ, merita Christi, Deum ipsum? quæ multò plus distant ab honoribus, divitijs & voluptatibus mundi, quàm aurum à fæce & cæno, prout scilicet distat Deus à creatura. Quid refert, si dicas, non nasci hoc ex ignorantia, sed sa-

tis fuisse cognitum illi homini discrimen,
 temporalium ab spiritualibus; & neminem,
 hoc ignorare quamvis operetur diversè?
 nam nec excusabitur ab amentia, qui dice-
 ret, se optimè judicare valorem auri super
 omnia, & à se lutum æstimari ut vilissimum,
 si nihilominus custodiret lutum; ambiret,
 amplexaretur, oscularetur illud, & etiam
 cum periculo vitæ, & immensis laboribus
 quæreretur, aurum verò etiam oblatum abji-
 ceret, nec conspiciere vellet. Plus sanè mira-
 beris hanc dementiam arcanam, & has te-
 nebras visibiles; neque planè sapientem aut
 sanum hominem istum dicere auderes, ne-
 risui esses omnibus. Quantò insanius erit, &
 magis ridiculus, qui dicens maiora esse bo-
 na spiritus & gratiæ, quàm mundana, quæ-
 rit hæc, & contemnit illa? An doctus homo,
 aut integer mente, aut fidelis potuit esse,
 qui ex aureo sacrario, deputato ut aserve-
 tur ibi Eucharistia, abjecisset Corpus Chri-
 sti, ut loco illius deponeret lutum? Quomo-
 do sapiens est, qui ab animo, divino sacra-
 rio, expellit ipsam divinitatem complacen-
 tem ibi, & substituit ejus loco non stercorea,
 sed fœdiora vicia, & concupiscentias sordi-
 diores? Igitur nulla sapientia, nulla veritas
 in mundana vita. Terribiliora arma, quibus
 pu-

pugna
 tremen
 elemen
 tio Sol
 terribi
 veri Ju
 tunc v
 vimus

In
 misce
 litate
 stri (a
 scinat
 monis
 tere co
 circò c
 decus
 Deum
 debet
 verita
 tem a
 carnis
 dunt,
 debet
 ic ut
 monit
 veraci
 quid l

pugnabit Christus adversus insensatos intremendo die iudicii; non erunt, convulsio elementorum, casus stellarum, obtenebratio Solis, incendium mundi, vox Archangeli terribilis, horrifona tuba illa Dei, vultus severi Iudicis; sed veritas: hoc solum, quod tunc videbitur manifesta, quam nunc involvimus nostris cupiditatibus, & contemnimus.

In spirituali autem vita licet sit veritas, miscentur quandoque mendacia, ob subtilitatem & adulationem intimi amoris nostri (adulatio enim ubivis corrumpit & fascinat veritatem) & artificium & odium demonis, qui ubique veritatem creatam evertere conatur, cum increatam non possit. Idcirco commendatur à Christo Domino, ut decus Evangelicæ perfectionis, adorare, Deum in Spiritu & veritate. Deus verus non debet coli falsâ vitâ. Unigenitus Dei Filius veritas est; & qui filius Dei esse vult, veritatem amet, & habeat. Quare, qui à præcipitio carnis digressi per semitam spiritus incedunt, nondum extra periculum se putare, debent, nisi simul incedant veritatis viâ. Huic ut securè insistas anima mea, accipe has monitiones, quibus adores Deum, & servias veraciter perfecto spiritu cordis, & intelligas quid loquatur veritas, ne sit in spiritu tuo

dolus: sed potius veritatem facientes in charitate, crescamus in Christo per omnia.

C A P V T I I.

De Veritate spiritus.

NE putes ex consortio veritatis vitam spiritus tetricam & acerbam esse: nam calumnia est, veritatem amaram dici. Non est timenda ob nomen solum; jucundissima res, veritas spiritus. Ne dicas: Si veritas exterius audita amara habetur, quam peracerba erit interius percepta, & intima nobis? Si ab alijs dicta molestat; quid à nobis facta, & in nobis perfecta? si auditui ingrata est, quid fiet conscientia, cordi, & toti vitæ? Nam non est mellis vitium, si amarè sapiat, palato corrupto. Terram ipsam, cum solide consistat, circummoveri iudicat, qui vertigine laborat. Vitijs nostris credimus peccare cetera; & humanum morbum imputamus culpam divinis etiam rebus. Innocens veritas est, dulcis, placens, nisi solum carnalibus displicens, & ijs qui displicent Deo. Idem purpuræ regius color mulcet homines, sed tauros offendit, atq; exacerbat: eos qui intelligunt, delectat hæc purpura Dei veritas, hoc decus sanctimonix; parum refert, si offendat eos, qui animâ & mente sunt inanes.

& indigni: imò eo ipso magis digna ipsa est
& commendabilis.

Pulcherrimum quid atque divinum est veritatis, esse horridam malis: causam odij considera, & videbis quàm sit amabilis per se. Austera videtur hominibus veritas super omnia adversa & molesta; quia singulæ adversitates singulas oppugnant, aut aliquas voluptates: at veritas omnes simul, & cuncta vitia. Ideò supra omnia judicant illam gravem; ideò nihil magis libenter quàm veritatem stringunt adversus inimicos ad ulciscendum se, nec ullum damnum virulentius corde immittunt: quia quod malum sibi quisque maximè formidat, id oprat inimico cum irascitur; & quoniam putet sibi fore maximum malum veritatem, ut spicula venenata contorquet veritates in inimicum, obijciendo, & admonendo illum id ipsum quod est. At tantæ offensionis causa, amorem & pretium veritatis commendat; omni amore digna est, quæ vitia omnia dedignatur & impugnat. Si unica potio omnes morbos tibi curaret, minimè contemneres, quâvis te acerbaret: imò nihil aliud majori in pretio haberes: ita veritas vel isto solo titulo per se est amanda & adoranda, etiam cruci affixa, sine decore, sine vultu. At illa hone-

ita est specie, & iucunda sapore; non deformis, sed Deiformis: non est insipida, sed Dei sapientia: vox veritatis dulcis, & facies sua decora. Deum pro condimento habet, non potest esse insulsa, aut fellea aut corrupta. Quæ Deum beatum facit, non debet tibi censerî molesta; nec potest facere te miserum. Quid dicam? Deus Veritas est; anne Deus erit tibi amarior felle, aut non pulchrior luce? Age, aude respicere veritatem, aude amare, aude te committere & confidere illi. Hic præcipuus spiritualis vitæ canon est: sicut carnales nihil magis in odio habent, quàm veritatem; sic qui per viam spiritûs incedunt, nihil magis in voto & pretio habeant. Quid magis gratum & necessarium sagittario, quàm oculi? ita hominem rationis compotem nihil optatius oportet habere, quàm veritatem. Sagittarius & animalia, quæ usui plurimùm sunt, erutis oculis inutilia redduntur: sic tota vita nostra absq; veritate redditur infrugifera. Nullus sensus magis iucundus, quàm visus: reliquas animi dotes excedit veritas; quæ non minùs placeat fulgens, quàm æstimeretur pungens.

Igitur à veritatis iusta opinione incipiamus excludere mendacia, reputantes nihil utilius, nihil suavius, nihil præstantius, quàm

quàm
quia
aliqua
amor
quam
subtil
latia
quam
satis f
qua p
nolum
non a
penitu
tralibu
tudo.
veritat
spiritu
qui ita
sunt,
rem si
& pura
tis sic
mundi
ris tui
est, te
volunta
rellectu
& habe

quàm veritatem spiritus sinceram. Plerique quia hoc non satis credunt, permittunt sibi aliquam interdum indulgentiam naturæ & amoris proprii, & inclinationis carnis, quamvis in rebus levibus; commiscentes subtilissimâ dissimulatione & fraude sui solatia aliena, ut emolliant austeritatem, quam in spiritu timent & suspicantur: & non satis fidentes illi, & Deo, adhuc reservant aliqua pignora, carnis & voluntatis, quibus nolunt expoliari, ut illuc se recipiant faciliè, non ausi omnimodo repudio sui tradere se penitus Deo & spiritui nudos, quasi in penetrabilibus & interiori ejus esset aliqua amaritudo. Hi se fallunt: nam non est hic spiritus veritatis. Res simplicissima & perspicua est spiritus: quare non erit verus & genuinus, qui ita permixtus & confusus est. Hæc duo sunt, caro & spiritus, & nequeunt in unam rem simplicem coalescere. Adeò simplex & pura debet esse veritas spiritus, ut non satis sit cuncta carnis mendacia, omnes leges mundi, quantascumque insinuationes amoris tui horrere & formidare; sed etiam opus est, te orbare animâ ipsâ tuâ, & quavis ejus voluntate & delectatione creatâ, etiam intellectuali & licitâ, ut solum Deum quæras & habeas.

Altius

Alius quid est spiritus quàm anima, intellectus, & natura. Audi IESVM tuum dicentem: *Spiritus est Deus: & eos, qui adorant eum, in spiritu & veritate oportet adorare. Ioan. 4.* Quare ut adores veraciter, & servias perfectè Deo in spiritu vero, oportet ut transcendas te, & omnem creaturam, & affectionem creatam; & anheles & ames solam divinam veritatem, & quasi profecturus statim de hoc mundo, omnibus creaturis, & tibi ipsi valedicas: adhærens per charitatem puram Domino unus spiritus (ut dicit S. Paulus) factus cum Deo uno, qui veritas ipsa est. Revelle te à te ipso, ut cum Deo inseraris: divide te à te ipso, ut cum Creatore tuo uniaris: refuge te à te ipso, ut in cruce cum Iesu figaris: extirpa te à te pessimo, ut in omni bono radiceris. Fuge naturam tuam; in Deo invenies asylum tui: absque dissimulatione te perde, & lucraberis te verè.

CAPVT III.

De Puritate spiritus.

NE in aliquo recenseas te bestiarum & jumentorum grege, qui cum Deo unus spiritus potes esse, o coheres Christi: in nullo congaudeas de societate pecorum. Omnes carnis & naturæ delectationes contemnas, nulla-

nullatenus aliquâ reservatâ & permiscâ: una sola saporem veritatis vitiabit; una veritatem spiritus offuscabit. Parvis rebus sæpè maxima cedunt: aceti guttula inficit totum vasculum meri nobilissimi: stilla atramenti phialam purissimæ aquæ turbat: cur vis perspicuitatem veritatis, & nobilitatem spiritus exiguâ & unicâ delectatiunculâ corrumpere? cur à divino statu te dejicis? cur à Dei gremio & dulci amplexu te abjungis, ut guttes minutas fæces rerum: cum nec à Christi cruce descendere debueras ob Regna mundi? O avaræ & pusillanimis, cum unionem inestimabilis pretij empturus dederis jam talenta plura: demum ne addas unicū assem, conventionem rescindis. Imò stultiores: nam mercator nihil perderet, solum non lucraretur gemmam; redderetur enim illi sua pecunia: at tibi non reddentur magnæ delectationes; & quia minimam non vis relinquere, non lucraris genuinum spiritum. Cur longissimum cursum progressus feliciter, jam in metâ ne addas unicū gressum, frustraris præmio? Non græve & amarum putes abstinere omnibus: ut potuisti majoribus carere, poteris minoribus; ut potuisti multis, poteris alijs; ut potuisti pluribus, poteris reliquis.

Quid

Quid est quod aspera sustineas plura; corporis macerationes, humiliationes, opprobria, humicubationes, jejunia, & aliunde edulij alicujus, aut alterius rei delectatione, aut cupiditate, labefias & vincaris? Anne si penitus renunties gulæ, miser eris? Quomodo Angeli felicissimè vivunt jejuni? Imò dæmones non tristantur quòd abstineant: sed nec animalia; nam sunt aliqua quæ absque cibis & gulâ fruuntur lætâ naturâ, & gaudent spiritu dumtaxat. Semper æstimate in superiori classe, quàm simiarum aut luporum: ita non sollicitaberis de earum voluptatibus. An doles quia ut cicada non strides? Minimè. An quia cadavera ut vultures non epularis? Nequaquam: quia ea gaudia alterius sunt speciei: sic si te hominem censes, alienas omnes voluptates, quæ bestiarum sunt, contemnes. Quid si te consideras collegam Angelorum? quid si adhaeres Domino, unus spiritus cum eo factus Deus? Quæ per æternitatem non desideraturus es, & eris beatus; potes modò non cupere, & non eris miser. Ut non doluisti carere ludicris & crepundijs puerorum, factus vir: sic nec voluptatibus etiam hominum, factus Angelus, & quasi Deus, dolebis. Si daretur tibi optio, ut transires in statum

Ange-

Angeli
hac co
Ecce n
Volup
spicis,
quas a
non &
judica
quod n
potuit
bur gra
nes om
fuerunt
fidio el
lio cum
pratibus
radi si fir
millia in
vunt? tū
Vixisti a
voluptat
tū est o
vulgo ho
bestiarum
minoribu
voluptati
hominum
tibus sen
priæ vol

Angelicum, nonne eligeres, etiam admissa hac conditione, ut in æternum abstineres? Ecce nunc ad tempus hæc optio datur. Voluptates & cibos, quos satur ventre despicias, cur non famelicus virtutis despicies? quas æger corpore fastidis & horres, cur non & mente sanus? quid impossibile, judicas virtuti, renuntiare voluptatibus, quod necessarium facit infirmitas? Quod potuit viciū naturæ, nonne poterit robur gratiæ te facere pertæsum delectationes omnes viles? Si tibi fastidio aliquando fuerunt divina & spiritualia, crede posse fastidio esse carnalia. Potes vivere in hoc exilio cum periculo inferni sine immensis voluptatibus cœli, etiam poteris ad odorem paradisi sine his vilibus terræ. Quot hominum millia in laboribus & luctu sunt, & tamen vivunt? tunc solus moriturus, quia sine gustu? Vixisti aliquando in dolore: modò vive sine voluptate. Totiens fuisti dolens, modò tantum esto continens. Si pudet sapere cum vulgo hominum, pudeat gustare cum vulgo bestiarum. Imò belluæ abstinere magis; quæ minoribus, simplicioribus & paucioribus voluptatibus contentæ sunt, quàm plerique hominum. Idem cogita de reliquis voluptatibus sensuum & animæ, & qualibet aliâ propriæ voluntatis fruitione.

Opor-

Oportet repudium æternum renunciare omnibus rebus; & potes, & sine periculo tui, imò sine molestia. Sed ut voluptate omni carere queas, care voluntate omni etiam levissima licita & iusta. Cave, si propria voluntate induaris, & non sis nudus, inde caro assueta dominari velut Domina Joseph apprehendet laciniam vestimenti tui manu sua, *Gen. 39.* hoc est, appetitu connexo voluntari, & adulterare te cõget. Lacinia sufficit, ad tantum facinus: minimâ ansulâ gubernantur ingentia damna: nisi pallium penitus relinquas nudus, periclitaberis. Rejice voluntatem tuam integram, nec te protegas damno tuo, nec periculo tuo te amicias. Elias raptus in cælum, pallium reliquit: neque rutò ad cælestem vitam advolabis, nisi relicta voluntate. Rescinde omnem voluptatē & voluntatem; rescinde te à te in omnibus: cur vis, jam pluribus recissis, manere in parvo ligatus, limitata libertate spiritus. Non est liber canis, quòd longam catenam habeat, ut per intervallum ludat. Accidit plerique quod passeri, quem puer ligatum filo habet: qui emissus, putat se liberum. & volat alacris usque ad spatium funiculi; mox misere cadit. Sic anima velut filo manet ligata, nisi cuncta resecet: putans se expeditam, post

post spatium certum, turpiter proruet in
cœnum: quin etsi effugias à carne, & te avel-
las ab illicitis, & voles per cœlestia; si tecum
feras voluntatem; adhuc in rebus sublimi-
bus detineberis, & impedieris. Passer ere-
ptus è potestate pueri, si secum ferat filum,
in cacuminibus arborum vicinus cœlo illa-
queabitur, & peribit.

Sed forsitan triste putabis adhuc, omni vo-
luntate & delectatione orbari. Quid si di-
cerem non esse triste, omnes dolores & cru-
ciatus oprare? Non enim mœstum erit,
omni voluptate privari, si jucunda sit ipsa
privatio. Huc se diffundit vigor spiritûs,
hoc machinatur artificium gratiæ, ludens
sapores rerum, ut omnia dulcia hujus mun-
di fastidias & horreas, omnia amara con-
cupiscas. Non mœstum hoc credas: nam
nomine tenus amara erunt, si cupiantur.
Natura facit, ut quod uni insipidum, alij sit
suave: anne hebetior erit gratia? In mulie-
ribus passionibus est, appetere insipida &
absurda, carbones, lutum, gypsum, atque fa-
stidire edulia exquisitè condita: quod femi-
næ ægritudini contigit, impossibilène erit
saluti divinæ? corruptus stomachus appeti-
tum gubernat, & integra mens nihil valebit
in voluntate? Ne igitur timeas, ô pusillani-

mis, quæ de spirituali vita audis : nam minime molesta & gravis est, etsi necesse sit amplecti molesta & gravia omnia. Ne te atterat nomen inane aut opinio : aude, aggredere, terrebis tu ipsas difficultates. Fertur genus thesaurorum sub magico artificio, quos custodiunt horribiles manes & spectra tremenda : at si quis audeat, solum contemnens illa spectacula, subito faceffunt omnia & evanescunt, ut numquam amplius appareant, ut deinde secure & placide fruatur divitijs illis. Non majori labore est opus quam animo. Fortiter aude, ut thesauris spiritualibus potiaris : repente spectra difficultatum disparebunt. Virili corde invade, fruiturus, sine æquâ molestiâ, arcanâ dulcedine vitæ spiritualis. Mella laborant apes, sub de formi subere latentes.

CAPVT IV.

Quomodo veritas per fidem constet. Et de fructu & usu huius virtutis.

IN mendacijs ambulat, non in veritate nec in spiritu, qui non ambulat in fide. Procul à sensu habitat veritas. Hæc cœlestis planta non floret in terra ; non alitur sanguine & carne ; non nascitur inter stercorea materialium. Passim decipimur in bonis corporalibus ;

libus; & his ipsis, quæ corporis intuemur oculis, & manibus contrectamus. Remus integer, in aqua videtur fractus: turris quadrata, rotunda videtur diffitis: lux ipsa solis, quæ est tota fides oculorum, sæpè fallit illos, fingens colores qui non sunt: quomodo non seducemur in rebus animæ & spiritualibus, quas non videmus; & divinis, quæ extrahumanum sunt captum? Torum humanum genus mendacij tenebris caligabat, velut in specu, sine ulla fenestra aut rimula, per quam levissimus radius posset illucere: ipsi Philosophi præclariores, solum sciri dicebant omnia mendacia esse; aut scientiam unicam esse, nihil scire: adeò laborabant vanitate, ut solum de cælis optarent remedium. Quidam illorum putabat magistrum veritatis duntaxat posse esse aliquem Filium Dei: ecce jam tu Fili Altiissimi, ecce tu Veritas æterna, ecce tu Sapientia Patris, è cælo descendisti, ô lux mundi, ut illuminares illum, ut nos doceres veritatem; cur homines tantum beneficium non æstimant, & fidei bonum contemnunt? Quid refert credere verum, si simus nos falsi? Salutaris veritas est bona actio; & verbum verum factum verbi. Verbum Dei caro factum est, ut opus hominis fiat veritas, quia veritas Dei opus facta est.

Mendacium & vanitas est, quod non est iuxta doctrinam IESU: cur usum hujus beneficij negligimus, solum contenti mortuo modo credere? Magnum fructum Fidei habere mus, si sciremus uti, & iuxta illam operaremur ut debemus, plus quam si acie oculorum viderentur ea quæ affirmat: Omnes per fidem credunt vera: sed oportet credere verè; quod non videntur omnes facere. Si credis, ô proterva anima, quæ Christus dixit, consequenter operare. Si est verum, quod IESUM oportuerit pati ut intraret in gloriam suam: si est verum, quod DEUS provideat omnia in bonum justorum: cur affligeris in levibus laboribus & calamitatibus? cur putas jacturas, quod de Fide est, esse lucra animæ maxima, dum patiens sis. Si credis id esse verum, ut verè est, porius debes gaudere, & te solari. Si oculis carnis Prophetam aliquem sanctissimum, ut Davidem aut Ioannem Baptistam, cerneres resuscitatum, vel Angelum de cælo venientem, ut tibi ex parte Dei annuntiaret, esse voluntatem dñi, ut ferres hanc ærumnam patienter, quoniam tibi futura esset magno bono & lucro; nonne hoc sufficeret, ut compesceret impatientiam tuam? imò ut excitaret simile gaudium, atq; Apostolis, qui ibant gauden-

gaud
nomi
non t
sum n
docu
dubi
tus m
si veri
gelus
te del
tudine
dus op
debet
ambula
actione
tantum
Angel
credun
Qui
bulas?
quia co
quid u
monibu
nolens
lius & tu
credunt
credas,
judicia

gaudentes, quoniam digni habiti sunt pro nomine Iesu contumeliam pati; cur modò non te sustines? Illud nuntium miraculosum non deberes putare tam certum, ut est documentum fidei: nam liceret interdum dubitare tunc, cum posset te illudere spiritus malus; & tu falli in sensibus tuis. Igitur si veritas hæc ex fide certior sit, quàm si Angelus de cælo evangelizaret tibi, cur minùs te debeat commovere? Cognitionis certitudinem & rei conscientiam sequitur modus operandi, & juxta excellentiam notitiæ debet esse præstantia operis. Quare qui ambulare in veritate vult, suæ gressus vitæ & actiones conformes faciat suæ fidei; nec tantum vera credat, sed verè, ne ridiculus Angelis sit; & socius dæmonum, qui etiam credunt sine operibus.

Quid prodest scire viam cæli, si non ambulas? Sciunt meliùs spiritus mali; & tamen quia consistunt, sunt dæmones. Dico tibi, quid utiliùs tibi nolle benè operari, aut dæmonibus non posse? Perinde est in plerisque nolens ac impotens: imò tibi est damnabilius & turpius, nolle cum possis. Dæmones credunt, & contremiscunt: utinam tu, cum credas, timeres! Cur non contremiscis ad iudicia Dei, considerans certitudinem eo-

rum; & ambiguitatem tuæ sortis, vel ad supplicia æterna, vel ad gaudia? Quid est, si credimus magnitudinem divinæ bonitatis in se, immensi amoris erga nos, & summorum beneficiorum ejus, cum non respondeamus amore nostro, fidelitate & obsequijs? sed potius audeamus offendere, vel venialiter, & non colimus & amamus omnibus nostris viribus & infatigabiliter Deum, qui omnibus viribus omnipotentia suæ creavit, & fovet nos, & perfectè ac æternè amat, & dilexit usque in finem, & usque ad mortem amavit? Quid est quòd semper amentes nobis, & inverecundi in suam Majestatem sumus, si credamus, si non verè credamus, dum se-gnes & torpidi manemus? Si non credimus, indubitanter, quæ major stultitia, cum homines omnia credant adulatoribus, quòd ad gustum suum loquantur quæ commoda illis sint, quàm non credere res fidei, quæ utilissimæ sunt nobis, ita esse; & maximi lucri & honoris nostri, quòd veræ sint? Quæ major irreverentia, quàm credere homini, cum omnis homo sit mendax, & qui falli possit; & non credere Deo loquenti nobis utilia, & ea confirmanti tot miraculis? Si verò credimus hæc, & contrà operamur, quæ major irrisio Dei, quàm respuere bonitatem suam.

ama-

amab
guine
infern
rare &
li; qua
bis m
mur?
per n
glori
O
venit
quàm
to cor
sti, aut
credis
major
esse, q
res; in
Steph
hierar
sum a
peter
Christ
intuer
trare
se affir
do. Q
non t

amabilissimam, nihili facere amorem, sanguinem, & beneficia sua, atque non timere infernum vel purgatorij pœnas, aut non sperare & desiderare ardentissimè gloriam cæli; quæ Deus magna putat, & ut magna nobis minatur, ac pollicetur, ut benè operemur? Quis major furor, quàm exponere nos per nostram socordiam periculo amittendi gloriam, aut morandi in purgatorij ignibus.

Oportet in omnibus nostris actibus convenire rebus, quas credimus; & plus affici, quàm si visu aut aliquo sensu & experimento constarent nobis. Accepisti corpus Christi, aut assistis tremendo sacrificio Missæ: si credis quòd Christus tecum aut præsens est, majori summissione & reverentiâ debes adesse, quàm si oculis tuis patenter conspiceres; majori fiduciâ precari, quàm si ut sancto Stephano tibi panderentur cæli, & videres hierarchias Angelorum comitantes Christum ad te descendentem, ut ab eo aliquid peteres: nam certius est per fidem venisse Christum ad altare, quàm si visu tuo illum intuereris. Hoc modo curet quisque penetrare veritates fidei, ac in earum certitudine se affirmare, consequenter perinde operando. Quo modo consequenter procedis, & non tibi ipsi imponis, cum dicas plus æsti-

mare minimam gloriæ particulam; quàm universi orbis imperium; & tamen pro cælo nec ullam voluptatem tuam velis negare, & pro rebus temporalibus sine fine labores, & angaris? Hoc videtur contingere non posse, nisi æstimentur plus terrestria & caduca, quàm cælestia & æterna bona.

CAPVT V.

De spe veniæ & zelo pœnitentiæ.

Qui plus bonus est, plus odit peccatum: qui plus odit peccatum, magis cupit destruere illud: plus igitur desiderat Deus dimittere peccata, quàm pœnitens ipse, qui veniam postulat. Deus magis bonus, idèd magis odit mala. Si peccator qui malus est, odit suum delictum, & vult destruere: quanto magis Deus qui optimus est? Quisq; quæ sua sunt, quærit: solus Deus quæ tua sunt, tuamq; salutem exoptat, ne dubites de venia & auxilio divino. Locupletissimum fidejussorem habemus Filium Dei, si velimus converti. Nec deest mansuetudo creditori, nec fors sufficiens fidejussori. Ne diffidas, peccator, ob enormem magnitudinem tui debiti: respectu infinitæ misericordiæ Dei, & meritum Christi, exiguum est. Infinitus noster thesaurus, JESVS est crucifixus. Stul-

tum

tum erit putare, maximum Imperatoris æ-
rarium non sufficere, si tibi concederetur, ut
inde solveres drachmam quam debebas :
stultius est morari, quò minus satisfacere
Deo velis, confidens in JESV.

Ridiculus eris, si tibi injustus es, qui alijs
esse utilis & beneficus gauderes. Quantum
gratulareris, si tuâ occasione & diligentia fa-
cta fuisset conversio sancti Augustini, aut
Magdalenz, aut Pauli Apostoli, aut alterius
magni peccatoris, quem adduxisses ad De-
um ; & modo id facere absque dubio cona-
reris, si in tua potestate esset facere aliquem
verè poenitentem & æquè sanctum ; ac Mag-
dalenam : recordare quòd in tua potestate
sit cum gratia Dei facere te poenitentem, &
feriò dolentem de peccatis, etiam levibus,
& valdè ferventem & sanctum : converte te,
& gloriare de tua conversione plus quàm
de aliena. Quis, dum non sit desperatus, si
jam moribundus præ fame esset, panem vel-
let dare leviter esurienti, nec indigenti illâ
misericordiâ crudeli, & se in extremis posi-
tum pateretur perire ? Te mone, te hortare,
tibi prædica : nihil desideratur, ut dimittan-
tur tibi peccata, nisi tuum desiderium, dol-
lor, & dispositio, ex gratia etiam. Ecce Deus
expectat paratus ; majus auxilium vult da-

re. Jam habes pignus suæ bonæ voluntatis, tuam voluntatem boni quæ à Deo est.

Nescio quomodo, cum constes corpore cognato brutis, & animâ cognatâ Deo, corporis tuendi artem commendes & quæras, at animæ medicinam à vitijs tuis & morbis contemnas. Præcipua sollicitudo sit præcipuæ rei. Prima cura animæ sit, propter quâ corpus est: & jam si prima, hoc modo sola, debet esse. Animæ morbi majores sunt, & plures, & perniciosiores; ejus medicina certa & sine dubitatione, cum sanentur, qui verè volunt sanari: corporis verò curatio est fallax; nam non statim convalescunt, qui curantur. Tum medicamenta corporis difficilia, amariora, majoris sumptûs, nec in promptu sunt; sed deportari est opus ex transmarinis, & ferè ultramundanis regionibus, quæ sunt in alio orbe: animæ verò remedia faciliora obvia, quæ non modò domi habeas, sed in te ipso, nec ultrâ tuam voluntatem. Cur igitur tot animæ tuæ malis non mederis, cum solliciteris in quavis corporis affectione malâ?

O summa Veritas Dei illumina me, quia ignorantia hoc efficit: nam corporis affectiones indicat animus, & sentit; animi verò morbos non sentit corpus: solum ab animo senti-

sentiri
langu
morb
medi
senti
gritue
corp
serun
mæ n
strad
gate,
vissim
expier
me ul
Qu
quod
statim
sentia
patea
certio
firma
debet
ne sin
sua re
incita
sunt &
Si mu
inclin

sentiri & cognosci possunt; sed cum id ipsum
languet, quò deberet judicare, ideo suos
morbos non judicat anima, nec quærit re-
medium, sed quò pejùs se habet, minùs se
sentit mai^{or}, quò magis ægrotat, minùs æ-
gritudinem suam cognoscit; velut membra
corporis graviùs laborant, cum sensum ami-
serunt. O Domine, quantum languent ani-
mæ nostræ, quæ non dolent tot defectus, di-
stractiones, negligentias & irreverentias er-
ga te, qui habitas in nobis! Da mihi, ut le-
vissimam etiam culpam fluvij lacrymarum
expiem, & toto corde doleam, nec patiar in
me ullam offensionem tui.

Quam excusationem potest dare homo,
quòd non convertatur, adhæreatque Deo
statim omnibus suis viribus? An quòd non
sentiat suum malum, cum ad oculum non
pateat? Sed jam per fidem monemur, quæ
certior est oculis. An quòd natura nostra in-
firma sit, & prona ad malum? Sed hoc ipso
debet quærere robur, arma & favorem Dei;
ne sine ope & armis jaceat in imbecillitate,
sua relictus inimicis suis. An quòd plura sint
incitamenta ad peccandum? Fallitur, plura
sunt & fortiora ad justitiam, & repugnandū.
Si mundus hortatur, Deus vetat, si natura
inclinat, gratia compescit: si dæmones sug-
gerunt.

gerunt, Angeli inspirant. An quod mali prosperantur? O insania, amare momentaneam prosperitatem, & non timere æternitatem calamitatum! An quod tempus speres in senectute reformandi te, nam, Deus expectavit multos? O insensate, non ^{is} est promissa vita, sed oblata venia. ô ingrate, abuteris gratiâ & patientiâ Dei. Cave; non injustè Deus aget, si non dederit veniam quando & quomodo vis, cum nolis modò cum invitat. An quod sit molesta via virtutis & spiritûs? Sed numquid placidior erit inferni aut purgatorii ignis?

CAPVT VI.

Forma peccatoris proponitur.

O Vos Cherubim & Seraphim, qui tegitis pedes & faciem, quia pudet non satis amare bonum meum Deum meum, commodate mihi linguam vestram, commodate vocem Archangeli, & tubam Dei, ut per universum tonem evocando mortales: Surgite mortui, etiam dum vivitis, & venite ad iudicium: venite, ut judicetis quoddam facinus stupendum, quod nunc contigit. Venite ut irascamini, venite ut rideatis, sed potius venite ut fleatis: historiam lamentabilem nuntiabo, quam certò mihi constat evenisse

nisse, ut arbitri de illa sitis. Feminam quandam, pedibus, manibus, & collo ligatam, trahabant quidam latrones volutando per scetida loca, eamq; in fornacem æstuantem incendio horribili conjicere volebant: occurrit tunc Rex, cui potentiâ & cæteris dotibus par nullus fuit, imò ille solus in se usurpaverat omnes naturæ liberalitates, & humanæ spei avaritias. Fortior erat Samstone, prudentior & locupletior Salomone, felicior & benignior Davide. Hic misertus fæminæ illius ut illam liberaret (solus enim erat) exposuit se morti, & acceptis magnis vulneribus, fuso toto cruore, fugavit latrones, & mundavit illam; quæ horrida sordibus fuerat, balneo facto de suo sanguine, cum aqua non suppeteret pura: accepit in sponsam, licet æthiopissa & invenusta esset; atq; sui imperij coronavit Reginam: extruxit illi prætorium magnificum; adornavit mirè, sculptis undique imaginem sui, ut conciliaret amorem & memoriâ sui in femina illa, disposuit familiam, & donavit ei innumeros servos; & quod plus est, ad eò extra se ferebatur præ amore illius, ut ipse ministraret illi etiam in obsequijs humilibus: deliciæ præterea suæ erant esse cum illa, aut cogitare de illa, nihil aliud quàm redamari desiderans.

rans: instituit denique hæredem Regni sui, promissis ad hæc multis donis maioribus, si servaret fidem. Nihilominus, quasi tot beneficia solum negotiarentur perfidiam & odium, contempto sponso & Rege, sollicitabat sponsa illa ad adulteria mancipia & servos viliores, qui stabula curabant: illi tamen fidelissimi Regi, partim fugiebant, partim præ dolore occidebantur; nam desperire malebant, quàm videre non servari fidem optimo Principi, & sponso. Demum ingemiscabant cuncti Regina iniquitatem; nec propterea desistebat illa cogere, prostituendo se omnibus. Nec stetit hic scelus: cum benignior erga illam esset sponsus, incredibile crimen excogitavit; prodidit illum, tradens hostibus suis, quos capitali odio prosequabatur Rex: quorum mancipium illum fecit scelestissima femina, & servire maioribus inimicis suis coëgit; qui excacârunt illum, & illuserunt: at quod mirum magis est, mansit illa oblita omnium beneficiorum & donorum, fruens Regno, & imperans præfractâ fronte securior & latior, quasi egregium aliquid patrâisset. Nunc iudicate, homines, nunc jus dicite: quis erit, qui non iratus indignatione adversus feminam illam nimiam, dicat: Vivit Dominus, quoniam filia mortis est

est femina quæ fecit hoc. 2. Reg. 12. Sed nec-
dum finita historia: nequitiam hæcenus de-
di, restat stultitia. Nam cum odisset & con-
temneret pulchrum sponsum Regem, ima-
gunculas illius, quæ per angulos aulae incisæ
fuerant, osculabatur, & summè venerabatur
ob pulchritudinem illarum: quæ tamen col-
latæ ad sponsum factæ erant, nec integrè re-
ferrebant totam illius pulchritudinem, sed
quædam oculos solum, aliæ manus, aliæ ora
repræsentabant: cumq; sponsus coram spon-
sa esset, ejus amplexus desiderans, illa terga
vertebat, pertæsa Regem, & icones illas que-
ritabat. Nunc judicate, ô mortales: Vivit
Dominus, quoniam filia risus est femina,
quæ hoc facit.

O utinam te capiam dolis Nathan, & re-
sipiscas pœnitentiâ Davidis! Tu es, ô anima,
femina illa. Hæc dicit Dominus Deus Israël.
Ego unxi te, ô homo; Regem super univer-
sas naturas mundi: tibi creavi omnia: ego e-
rui te de manu Saul & latronum luciferi &
dæmonum; de sordibus ubi jacebas, de in-
ferno ardenti quò ruebas: mundavi te san-
guine meo; & dedi tibi in cælis domum Do-
mini tui Dei, & omnes delicias divinas in si-
nu tuo: dedi q; tibi domum hunc mundum,
ut palatium regium, & creaturas omnes;

quæ

quæ tibi servirent. & si parva sunt ista, creationis, redemptionis & glorificationis beneficia adjiciam tibi multò majora: propter quod horum beneficiorum me insectaris, & contemnis? crimina tibi videntur beneficia mea? in me irasceris & animadvertis. ut in malefactores, qui puniuntur iis rebus ipsis quibus peccant: tu ipsis donis meis abuteris, velut damnans me in illis, ac si benefaciendo deliquissem. Quod beneficium meum meretur injurias tuas? Ego emendabo; ego ultor tuus ero adversus me: quia nihil nisi benevolentiam tuam desideravi magis; nec desidero, nec desiderabo. Paratus sum, ut me ames destruere mundum, si peccatum fuit contra te, illum fecisse. Si culpa fuit mori pro te, iterum moriar, ut satisfaciam; ut reconcilier tecum. Si scelus fuit, parare tibi gloriam meam & cælum; ut parceres mihi, relinquerem illud denuò, iterum exinanire me, & orbarem majestate & gloriâ. Cui putas, quæ in hominibus facta in alios, virtutes sunt laude dignæ; à Deo erga te facta esse delicta, opprobrio & damnatione digna? At si beneficia hæc censes, quæ in te unam omnibus meæ omnipotentiae viribus & doloribus cruciatuum acervavi & collegi: cur tu seligis in me majores injurias? Fortasse in

eo flagitium fuit, quòd dedi multa & magna; nam in singulis non agnosco culpam; ideo vis me punire magnitudine & multitudine contemptuum, & certare & vincere benefacta mea tuis opprobrijs? en, pessimarum feminarum selectas iniquitates in me amantem tuum tu una collegisti. Placuit tibi nequitia uxoris Putiphar; & statim in me machinata, vis adulterare cum servis, quos dedit tibi creaturas: & cogis ad hoc, nec discis fidelitatem earum, quæ fugiunt à te, ut Joseph & celeriter prætereunt, vel pereunt: omnes ingemiscunt & dolent præ parturientium dolore: nolentes quòd pecces in illis, nec ames illas, contempto sponso tuo, & Domino illarum. At tu addens iniquitatem, criminaris illas, quòd elabantur; & quereris de illis, quòd fugiant. Hæc est querela publica mortalium, quòd dij sui sint mortales, quòd pereant creaturæ. Accusas illas, quòd sint causæ ut tu adulteres; cum illæ innocentes, benevolæ tibi, & Deo suo fideles, fugiant à te, ne adulterium cum illis committas nimis amando. At tu, inquis, si essem locuples, si haberem divitias, si haberem commoditatem istam, pacificè servirem Deo, nec desiderarem plura: at quia omnia perdidi, & fugerunt à me bona, non possum non facere

hoc: penuria cogit me peccare, paupertas facit me desiderare res, & injustè cum iactura spiritus mei. Cessa queri, cessa criminari; & potius audi creaturas, quæ melius quàm Joseph officij te admonent. Ecce Dominus noster, omnibus tibi traditis, obliviscitur sui: nec quidquam est, quod in tua sit potestate, quod non tradiderit tibi, ut quidquid velis faceres de nobis, præter hoc unum amare nos; quomodo ergo potes malum hoc facere, & peccare in Deum tuum? Quomodo possumus nos sustinere tuum amorem, quæ sibi reservavit Creator, & non potius fugere? Ut tu dares te illi, dedit nos tibi: ut tu servias illi, nos servimus tibi. discè à nobis servire usque ad mortem, non adulterare. Ut tu subsistas, nos corrumpimur: nec enim malum, exemplum aut scandalum tibi dedimus: nō cupimus amari à te; sed quod des Creatori id quod melius habes, amorem tuum. Illum ama, & lauda, quemadmodum nos facimus. Discè zelum nostrum: nam ut tu facias idem corrumpi à te patimur libenter. Discè perire, ut vivat gloria Dei: nam ut tu vivas, interimus nos. Discè humilitatem nostram: nam cum germanæ tuæ simus, pares nobilitate, parentis; imò natu maiores, non erubescimus in rebus humilibus servire tibi, ut tu re-

gnes

gnes
vas in
sordes
vilia ob
stro: fo
hoc est
stri pr
de no
immo
tuam.
ni, aut
menta
gratias
Plac
Dalila
tem tu
quem
stibus
catoru
tuis; pr
tuis: n
bui, & i
nūs es
pluens
ctus ter
ens pal
cis, ut
avariti

gnes cum sponſo tuo, & illum ames. Ut tu vi-
vas in æternum cum illo, convertimur nos in
ſordes & ſaniem, non dedignamur omnia
vilia obſequia cum periculo & interitu no-
ſtro: ſolùm indignamur, in meliore ara Dei,
hoc eſt corde tuo, poſita eſſe ſimulacra no-
ſtri propter nimium affectum erga nos, &
de nobis ſæpius cogitari quàm de Deo, &
immolari nobis non animalia, ſed animam
tuam. Pudet, pudet victimam metalli terre-
ni, aut honoris humani, aut voluptatis mo-
mentaneæ, eſſe animum cæleſtem; & in hoc
gratiam divinam, & ex hac gloriam æternâ.

Placuit prætereà tibi, ô anima, perfidia
Dalilæ; & mox adverſum me Deum aman-
tem tuum, tentavi ſimilem. Prodidisti me,
quemadmodum Samſonem majoribus ho-
ſtibus meis captivum, ſervũ Philiſthæis pec-
catorum; nam ſervire me feciſti in peccatis
tuis; præbuiſti mihi laborem in iniquitatibus
tuis: neque ego ullum alium inimicum ha-
bui, & ita odi, veluti peccatum: tu nihilomi-
nùs es cauſa; ut ego faciens oriri ſolem, &
pluens opportunis temporibus, lactans fru-
ctus terræ, coquens poma arborum, condi-
ens pascua pecoribus, ſerviam gulæ tuæ: fa-
cis, ut conſans metalla in terræ viſceribus,
avaritiæ tuæ miniſtrem. O facinus, facere

Deum servum facinorum, captivum iniquitatum, promum condum scelerum. œconomum malignitatum! Vitia quoque tua mihi illuserunt quasi cæco. Ante judicem severum nemo auderet committere furtum, nec pueri ante pædagogum aliquid indecorum facere; at si eruas oculos, quidvis etiam, si sit præsens, patrant, motant gestus ridiculos, & illudunt ei impunè: sic tu etiam, si noscebas me præsentem, flagitia patrabas, quòd me cæcum facere voluisti. Tua scelera, hostes mei, id fecerunt; quibus tu excæcata, me quoque cæcum putabas sic demum me tradidisti adversarijs meis, ut ad illos occidendos opus mihi fuerit mori; nec melius quàm morte meâ occidere peccata instar Samsonis, justè potui.

CAPVT VII.

Altera pars parabole. Et quomodo creaturis utendum sit.

Sed & illud ridiculum prosequendum in consolabili fletu, ô anima, cùm cõtemptâ pulchritudine verâ sponsi tui, in imagunculis creaturarum partiales adumbrationes illius adoras. Si imperator quidam maximus designaret diem & locum, ut inauguraretur adoratione Procerum; & ad hoc coa-

to

toj
te red
reo, &
proc
sublim
vener
quen
ejusd
cies f
stin
omne
um Im
nec fle
eruber
sed ad
pressi
psum
torâ M
anima
creatu
gens &
lem, in
nens.
linquin
neratu
mus, &
fuit pra
attolle

Et jam populò, purpurâ indutus, diademate redimitus, armatus sceptro, torque aureo, & ceteris insignibus majestatis verend⁹ procederet, sedensque in medio fori super sublimem thronum, jam expectaret ritus venerationis; & si tunc omnis populus relinquens illum, verteretur ad statuam rudem, ejusdem Principis; cujus dimidia tantùm facies signata vix esset, & ferè deleta, sine distinctione lineamentorum, eamq; adorarēt omnes & observarent, relinquendo solitarium Imperatorem, ut nemo illum respicere, nec flectere genua vellet, quàm frigidus & erubescēs maneret. Quid si non ad statuam, sed ad vestigij ejus notam, quam in luto expressisset, accurrerent cuncti adoraturi; ipsum verò Imperatorem desererent, vanâ totâ Majestate, & spe suâ irritâ? Hoc facis, ô anima, concisam & informem bonitatem, creaturarum, quæ vestigium est divinæ, diligens & adorans; augustam illam, originalem, integram, & pulcherrimam contemnens. O homines, cur Deum solitarium relinquimus in Majestate sua? & ad quem veneraturi in vitam convocamur, terga vertimus, & præoptamus lutum; quale facinus fuit præponi Barabbam Christo, ut Christus attolleretur in crucem? quantum erit præ-

ferri cœnum divinitati, ut cœnum attollatur
in Deum?

Quid falleris anima? nosce, creatas boni-
tates solum esse offuscatas & rudes simili-
tudines Dei. Cur liturâ placet, & limpidum
& vivens archetypum non delectabit? Con-
stitue coram viatore defesso equum vivum,
& sculptum: anne ut commodè peragat iter,
accipiet statuam equi, quâ ipse onustus ma-
gis fatigabitur? cur oneraris creatis bonis,
ut iter vitæ peragas melius? simulacra sunt
bonitatis vivæ; cum Deo solum sine fatiga-
tione itineraberis. Offer famelico edulium
verum, aut pictum, anne saturari de picto
volet? cur tu imagines & umbras appetis,
non veram bonitatem? Absurdior est homo
quàm canis: qui si in frustum panis incide-
rit, panem arripit; non in umbram ejus, re-
lictio vero cibo, dentem conabitur figere:
tu, relicto Deo, umbram ejus amplecteris.
Cur vis partem plus quàm totum? Quis siti-
bundus videns duas amphoras, integram u-
nam, divisam in fragmenta alteram, con-
temptâ integrâ acciperet capulum solum,
concisâ, aut aliud fragmen inutile, ut hauri-
ret aquam, extincturus sitim ardentissimâ?
Creaturæ partiales sunt icones divinæ boni-
tatis, cujus perfectiones divisæ sunt per cre-

atas naturas: cur tu partem mavis quàm totum; & partem illius totius, quæ non juvat, nisi in toto? Nec creaturæ juvant singulæ, nec omnes simul, nisi in Deo: amphoræ confisæ nec quælibet pars, nec omnes simul ad hauriendam aquam prosunt: sola in integritate divinæ bonitatis sitim satiare potest appetitus.

Nosce imaginum usus: non sunt ut usurpent voluntatem, sed ut juvent memoriam. Tu oblitus Dei occupas voluntatem, sed non imples: inde quia numquam satias potes agnoscere abusum. Quantumvis ames bona mundi, & consequaris cuncta, eâdem inanitate & fame cupiditas laborabit. Panis pictus non satiat, sed figura est ejus quod satiat: sic bonitates creatæ non satiant appetitum, sed imagines sunt ejus quod satiat, nempe Dei. Perinde sunt voluntati omnia bona mundi, ut ignis pictus gelidæ manui: accipere, applicare illum potest; sed non foveri & recreari illo. Prunarum pictura oculos afficit, non frigentis hominis satisfacit tactui. Creatæ res mentem admonent, non satisfaciunt amor. Monitoria divinorum, voluit Deus in fimbrijs insui, manibus appendi, scribi in postibus & januis domorum; ne unquam Israël veri Dei oblitus, alienos ad-

oraret. Non minus diligens in mundana domo, quam ipse homini ædificavit, ubique monitoria sui insculpsit, in postibus, in januis, in pavimento terræ tot naturis, in laquearijs cælorum tot lucibus. Omnia bona rerum phylacteria tua sunt, ut Deum ames, & nihil aliud adores: ut quid, velut Pharisei, admonitionem contemnens, dilatas illa, & magnificas fimbrias, plura possidens, aut cupiens, aut magna reputans?

Intercipis consilia Dei, id ipsum adorans, quo providit, ut nihil aliud adorares, quam illum. Age, intercipe cupiditatem tuam, id ipsum quod appetit prævertens, objectâ divinâ bonitate; ut ex appetitu rerum, nullam rem appetat, nisi Deum. Occurrit aliquid amœnum, aliquid jucundum? statim validum clypeum oppone Deum. Quale hoc in sponso meo erit? nolo occupari in hac mica vetustatis, in hoc atomo dulcoris; sed totam amœnitatem hauriam in Deo, totum saporem glutiam: nolo ut Lazarus saturari micis. Si potuit delectare parvula litura, exemplarne limpidissimum minus poterit? Tauri divertuntur & illuduntur objecto pallio, aut aliâ re quam sine hominis periculo impetant: tu objice grassanti cupiditati Deum ut à rebus creatis divertas illam, in quem cum fructu

fructu
salubr
titus t
per qu
moria
Ipsa c
ti con
piet,
tur, &
tias a
lor ill
omne
ris. Co
& actu
diment
negot
xus g
jam n
fender
sordet
vidit
collata
creatu
le, tam
non vi
piunt
num, t
supere

fructu ruat. Hoc pacto, ô imbellis spiritus, salubriter & iustissimè prævaricaberis appetitus tui veneno; ut ipsa cupiditas rerum, per quam Dei solemus oblivisci, fiat tibi memoriale divini amoris, & stimulus charitatis. Ipsa cupiditas, quâ avarus nummum argenti concupiscit, si offeratur aureus, magis cupiet, quia in aureo valor argentei continetur, & exceditur: sic tibi concupiscenti divitias ac voluptates objice Deum, in quo valor illarum omnium continetur, & exundant omnes, ita incredibilem fructum experieris. Continuo præsens Deus obtendetur tibi; & acies amorem ejus, ut sine magno impedimento verferis inter humana & necessaria negotia, donec majores sponsi tui amplexus gustes, elevato & robusto spiritu, cum jam non inquietabunt te creaturæ; sed offendent adeo, ut ipsum cælum visibile tibi sordescat præ Deo meo & JESU meo. Ei qui vidit solem, non apparent stellarum luces: collatæ ad Creatorem, insulsæ & fœdæ sunt creaturæ. Sidera quia accipiunt lumen à sole, tamquam nihilum sunt ante solem, quia non videntur: sic omnia quæ sunt, quia accipiunt essentiam à te ô Deus amator hominum, tamquam nihilum ante te, ante tuam superessentialem essentiam & bonitatem.

Sed adhuc est fructus creaturarum eas fastidienti. Audis alium amare aut desiderare illas? erubescere, & luge hominem socium naturæ tuæ, oblitum Dei, atque attolle te, & restaurare satage opprobrium communis naturæ amando pro utroque Creatorem. Omnium amorum, quibus mundus amat bona caduca, reum te puta, & satisfac diligendo æternum. Omnium inclinationum, quibus res ad centra sua prorunt, debitorem te æstima; nec differas solvere, celerius mentem & amorem elevando ad cælum, quàm saxum dimitteretur à cælo. Omnia creata propensionibus suis vestigium bonitatis Dei amant, quærendo benè esse: pudeat te. & plores veram ipsam bonitatem propensius non amare, cum fortior sit gratia, quàm natura. O quale illud erit, cujus umbram tot conatibus amant creaturæ; ad quod aspirat & concertat totalis omnium amor! Tu omnes dispersiones inclinationum, omnes errores cupiditatum in te congregare cura, ut in Deum contendas & emendes oblivionem hominum.

CAPVT VIII.

Affectus veri penitentis.

TRansfer, transfer à me peccata mea, ô Pater amantissime, qui in cælis es. Sic te

invo-

invoc
tissim
Patre
quibu
cio tib
nume
rem
vultu
Sed
malit
deler
guinis
Osten
non m
Post n
lera n
pessim
crimi
do po
& des
mea,
ama v
ere ill
lixivi
tiam
à pat
Christ
go di

invocare audeo, consensu & doctrinâ amantissimi Filij tui *Jesu*, ut te distinguam ab eo Patre, quem in inferis elegi sceleribus meis, quibus malui esse filius diaboli, & fui diu. Facio tibi palàm peccata mea immania & innumera: quæ si possem, illa potius occultarem & obliterarem sanguine cordis mei, ne vultus tuus læderetur horrendis spectaculis. Sed quia nec omnium hominum nec animalium sanguis unum solum occultare & delere potest, ostendo tibi, ut unâ guttâ sanguinis dilecti Filij tui *Jesu* penitus aboleas. Ostendo tibi quæ peccaverim in te: nam non minuit, malitia mea bonitatem tuam. Post malignitatem meam, & innumera scelera manes, ô Pater bonus. Si ergo malus & pessimus ego perhorresco, & nollem videre crimina mea: tu bonus & optimus quomodo poteris ferre talia spectra, quin aboleas & destruas? Plus tu bonus odisti peccata mea, quàm ego pessimus nunc odi, & antea amavi. Tentavi flumine lacrymatum abludere illa, sed non nisi cruor amati mei *Jesu* lixivium peccatorum est. In inferno nequitia mea sum; non guttam aquæ, ut ille dives à patre Abraham, sed guttam sanguinis Christi postulo à Patre misericordiarum ego dives & locupletissimus omni iniquita-

te. Hæc meâ petitione nolo fraudare justitiam tuam, sed solum nolo offendere bonitatem tuam. Ut abluas culpas magis precor; quàm quòd remittas pœnas.

O Pater cœlestis, perinde exosculor & amo justitiam tuam erga me, sicut misericordiam tuam: non tam precor indulgentiam pœnæ, quàm culpæ veniam. Opto summo perè, & ex toto corde, omnium creaturarum desideria in unum cogere: & vellem omnia simul desiderare, ut vindicet justitia tua peccata mea. Omnium dæmonum & hominum pœnas infernales in me unum, susciperem libentiùs, nec terrerent illæ, ut non terreret me facies tua. Majus malum est peccatum meum, quàm illæ: imò non est comparatio, quia solum peccatum meum, malum est, illæ bonæ sunt, quia tu infligis. Atque si haberem illas, non me facerent ex eo magis malum, temperatâ & immixtâ malitiâ meâ cum bono illarum, nec haberem malitiam meram à me, sed cum aliquo bono à te ex justitia tua.

Sed ô Pater misericors, vereor, ne dum cupio humiliter detestari peccatum; denuò superbè peccem: optarem descendere in infernum; si fieri posset ut simul gratiam tuam obtinerem. Quomodo ergo plenus peccatis

catis audeo optare, quod Sancti tui amici optaverunt? Quomodo ego solum infernum desiderabo, qui solus peccator peccatorum sum. Quis locus inferni mihi erit? an in profundissimo ad pedes Luciferi? Si hanc jã opravit sedem aliquis amicus tuus, quomodo ausim ego? Locus est ille concupitus à Sanctis tuis, & gradus ad cælum alicui fuit. Servus tuus ex Dominicana familia frater Trigman, cum nullum sibi locum congruum reperire putaret, nisi in profundissimo inferni sub ipso Lucifero, audivit vocem è supremo cælo delapsam, invitantem, Citò huc ascende, ad thronum altissimum, in cor Dei Patris: quomodo ego illum locum audeo appetere? Quid ergo? erit alius locus infra omnes mihi peccatori super omnes? an ad pedes Judæ? Sed hunc locum sibi arrogavit jam alius servus tuus, meus Pater beatus Franciscus Borgia, qui & decessit illo loco, cum attendisset à Domino meo JESU humilimo occupatum aliquando. Qui locus mihi restat? an sub pedes ejus qui alapam JESU dedit, cum sæpius ego colaphum impegerim? an sub pedes Caphæ, cum quotidie damnaverim ego Christum; & jusq; doctrinam? an ad januam inferi, ut omnes introeuntes me pessumdent? an expectabo præcipitium

An-

Antichristi in barathrum infernale, ut subter
ejus pedes patiar? O benignissime Domi-
ne, pejor & pessimus omnium peccatorum
sum ego: non mihi locus est in inferno, quia
indignus omni loco sum. Indignum me ac-
cuso etiam societate dæmonum, ut mihi soli
infernus vilior & atrocior præparandus es-
set. Ego sum opprobrium naturæ, pudor ge-
neris humani. Si in te Pater verecundia ca-
dere posset, nullius rei te puderet, nisi quod
tam horrificum & abominabile monstrum
conserve in mundo, ut meæ culpæ me fece-
runt.

Quin & ipsis dæmonibus dedecori sum;
& à sua societate infernali meritò me repel-
lerent. Nónne pejor sum dæmonibus? in
natura apertum est: in moribus etiam fate-
or: nam video plura in me propter quæ id
concedam. Siquidem dæmnatio dæmonum
unicum peccatum cogitationis fuit: mea ve-
rò fuit infinita peccatorum gravissimorum
opera. Quæ distantia erit à malitia illorum
ad meam? quæ est ab unitate ad numerum
innumerum. Sed mutantur condiciones ad-
huc, majorem nequitiam meam agnosco, &
si dæmones propter innumera peccata dæ-
mnati fuissent, & ego unum solum haberem:
nam dæmones non peccarunt contra De-
um.

um, qui propter ipsos Angelus factus fuit, non experti erant tantam bonitatem Dei: non peccarunt contra Deum, qui pro ipsis crucifixus fuit: non peccarunt contra Deum, qui se ipsis dedit in cibum: non peccarunt contra Deum, qui tam sublime sacerdotium illis reliquit: non peccarunt, contra Deum, qui exemplo suo eis dedit documenta bene vivendi, qui per triginta & tres annos continuis laboribus eos docuit. At ego peccavi (proh anima mea, quomodo non liquefis, cum tale cogitas?) contra Deum, toties optimum mihi, qui pro me mortuus est, qui mea peccata in cruce lacrymatus est, cum clamore valido, & in horto guttis sanguinis luxerunt singuli artus ejus meas singulas culpas. Ego indignior sum Lucifero, indignior dæmonibus, indignior Judâ, qui nondum viderat JESVM pro se mortuum; indignior Antichristo, qui non toties experietur tantam misericordiam Dei, ut ego: meritò igitur dedignari possunt mei contubernium; neque infernus dignus me est, nec tantam iniquitatem meam capere volet.

Plus quàm infernum hunc mereor: mereor esse extra omnem naturam, ne inhonorem illam, qui dedecoravi decus suum: occidi, quoad in me fuit, patrem ejus: abstuli

coro-

coronam creaturarum de capite suo. contemnendo auctorem, singulas creaturas inhonoravi: ideo deberem esse scopus odij omnium, & gaudere meâ annihilatione possent. Fortasse hoc peterem, si simul fieri potuisset quod ego dedecus naturæ, injuriæ gratiæ, irrisio Divinæ voluntatis non fuisset, tamen, quia mereor torqueri, quem locum inveniam?

Tu ô Potentia infinita, ô Sapiencia incomprehensibilis, ô Justitia immensa, quæ-rere potes quid de me agas. Interim dum, locus invenitur, & præparatur. expecto non sub satana, non ad pedes Judæ, nec interim, occupabo locum Antichristi; quibus locis adhuc me indignum fateor: sed ad pedes Filij Dei, & Matris ejus stantis & lacrymantis ad pedem crucis mei JESV; qui majorem patientiam habent, & tolerabunt me, quem non tolerarent satanas, nec Judas, nec concilium damnatorum: Parce, quæso, si abutar patientiâ Filij tui, & Virginis ejus Matris. Ad pedes JESV & MARIÆ jaceam: noscunt jam hæ plantæ calcare venenata. Ego sum chimæra illa virulenta & ferina, & quadriformis deformitas, & monstrum multiplex; oculos basilisci habens, caput aspidis, ungues leonis, & immanitatem draconis. Sed ô Pa-

ter

ter misericordiæ, quia super me aspidem & basiliscum non potest modò ambulare IESVS meus, nec conculcare hunc leonem & draconem; fixos suos pedes mea peccata tenet; conterat interim malitiam meam planta beatissimæ MARIÆ meæ matris, cõterat misericordi intercessione suâ hujus serpentis caput. Ego sum causa doloris ejus, & reus suarum lacrymarum: de me conqueri jure potest, & in me sævire. Assueti etiam sunt, monstra peccatorum tolerare & tollere pedes purissimi JESV. Non quæro illos inter epulas & delicias, ut Magdalena; sed inter clavos, cruces, dolores: & quia rigare illos lacrymis nequeo, cupio illorum cruore ablui. Non irretiam capillis illos pedes quos video, ne fugiat Dominus meus horrorem & fœtorem mei peccati: implexos ferro acutissimo video; officium meum fuit hoc. At si gratum fuit his pedibus beneficium à Magdalena factum, etiam jucundum fuit tormentum quod ex meis peccatis occasionem habuit. Ego, Domine, confixi illos: plus mea valuit in hoc malitia, quàm bonitas omnium creaturarum. Angeli dolent ac stupent; creaturæ tremunt ac conqueruntur: repugnat omnis lex, reclamat omne jus: solum peccata mea mortem Unigeniti Filij

tui postularunt & patrarunt. Palàm hoc obtestor, si fortè hoc modo includar in oratione IESV. Ipse ipse oravit pro crucifigentibus se. Ecce adsum, ego fui crucifixor, & carnifex præcipuus: ego carnificum manus armavi, & imposui malleum in dextera, & clavum in sinistra. Ego primus impuli manum, ut transfoderentur tenerrimi pedes. O quantum majus peccatum meum quam carnificum; qui Pilati sententiam, & Iudæorum voluntatem impleverunt! Illi crucifixerunt iussi, quem putabant hominem, & malefactorem, & toto vultu deformem ex calamitosa illa nocte. Ego crucifixi illum denudò jam gloriosum, qui pro me jam crucifixus erat. Quis Iudæorum videns Christum, ut vidit sanctus Stephanus ad dexteram Dei, auderet tollere illam vocem. Crucifige, crucifige; at ego ausus sum non dicere modò, sed plus quam facere. Ego purgo, & excuso carnifices Christi: illi in die extremo confundètur videntes gloriosum quem confixerunt; ego videns gloriosum crucifixum pro me, non confusus sum, sed iterum crucifixi: quam ergo excusationem ego habebor?

O Pater, quoties hujus memini, considerans tuam infinitam misericordiam, quam tantam meam ingratitude[m] sustinuisti.

non

non p
neque
tati de
Eritne
nus? d
tia? le
mor
Dei c
re &
terun
ciscen
mera
quand
lem r
ut res
Maue
ruam
stitian
Paulu
runt e
mei, a
CHR
Alexa
se solu
rum;
nem.
elegi
Ego

non possum non optare mihi tuam justitiã,
nequeo recusare inferni pœnas meæ iniqui-
tati debitas, dum tamen culpa deleta esset.
Eritne infirmior divinus amor, quàm huma-
nus? debiliior charitas; quàm concupiscen-
tia? levior amor tui quàm amor mei? Si a-
mor mei contemnere Deum potuit: amor
Dei cur non poterit me penitus contemne-
re & humiliare usque ad inferos? Iterùm, i-
terùm exosculor justitiã tuam: puni & ul-
ciscere in me tuas offensiones: nam qui re-
meravi omnia attributa; ut destruerem,
quantum in me est per peccatum; nunc ra-
lem remissionem & pœnitentiam vellem,
ut restituantur omnia, & integra maneant.
Manebunt, Domine, si per misericordiam,
tuam mihi tuam gratiam dederis, & per ju-
stitiam pœnam meam. Servi tui Moyses &
Paulus, anathema pro fratribus suis volue-
runt esse: ego pro Deo meo, pro justitia Dei
mei, anathema & maledictum volo esse, ut
CHRISTVS JESVS fuit pro me. Coriarius ille
Alexandrinus optabat reliquis paradisum,
se solum dicens inferni cruciatus ingressu-
rum; & Magni Antonij superavit perfectio-
nem. Sancta Christina, potiùs quàm cælum,
elegit maximos cruciatus pro animabus.
Ego, ut salva sit justitia Dei quam violavi.

cruciatu inferni non debeo rejicere. O si imitarer IESVM, qui cum inseparabilis à Patre sit, descendit ad miseriam nostram, ut maledictum esset, ego quoque vellem inseparabilis charitati tuæ fieri maledictum, fieri anathema usque ad infernum; etiam ibi amplexarer IESVM meum. Duo sunt mihi brachia: unum est humilitatis, quod illi superponerem, & sacratissimæ suæ humanitati unire; alterum dexterum est amoris, per quod Divinitatem circumplecterer. Eja Pater, ad pedes IESV, per ipsum IESVM, precor deleas sceditatem mei peccati: per illum ipsum à te impetrabo ut ignoscas, per quem tu non impetrasti ut non te offenderem. Major est tua bonitas, quam mea malitia: valet tamen potius crucifixus Christus flectere & inclinare bonitatem tuam; & non prævaluit apud me flectere & declinare malitiam meam.

CAPVT IX.

De ardenti desiderio servientium Deo.

Non est justum desideres exiguum ô pusillanimis spiritus, quod summum bonum es. Gratia & natura sorores sunt: eundem auctorem & patrem Deum habent. Si desiderare non discis à IESV tuo, qui desiderio

desi-

desi-
fiden-
sce à
piscat-
cui re-
appre-
tia e-
magis
quàm
fursu
calu-
ditas
nirer
derat
men
dedit
tis e-
clam
prim
imbe-
feroc
nece
tem
lis e-
mod
sum
dispo-
cupi

desideravit pati pro te, ut te pudeat non desiderare ardentissimè gaudere cum illo; discere à rebus naturalibus, quomodo concupiscas cælestia. Natura nullum concedit alicui rei bonum, nisi ejus præcesserit magnus appetitus: ita nisi ardens desiderium ex gratia etiam præcedat, non consequeris donum magnæ virtutis. Res naturales plus oprant, quàm consequuntur: ignis cùm ascendit, fursum, nil magis appetit quàm contingere cælum; & tamen illuc non pervenit: sed cupiditas illa nimia opus fuit, ut in locum perveniret sublimem. Saxum cùm decedit, desiderat descendere usque ad cor terræ; & tamen permanet in ejus superficie. Quam ardentissimam affectionem ingessit etiam brutis erga fetus: vacca absente vitulo, mugit & clamat: & illuc, ubi putat esse, regreditur ut primùm potest. Animalia, quæ timida aut imbecillia sunt, amor prolis armat, irritat & ferocia reddit: hoc vehemens desiderium necessarium fuit ad vincendam difficultatem procurandæ sobolis. Res summè difficilis est, perfecta virtus & unio cum Deo: quomodo difficultatem poteris vincere, nisi summè desideres? Appetitus naturalis est dispositio ad perfectionem naturalem: sic cupiditas magna & supernaturalis præpa-

rat ad perfectionem supernaturalem, & ad suscipienda plura dona Dei, & maiorem gratiam. Avaris & mercatoribus, qui plurimum avidi sunt, comparavit Christus eos qui quarunt Regnum Dei; ac beatos prædica- vit, qui esuriunt & sitiunt iusticiam, duos ar- dentissimos appetitus uni rei copulâs. Nul- lus est modus in desiderio placendi Deo; nullum est medium nec modus, nisi semper absq; modo & interruptione; & infatigabili- ter optare & amplecti crucem, & nunquam esse saturum patiendi. Sic intento & omni- modo animo debes servire Deo: nam alio- qui non rectè servies: tota enim illa voluntas requiritur, ut non deficias. præ difficultati- bus, nec omnes adhuc vires possibiles pos- sent satisfacere particulæ divinæ infinitatis.

Deus infinitus est: vide tu pusillanimis, quomodo audes limitare desideria tua. Hæc bona caduca desiderantur centies & millies, plusquàm petunt & merentur desi- derari, & tamen non obtinetur. Deus im- mensus & infinitus, cum deberet desiderari plusquàm infinitè: quomodo tam languidè & remissè ad illum aspiras, & sine astu desi- deriorum indignè vis possidere? Excita te, & pudeat non desiderasse illum, plus quàm a- lius homo desideravit bonum creatum; imò, plus-

plusquàm alia creatura desideravit Deum ipsum. Vehementissimum desiderium, clavis aurea est Regni cælorum, & totius profectus. Sicut enim sine desiderio nihil fit, ita sine ardentissimo desiderio difficillimum omnium perfici, & obtineri nequit. Gaudia terrena ut obtineantur, requirunt pro pretio sui multò majora desideria, quàm valeant, ut possint comprehendi & haberi vincendo difficultates consecutionis: quantus pudor est ad gaudium æternum infinitatis divinæ intèdere tantò minori affectu, quàm illud valet, & petit, & tu potes?

Da mihi Domine, qui coarctaberis usquequò in tuo cruore fuso baptizareris, præ magnitudine desiderij patiendi pro me, ut te desiderem. Quid mihi debet esse in cælo & in terra nisi tu Deus, & amator mei, & post te, nisi solum pati pro te & tecum? Ardentissima pœnitentia, & debitus bonitati infinitæ amor est, cum pro levissimo peccato veniali vellem pati, quantum in me est, per infinitos annos inferni supplicia, etiàmne aliqua creatura illud committeret: quantum, Domine, deberem desiderare pro meo profectu, & ne comitterem ego illud? & tam parum nihilominus sollicitor pro gloria tua. Nihil aliud deberem facere, nisi votis precibus,

bus. suspirijs, lacrymis, ad hoc anhelare; & cum re nihil magni efficere possim; comparatione magnitudinis tuæ, desiderijs curare excedere imbecillitatem meam, & supplere paupertatem propriam.

CAP V T X.

De contemptu & recessu mundi.

Non solùm tristitia mundi, sed & gaudia luctuosum & noxium finem habent: at in virtutis via non solùm lætitia, sed mœror ipse & tristitia gaudium summum continet, & obtinent. Quid tristaris & tepestis in via spiritûs? Cum magno tuo periculo diligis, si quidquam mundi amas: imò tua optas pericula, ubi adhuc ipsa bona quæ pretiat, sunt mala, & corrupta, & te corrumpentia. Si modicum fermenti totam massam corrumpit: quid illi sanum & azymum erit, qui mundo miscetur, ubi tota massa corrupta, & fermentum est; ubi solùm boni putantur qui sunt mali, & mali sunt plurimi? Qui semel mortuus est mundo, caveat ne postea moriatur Deo, redivivus mundo; & aliquid terrenum exoptet, licet non possideat nec fruatur. Plus nocere solet amor temporalis rei, quàm possessio & usus: non res, sed affectio nocet nobis, quæ vehementior est carenti.

renti. Ne sis, juxta sanctum Iudam, arbor bis mortua & infructuosa. Mundo moritur, qui è mundo egreditur: Deo moritur, qui ad mundum regreditur. Hic postquam amisit fructum & commodum mundanæ vitæ, fur-
sus amisit fructum spiritualis; ideò omnino inutilis, & sibi sine fructu ullo. Eum qui mortuus est, mundus non patietur. Pelagus est mundana vitæ: mortuos mare non sustinet, sed intra triduum ejicit.

Cave ne fallaris, si nunc cùm non tractas mundum, putas esse bonum: memento fuisse malum, cùm illum tractabas, & non à longè noveras; propterea illum fugisse. Crede magis experientiæ tuæ, certè, quàm opinioni fallaci: crede magis tibi testi oculato, quàm absenti. Scito non esse mutatum, postquam inde discessisti; nec meliorem tempore factum, nec securiorem de die in diem fieri, sed perversiorem indies. Quotidie labitur: ætate plus delirat; majorem error auctoritatem senectute obtinet: purioris vetustate malitiæ vinum propinat: annis magis præscribunt vitia; excitantur quotidie nova. Quia erat malus mundus, tolerare non potuisti: nunc cùm deterior est; cur vis amplecti? Ipsis mundanis, qui illum constanter & fideliter amarunt, intolerabilis est & infidus.

& de illo queruntur : qualis erit tibi , qui ab eo, & à Deo defecisti, utrique infidus. Quare ut fugitivum mundus te flagellabit, & Deus ut perfidum non te defendet. Major ratio te constringit modò ne regrediaris ad desideria mundi, quàm fuit egrediendi : at saltem eadem sunt causæ , quæ fuerunt recedendi ab illo. Deceptus sibi est & cæcus, tibi fallax, vilis in se; despiciendus, tametsi alicujus pretij fuisset, quia maxima bona impedit, & cruciat amatores suos; undique periculis refertus, non solùm ipsarum rerum temporalium, sed, quod plus est, æternorum bonorum. Totus est mendacium: nam præter maliciam & inclinationem ad fallendû, ipse in se est deceptus; ut etiam cùm non velint homines mundani fallere, te fallent. Ipsa sapientia mundi, stultitia est. Quomodo in illo videbitur veritas, ubi etiam ipsum lumen sunt tenebræ. Quales erunt tenebræ & totus apparatus mundi & fundamenta ejus, sunt instrumenta cæcitatæ, & obtundunt aciem judicij; superbia, gula, libido, invidia, ambitio, iracundia: quibus accedit perfidia; ut ipsum cui magis favet, velut Judas Christum, osculo suo tradat perditioni, & potestati tenebrarum.

Fallax mundus est: suam gloriam, quæ nihil

hil est, summo pretio vendit. Parum esset, si nihil solum esset, nisi ignominia esset: gloriantur homines, quorum oporteret puduisse: divitias cuique mentitur permansuras contra fidem experientiæ, cum per tot manus transirent, ut ad eas venirent, quibus nunc possidentur. Bona simulat, quorum singula non minùs sunt quàm trina tormenta: adeò superant in mundo mala & angores, ut sesquiduplo sint cruciatus & tormenta affligendi plura, quàm res sint in illo, & quæ bona putat. Unaquæque res antequam habeatur, ut obtineatur, angit sollicitudine & labore; postquam obtenta est, timore & curis ne amittatur; at jam amissa, dolore & carentiâ ejus. O veritas cælestis, quid magnagam, si non desiderem hoc mendaciorum & angorum chaos? Si relinquam pro te rem tam vilem; quæ propter se aut propter me relinquenda esset? Ethnici plures Philosophi reliquerunt mundum propter pacem suam: cur non relinquet fidelis propter gloriam suam, & tuam? Illi reliquerunt mundum, quia in se contemptibilis: cur Christianus non contemnet, quia tu inæstimabilis, & gloria, quam sperat, sine pretio sit? Et si bonus esset mundus stultum esset si præponeretur illi rei, in qua est omne bonum.

CAPVT XI.

De modo acquirenda pacis.

Non potes benè vivere, nisi continuò moriaris, & vincas naturam tuam: non poteris habere pacem, nisi te oppugnes: hæc via lætissimæ libertatis. Cura alterius voluntatem facere libentiùs quàm tuam, & numquam infensus eris: ama potiùs minus habere quàm plus, & de nemine querêris: elige semper inferiorem locum, & subijci universis, & vix tristis eris: exopta pati, & ferre, aliquid pro JESU, & neminem invenies gravem: in omnibus Deum quare, ut in te ejus voluntas fiat, & numquam turbaberis. Si alterius hominis voluntatem debes, potiùs facere, quàm tuam; cur non divinam voluntatem facies, & gaudebis, si in te impleatur. ?
 Observa hæc in corde tuo, ut perpetuâ pace fruaris. Non potest obtineri vera tranquillitas, nisi per contemptum mundi, & victoriam nostri. Duplici modo hoc fieri potest, si vim tibi inferas contra id quod tibi videtur in mundo aut in natura bonum, & delectabile; aut si cognoscas non esse bonum, & judices omnes res in veritate: hæc via suavior est, & permanentior, quamvis contradictionem tui appetitus debes semper.

per cum magno fervore adjungere. Qui tamē in fide & spiritu sibi persuadet rerum veritatem & vanitatem; facillimē se vincet, & contemnet mundum.

Nihil magis oportet ad profectum, quā rectum judicium de rebus ferre, & sensum habere juxta doctrinam JESV. Quid audis de ore sanctissimo ipsius veritatis? Beati pauperes spiritu, beati qui lugent; beati qui persecutionem patiuntur. Cur ea, quæ Veritas Dei censuit beatitudines, tu censebis gravia & molesta? quomodo non deciperis, si ea putes mala, quæ de fide constat esse bona, & facere beatos? Credimus mysterium sanctissimæ Trinitatis, quia Christus illud revelavit nobis. Idem JESVS etiam revelavit, non esse mala, sed bona, quæ mundus fugit, paupertatem, dolores, injurias: neque minus debet credere, ista esse bona patientibus, quā Deum esse Trinum & Unum, qui cognoscit sic docuisse Christum. Æstimemus ergo veritatem, & contraria mundo judicia habeamus. O Veritas æterna, da mihi, ut omnia temporalia judicem mendacia; & quæ multū nocent, ne judicem magna bona, juxta doctrinam tuam! Da mihi, ne deceptus vivam, ea magni faciendo, quæ odisse debebam. Si de fide est, paupertatē, humi-

humiliationem, afflictionem, esse non solum bona, sed beatitudines: quomodo non eligo habere minus quàm plus, despici quàm laudari, affligi quàm deliciarî?

Qui in fide & veritate ambulat, æstimans ea bona quæ Christus iudicavit, tanto operè debet abesse a tristitia propter inopiam suam & molestiam, ut summis has votis deberet desiderare, & latari in illis, atque omnino & non ex parte abhorre ab omnibus quæ mundus amat & complectitur; & admittere, & concupiscere ex toto corde suo, & ex tota anima sua, & ex omnibus viribus suis, & ex omni mente sua, quidquid Iesus amavit & amplexus est. Quemadmodum mundani, qui ea quæ mundi sunt, sequuntur, diligunt & quærunt magna cum diligentia honores, famam, magni nominis æstimationem in terra, sicut mundus eos docet & fallit: sic qui procedunt in spiritu & veritate, & ferio Christum Dominum sequuntur, amant, & ardentissimè exoptant, quæ his omnino contraria sunt; indui nimirum eadem veste, ac insignibus contemptibilibus, quibus Dominus gloriæ indutus est. Adeò ut, si sine offensione ulla divinæ Majestatis, & absque proximi peccato foret, vellent contumelias, falsa testimonia, injurias pari, ac
 stulti

Multi haberi & existimari (nullâ tamen ad id per eos datâ occasione) eò quòd exoptant assimilari ac imitari aliquo modo Filium Dei. Ad hoc majus & impensius studium tuum sit, quærere majorem tui abnegationem, & continuam in rebus omnibus, quoad poteris mortificationem. Cur vis deceptus vivere, non æstimando quæ æstimavit Deus, & ita honoravit, ut Filio dilectissimo & unigenito dederit?

Profectò quamvis bona non essent, hoc solo titulo quòd *JESVS* ea elegerit sibi, honoratissima manebant, & digna ut toto corde concupiscerentur à nobis: & hoc solo quòd mundana bona rejecit, infamia & vilia sunt, omnia quæ homines magnificiunt, & digna ut plus quàm mortem horribilia formidemus: *JESUS* victus amore nostri elegit quæ mundus odit: cur nos pro amore *IESV* non admitteremus illa? Quid dico, pro amore *IESV* pro amore nostro id deberemus facere. Qui amat animam & vitam suam, amet mori in vita. Cur si amas vitam, non amabis potius æternam & beatam, quàm illam miseram & momentaneam? Quicumque amat sibi aliquid, illud vult quod præstantius est: quare qui amat vitam, debet amare non temporalem, sed æternam: qui amat bona,

non

non debet amare mundana, sed cælestia: ideo per ipsum rerum amorem cogi debemus, ut omnia mundi bona contemnamus: nemo est qui amet aliquod bonum, qui non malit illud perpetuum. Absurdum est & contrarium, quod experimur: nam per ipsum rerum, & vitæ amorem, jacturam magnam facimus ejusdem quod optamus. Dic mihi, ô miser mundi amator, qui æternæ vitæ oblivisceris, utrum ista temporaria contemnas an diligas? Si contemnis, ideo debes facere ut meliora appetas: si diligis, tantò magis diligenda sunt majora. Quomolibet convincimur amare æterna: quæ tantò majora consequemur, quantò magis hic denudamur, vilipendimus, & affligimur pro Deo. Non tamen sunt condignæ passionēs hujus temporis ad futuram gloriam: nam quod momentaneum est & leve, æternum gloriæ pondus operatur in nobis. Commeatus æternitatis facillimè præparari potest, & diligentissimè curari debet. Quicumque locum aut agrum, in quo diutiùs commoraturum putat, locupletissimè præparat; & ubi parvo futurus est tempore, parum & contemptim curat: restat nobis æternitas in alia vita; præparanda merita sunt, ne perversâ provisione impendamus brevi tempori curam

ram maximam, & maximo tempori curam
brevem.

Verum non solum pro vita æterna, sed
pro temporali debemus temporalia odisse:
inquietant nos, & angunt mille curis, ut con-
sequamur; mille timoribus, ne omittamus:
ægrè ferimus quamlibet jacturam; quæ cum
frequentissimè accidat, in continuis mæro-
ribus, iracundijs, & infinitis perturbationi-
bus volvitur. Solum qui contraria mundo
voluerit, sine contrarietate & cum pace san-
cta vivet. Unde igitur merentur nomen bo-
norum ista, quæ nos affligunt, & nocet? Op-
posita potius sunt judicanda bona: quæ citi-
us bonos nos faciunt commemoratione,
conditionis nostræ, recordatione Dei, occa-
sione merendi, & imitatione unigeniti Filij
Dei. Verissimè dilector hominum JESVS ea
dixit, non tantum bona, sed beatitudines.
Philosophi quoque Gentium præstantissimi
non judicârunt bona quæ mundus magni-
faciebat, sed contraria. Aliqui oderunt &
recusarunt omnia bona temporalia; ut sal-
tem in hac vita temporalem beatitudinem
consequerentur, sepositis curis & timoribus,
& omni animi perturbatione. Pudor noster
est, quod sine exemplo Filij Dei illa præsti-
terint Ethnici, & sine spe aliorum bonorum.

& cum mundus adolescentior & speciosior erat, & locupletior bonis suis, licet fucatis. Nos autem habemus gloriam imitandi Jesum, & mercedem in cælo: mundus præterea nunc deterior & deformior est, qui non solummodo caret solidis bonis, sed etiam caducis: vix jam habet ut fallat: splendor ejus fucatus jam deest; ut nos decipere non possit, nisi nos metipsi decipiamus.

CAPUT XII

De excellentia ejus qui est in gratia.

Quid de mundo quæris, si es supra mundum? quid de terra amas, si amaris à Deo? Quomodo in natura hæret, qui ascendit ad gratiam? O bonum numquam intellectum, & passim neglectum! maxima & pretiosa nobis promissa donavit Deus, ut per hæc efficiamur divinæ confortes naturæ. Quid quærit præter Deum, qui invenit gratiam Dei, quæ hominem attollit super omnem naturam, etiam altissimorum Thronorum, Cherubim & Seraphim, si horum substantia per se, licet eminentissima super omnem aliam creatam, spectetur; & Deum facit patrem nostrum, amicum & socium inseparabilem. Præcedere alium loco aut gradu aliquo inter homines magni fit: quale erit

rit omnes naturæ gradus excedere? Quamvis mundus pretiosissimus esset, & res humanæ æstimabiles, deberent contemni ab eo qui est in gratia. Dæmon superbissimus est; non tamen æstimat opinionem hominum, nec amittere aliquid putat, licet maledicatur: non captat applausus humanos, non æstimat res materiales, dedignatur gustus hominum, ridet res nostras, hoc solum quod altioris sit naturæ: quomodo qui evectus est ad consortium naturæ Dei, qui in supremo rerum gradu positus est, sollicitatur pro rebus vilibus? Planè si homo intelligeret celsitudinem, ad quam pervenit, postquam benè confessus est, & accepit gratiam; non erit necesse aliud, ut universa penitus despiceret & rideret: neque ut ad contemptum mundi induceretur, opus erat virtute magnâ; sed vel vicio id faceret, nisi impossibile esset, quod gratia esset causa culpæ. Mali spiritus sine ulla virtute non magnificiunt has res materiales, quia ipsi sunt in superiore natura: quid debet facere cum virtute, qui statuitur super omnem naturam? Rex supremus purpurâ indutus, non magni faceret ligonem, neque falcem; quam è via, si invenisset ante pedes, non tolleret, quia excellentioris dignitatis est quàm rusticus: cur

homo, si semel ad gratiam Dei venit, deijcitur pro rebus terrenis, cum ejus dignitas supra cælos sit?

O quanta excellentia gratiæ! latet sæpè in vestitu humili, in corpore debili, languente, & horrido interdum. Vide quantum distat natura altissimi Seraphim, à natura fœdissima vermiculi; plus excedit vile mancipium, & fœdus leprosus, si in gratia sit, naturam sublimioris Angeli. Si Deus crearet aliquam naturam selectam, quâ reliquæ omnes inferiores essent, plantæ, animalia, homines; & Angeli; ut eam agnoscerent mentes illæ sublimes mundi, Principatus, Dominationes, Seraphim, suâ naturâ superiorem, veluti pecora campi agnoverunt Adam; quàm sublimis putaretur? An decorum esset, si inter bruta se misceret, & animalium mores imitaretur? O homo, ad altiorem statum, elevaris dum gratiam retinens, superas omnem naturam, non solum creatam, sed quæ creari potest. Quantum mirareris, si vermiculum, quem videras in cane mortuo, vidisses factum supremum spiritum, & æqualis naturæ cum Seraphim? cur non miraris evectionem tuam majorem à peccato ad divinum statum? Anne vermiculus factus spiritus, appeteret cadavera fœtida? cur tu

amas

amas caduca, mirabili modo & privilegio Deus factus, & filius Excelsi Dei non facti, qui te fecit hominem, & refecit divinum? Licet non videas dignitatem tuam, debes credere, & certiore quàm oculorum cognitione magnum quid de te æstimare. Si omnis naturarum existentium & possibilium perfectio, excellentia, pulchritudo, in una natura conglomeraretur, nihil esset hæc præstantia præ minima particula gratiæ, præbentis animæ excellentiam super omnem excellentiam, & pulchritudinem, super omnem pulchritudinem naturæ. Nulla est comparatio Dei ad omnem perfectionem naturalem: sic ille qui est in gratia, excedit omne bonum rerû; nam est in divino gradu.

Finge, cùm nihil eras, & Deus te creare, voluit, te interrogasse in quem gradum rerum creari velles, an solum esse elementum, purum, an rupem, an metallum, an lignum, an brutum, an hominem, an Angelum, an unum ex Seraphinis? nonne hoc putares magnum beneficium? an ne eligeres esse insensibilem creaturam, aut potius malles adscribi inter intellectuales? an fortè auderes sperare & præsumere censerì in eodem ordine divino cum Deo superiorem omnibus dictis naturis? ecce quomodo quod nec in

mentem tuam auderet venire, Deus tibi cōcedit. Non te deiecit inter inanimata; non inter insensibilia, non inter irrationalia; sed sublimavit non solum ad gradum rationis & immaterialem, sed ad quemdam divinum. Plus debet Deo unus solus homo pro minutissimo gradu gratiæ, quàm universa creaturæ, à Seraphinis usque ad arenas maris, pro creatione naturarum omnium. Plus debes Deo, qui per gratiã communicavit tibi suam naturam, quàm si sub tuam potestatem omnem creatam naturam subdidisset, omnes Angelos cæli, usque ad pecora, campi.

Omnes res per suas classes distributæ sunt: inferiores non attingunt eas quæ superioris sunt ordinis: res inanimatæ non possunt attingere perfectionem viventium, res viventes non perveniunt ad sensitiva: res sensu solum præditæ non possunt percipere intellectualia, nec corporales res spiritualia, Oculus non potest cognoscere Angelum, quia sunt diversi ordinis: sic natura non potest attingere Deum in se; qui plus excedit omnem creatam substantiam, quàm quod spirituale est omnem sensum. Nemo potest operari divina, nisi in statu sit divino: quare ut nosceremus in se & tractaremus Deum,

necef-

neceſſe erat elevari in gradu ſublimiori ſuper totam naturam, & conſtitui in divinâ ſerie; quòd facit gratia, efferens hominem extra naturæ clauſtra; conſtituens illum in deiſtico ſtatu & ordine. conſortem eum faciens divinæ naturæ, & Deum mirabili modo & privilegio reddens. Per gratiam enim participat homo Deum ſecundum gradum ſupremum divinæ naturæ, in quantum excedit omnem naturam; non ſolum quatenus eſt exiſtens, vivens, cognoscens, ſed quatenus Deus eſt, & ſuper omnem exiſtentiam, vitam, ſenſum, & intellectum. Participat divinam eſſentiam, quatenus ſuperſubſtantialis & ſuper eſſentialis eſt: ideò homo in gratia eſt ſuper naturam, eſſentiam ſubſtantiamque omnem. Si inter omnes animas & ſpiritus Angelicos uni ſolì fieret tantus favor, ut ille unus in mundo fuiſſet & nunc ſolus eſſet in gratia, licet minori quàm nunc habet infans poſt Baptiſmum mortuus, ſtupendum miraculum haberetur, omnis creatura veneraretur illâ. O anima, quomodo non te putas venerabilem, ſi humiliter ſuſpicaris in gratia eſſe? Ne te ſollicites pro rebus te inferioribus; & ſunt omnes te inferiores.

Nihilominus non eſt ſola major excellentia gratiæ excellere omnem naturam, ſi ſper-

ætēmus quod faciat hominem filium Dei charum. O qualem charitatem dedisti, Pater, ut filij Dei nominemur & simus! Accipimus spiritum adoptionis filiorum, ut iustificati gratiâ Christi, coheredes JESU simus, & heredes tui. O quis posset intelligere quanta dignitas sit fieri filium Dei! Magni æstimant homines esse conjunctos & famulos terreni Regis: cur non æstimamus esse filios & hæredes Dei? Gloriantur mortales de prosapia hominum mortuorum; de genere carnis morituræ, de natura sua terrena: cur non gloriantur de gratia, de natura Dei, de filiatione divina? Qui ducit sanguinem Regium etiam post multas generationes, in magno mundi honore habetur: quanti debet fieri cognatum esse Deo, & consortem ejusdem naturæ?

Plus afficitur pater erga filium, quia particeps suæ naturæ est, quàm erga illum qui similis coloris est, aut eodem modo loquitur, aut eandem figuram habet: ita Deus dulcius afficitur erga illum qui habet gratiam, quia particeps suæ naturæ est, licet minimus & contemptibilis in mundo sit, quàm erga naturam Angelorum. Major differentia est inter substantiam Cherubicam per se, & eum qui est in gratia, quàm inter illud
quod

quod est pictum & vivum: licet omnis creatura participet quodammodò Deum, incomparabilis differentia est. Per naturam participat,quemadmodum imago: cum pictor se pingit, participat pictorem in similitudine, colore, lineamentis, & superficie tenus, non in gradu vitæ & animæ rationalis. Sunt omnes naturæ rudes adumbrationes alicujus perfectionis divinæ, sed sine parte, divini spiritûs. Solùm, qui est in gratia, est imago viva Dei cum spiritu suo, & velut filius & imago sui Patris per consortium & communicationem naturæ. Quantum distat tabula & lignum, quæ repræsentat aliquem Regem, à dilecto filio ipsius Regis? plus distat, qui est in gratia, ab excellentiori essentia & perfectione naturali supremi Archangeli: omnis enim substantia & natura mortuo modo repræsentat Deum; ut lignum, aut tabula, aut saxum aliquem Imperatorē. Inter eos in quibus est participatio naturæ, non tam dicitur similitudo, quàm idemtitas: ideò qui est in gratia, dicitur etiam idem cū Deo à sanctis Patribus: & ut pater & filius in humanis eadem persona censentur. Ipse Filius naturalis Dei dicit: *Omnes unum sint, sicut tu Pater in me, & ego in te, ut & ipsi in nobis unum sint.* Quamvis enim omnis justus, præter Ju-

stam Justorum *JESVM*, solum fiat filius Dei per adoptionem: major est unio & unitas inter illum & Deum, quàm inter alios patres & filios naturales. Filij hominum solum habent particulam exiguam materiæ vilis & carnis paternæ: at qui est in gradu gratiæ, integrum spiritum divinum in se habet. Excellentior filiationis modus est filiatio Dei adoptiva, quàm naturalis hominum.

O homo, gaude de tua dignitate, & ne degeneres à conditione divina: cura honorem Dei: sollicita causam ejus, si non quia Deus tuus est, saltem quia Pater tuus, quia omnia sua erunt tua. Filij quia sperant hereditare substantias patrum, eorum negotia agunt: tu heres Dei es, ne putes te alienum. Licet Deus non creavisset nos; ex eo quòd accepit in filios, deberemus cordialem amorem erga illum habere, & omnem curam in rebus divinis adhibere. O Pater amantissime, quomodo non æstimo esse tuæ familiæ; & specialissime mihi providere? Feræ pro catulis exponunt se periculo vitæ: quid facies tu, qui etiam eos, qui contempsimus Filium tuum naturalem, adeò dilexisti, ut acciperes in filios? Quantam fiduciam potest habere anima in hac filiatione? Licet Deus nihil provideret, attentissimam curam & dulcem
fibi

sibi sollicitudinem haberet erga illum qui est in gratia. Quantoperè mater vidua sollicitat filiū unicū desideratū? maior & tenerior affectus Dei & attentio est in justos.

Accedit quòd per gratiam amici Dei fiamus. Ipse JESVS dulci supra mel voce inquit: *Vos amici mei estis.* Per gratiam enim est inter hominem & Deum dignitas quædam non disparis ordinis, in divinam classē elevando mortalem, ut immortalis Regis sit amicus. Licet filij Dei non efficeremur; ex hoc solum quòd gratia reddat nos amatos illi, inæstimabilis excellentiæ est. Amicitia præfertur cognationi, & fidelior quàm natura ipsa habetur: consanguinei sæpè negliguntur, aut odio habentur; amici semper diliguntur: plus faciunt homines pro amicis quàm pro fratribus: qualis erit amicitia divina? Duo maximi tituli sunt, cognatio & amor: uterque in gratia invenitur. Amari à Deo, est locuples vena auri cælestis, & divitiorum bonorum: amor Dei non focors & ignavus est, sed efficacissimus & diligens. Amare est, velle alicui bonum: in Deo idem, est velle & facere; quare quem amat, divitijs cæli implet. Amari à Deo, perpetuum est stillicidium, imò flumen donorum. Si pro inimicis dedit vitam, quid pro amicis faciet?

Nihil

Nihil in Deo est inordinatum: quare si pro adversarijs talia facit, pro dilectis incredibilia ager; maximâ attentione & summâ fidelitate providebit illis. Si tantam curam, habet inimicorum nostrorum, ut jubeat diligere, quantam sollicitudinem habebit suorum amicorum? Adeò nos dilexit cum inimici eramus, ut videretur nos diligere plùs quàm se: ànne cum nos amicos dicit, & habet, diliget minùs quàm inimicos?

Gauderes habere amicum tantæ fidelitatis, ac Davidis & Jonathæ: sed res ridicula est, & tamquam perfidia omnis humana fides, respectu ejus quam Deus habet erga te. Respici à Rege terreno, pro favore habetur: qualis erit, amari à Deo & zelari? Vis noscere, ô anima, amicitiam & fidelitatem, Dei? tantoperè amat suos amicos, ut nesciat separari ab illis, Si in cælo solùm esset, Deus, statim veniret, & non sejungeret se ab eo qui habet gratiam; sed mansionem apud eum faceret, ut societas nostra sit cum Patre, & cum Filio ejus **JESU CHRISTO** per Spiritum sanctum, qui diffusus est in cordibus nostris. Cervi, oves, agni & columbæ gregales sunt; ijs junguntur, & amant, in quibus agnoscunt suum genus. Deus socialis est, Filius Dei agnus est. Spiritus divinus ci-

cur

cur & affabilis est, amat eos qui divini sunt, obtinentes consortium suæ naturæ quasi gregales Deo facti: Si sacratissima humanitas Christi adeò favisset alicui, ut ab eo numquam vellet separari, quid diceremus de tam eximio privilegio? cur non admiramur quòd divinitas non discedat, quòd individuus socius iusti Deus sit? Nec tantum contubernalis illius habitat cum eo, sed in eo in quo jucundius quàm in Sole ponetur tabernaculum suum.

Quis pater ita diligit filium, ut nolit separari ab eo, & semper ambulet cum eo? quin potius pædagogo committit, ut illi assistat: at Deus Pater & amicus noster nobiscum, semper vult incedere. Quæ mater ita diligit filium, ut semper in ulnis ferens amplectatur tenerimè? Deus hoc facit. Gratia est nodus Dei & hominis, est dulcis amplexus divini Spiritus & humani. Inter mortales pater potest non esse ubi adest filius: at Deus nescit abesse ab eo, qui est in gratia. Licet sit Deus in creaturis essentiâ suâ, præsentia, & potentiâ; hoc fit quia Deus: aliter esse non potest; non ex dignitate & meritis creaturarum, sed ex immensitate & infinitate Dei. At gratia hanc vim habet, non natura, ut si aliqui Deus absens esset, & non fuisset immen-

immensus, illum præsentem faceret, & ad hominem existentem in gratia veniret. mansionem apud eum faciens, factus unus Spiritus cum illo: & licet posset oblivisci rerum, præsentem semper haberet dulci memoriâ, & prospiceret habenti gratiam: & quamvis posset relinquere creaturas, & non operari, sustentare, & tueri illas, in iusto semper aliquid boni operaretur: sicut enim amor acris est, non vult bonum quin efficiat.

Quantus favor & dignitas est, Deum semper comitem habere? Certè obstupesceremus, si aliqua creatura esset tam amata Deo, & excellens, ut juberet omnes spiritus caelestes, millia milliam quæ assistunt sibi, comitari illam; ut quocumque abijisset, cum illa esset tota ista pompa & majestas: quid erit hoc præ societate & comitatu Dei, nisi solitudo? Quid omnia ante te, Domine, nisi tamquam nihilum? Si illam creaturam miraremur; quomodo non admiramur animâ in gratia, cum Deum pro comitatu habeat, non lateri adhaerentem, sed in essentia sua, velut animantem illam? O fortunatissimam dignitatem hominis, & dignationem Dei, quod Summa illa Majestas comitetur semper pusillos homines! nam minimè otiosus & inutilis animæ socius Deus erit, ut non
provi-

provi-
sten-
ria? E-
ar just-
lùm cu-
rum. C
Majest-
tem, &
me ge-
tua, r
rant r
pria. L
mni ev
tuas ag
ut bon-
contin-
sanctur
At f
cognat
velut qu
Christe
privile-
quàm e
primos
bus dol
habent
tot dol
fi; & a

provideat illi. Anne torpens aut cæcus affl-
stet, ut non videat necessitates ejus & mise-
rias? Profectò non in vanum Deus se associ-
at justis. Possunt & se & sua negligere, si so-
lùm curent quæ Dei sunt: Deus satagit illo-
rum. O Pater mi, ô amice, ô sodalis, precor
Majestatem tuam, ut reverentiam, fidelita-
tem, & affabilitatem erga te habeam: tecum
me geram ut filius cum patre, zelans omnia
tua, reputans eadem mea; ut filij boni cu-
rant res parentum, quia respiciunt ut pro-
pria. Precor, ut amicus fidelis sim tibi, in o-
mni eventu honorem tuum quærens, partes
tuas agens & te amans plus quàm me. Da,
ut bonam societatem tecum conservem, ne
continuis defectibus contristem Spiritum
sanctum tuum.

At si gratia omnis in se tanta sit, ut nos
cognatos & gratissimos & necessarios Deo,
velut quæ Deos faciat, ex eo quod detur per
Christum; felicior, venerabilior, & magis
privilegiaria est illa quàm fruuntur homines,
quàm ea quàm donati sunt Angeli, & Adam in
primo innocentia statu. Ij filij quos majori-
bus doloribus mater peperit, plus dilecti
habentur: quid mirum, cum gratia nostra
tot doloribus steterit Christo, si jucundior
sit; & amabilissimè propter eam majoribus
privi-

privilegijs faverit Deus, plura auxilia tribuendo, diutius nos sustinendo, magno effereundo honore, ut ipsi Angeli venerentur homines, quod habeant gratiã per Christum, & pertimescant jam naturam nostram conspicere prostratam coram se, quam ante incarnationem contempserant: quia specialis dignitas accedit gratiæ, quam nunc habemus; quia facti sumus membra viva Christi, & computamur idem cum illo. A capite in membra redundat veneratio: quomodo despicient Angeli naturam nostram, quam suspiciunt exaltatam supra suam usque ad thronum Divinitatis, & consortium Dei? Quid mirum, non tractent ut inferiores suos, quos Dei Filius primogenitus in multis fratribus æqualitatis nomine super ipsos cælestes spiritus exaltavit, vocans homines fratres suos, pluris nos faciens quàm Angelos? Nullum ex Seraphim & Cherubim ita honoravit, ut fratrem suum vocaverit. Hæc est maxima excellentia gratiæ, ut honorabilior sit, & elevetur super omnem naturam. Sed per gratiam Christi ipsa etiam natura nostra honorabilior fit, & sublimatur super omnem aliam naturam, quatenus ipse Dominus gloriæ communicat suam gloriam in membra sua conjuncta & viva cognatorum suo-

suorum
JESU
ficiã
de De
Benja
fimi.
mort
rem f
beam
Ang
accep
tura
& cre
plus d
hi, qu
unive
quæ
verer
Filiu
mana
mnib
oblig
De
mur
inæst
celle
us Sa
nobi

suorum. Fundata præterea nostra gratia in
JESU meritis, & unione ejus, quasi majori ju-
stitiâ & modo perfectiori mereri nos facit
de Deo. Quia sumus filij doloris, sumus &
Benjamin Deo, & filij dexteræ suæ, dilectis-
simi. O Pater amantissime, qui tradidisti
morti unigenitum Filium tuum, ut ego vive-
rem factus filius tuus; da mihi ut magni ha-
beam, & cognoscam hoc beneficium. Unus
Angelus pro minimo gratiæ gradu, quam
accepit, plus debet tibi, quam cunctæ crea-
turæ simul pro omnibus bonis naturalibus,
& creatione universi. At ego homo miser,
plus debeo tibi pro minima gratia data mi-
hi, quam omnes Hierarchiæ Angelorum pro
universa gratia & donis supernaturalibus,
quæ concessa sunt cunctis. Nam ut ego vi-
verem per gratiam vitam divinam, voluisti
Filium tuum pati mortem per naturam hu-
manam. Plus fecisti pro me, quam pro o-
mnibus Angelis. Plus me devinxisti, quam
obligasti Seraphim & Cherubim.

Dux sunt causæ, quibus homines tene-
mur servare & magnificare gratiam. Una est
inæstimabile pretium, & inexplicabilis ex-
cellentia ejus. Altera est pretiosissimus tu-
us Sanguis, ô JESU, quem fudisti, ut gratiam
nobis mereris: Si non credimus valori ejus

in se, pretiosissimam putemus, cum tanto pretio nobis illam comparaveris. Maxima & stupenda res est; quam Deus, qui falli non potest, maluit ut haberemus nos, quam servare vitam illam pretiosissimam sui Filij.

CAPVT XIII.

*Quomodo pœnitentia & afflictiones
corporis juvent.*

Spinæ conservant plantas in horto, & gratiam asperitates in iusto. In quassato & marcido corpore floret vis integra mentis. Ut sanum corpus reddant medici, magis affligunt illud amarissimis potionibus, inedia, effusione sanguinis, adustionibus & majoribus tormentis: non nimis à te petitur, ut molestes quodammodo pro salute animæ. Qui languet, inter angores evomet nociva: sic & animæ vitia in vita jucunda non purgantur, cum nec corporis vitia sine molestia curentur. Sillex afflictus lucem emittit: caro macerata illuminat mentem. Illa animæ bestia est, quæ corpus suum non tractat ut bestiam. Quemadmodum labores & calamitates immixtæ à Domino, faciunt homines resipere & meminisse Dei, magis erudiunt, incendunt fervorem, augent Dei familiaritatem, elevant cor: sic asperitates ultro assumptæ.

præparem fructum habent, faciunt, ut homo sapius in illis reminiscatur Dei, & divinis illustrationibus aptior fiat, vacuus gustu sensibili.

Idonea dispositio majoris gratiæ, sit afflictio naturæ: hoc opus & labor gratiæ est, sejungere nos à temporalibus rebus, corporeis, & visibilibus; quare dimidium factum invenit in austeritate vitæ: quæ tamen etiam ex gratia est, sine qua nihil ex nobis est bonum, nihil utile. Thronus & regnum gratiæ, & gradus ad gloriam, est profunditas humiliationis nostræ, cum afflictione corporis: & exaltatio mentis, crucifixio carnis. Instruis te quoque asperitatibus voluntarijs ad necessarias, ut ex disciplina patientiæ scias ferre quæ Deus miserit: assuescis etiam & discis te vincere, & debilitas adversarium tuum præcipuum; per quem ceteri te impugnant: impetras à Deo facilius, quæ exoptas. Licet sufficiens titulus pœnitentijs nostris sit Christus crucifixus; abundant prætereà alij; & præcipuè culpæ ipsæ nostræ innumerae, & pœnæ pro illis, ut satisfaciamus commissis, & committendas minuamus. Sit anima carnisfex carnis: ad hoc ex magna Dei indulgentia non est in inferno damnata. Nonnumquam contigit, ut ex duobus delinquē-

tibus capite damnatis alter complex absolvatur, hac lege, ut in socium exequatur sententiam mortis, fungens in illum munere carnificis, cum alius deest. Complices peccatorum sunt anima & corpus: in istud anima sit ministra justitiæ divinæ, & torqueat convenienti supplicio, siquidem non est præcipitata ad inferos, cum primum peccavit.

Nihil tibi transeat impunitum: te ipsum timeas, crudelis tibi, justissimus & severissimus, in omnes injustitias & blanditias carnis; omnia punire oportet. Nulla est urbs optimè gubernata sine cura suppliciorum: nec conscientia ordinata erit sine tribunali & gladio, ubi tot sunt facinorosi affectus. Vindicta quàm à te sumis, respondeat culpa: cave ne à te Deus rationem petat contemptæ & corruptæ justitiæ. Ultionem à te fume, & quia reus culpæ, & quia iudex iniquus, cum tibi parcens toties te absolvisti. Supplicia in urbibus fiunt, potius ut vitentur exemplo unius aliorum scelera, quàm ut minuantur damnati culpæ & pœnæ: at cum in te animadvertis, major tibi fructus est; non aliena sed tua ipsa peccata deinceps compesces ne committas, & commissorum pœnas tibi minuas. Non est justitia sed indulgentia severitas tua: ultio hominis est ve-

nia

nia Dei. In omnibus tamen memento laudis ex obedientia, & utilitatis ex prudentia; ne inconsultò, cum damno profectus tui, & minore gloria servitij Dei & utilitate aliorum, sumas asperitates: nam ubique fallacia est dæmonis. Cura tamen præcipuè & semper supplicium voluntatis propriæ, magis quàm corporis. At quousque circumspectio omni proprio amore nuda, atque iudicium Superioris pro cuiusque ætate, statu, viribus, inclinatione, occupatione, necessitate, permiserit asperitates; sine misericordia, sine adulatione tui, in te sapiendum est.

O Veritas misericors, quomodo mihi adulabor & mulcebo, si in mentem revoco rigores & tormenta innocentissimi JESU, quæ pro peccatis meis tulit, & cruciatus animarum in Purgatorio? Ingens privilegium, esset, si animæ in pœnis illis terribilibus existenti Deus concederet posse satisfacere; ut hic possumus, assumptis voluntarijs afflictionibus. Fruamur nunc hâc indulgentiâ Dei. Debitor centum talentorum, si creditor indulgeret illi debitum, contentus hâc lege, si intra aliquod tempus solvisset unum solum, anne recusaret pactum tanti lucri? Quæ amentia nostra est, quòd malimusolvere centum in altera vita, quàm unum in ista?

Sed quid opus erat remitti tremendas illas
pœnas? sufficit decus carnis in ventura vita.

Recordare quàm gloriosa & pulchra sint
futura corpora in resurrectione; quibus ve-
nustas & splendor addetur, prout in hac vita
afflicta fuerunt: mundus ex quo compta e-
runt in æternitate, est afflictio sordida &
temporalis in hoc mundo. Nonnulli ne de-
formes hominibus appareant per breve
tempus dimidiæ suæ vitæ, passi sunt cædi &
torqueri membra & ossa: minoris stat pul-
chritudo æterna; non opus est scindi mem-
bra, sed non mulceri, & paululum affligi. Re-
ctissimè hoc supputavit sanctus Ignatius no-
ster Pater: qui cum nondum conversus ad
Deum omninò esset, os iussit secari, ne infor-
mis videretur, sine lacryma, sine gemitu, sine
ostensione doloris & tormenti tolerans; at
post conversionem, magis dignum censuit
pro pulchritudine futura in resurrectione,
asperitates ferre, jejunia per integras heb-
domadas, trinam flagellationem quotidie,
genuflexiones prolixas, humicubationes,
asperum cilicium, & saccum, nudipedalia,
horridam totius corporis amictu & gestu
tractationem. Pudor sit nostræ repidatis,
etiam Ethnicorum barbarorum rigor sine
spe quam nos habemus; qui cilicijs ferreis
sectum

sectum corpus cruentum ferebant, suspendebant se uncis, interim canentes laudes Deo suo: sub currus simulacrorum subdebant se, & proscindebantur in frusta: abstinebant plurimum jejuniis dierum. Pudeat nos, quòd possit magis superstitio quàm Religio; & furor, quàm Amor Dei.

CAPVT XIV.

Quòd nimius amor carnis impediatur spiritum.

SI caro, etiam si nata nobiscum, & sanguis qui vivificat nos, tam infensus est nobis, ut impediatur vitam spiritus; caro cognata solum & consanguinitas ànne prodesse poterit? Erubescat spiritus cognationis nomine: quantò magis debet pudere cognatorum nimij amoris? Si pudet carnem alterius carnis cognationis, si progenitores atq; consanguineos obscuros negat, quantò magis spiritum oportet pudere totius carnis, & consanguinitatis & prosapiæ? Carnem propriam, quam animat, abnegare debet anima: cur nimis amabit alienam & exanimem, quæ alijs deservijt, & fortasse jam non nisi vermibus pro stabulo & cibo servit. Satis esset nobilitas gratiæ & conjunctionis cum Christo, ut naturæ oblivisceremur & erubesceremus, quin opus esset moneri ex

vilitate & foetore ipsius, & damnis consanguineorum.

O Veritas Dei, odisse cognatos jubes, ut tuus fiam discipulus: quomodo, si nimis amem illos plusquam te, tuus spiritus fiam, adhærens tibi unus spiritus tecum? Da mihi per sanguinem tuum, ut non amem sanguinem meum, nisi in sanguine tuo: impetret à nobis sanguis Christi. ut non diligamus nimium sanguinem hominum peccatorum. Christus per sanguinem suum voluit nos redimere, & consanguineus noster fieri: novit enim damna sanguinis nostri, & consanguineorum, ut repararet illa.

Jura carnis non tenetur observare spiritus: fac ergo, ô anima, ut sanguinis conjunctio amorem tuum non corrumpat. Jubet Deus temetipsum odisse, & carnem & sanguinem tuum proprium: quomodo tibi amor vacat, ut diligas propinquum & consanguineum, & non propter Deum, & cum modo virtutis? æquè & cucurbitas consanguineas tibi amare posses, aut pulices, cum tamen occidas. Æquè fratres tui ac vermes à carnalibus parentibus producti sunt: cur vermes foetidos horres stomacho inimico super omnia, & cognatos diligis corde nimis amico super Deum? Si causa amoris
tui

tui nimij, & ultra virtutis præscriptum, est, à parentibus ijsdem generatos esse: plus habent ab illis vermes, quàm germani: nam fratribus tuis non dederunt animam parentes tui, nec toti sunt ab illis producti. Hinc cognati & patres corpora dumtaxat propinquorum amant, & curant; bona autem animæ omnino contemnunt, ut quæ sit à Deo solùm, non ab illis. Imò corpus quoque non accepisti à parentibus, sed per illos à Deo. Quid? amasne cognatos immoderate, quòd partes sint communium progenitorum? eadem ratione membrum illorum abscissum, quamvis cancro infectum, amare poteras. Si propter similitudinem amas, pari jure statuam aut alium quemlibet hominem debes amare.

Quid est originem ducere ab ijsdem gentilibus, nisi modicum fœtoris & putredinis ab eodem fonte fœtido habuisse? &, quod pejus est, habuisse peccatum? Anne jure gloriari possent duo, quòd simul in eodem cœno caderent, & sordibus repleti essent? Puriores genuit pater tuus fœtidos vermes, quàm te: nam illos sine peccato, te verò maculatum originali culpâ; & non ante fuisse isti compos vitæ, quàm reus mortis. Qui nimis gloriatur de carnis nobilitate, oppro-

brium naturæ communis nobilitat. & jactat. Quid aliud est inordinatus cognatorum amor, quàm arrogantia de vilitate communi, cujus maximè pudere oporteret, & gratulatio de ignominia peccati? Per carnem & sanguinem auspicatur malitia naturæ, & fortunatur miseria nostra: inde discit caro malè mereri de spiritu. A principio vitæ inficitur per carnem anima peccato; sic continuans deinde injurias, causa est potissima peccatorum. Abnegare oportet sanguinem & consanguinitatem nostram, ut liberemur à peccatis per crucem Christi, quam debemus tollere. Non tam difficilia nobis occurrent, ut multis pueris & adolescentibus, qui omnem carnem pro Christi cruce contempserunt. Ex Societate nostra sanctus Joannes Goto, inter flebiles vultus patris sui, & rivos lacrymantis matris, atque dulces utriusque amplexus, positus in loco martyrii medius, atque inter horrida patibula & crudelissimos carnifices, nullâ atrocitate perterrefactus, prælegit brachia crucis quàm suorum: quorum amore & blanditijs heroicè refutatis, cucurrit ad destinatam sibi crucem; ubi moriens obtinuit Regnum Dei; quod caro & sanguis non possident.

CAPVT XV.

De jactura temporalium.

Non molestè fert spiritus jacturam temporalium, de qua gratulari sibi debet. Quis ploraret sub magna mole oppressus, si amicus pondus subtraxisset? Quod auferet mors, melius est ut auferat Deus. Si nudus sufficis Deo & places, quid quereris compendio rerum & curarum gratum Deo fieri? Nudus etiam sufficiat tibi Deus, sine suis muneribus & archis temporalium. Non tua amat Deus, sed te; tu nec tam amas quæ sunt Dei, sed Deum. Nudus Christus ascendit in crucem, nudus de sepulchro exivit; ibi vestimenta reliquit: qui & nudus expugnauit cælum; & intravit triumphans. Propter te nudum mortuus est nudus, non propter fortunas & bona tua: idè te quærit, non illa; & quia te quærit, perdit tibi illa, nudum te expectans in cælo. Te componit ad nuptias, dum disponit de tuis, & denudat te. Quid times pauperem fieri, si in corde integrum Regnum portare potes? Regnum Dei intra vos est.

Oridicula lacrymarum causa, quòd auferantur causæ peccatorum! O amentia, putare damna, quæ sunt remedia! Summa est impuden-

pudentia adversus Deum, dolere & deplorare perijsse temporalia, quæ odisse debebas. Dolorem & lacrymas, quas pro injurijs & jactura adulteri fundit femina, quantumvis obscæna & impudēs esset, occultat sponso; gaudium etiam de præsentia adulteri celat: tu coram Deo gaudes de bonorum prosperitate, quibus cum adulteras, luges de jactura: audes rogare Deum, ut ea non auferat, aut quòd reddat. Quæ mulier in adulterio ipso comperta virum rogaret, ne impediret voluptatem adulterij, cum potius veniam deprecari oporteret? misericorditer puniret sponsus; si tantummodò auferret adulteræ illum cum quo fornicabatur: quomodo tu tam impudens es, ut injuriam reposes? Quæ tam inverecunda uxor maritum precaretur: Affer mihi illum Æthiopem, cum quo dormiam, qui plus quàm tu mihi placet? & tu audes lenonem Deum facere cupiditatis tuæ, petendo temporalia? Cum aliud à Deo præter Deum petis, ipsâ oratione adulterium tuum manifestas: perinde est ac si postules, Da mihi Domine, in quo te offendam. Satis est à Deo fornicari, quin eum sollicites, ut quibus fruendo te corrumpis, cumulet; & servet opes, honores, sapores, colores, & formas corporum.

Qui

Qui cancro corrumpetur, non irascetur chirurgus, si vellet infectam partē lanigare, sed ultrò exhiberet membra abscindenda, cum horrore & dolore: at si fortè sine opera & sensu sui ex somno expergisceret, abscissam partem inveniens, miraculum putaret, & Deo gratias ageret. Non tibi evelluntur artus, sed damna & tela cor tuum corrumpentia: age Deo gratias, quòd sine patientia & sensu tui erepta sunt. Qui omnia relinquere debes, ne doleas si auferantur aliqua. Deberes dare hæc pauperibus, ut mereris: cur si Deus sustulit, non patienter tolerabis? Piè dixit Gerson:

Quæ commodasti, si repetis, Pater;

Gratus libenter restituo, cape.

Vis per latrones, ense, vel ignibus

Auferre? linguo; gratus accipis

Si fortè, quàm si pauperibus darem.

Si nihil habens habebis totum, quid fatigaris? O Veritas amabilis, inverte cor meum perversum, ut jam deinceps doleam habere aliquid nisi te Deus, & me exonerem ab omni mole terrena, & à me ipso primùm, qui gravior sarcinâ sum mihi, non me, Domine, habere volo, ut te habeam. Si Philosophi plures alacriter se privarunt omnibus bonis propter se, quia vilia & impedimenta judicant;

carunt; quid facio, si propter te, privari aliquibus à te, non patienter feram?

O spiritus infirme, quid doles circumcidi pauca superflua, cum tibi pauca sint necessaria? Quid dico, pauca? nihil mihi nisi Deus est necesse. Gratulor, gratulor; Deus, qui non deficit, est qui mihi sufficit. Nesciebam, ô dulcis Veritas, quanta consolatio est nihil habere; imò cognoscere luce clariùs impossibile mihi esse, quamvis ego id conarer, cunctis meis viribus, quidquam præter Deum posse habere, & esse meum, sed solius Dei. At quia omnia sunt Dei, & Deus est meus, omnia sunt mea: & tunc plus mea, quando non habeo; quia tunc minus me habent, & melius in Deo habeo, quàm in se haberem. Si fuisset verè humilis, nihil dolerem pro omni iactura rerum. Qui debet æstimare se nihil esse, quomodo potest æstimare alias res esse aliquid, quæ sunt viliores homine? Cum quis moritur, omnia sibi moriuntur: sic qui se credit nihil, totum mundum putat nihil. Omnia mortua sunt mortuo, & omnia vilia humili.

CAPUT XVI.

De utilitate tentationis.

Quomodo vis coronari, si non certas? quomodo certabis, si non impugnaris?

& ten-

& tentaris? Absque hoste non est certamen, absque certamine non est victoria. Imò inhonestum & turpissimum foret, sine bello coronari, sine victoria triumphum agere, & usurpare palmam non meritam: ne igitur, molestè feras tentatione vexari, nam ibi est officina meritorum, & causa tuæ humilitatis. Multos, ut humiles essent, permisit Deus labi in gravissima peccata: tecum magis misericorditer se habet, permittens solum quòd tenteris. Resiste viriliter in causa Dei: quamvis in ipso tentationis conflictu molestum sit pugnare, jucundior est victoria ex tentatione, quàm voluptas ex peccato, ad quod tentatio inclinât. Noli comparare cum molestia tentationis dulcedinem peccati, sed confer illud cum gaudio ex victoria: non compares pugnam cum voluptate, sed victoriæ fructum cum usu virij: experire aliquando quid sit vincere tentationē, qui toties expertus es succumbere.

Cum vincis, existima iterum te pugnaturum, cum pugnas, reputa in illa victoria penitus abolendum inimicum in perpetuum, & æternâ pace fruendum. Fortasse ita partim eveniet: nam diabolus confusus & victus, non audebit iterum adoriri; & Deus aliquam quietem concedet, prout noverit, expe-

expedire tibi, Deus scit, quo tempore te liberare oporteat à tentatione, qui permittit illam pro bono tuo. Artifex non extrahit aurum de fornace, donec satis purgatum est: nondum satis emendatus & purificatus es, si non te liberat hâc molestiâ. In victoria memento pugnae, in pugna victoriæ. Gaudebis perpetuò si vincas; pudebit, si vincaris; quare vilipendis conscientia securam, lætitiâ & pudorem, pro futilissima & momentanea oblectatione? Amittimus tempus in hac vita, dum non patimur. Non recuses molestiam repugnandi, cum molesta aliqua nequeas in hac vita fugere. Quemcumque vivendi modum elegeris, in aliquo affligèris: melius est affligi pro virtute. Triste aliquid & adversum ubique est: sed felix tristitia, & facilis, in causâ æternæ felicitatis. Pro humanis rebus longiori tempore, majori labore, minori fructu pugnatur. Temporalium laborum terminus, alius labor est; sæpius pœna æterna: sed hic levis & momentaneus labor æternum gloriæ pondus operatur in te, cuius non sunt condignæ passionnes hujus temporis. Ferto saltem non agrè hanc tribulationem, quam optare deberes propter avaritiâ gloriæ majoris, quæ crescet rigata igne isto. Quin etsi nullum præmium

miū esset. sufficit quod conformareris Christo. Magna necessitate teneris ad renitendum & pugnandum: in conspectu Judicis es; & causam divini honoris defendis coram Angelis, & Sanctis. Potius velis millies mori, quā semel vinci, & pudorem pati succumbendi. Coram Sponso tuo, & testibus Hierarchijs Spirituum beatorum, ac cœtibus Sanctorum, quomodo audebis adulterium committere?

Non potest esse quin in hac vita sæpius turberis & tenteris; quare attentus tibi sis, & cautus: licet fortissimum castellum virtutum in te edificaveris; expecta tentationem, quia est fundatum in natura tua, cum imbecilli & caduca infirmitate carnis. Quid interest, si fortissimi muri, & lapidea domus struatur, si ruinosum fundamentum habeat, aut in arena solum sit fundata, quod minùs timeatur de securitate ejus? Quid interest, quod armatus sis, si in loco es lubrico, aut veharis umbratico aut effreni & indomito equo? Benè potes muniri virtutibus, sed in carne es, quæ periculosior est quā equus præceps & indocilis, & magis fluxa quā arena, nisi gratia Dei te adjuvet. Quare generalius & præstantissimum remedium adversus tentationem præservativum est, depo-

nere naturam, cum omnibus suis appetitibus, quoad possis, eradicare à te omne tum velle, & fieri simplicem, & purum omni voluntatis propriæ sorde, sicut spiritum, qui astat coram Deo: unusquisque enim tentatur à concupiscentia sua. Quando nos querimus, inueniemus tentationem. Qui se querit, inueniet se: & quid in te inuenies, qui miser es, nisi miseriâ, turbationem, afflictionem?

CAPVT XVII.

Quod oporteat timere Deum, & sperare in illo.

UNdique laqueis insidiatur inimicus; undique pericula sunt in tota vita: sed magis omnium periculum est securitas nostra; nam est omnia pericula. Quis potest esse securus in medio hostium, & vicino aut domestico inimico? quomodo tu securus potes esse, cum tibi ipsi adversarius sis, cum caro tua hostis tibi sit, cum totum mundum habeas contra te, & omnes dæmones te oderint? Si contra unum hominem venirent decem, si contra aliquem Ducem venirent duplo maior exercitus, timeret licet fortissimus esset: quomodo tu non formidas, cum non minus quam mundus totus sit inimicus tuus; & contra te pugnet?

De-

Debes etiam timere Deum, quia peccasti, & quia potes peccare. Quæ mulier in adulterio deprehensa, si maritus nullum verbum ei locutus fuisset de venia, posset non timere? tu quoque time: nam evidenter scis peccasse, & tamen nullam evidentiam, nec revelationem de remissione habuisti; nec velis habere, quia plus potius proderit tibi humilis timor & sollicitudo, quàm favor ille cælestis. Nam velut hi qui timent, solent sitire, sic sanctus timor Dei sitim & desiderium fervidiùs placendi, & plus serviendi Deo, excitabit. At si non peccasti, vel post peccatum certissimus esses de venia aliqua revelatione Dei, ne desinas timere: nonnulli post multa miracula facta, & sanctissimam vitam per multos annos in pœnitentia & in eremo exactam, miserabiliter peccaverunt. Angelus in cælo, Adam in Paradiso, Judas & Saul; qui præ alijs electi à Deo fuerunt, non fuerunt securi, sed miserè tandem perierunt. Heron, post vitam ad summum perfectam, & immodicæ virtutis: post labores, sudores, abstinentias, & mirabilia multa (nam non nisi post tres menses cibum herbarum silvestrium gustabat, contentus interim & saginatus sanctissimo Christi Corpore) graviter tandem lapsus, frequentabat tabernas, ebri-

etati deditus, & postmodum luxuriæ. Tu in valle peccatorum es; nec te dices à Deo electum esse, nec est tibi conscientia tam sanctæ vitæ; sed experientia peccatorum: quomodo non tibi formidas? quomodo non times Deum? Angeli & Seraphim contremiscunt, cum sint certi non posse damnari, nec peccare, quia vident possibilem esse alicujus creaturæ damnationem: cur tu non tremis, cum tua damnatio possibilis sit?

Deus plurimum Sanctorum casus permittit, ut discas omnia à Deo venire, nec in nostris meritis & diligentia posse sperare seu præsumere, sed solo in Deo. De te, quamvis habeas merita sancti Joannis Baptistæ, non est quid confidas; de Deo potes, quamvis habuisses scelera Antichristi: & quò plus offendis & laberis, non est cur desperes aut deficiaris; sed eò plus de Deo spera, cum minus te esse expertus es. Hæc est divina spes, cum nihil homo de se credit: cum plus timebit Deum, eò plus in ipso sperabit. Rectè dixit S. Prosper:

Unum profugium totum est Deus ipse timenti.

Quò quis etiam justior est, & quò plus amat Deum, plus solet timere: nam novit quantum meretur amari, & coli; ut deberet homo anxie optare atque precari tormenta

per

per totam æternitatem, ut gratias illi ageret pro bonitate sua; quia tamen longè est, ob multos defectus, ab hoc fervore, valdè timeret; quia non facit, quod potest & debet: ob id tremit amittere Deum; quod eò plus ipsi molestum est, quò magis dignum amore cognoscit.

Nihilominus debet, in eo qui creavit ipsum, tam in parvis, quàm in magnis sperare. Fiducia nostra in hoc plerumque peccat, quòd in majoribus rebus sperat in Deo, quasi in minoribus nonnihil possimus nos. Aequè in exiguis ac in maximis solum de Deo sperare oportet, quia in nullis bonis ex nobis possumus aliquid. Alij deficiunt, quia moderata ex Deo sperant, & non audent sperare majora; vel quia indignos his se putant, vel minùs excellenter de Deo, & meritis JESU cogitant. Quid dubitas aut despondes animum ad virtutem & sanctitatem maximam, quasi tuis viribus & meritis fuisses adepturus gratiam, aut Deus invidus vel avarus esset, vel pauper. Dei brachium, non tuæ vires, te roborat ad virtutem capeSSendam. Deus benevolus tibi est, non invidet bono tuo. Ejus privilegij sunt divitiæ divinx, ut non esset opus, fuisset Deus bonus & amator noster, quò esset liberalis: nihil amit-

tit cum dat, nec minuit suas facultates & censum, nihil defraudat de suis rebus, potius addit. Si thesauros similis conditionis haberet aliquis homo, quantumvis pessimus & miser, non negaret petita; & quò magis avarus, fieret liberalior, & injuriam putaret non peti magna. Quis tam malignus est ut neget lucem, licet numquam vidisset petentem? quare? quia nihil amittit dando lumen, manendo etiam cum integro suo lumine. Cur non præsumemus similem liberalitatem de Patre luminum, unde omne datum optimum descendit? Injuria divinitati fit, non sperando de Deo bono & Patre nostro, quod de homine pessimo, barbaro & ignoto, sperares. Ne dubites de petitione tua; majora promisit Deus quàm peris. Ne diffidas de promissione sua; incredibilia jam fecit; quàm sit quod promisit. Regnum futurum promisit; sed pro te servus est factus: quòd vives cum illo promisit; sed pro te mortuus est: admirabilis est quòd Deus sit mortuus & serviat, quàm quòd homo vivat & regnet. Jam habemus pignus, quòd est majus. Quare interdum non tam confidis purè de Deo, quàm tacitè præsumis de te, cum speras aliqua, si non sint magna, si non sint omnia. Tam imbellis ex te es ad exigua, quàm

quàm ad magna: at ex Deo æquè validus
ad utraque.

O Domine, quàm stultè agit, qui non de
te magna speret! nam quod homini erit
spes, est tibi votum & desiderium. Si quis o-
ptaret, anima mea, ut faceres aliquid, & à te
peteret sæpius, & offerret auxilium su-
um, & propterea se exponeret ad discrimi-
na certa vitæ ob ardorem sui desiderij: si tu
demum id velles facere, & ad id jam nihil
restaret nisi ut ille adjuvaret, qui diu & tan-
topere id exoptaverat, & negotiatus fuerat;
nonne cum magna certitudine gratiæ reci-
piendæ accederes ad illum, & postulares au-
xilium, præcipuè si ipse pollicitus prius fuisset?
Hic Deus est, cui adulaberis importunis
petitionibus & omnimodâ confidentiâ ejus.
Ex parte sua non est timendum, quin te ex-
audiat: quâ ratione quod vult peti, volet ne-
gare? Expecta exaudiri, Deus expectat cla-
mare! Solum time illum, quia de te num-
quam es secuta, in hac vita seminata peri-
culis. Quantumvis spiritualiter & sanctè quis
vivat, non caret insidijs: nam in eos qui sic
vivunt, fortiùs insurgit & ardet dæmon, quia
inæstimabilis est eorum vita: fur magis vult
gemmas aut uniones surripere, quàm fursu-
rem. Deus verò permittit hæc pericula ad

humilitatem nostram; quia cum pretiosissima sit hæc vita, vult esse humillimam. Ut semper ab eo pendeamus, permittit tot modis impugnari: ut si numquam securos nos putemus, tutissimi simus; atque si numquam præsumamus, incolumes permaneamus sperando in eo. Sic ipsa pericula reddunt illam tutam: sic solum timendo Deum, nihil est quod timeas: & si times solum Deum, melius sperabis omnia de illo. Spes & timor Dei, admirabiles sunt socij; optimè se adjuvant: quos numquam tu deferere debes; maximè te juvabunt, si in te se adjuvent: nam unus sine altero & tibi & sibi parum proficiet, sæpè nocebit.

CAPUT XVIII.

*Quòd non possimus non pati aliquid. Et
de bono patientia*

Qui non potest fugere pati, debet querere patientiam. Cur non armamur hac potentissima virtute, cum impossibile sit non pati aliquid molestum in hoc sæculo, Deo ita mirabiliter disponente. Qui sperat posse fugere molestias hujus vitæ præsumit eludere providentiam divinam: ita provisum, ita decretum est, propter bonum nostrum. Non potest Deus falli in ijs quæ statuit,

ruit, nec frustrari in his quæ disponit. Nobiscum nascitur causa patiendi, quæ cum peccato sumus nati; nec tolletur donec extralocum peccandi simus. Poterat Deus sine labore suo, & nostro, nos in cælo locare ex primo jactu, ut inquit, sine ambagibus hujus miseræ vitæ: poterat eadem facilitate, producere panem, quâ producit spicam & triticum: sed ut laboraret & pateretur aliquid homo, voluit necessarium esse ex frumento fieri panem: voluit ad gloriam præcedere labores, ut nos plus honoraret & cumularet suâ liberalitate, cum velit debere illam. O magna Dei gratia, quòd debitor nostri esse velit! Qui censeretur inter prædestinatos cupit, non recuset pati, quod est character electorum, si cum patientia fit. Verè dictum est, mirandum esse quòd sub pedibus damnandorum omnes lapides non mutantur in rosas, in solatium eorum quæ perpeffi sunt malorum. E contrario multò magis mirandum, quòd sub pedibus salvandorum non vertantur in spinas, atque à pedibus in capita eorum insilientes, pro peccatis illos puniant: adeò ineffabilia bona brevissimo suo labore consequentur.

Quæ causa est, cum copiosissima sit redemptionis Christi, quòd abstulerit peccatum,

& noluerit tollere molesta, quæ ex peccato nascuntur in hac vita, nisi quod salutare sine ærumnæ? Quomodo aspiraremus ad vitam æternam, si hæc vita iucunda esset, & sine labore ullo, cum modò amemus illam, licet sit tam plena miserijs. & non dignè desideramus beatitudinem alterius? Rectè dicebat elevatus & benedictus Pater Balthasar Alvarez, tribulationes esse pegafos, ut properemus in cælum. Quanto magis sensibus negantur suæ iucunditates tribulatione, dolore, morbo, eò cogimur ad Deum confugere, & quærere vera bona in cælis. Cacumen arborum, si præcidantur surculi inferiores, eò surgit sublimius: oppressis & afflictis sensibus, mens attollitur & viget. Post peccatum Adami excogitatum est à Deo mirabile ærumnarû inventum, & divinû consilium contra peccata. Inventio digna Deo fuit labor & tribulatio, ut in ipso corpore quasi extra corpus simus; & sic plus sapiamus, non affectâ mente sensui & oblectationi carnis, ut patiendo non inficiatur passionibus suis & cupiditatibus. Est artificium divinum ad supplendum commoditatem & prærogativam mortis, ne afficiamur his rebus fluxis & sensibilibus. Commendata à Philosophis patientia fuit, quia pati putabatur malû, quod
illa

illa mitificat: at quia pati optimum est, ideo patientiam dico bonam; quia non refugit, sed permanere facit in eo quod est bonum.

Deus non est ignorans aut amens, (absit hæc blasphemia) sed summa Sapiencia est. dilectissimo tamen Filio suo Unigenito elegit labores, elegit matri ipsius, elegit socijs Filij sui Apostolis, & amicis suis. Dicebat fervidus & devotissimus Pater Christophorus Rodericus, in suis ærumnis & doloribus nolle compatiendum, sed gratulandum sibi fore, & simul secum gratificandum Deo: nam velut amici amicorum stringunt & premunt dextras, usquequò doleant in amicitia indicium; sic Deus manu suâ amicos suos premit & urget, quod est amoris signum. Majus sæpè argumentum benevolentia sunt supplicia quàm beneficia sive dona; quoniam ipsa supplicia jam sint majora beneficia. Majus argumentum charitatis est correptio & punitio, quàm indulgentia & largitio. In extraneos facilius invenietur benefactor, quàm correptor & reprehensor: at animadversio solum erga charos & domesticos fit. Indulgentia & liberalitas etiam ad inimicos se extendit, castigatio ad filios & familiares dumtaxat: quare certiora pignora amoris sunt supplicia hujus vitæ, quàm beneficia, fortunæ.

Non

Non semper in pœnam culparum solùm tribulationes sunt: licet non esset culpa, sunt bonæ; & patienter ferto, sive à Deo immediate, sive ab hominibus affligaris: & eò plùs gaude, quò sine minori causâ molestaris. Quemadmodum debemus gaudere magis, si tribularemur à Deo, non propter peccata nostra: sic magis patientes & gaudentes debemus esse, cum ab hominibus opprimimur & affligimur convitijs & injurijs, si causam nullam habent nos persequendi, sed innocentes patimur. Quam crucem eligeres, aut cum quo malles mori, cum latronibus, an cum Christo in sua cruce? Latronum cruces merita sua habuerunt, propter peccata sua afflicti sunt: at crux Christi innocentia fuit; non propter peccata: absit itaq; tibi glorificandum nisi in cruce Domini nostri **JESU CHRISTI**. Natura nostra cecidit, & in casu reſtitutionem suam perdidit: oportet ut reparetur, reſtituatur, dirigaturque duris istis rebus & gravibus. Malleus durus est & gravis, sed format vasa argentea, speciosa-que reddit, ac dirigit quæ obliqua & obtusa erant.

Quædam divina auctoritas tribulationi inest, ut efficacius sæpè per illam spiret Spiritus sanctus quàm per Prophetas, & sacras

Scri-

Scripturas: interdum verbis sacris non resistimus, & monitionibus sanctorum Patrum & Doctorum; at tribulationes nescio quomodo plausum concilient Deo loquenti, ut statim credamus & pareamus. Qui audiri vult percussione alicujus rei, sono manu edito silentium & auditorium sibi conciliat: sic Deus manu suâ percutiens, nos reddit sibi attentos: Resistit Pharaos Deo, loquenti in servo suo Moyse; cedebat & parebat affligenti in animali quovis minimo. Jeremiæ non obtemperabat populus, donec in captivitate resipuit. Nemo surdus est nec durus tribulationi Dei eloquentia est, & cathedra Spiritus sancti res sacra est & velut ara, & thronus Dei, licet terribile sit tribulari. O quam tremendus & terribilis est locus iste! sed verè non est hic aliud, nisi domus Dei, & porta cæli, virtutum asylum, quod fugimus à vitij, tamquam in sacrum locum.

Age, anima dilecta Christi, ne fugias tribulationem ut venenum: non potest nocere tibi; jam gustavit illam JESVS tuus: nihil mali habet, imò nihil acerbi, ubi Deus est qui condiet illam: quomodo amaror guttæ fellis sentiri posset in pelago mellis? Hac consolatione numquam carebo, quidquid mihi Deus largiri, aut de me facere velit, placitum

no Lib. II. De ijs, quæ spectant ad
tum illi esse. Hoc solatium æternum habet.
et si adhuc sine consolatione patiaris, non re-
fugias. Pudeat nos minùs amare Deum,
quàm canes dominos suos. Quamvis canis
fugetur, obijurgetur, cædatur, lapidetur à
domino; non potest repelli, sed magis acce-
dit, sequitur illum, & blanditur: ita debemus
servire, & accedere magis ad Deum, quò
magis cædimur & tribulamur; quia si labo-
res deficerent, præcipua occasio merendi
deesset, nec congruum possemus exhibere
testimonium quòd diligamus Deum, & quòd
non propter mercedem solùm colamus.



LIBER SECUNDUS.

De ijs, quæ spectant ad illustrationem,
& Christi Domini imitationem.

CAPVT I.

De diligenti cura orandi.



NON sum dignus ô humanissime
Deus, qui cùm ineffabilis sis, es
super omnes affabilis; non sum
dignus ut me respicias; quomo-
do vis ut tibi assistam & alloquar? O humilis

Maje-

Majestas, quæ non dedignaris colloquia & orationes hominis, in dō cupis & hortaris, ut sine intermissione oremus! Et tanta est rusticitas humana, ut te tuamque conversationē fastidiat: perinde te amatorem animarum, æstimat, ac hostem capitalem. Quid prius facit infensus homo cum inimico suo, nisi sermonem negare? Tecum quoque Veritas dulcissima, fermocinari nolumus homines, quia non amamus veritatem: nam quid aliud facerent, si odisses homines, ac faciunt, cum tenerrimè ames? Ut adversarij adversarios non consultant de rebus suis & periculis, etiam sapientissimos: sic mortales periclitantes passim, & indigi consilio, nolunt à te illud perere, nec doceri, non audiendo oracula tua & doctrinam, qua in oratione nos instruis. Homines irati malunt perire, quàm remedium indigentix suæ à capitali adversario postulent, ne illum alloquantur: pari proterviâ sunt erga te, ô affabilissima. Ineffabilitas: sæpè egent, affliguntur, pereunt, quia à te non petunt auxilium; nec loquuntur: quod majus odij signum, quàm duos degere in eadem domo, & nolle unum colloqui cum altero? Mentitur homo, si Deum diligere dicit, & intra se morantem numquam alloquitur. Amicitia muta non distinguitur ab odio,

Deus

Deus ab æterno cogitavit te, & tuâ, ô ingrate spiritus: jus est, ut etiam brevi spatio vitæ divinam pulchritudinem consideremus, & accedamus ad eum, qui tam propinquus nobis voluit esse, ut naturæ nostræ se uniret: & intra pectus nostrum toties veniret; & ne discederet à nobis, cum ascendit ad Patrem, invenit artificium divini sui Sacramenti, ut nobiscum quoque maneret, præsens. Nostra verò impudentia & desidia invenit quoque modum, ut cum ad Deum venimus in loco orationis, etiam tunc abeamus, & simus absentes alia cogitando, & distrahendo nos: tam longinqui à Deo esse curamus, ut cum ad nos ipse veniat in amabilissimo suo Sacramento, fugiamus ad vanas aliorum negotiorum cogitationes; & accepto tanto hospite, statim exeamus foras.

Sed si Deum non revereris, ô homo, misererear saltem tui: amorem orationis necessitas tua suadeat; si non necessitat amor Dei. Totus es homo ignorantia, totus indigentia: solum in oratione sapiens & divesces: in oratione aperiet Deus oculos tuos, ut sapias; & manet, ut capias tuæ egentia remedia. Equè placent Deo orationes nostræ; ut placet illis dare, quod summè placet, fructus naturæ suæ beneficæ. Non creavit

Deus

Deus mundum ex avaritia, ut haberet plura; sed ex liberalitate, ut haberet quibus daret: propter hoc creavit omnia, ut haberet, & quibus & quæ daret. At quia per peccata nostra indigni facti sumus liberalitate suâ, frustrato fine Universi, gratissimæ sunt Deo orationes nostræ, quia instaurant indignitatem ex peccato, exhibitâ Deo occasione faciendi per eas illud propter quod fecit omnia, quod est benefacere: ut perinde quodammodò sit Deum precari, ac si restitueretur mundus. Non potest Deus abstinere, nec se continere à largitione suâ, perpetuò cupit benefacere: ideò nos exhortatur, ut oremus sine intermissione, quia sine intermissione cupit dare: quomodo irritum facimus votum Dei, & bonum nostrum? Mendica importunè: nam grata erit Deo hæc importuna impudentia petèdi.

Differt aliquando Deus concedere postulata, quamvis cupiat donare; quia indignè petimus, aut non dolentes de peccatis, aut in nostris meritis confisi, aut non reverentes, & temporalia nimium optantes, aut spiritualia parum: & plerumque talia petimus, & taliter, ut ipsa concessio petitionis meritò aliquando sit supplicium illius. Anne conveniens petendi modus esset à patre

H

quo-

quodam, si homicida unigeniti sui mucronem, quo confodit filium, ferens in manibus adhuc cruentis, à patre peteret hereditatem filij? quæ major impudentia? dignus hic erat ut auferrentur concessa, non ut darentur nova. Hoc faciunt sæpè homines, culpas non horrentes, aut impœnitentes. Peccata sunt, quæ occiderunt Christum: oportet puros & mundos accedere ad orationem, insuper nullis proprijs præsumentes meritis, sed propriam indignitatem agnoscences ornare nos vestibibus fratris nostri **JESV.** ex astutia Jacob, quò accipiamus benedictionem à Deo. Induamus nos meritis **JESV.** quæ nostra sunt: nam illa nobis commodavit, non quòd nos formaliter justos & gratos Deo faciant, sed quia sunt causa nostræ sanctificationis. Ita ornatì appareamus in oratione per Unigenitum suum, precantes Deum, quod negare non potest: tunc non tibi, sed Christo peris. & Christo fit gratia. Si quæ tu concedis pauperi petenti in nomine Christi, Christo putas concedere, idem faciet Pater æternus. Si tu moveris, quando per Christum aliquando petitur; quantò promptius Deus movebitur ad elemosynam? anne minùs misericors est Deus quàm tu miser?

Sæpè

Sæpè tamen non suades Patri, etiamsi allegas merita Filij; quia tibi non suadent merita ipsa & dolores Christi. Ut orator persuadeat, dicunt; debere esse persuasum. Queri de Deo non potes, si non concedat tibi gratias, quas petis ob passionem Filij: cum tu ob illius mortem non velis deponere culpas & defectus quotidianos. quomodo vis inclinare Patris voluntatem ad te, ob sanguinem Filij sui, si ob eundem sanguinem nondum relinquere vis tuam totam voluntatem? Si irreverenter petis, cur te putas exaudiendum esse, ipsâ petitione dignum supplicio? Homines volunt non tantum urbanè sed humiliter rogari: & tu Deum præsumis exorare elatus, immodestus, distractus? Disce à Christo orare in horto, prostratus in terra, & velut tremens totus, sanguineum sudorem fundens. Si te secum separaret, ut simul cum illo orares coram Patre æterno, spirituum Hierarchijs stupentibus, ac Ordinibus comitantibus Angelum illum, qui ipsum Jesum confortavit, etiamne tunc dormire vellet, ut tres Apostoli, quos semotos reliquit; aut interim cogitares de ridiculis rebus temporalibus, videns tam novum angorem Christi pro peccatis tuis, & attonitam reverentiam Angelorum? Qui

pro peccatis proprijs cum lacrymis oraturus es, cur cogitationibus ludicris delectaris? Quantâ diligentia advocatus orat coram homine pro causa alieni capitis? tu ne sis deses coram Deo pro criminibus tuis.

Considera quoque quæ postules; quis pater petenti filio scorpionem aut lapidem, non daret potius ovum aut panem? Quid quereris de Deo, si tum temporalia petis, quæ sunt venena quibus te occidas, & adversus Deum insanias, concedat spiritualia? Furioso petenti gladium suum proprium, ut noceat alij, non licet dare: quanto minus, si ut laderet ipsum concedentem? quomodo Deum tam scelestum aut stultum putas, ut tibi petenti quæ non sunt tua, velis arma à Deo dari, ut te & Deum ipsum offendas. Discite iterum à Christo orare. Non fiat, ô Veritas amabilissima & amantissima, sicut ego volo, sed sicut tu: fiat voluntas tua in omnibus: tu scis quæ mihi expediant. Ipsa quoque bona spiritualia interdum differuntur, quia nondum debitâ æstimatione petimus; nec pari ardore & desiderio appetuntur, quo temporalia quærantur. Ferè indignè petit, qui remissè petit magna: vult Deus dignè peti, quæ digna sunt à Deo obtineri; & ipsa dilatione desideria nostra accendit, & digni-

ores

ores nos facit. Putant homines Deum trahere quali quali honore in vota sua futilia, & quibusvis obsequijs adulari, & velut puerum crepundijs delinire. Ideò oportet non semper se facilem reddat Deus; sed dignè dare dona digna suâ manu, aut præveniendò omnes preces nostras, aut, si expectat illas, expectando dignas. Nam cum ultrò non vult largiri munera, sed obsecratus; non facit ob defectum liberalitatis, sed ex desiderio nostri profectus, & probatione ac exercitio nostri affectus. ideò decet expectare justas preces & digna desideria, nec contemptibilem facere gratiam, dando ei qui illam jam contemnit, cum tepidè cupit: quæ enim ægriùs consequimur, non vilis pretij putamus, & spes producta gratiores fructum facit. Plerumque petitiones nostras Deus commutat in alias gratias magis occultas nobis, aut expectat occasionem commodiorem: nam si modò daret, fortasse superbiremus, aut ingrati citiùs essemus.

Oportet quoque orare pro alijs: qui pro alijs precatur, priùs participat & libat ipse, gratiam: qui alium oleo perungere vult, priùs manum suam ungit. Sed mendicitatis quoque tuæ semper sis memor: velut Lazarus, à Deo, & Sanctis, & Angelis eleemosynā

peras, cupiens satiari de micis Bonorum
caelestium. Vagare & lustra velut per vicos
ordines Angelorum, & choros Sanctorum;
& ubique stirpem gratiæ mendica; præcipue
à beatissima virgine Maria, cui magnum
concessum est jus dispensandi illam; quæ ve-
lut mater familias in domo Dei, misericor-
diæ claves habet. Clama, ostende ulcera
tua, nuditatem & egestatem. Pudeat te, ali-
quem mendicum remedium suæ necessita-
tis temporalis postulasse ardentius, quàm
tu remedium spiritualis indigentia postu-
las, & omnium mendicorum affectus tu so-
lus velis habere erga exiguum gratiæ gra-
dum. Majori affectu debet desiderari auxi-
lium minimæ necessitatis spiritualis, quàm
remedium omnium temporalium, si in te
uno essent. Erubescere quòd indigi calamita-
tem tecum sentiant, & humiliter opem de-
poscant cum lacrymis; & tu siccus sis, gau-
dens in tanta inopia spiritus, & gravissimis
necessitatibus. Humilia te, ut faciant men-
dici, animos concilia, expecta patienter, &
importunè insta; & ferè impudenter mole-
sta precibus Deum, ut propter importuni-
tatem saltem extor queas eleëmolynam.

CAPVT II.

*Quòd non oporteat intermitteri studium
orationis.*

Quantò pretiosior est anima quàm cor-
pus, tantò magis oportet curare orati-
onem, quàm cetera corporalia commoda.
Quantus apparatus necessarius est, conser-
uando vitam & salutem corporalem, in do-
mo, lecto, vestitu, victu quotidiano? multò
plus necessarium erit vitæ & saluti animæ,
quæ plures & majores inimicos habet quàm
corpus. Corpus habet inclementias cæli &
famem: anima habet adversarios etiam i-
psos inimicos corporis, insuper ipsas com-
moditates corporis, ipsum prætereà corp⁹:
deinde mundum totum, & infernum cum
omni militia sua: imò interdum ipsos favo-
res Dei, & virtutes suas, si nesciat illis uti, &
cum humilitate servare. Adversus hæc om-
nia unicum auxilium habet & refugium o-
rationis, quomodo poterit contemni aut
intermitteri aliquando, cùm corpus plura ar-
ma adversus pauciores & minores adversa-
rios habens, ferè totum diem in sui cura ve-
lit impendi, & numquam sui studium inter-
mitteri. Plerique quia se vident firmos & con-
stantes in proposito sancto, non putant de-

120 *Lib. II. De ijs, quæ spectant ad*
trimentum intermittere exercitium orati-
onis ob aliquam occupationem laudabi-
lem. Caveant, caveant, ne decipiantur: for-
tasse deficient, etiam si se fortes sentiant. Qui
robustum se videret, si nollet comedere, ut
interim magis laboraret? absque dubio tan-
dem deficeret, & se imbecillem experire-
tur: ita qui se constantem sentit in obsequio
divino, si ut exerceat plura opera exte-
riora, etiam pia, detrahat tempus orationi, de-
mum tabescet, & se imbecillem experietur.
Numquam est prætermittenda oratio; quia
numquam prætermittitur victus corpora-
lis; & si aliquando intermittitur, restaura-
tur postmodum. Si quis ut multum labora-
ret, per triduum aut quatrimum nollet so-
mnium capere, brevi insaniret: opus est quin-
que horas vel plures quietem capere singu-
lis diebus. Animæ quies oratio est: plerique
insaniunt sanctis propositis remissis, quia ad
eam serò accedunt.

Sit oratio, quæ est victus & requies ani-
mæ; quieta & tranquilla: nam cibum corrum-
pendum, qui semel nobiscum futurus est ci-
bus vermium, quieti & sedentes sumimus.
Commodum orationis non est tantum ho-
ræ & temporis cum Deo benè exacti, sed
totius diei. Modicum fermenti totam mas-
sam

iam corrumpit: modicum orationis totum diem condiet & servabit. Non tanti refert oratio pro eo spatio temporis quo oramus, quòd non perdamus illud, & præclare consumamus: maximi refert pro toto die, ne integrum perdamus: Ex brevi pendet utilitas longi temporis: si totum diem vis lucrari, unam saltem horam, postquam expergiscas, impende in oratione. Post debitam & ferventem orationem obversantur sanctæ illustrationes, inter ipsas occupationes diei. Ex magno sonitu jam transacto adhuc restant tinnitus quidam; & ex diurnis actionibus manent in somnijs vestigià quædam & repetitiones: sic ex quiete orationis refunduntur inter diurna negotia imagines quædam, & cogitationes miscentur divinæ: qui conspicit solem fixo obtutu, deinde in omnibus quæ videt, repræsentatur ei species solis. Juvat etiam oratio, etsi satis cognoscat quæ ad officia justa requirantur, ut fortiùs tibi hæreant. Ipsæ veritates, prudentiâ, experienciâ, doctrinâ & lectione acquisitæ, penetrant magis in oratione cùm de alto veniunt: magis juvâtur arua, cùm de cælo, quàm cùm è fonte & rivo rigantur: lapis quantò de eminentiori ruit, fortiùs cadit & tundit terram. Eadem veritas de cælo lapsa, plus

penetrat & tundit corda, fervorem & devotionem magis excitat. Inclinationes nostræ prævæ, sunt quæ nos à Virtutis tramite abducunt: orationis beneficium hoc impedimentum tollit, generat per devotionem inclinationes ad bonum; & est fomes quidam benè operandi, prævertens peccati fomitem. Sed quid commendo utilitates orationis? sufficiat mihi, ô Veritas divina, quòd in oratione humanissima ostendaris, & benignissima mihi fias: ibi te reregis, ibi te amplector, & tecum in hoc laborum tumultu quiesco. In oratione, velut in throno tuo, manifestaris Veritas clarissima caliganti spiritui meo, ne sit in eo dolus.

Oportet quoque prolixius orare, dum per valetudinem & ætatem licet, ut compensem tempus ægritudinis, cum non possimus: & semper reputandum est, parum orasse. Elevatissimus & zelator Dei P. Didacus Martinius usque ad quatuor mille actus amoris Dei quotidie faciebat, cum summa diligentia & ratione; suasque rationes seorsim habebat, ut satisfaceret pro tempore extremi morbi, si fortè tunc non posset vacare Deo ut desiderabat: præterea decem horas quotidie cum Deo suo ex otio agebat. Devotus P. Michaël Sosa, cum senium

illustrat: & Christi D. imitationem. 123

& acrimonia dolorum intensorum ultimæ
& prolixa ægritudinis interromperent stu-
dium orationis, cohortabatur fratres no-
stros, & de se querebatur, dicens: Ulciscimi-
ni, ulciscimini fratres in conatu orandi, dum
per vigorem & valetudinem potestis, restau-
rando futuras naturæ injurias, cum orare
cupietis; nec anni nec morbi concedent.
Doleo nunc non posse orare, cum velim;
doleo non orasse, cum potui. Sic se accusa-
bat ille, qui adeo occupaverat animum in
Deo orationis studio, ut raptus extra se in-
cederet: abluturus manus, sæpius fricabat
illas siccas clauso orificio fonticuli, & ipse
putabat madefieri; postea tergebat linteo
quasi lotæ essent: nonnumquam excessu spi-
ritus rapiebatur usque ad octo horas; & ad
se reversus, dumtaxat quadrantem horæ e-
xistimabat. O pudor, & torpor noster! cum
plus egeamus oratione, statim fatigamur;
& longum putamus exiguum tempus quod
cum Deo impendimus, sive potius lucra-
mur: at cum perditur confabulationibus
hominum, breve arbitramur: & si tamdiu
duramus in oratione, quamdiu sæculares in
uno convivio, nimium existimamus.

CAPVT III.

Quam efficax sit Christi gratia & favor.

Vtinam quis se nesciret & explicaret, quod gestit mens intelligere, & nondum valet! O quantum in corde meo molior percipere, & non satis concipere possum! Da mihi, Veritas æterna, ut claris oculis intelligam aliquid quod in Christo habeo, & immensas quæ in Jesu mihi servantur, divitias. Nescimus, nescimus ô mortales, quantum in Christo possidemus. Fratres Joseph affligebantur fame, quia nesciebant fratrem suum regnare in Ægypto: quid affligimur homines? Frater noster regnat in cœlo. Peccatores, mendici, miseri, afflicti lætami; quia ille frater vester, qui vos plus quam omnes alij homines diligit, qui solus fidelis vobis manet, gratissimus Deo est, locupletissimus est, Deus est, afflictus pro vobis fuit, Gratulor, gratulor peccatoribus; quia Christus est perfectissima satisfactio divinæ justitiæ. omni spe & præda sua de vobis illam frustrans, sine dolo ullo, & cum magno jure. Christus est solatium divinæ misericordiæ, & opulencia clementiæ Dei. Gratulor mendicis, gratulor miseris, gratulor afflictis; quia frater vester amantissimus est, qui distribuit divi-

illustrat. & Christi D. imitationem. 125

divitias divinas pro libitu suo, qui concedit beatitudinem. qui gaudia vera largitur: non extraneum vobis, non Angelum, sed fratrem ipsum vestrum Deus constituit Dominum domus suæ.

Christus fidelissimus amicus noster est: nam cum non poteramus (quoniam nudi & miseri fueramus) comparere ante Regem; adhuc ut impetraremus misericordiam, ipse nobis dedit pretiosissimam purpuram suo Sanguine tinctam, gratiam suâ passionis meritam & nobis inhaerentem, ut coram Rege Deo & Patre suo non tantum non indignè, sed honoratissimè appareremus. Ipse famelicos nos alit suo Corpore, ipse sitibundos nos recreat suo Sanguine: ipse locupletissimos nos fecit, donans thesauros meritorum suorum. Si vis scire quàm sint tua merita Christi, ut possis per illa impetrare gratiam, & offerre Deo, ut misericordiâ tecum utatur; inde collige, quòd sua reputaverit Christus peccata tua. Verba delictorum meorum, in persona innocentissimi JESU dicitur. Non tamen proinde putemus, ita esse nostra merita Christi, ut non habeamus opus mereri amplius, sed desides & ignavos salvandos esse: nam non fuit mortuus JESUS, ut negligentes essemus, sed ut servi-

di &

di & ardentes in obsequio divino. Quemadmodum Christi anima non damneretur propter peccata tua, nisi fecisset ipsa aliquod peccatum, quod impossibile fuit: ita nec tu salvaberis propter sola merita Christi, nisi etiam facias bona opera, & habeas gratiam in te inhaerentem; quod tamen etiam est per ipsum Christum. Dedit igitur nobis merita sua, ut illis tamquam proprijs uteremur ad placandum Deum; quemadmodum ipse peccata nostra ut propria accepit ad satisfaciendum, eaque velut propria luit, doluit, & satisfecit pro illis. Non simpliciter opera mera dedit, sed cum dignitate sua, ut facta à persona divina: ut sicut ipse peccata nostra super se accepit tamquam facta à vilissimis & servis creaturis; sic nos ejus merita habeamus nostra, ut facta à Filio Dei æquali Patri.

Imitemur Christum, quomodo accepit culpas nostras, & ut proprias habuit; ut sciamus uti meritis ejus, & ut propria habere. Æstima peccator tua Christi merita, & sic confidentissimè pete: hoc erit petere in nomine Christi. Multò magis ad hoc profunt merita Christi data nobis, quàm si nos ea opera fecissemus, & crucifixi essemus pro gloria Dei: nam tunc non essent opera Dei,

sed

fed hominis peccatoris. Vide quantum debes Christo, qui tua peccata suscepit, & sua donavit merita; qui tanta mala à te abstulit, & tanta bona est largitus. Duæ sunt istæ obligationes infinitæ: ex quibus hanc satisfactionem à te cupit: ut quemadmodum ipse satisfecit pro peccatis tuis, ac si ipse peccasset; sic tu non aliter offeras Deo merita Christi, ac cures lucrari illis gratiam & merita tua, quàm si tu fecisses.

O JESU suavissime, utinam nossem quantum commodum & utilitas nobis miseris fuisti, & es! Horrenda monstra eramus; jam per te sumus gratissimum spectaculum Deo: in limo & fundo inferni eramus; jam sumus in sinu, non dicam Abrahamæ Patris gentium, sed Patris tui: in gutture draconis tartarei eramus; jam per te sumus in corde Dei: indigni eramus divinis oculis; jam sumus digni amplexibus: servi damnandi in ergastulo tartari eramus; jam per te erimus Reges coronati in cælo. Quis novit quò præcipitati fuimus, & quò nos exaltasti? Satis esset contenta miseria nostra, si extraxisses nos ab inferno; sed non misericordia tua, nisi elevasses supra cælos, & tot Angelos: nimium fecisses, cum nos eramus dejecti in miseriam, irreparabilem, & desperatam omnino ut
impos.

impossibile esset nobis remedium, si impetrasses à Patre suspensionem iræ; sed tu impetrasti veniam; nimium fecisses, si impetrasses veniam; sed insuper conciliaſti benevolentiam, amorem & gratiam ejus: nemiũ & stupendum fecisses, si impetrasses solum benevolentiam ejus; sed impetrasti etiam, munera & dona; nimium & admirandum fecisses, si impetrasses minimum munus Dei; sed impetrasti nobis Regnum, & ipsam hereditatem tuam: nimium fecisses, si impetrasses hoc semel; sed impetrasti ut infinites nobis daretur, si toties perdidissemus, dum postea ad te pœnitentes confugeremus: denique quidquid Dei est, nobis impetrasti; & dignatus fuisti admittere nos pridem fœtidissimos & abominabiles, ut tecum coheredes essemus. Vide homo, unde Christus te eripuit, & quò te introduxit. Si alium hominem tu fortuitò sine consilio tuo & studio liberares, non à morte, sed vel molestiã quãlibet, quas gratias expectares ab illo? Feræ ob levia beneficia grata sunt: atrocissimus leo ob unam spinam erutam è pede servavit gratiam post multum tempus, & rependit: cur immensa Christi beneficia, deterioris cõditionis sunt facta nobis, quàm quæ sunt feris; & non potius stupemus, &

præ

præ gratitudine deficimus? Sed fortasse obligatus nobis erat Christus, aut facile fuit & sine sumptu suo, quòd fecit? Imò inimici eramus: negotium fuit desperatum & difficillimum: sumptus non minoris stetit, quàm pretio sui Sanguinis & vitæ.

O charitas Dei immensa, quanta pro odibilibus hominibus fecisti! cùm eramus in salute impossibili, & non habebamus consilium, excogitasti misericordissime Deus remedium, consilium, ac machinam stupendæ misericordiæ; & cùm nobis impossibilis esset executio post inventum remediū unicū, ipse voluisti exequi. Sed quale remedium? Quis captivus auderet optare, nedum petere, quòd Rex suus, ut ipse liberaretur, fieret pro illo captivus? Tibi, Jesu mi, placuit, pro nobis plus exequi, quàm nos audemus sperare aut optare. Tu Rex gloriæ factus pro nobis vinctus, reus; imò & damnatus, & mortuus pro nobis inimicis tuis, qui crimine læsæ Majestatis te offendimus. Mirandum foret, si Imperator supremus visiteret in carcere malefactorem aliquem rusticum: quid si proditorem suum? quid si relinqueret thronum suum, & mutatâ veste, maneret loco illius in carcere, ut foras eji- ceret malefactorem? Tu fecisti hoc, aman-

riſſime JESV. Numquam ſatis celebratur gloria illius, qui pro amico ſe ſubſtituit in vinculis, ut eum liberaret; & illius ſervi, qui pro Rege ſe objecit hoſti, & morti; & illius patris, qui pro filio dedit unum oculum. Sed non mirum, ſi amicus pro amico, ſi ſervus pro Rege, ſi pater pro filio chariſſimo id fecerint. At meus JESVS quânto plus fecit pro me, non amico ſuo, ſed inimico; non Rege ſuo, ſed vili mancipio diaboli; non filio ſuo, ſed perditionis? Si dimiſſet ſcelus meum, ſatis eſſet; ſed reliquit ſolium ſuum, amiſit vitam, & inſuper tranſtulit in me Regnum ſuum. Si ſolùm opprobrium & infamiam peccati mei abrogaret, immenſa clementia eſſet, licet pœnam non indulgeret; ſed & indulſit pœnam, & cumulavit gaudio & gloriâ. Fortaſſene tabula hæc, an fides infallibilis? ſi veritas, quomodo tantùm narramus hæc ore, & corde non afficimur erga perſonam Chriſti, qui ſuum cor nobis tribuit, & inclinavit, & inclinat in nos cor Dei? O quàm gratiſſimus JESVS nobis debet eſſe, per quem grati Deo ſumus! quàm amatus nobis, per quem à Deo amamur!

Confidera, quanta bona in Chriſto fruor: abſque dubio Deus non ferret nos, nec toleraſſet impudentiam noſtram, niſi Chriſtus

flus medius esset: ipse nos deformes coram Deo comit & venustat: ipse pauperrimos nos & nudos, ut ante Deum comparere non possemus, induit gratiâ, exornavit vestibus suis, & donavit meritis, ut comparere valeamus. Quantâ gratitudine fuit affectus Christus erga Martinum, quia dimidium pallij dedit illi? Jactabat, & quasi præsumebat JESVS coram Angelis cum frusto illo lacero, & nos sumus Christo ingrati, qui purpuram & divinam vestem dedit nobis nudis, indignis, leprosis, non quò tegeter horrorem lepræ solum, sed radicitus auferret morbum horrificum, & velut in Jordane lotos, ut Naaman pulchros nos verè faceret & sanos: nec æstimamus vestem & gratiam, & merita sua, propter quæ nos tolerat Pater, nos respicit, & quod summum est, nos amat. O mortales ingrati! quomodo non evellitur cor vestrum post Christum, qui est thesaurus noster, & divitiæ, & pulchritudo? Sine illo deformes sumus, & invisibiles coram Deo, per illum pulchri & visibiles.

Perinde se habet Deus erga genus humanum & Christum, ut oculus erga objectum suum, quod est colores & lux. Sine luce omnes colores invisibiles sunt, nulla est pulchritudo; ipsa solum revelans colores venu-

132 *Lib. II. De ijs, quæ spectant ad*
state donat: sic Christus lumen ad revelatio-
nem Gentium, facit ut Deus respiciat homi-
nes, visibiles jam & gratos illi, qui pridem in
tenebris & in umbra mortis jacebamus. Lu-
men est primum & maximè visibile, valdè
consentaneum sanis oculis: per illud reliqua
videntur, & solùm videntur quatenus parti-
cipant illud: nam cum luce, aut in luce, aut
per lucem colores videntur. in colore lux,
cum oculo lux, per medium aërem lux est.
Ita Christus est quòd oculis divinis primum
& maximè visibile est, magis gratum & acce-
ptum visui Patris; ceteri homines solùm,
quatenus participant Christum. Per ipsum,
& cum ipso, & in ipso videntur: ipse reddit
eos aptos, & dignos respectione divinâ. To-
ta gloria & gratia colorum, lux est, lucis be-
neficium est: tota gloria, honor, gratia ho-
minum, Christus est, Christi beneficium est.
Vide, quomodo jacent pretiosissimæ & pul-
cherrimæ res noctu, perinde sunt ac si non
essent: ita sublimes naturæ, subtrilia ingenia,
sine Christo in tenebris sunt, nihil sunt. Quid
tu gloriaris, nisi in Christo? Sine luce pulchra
& deformia æqualia sunt, perinde ac si non
fuissent: sine gratia Christi, perinde est subli-
me & acre ingenium, ac rude & hebes, reli-
quæ naturæ, artis, diligentiz dotes, tantum-
dem

dem sunt ac si nihil essent. Cælum quoque & Sol beneficus est per lucem dumtaxat, per quam omnia operatur: sic Deus solùm per Christum beneficia sua præstat. Cælum non admittit aliam qualitatem simplicem ex nostris: nisi lucem: ita neque in cælum ascendet homo, nisi in quem Christus splendeat; neque oratio benè admitteretur, in qua Christus non sonet.

O JESU lux hominum, lux vera quæ illuminas omnem hominem venientem in hunc mundum, illumina me, ut respiciat me Pater tuus: qui si in me aliquid tui viderit, non poterit me rejicere; si à me nomen tuum audierit, non poterit me non exaudire. O vis gratiæ Unigeniti Christi, per quam tot gratiæ & gnati Deo sunt! Ubi Christus est aut sonat, illuc misericordia advolat; ibi misericordia est. O efficax vox per Christum, quâ delinimus Patrem & urgemus! Quomodo obsequia Filij Unigeniti, obedientissimi, sanctissimi, officiosissimi, amantissimi, non commovebunt tenerrimè ipsum Genitorem, præsertim cum ab illo solo se videat amari pro dignitate divina, inter tot injurias hominum? Nomen Filij, sine ullo obsequio, gratum est etiam scelestissimis & avaris hominibus: quid erit titulus Filij, & tot servitia

134. *Lib. II. De ijs, quæ spectant ad*
facta, Deo beneficentissimo etiam erga ini-
micos & ingratos? Qui considerat officia
Christi erga Patrem, omnia præmia plus-
quàm debita iudicabit illi. Amisit Pater
mundum per peccatum hominis; sed tam
officiosus fuit Filius, ut recuperaret illum &
restitueret Parenti suo: anne parum est hoc
obsequium? Omnes homines, & innumeri
Angeli, rebelles & inobedientes erant ad-
versus Patrem; ipse Filius voluit resarcire
omnem contumaciam, & docere obedi-
entiam, etiam cum dispendio vitæ suæ; om-
nes mortales contemnebant Patrem; Filius
voluit honorare pro omnibus: tot denique
servos restituit Patri, tot adoratores lucra-
tus, tot amatores, tot laudatores; cælum va-
cuum replevit habitatoribus: anne sunt exi-
gua hæc officia? Sed quali affectu, quali se-
dulitate, quali amore, quali dignitate? Infi-
nita hæc fuit, & talis, ut non restet Patri po-
tentia nec scientia quò possit præmijs supe-
rare obsequia Filij.

Si igitur Deus tam beneficus est, ut pec-
catoribus ultrò benefaciat si tam justus, ut
justis ultra merita satisfaciat; & extra se fiat,
ut liberalis omnibus sit; nullo expectato ti-
tulo justo benefaciendi, anne cum solo Filio
iniquus erit, & non attendet titulum cujus

no-

nomine convenitur, & hætenus victa est liberalitas divina? Quid faciet, cum videat se non posse superare merita Filij, sed omnia præmia, quæ Filio dedit, & hominibus respectu Filij, minora esse infinitè, quàm officia Filij ipsius? An Deus, qui cum peccatoribus fuit liberalis, cum Filio erit injustus? an negabit dare quod ille petit, aut per illum petimus; si quidem non potest illum nimis præmiare, nec hætenus satis remuneravit? Si Deus magnificus est ultrà expectationem, cum scilicet judicant homines non debere gratiâ fieri, sed potius supplicium; an ne miser & avarus erit, cum homines judicabunt deberi, non tantùm gratiam dari, sed velut debitum reddi? Si alijs benefecit Deus propter servos misellos, quia non iniquè servierunt; quid faciet propter Filium unigenitum, in cujus obsequio solo benè ac plenè super omnes sibi complacuit? Si tanti æstimat Deus homines, ut jactet, Propter servum meum Jacob, & Israël electum meum, & propter David servum meum, cum indulgentia usus erat; an ne depreiabit dilectum Filium obsequentissimum, & durus erit, & in misericors illi, in quo gratificavit nos. O homines, securi, & securissimi petamus per Christum; accedamus cum fiducia ad

136 *Lib. II. De ijs, quæ spectant ad*
thronum gratiæ ejus; quia quibusvis donis
quæ petimus, semper debitor manebit De-
us & quoniam semper manere debitorem
non excusat, numquam manere ingratus
aut iniquus vult: sed dabit semper quæ peti-
mus; siquidem numquam dabit, nec dedit
omnia, quæ meretur Filius. Ecce, ecce, jam
video Sole ipso clarius, impossibile esse, ut
quidquid per Christum petatur, negetur à
Deo; si petitio, ut par est, fiat: nam sæpè vi-
demur petere, sed fortasse tam tepidè & stul-
tè, ut perinde sit ac illudere. At qui verè pe-
tit in nomine Christi, non tantum precatur
Deum, sed jam quasi adjurat & exigit.

Christus est objectum & voluptas omni-
um sensuum divinorum: nihil honestum vi-
det Deus, nisi per Christum: nihil consonum
audit, nisi per Christum, nihil fragrans & sua-
ve illi, nisi bonus odor Christi: nihil inungit
misericordiâ suâ & sanat, nisi medio oleo no-
minis Christi: nihil denique placitum gustat
Pater, nisi in Christi passione & felle condia-
tur & dulcescat. Quidquid sentit, per Chri-
stum omnia sentit grata, ita respiciendo nos
per Christum: quia Christo similes sumus,
grati sumus: ut qui videt per vitrum v iride,
reliqua videt viridia & jucundiora visui, li-
cet antea molesta essent: ille color omnium
gratior

gratior oculis, temperat molestiam. O quomodo horrorem & fœtorem nostrum non toleraret Deus, nisi per Christum! O quoties non ferret nos Deus, etiam post gratiam semel susceptam, quam amittere merebamur ob ingratitude[m] & torporem, & plures culpas veniales, nisi recordaretur Christi, qui sustentat nos, & supplet defectus nostros! Ille unus est Patri solatium omnium nostrum impudentiæ & ingratitude[m]. Jam periisset mundus millies, nisi per Christum, sustineretur, qui sacrificio quotidiano infinitè placente Patri sustentat orbem, & homines impudentissimos. Objicit se Christus Patri: qui dum nostra per Filium respicit, horror nostri minùs provocat; ut qui in speculo canem mortuum aspicit, fœtorem inde non percipit: nociva per vitrum conspecta, non lædunt oculos. Pari modo se habet Deus, ut Imperator ille, qui in ingenti smaragdo in speculi modum referente visa, conspiciebat tetra & inhumana, pugnas gladiatorum, flagitia & cædes, quò horrorem minùs causarent ex placiditate petrae. Sic Deum minùs exacerbant flagitia nostra, si Christus repræsentet ea. Christus lapis est & pretiosissimus smaragdus: nihil gratius est visui, quàm ille lapis: qui lætitiâ causare conspe-

138 *Lib. II. De ijs, quæ spectant ad*
aus dicitur, & colorem suum gratissimum,
non in se solum retinet, sed profundit, & tin-
git circumfluum aërem, vacuum alioqui co-
lore: ita Christus lætitiâ causat Deo, & in-
nos vacuos meritis refundit sua, ut imbutis
gratiâ ejus & viriditate spei, in illo confida-
mus, gratos Deo fore. Omnia bona & gra-
tiæ nostræ sunt exundantia, & velut super-
flua, & fimbriæ meritorum Christi.

C A P V T I V.

*Quantum oporteat devotè affici erga bea-
tissimam Mariam Virginem.*

Quanta est miseria & malitia nostra, ut
cùm immensa fuerit misericordia &
bonitas Dei, opus etiam fuerit juvari indu-
strijs & artificijs divinis! Mirum artificium
fuit ad satisfaciendum divinæ justitiæ, ipsa
Veritas incarnata Christus. At quia & hoc
instrumentum misericordiæ etiam oportebat
ut Judex foret; providit amor Dei erga
ipsum Christum, aliud organum puræ mise-
ricordiæ sacratissimam Matrem suam, pro
quo debemus gratias agere inter alia bene-
ficia immensa divinæ bonitatis. Quid fuisset-
mus, si non fuisset misericordissima MARIA?
cujus precibus, quamvis malignitas & inve-
recundia nostra, quâ semper erga Deum im-
puden-

pu'dentes sumus, digna sit perpetuo flagello, suspenditur tamen manus Dei irata, & flagrum commutatur in donum: Christi reverentia erga suam matrem, plus potest quam nostra irreverentia erga ipsum. Si Christus pro inimicis suis, & ijs ipsis qui crucifigendos auferebant illi vitam, obtulit vitam suam: quid non faciet pro matre sua amantissima, à qua accepit vitam? Si Deus pro creaturis, quibus dedit esse, tot tantaq; ultrò & sine precibus ullis fecit; quid faciet pro illa à qua accepit substantiam, & esse hominem; maximè deprecante & urgente intercessionibus suis; & veluti imperante ex jure materno? Bonis filijs preces matris pro imperio sunt: quis melior filius, quam Christus? quæ melior mater quam Maria? quæ obligatio major, quam hujus filij erga optimam suam matrem? Non est obligatio Christi, ut sunt obligationes aliorum filiorum erga parentes, sed est similis obligationi creaturarum erga Deum. Non tantùm est obligatio naturalis; quæ inter genitum & genitorem intercedit, (quamvis & hæc etiam major in Christo sit, cum non sit divisa inter duos, sicut reliqui filij patri & matri debent suum esse; nam à sola matre accepit naturam humanam, cum nullum patrem juxta
hanc

hanc naturam habuerit, ideoq; integrè uni matri debet esse hominem) sed etiam est obligatio moralis.

Filij debent reverentiam patribus, etiamsi noluerint generare filium illum, sed quemlibet alium: imò etiamsi inviti genuerint, & neminè voluerint procreare; nihilo minus tanta est hæc obligatio naturæ, ut ipsi Barbari & Ethnici dicerent, reverendos esse patres ut Deos secundos, & quæ ijs debentur, esse impossibile solvi. O IESV, cujus doctrina excessit omnem captum Philosophiæ, cujus exemplum præcessit humanam omnem opinionem; si Ethnici hæc docuerunt de honorandis parentibus, quid facies honorando matrem tuam. Fili Dei? Illa fuit Gentilium observantia; qualis erit perfectio tua, ô IESV? Qui superædificasti virtutibus antiquis; & addidisti præceptis pristinis; qui in amoris lege adiecisti inimicorum amorem, & in castitatis præcepto etiam concupiscentiam vetitam, dixisti: sic in præcepto venerationis patrum excelluisti reverendo matrem; in qua præter debitum naturæ, debes aliud debitum voluntatis. Alij parentes non habent electionem generandi filium, sed habuit mater tua sanctissima: quæ non tantum te genuit, sed

sed voluit te tantum generare, & non alium filium. Voluntas ejus expectata fuit & desiderata à Deo Patre, & Angelis: ideo quia debes voluntatem matri tuæ, rependis illam, nihil ejus voluntati negando. Majorem obligationem agnoscis erga matrem, quàm est aliorum filiorum erga parentes; & similem illi obligationi, quam habent creaturæ erga Deum, habes erga matrem tuam: Hoc est summum debitum creationis, quod non solum Deus creaverit nos, sed selegerit nos, & voluerit creare potiùs quàm alios, quos reliquit in rerum possibiliū massâ, & suo nihilo.

O stupenda excellentia Mariæ, cum similem obligationem habeat illi Deus, ac habent creaturæ Deo; quæ est infinita! Tum sicut ab esse ad non esse est distantia infinita; ita obligatio ejus qui accepit esse & naturam, infinitè superat alias obligationes ex beneficijs alijs communibus, quæ supponunt substantiam & vitam. Si in illos qui infinitè tibi debent, ô amande Deus, liberalissimus es, & erga eos qui te offendunt indulgentissimus; quomodo avarus aut crudelis eris erga matrem tuam, cui soli propter divitias misericordiæ & bonitatis tuæ debes, & tali modo debes? quomodo negabis gratiam aliquam, ubi agnoscis debitum tantum? Omnia

142 *Lib. II. De ijs, quæ spectant ad*
omnia meritò vis dare per illam, quæ tibi de-
dit vitam humanam: nam sicut de dono viræ
nullis bonis filij possunt satisfacere patri-
bus, quia est fundamentum omnium dono-
rum; & omnes actiones & dona filiorum vi-
dentur propria parentum, quia principium
illis dederunt; sic nihil negare vis illi, quæ
tibi dedit esse hominem: ut dando cuncta
per matrem, videaris dare omnia matri; &
præterea cogeres nos venerari illam neces-
sariò, cum per illam sit necesse impetrare
cuncta à te, & quia accepisti ab illa esse na-
turale, hoc est, humanam naturam; vis ut per
illam accipiamus nos esse supernaturale, &
gratiam: ut ita filios Mariæ faciendo nos su-
pernaturaliter, satisfacias pro filiatione tua
humana naturali.

Verum est quòd omnia sint à Deo, & hoc
ipsum quòd debeat Deus matri suæ, est be-
neficium Dei: sed ut reverà pensemus, quan-
ta faciet pro beatissima Virgine, nihil inter-
est: nam hic est ritus & mos divinus, ita se
habere erga beneficia sua, perinde ac si nul-
lam partem habuisset Deus in meritis no-
stris, licet orta sint ex ejus gratiâ; sed eodem
modo remunerat, ac si à nobis solùm essent.
Equè integrum gloriæ præmium dabit o-
peribus bonis, ac si ea ipsa bona opera non
fuis-

fuisse munera sua; nec ullâ gratiâ nos adjuvisset; sed ex proprijs viribus illi servivimus, & dignitatem illam ad gloriam ex nobis habuissimus. Eodem modo respondebit officijs matris suæ, ac si nullum beneficium Dei esset in illa; sed perinde ac si omnino accepisset ipse essentiam, naturam, vitam ab ea, independentem ab ullo beneficio, & gratia divina, quâ præventa, præjuta, & prælecta fuit ad hoc admirandum opus divinæ conceptionis.

Si hoc modo obligatum se agnoscit & habet Christus, fortasse violabit præceptum de honorandis parentibus, an potius coagmentatâ mensurâ curabit satisfacere? Si obligatio quam habent in parentes alij filij, tanta est, ut Philosophi dicerent impossibile esse solvi; cum Christus majorem obligationem agnoscat, possibilène erit, ut non velit gratificari? Si Deus alia obsequia hominum minuta remunerat in gloria ultra merita; hoc debitum matris quod est ultra gratiam & remunerationem, non negliget omnibus modis compensare & satisfacere. Quis dubitat, Christi gratitudinem erga matrem, excedere omnem amorem & gratitudinem hominum? Si igitur putarunt Ethnici, non posse filios cunctis officijs esse
satis

144 *Lib. II. De ijs, quæ spectant ad*
fatis gratos erga genitores; amittétne Chri-
stus occasionem gratiæ? Planè tam gratus
erga parentem optimam est, ut non con-
tentus reverentiâ, quâ illam coluit in vita,
obsequijs suis operationum infinitarum &
theandricarum, quibus illam honoravit,
subditus illi, voluerit omnes nos revereri
genitricem suam, quasi coadjuvando ipsum
ad venerandum & honorandum illam. Sic
voluit nos omnes ejus filios esse, ut pro se
honoraremus & amaremus ut matrem: nam
sicut obligatio fuit matri, satisfactionem &
gratificationem voluit esse filiorum. Quam
filiationem dedicavit in cruce pendens, cum
omnes suos illi tradidit in persona dilecti di-
scipuli dicens: Ecce filius tuus. Scilicet cum
moriturus erat, quasi solùm optaret vitam,
ut matri obsequeretur; voluit vicarium o-
bedientiæ & curæ filialis in Joanne, & obser-
vantia in reliquis fidelibus relinquere, siqui-
dem mortem evitare non expediebat: ut,
hoc pacto & redimeret nos moriendo, &
gratus esset matri relinquendo vicarios ex-
hibendæ venerationis, quasi ipse non se fa-
teretur satis fecisse matri pro desiderio suo.
Ibi ad pedem crucis accepit nos Maria in fi-
lios: ibi peperit nos, non ex utero, sed ex
corde, nam est pretiosius membrum, & effi-
caciôr

cacior filiatio: non enim omnis filius uteri
amatur, at filius cordis nequit non amari.
Ibino cum Christo parturijt cum dolori-
bus, quos non est passa in partu carnali. Cō-
venienter eo tempore accepit nos in filios,
cūm tota compassionis affectu erga Filium
plena erat, ut illum in nos transferret & ser-
varet ad excellentiam misericordiæ suæ:
quasi commendasset **JESVS** Matri, quod di-
xit mulieribus: Nolite flere super me, sed su-
per filios vestros. Ideò crucifixus, plenus do-
loribus & cruciatibus, velut in alios remit-
tens compassionem suā, dixit Matri lacry-
manti: Mulier, ecce Filius tuus: ecce filius
tuus est quisque fidelis & discipulus meus;
noli tam compati & flere super me, quā-
super istos filios tuos, quos tibi commendo,
miseros homines & peccatores. Sciebat
Christus majus objectum misericordiæ esse
miseriam peccati, quā quodcumque cor-
porale tormentum: non plus doluit anima
Christi compatiens in culpis nostris, quā
corpus ejus patiens in pœnis suis. Ideò vo-
luit ut transferret mater compassionem &
misericordiam ad nostros defectus, culpas,
& misérias animæ, ut nos in illis præcipuè
adjuvaret. Et quia Christus patiēdo bene-
meritus fuit de Justitia divina, superabun-

danter illi satisfaciendo, propterea dignum
ut ei committeretur hoc attributum & esset
Judex hominum, ut prædixit David; *Deus
judicium tuum Regi da, & justitiam tuam filio Re-
gis*: Mater Christi, compatiendo & misere-
scendo Christi, benemeruit quoque com-
passionis & misericordiæ attributum, quod
illi est commissum; ut dicere possimus: De-
us misericordiam tuam Reginae dedisti, &
pietatem tuam matri regis: ideo nulla gra-
tia & misericordia Dei ad nos pervenit, nisi
per MARIAM. Jam hinc, pientissima Mater,
te accipio in mea; & istud primum pignus
accipiam tuæ pietatis, ut imiteris filium tu-
um primogenitum: qui non tantum te dedit
Joanni, sed Joannem etiam dedit tibi: ita me-
des Deo, siquidem Deum dedisti nobis.

Igitur cum nostra miseria nullum habeat
remedium nisi Dei misericordiam, & dispē-
satio ejus sit penes MARIAM, cui Filius nihil
negat, & illa plena sit miseratione; quid pi-
grescimus in officijs & pietate erga illam?
Quatuor de causis debemus officiosi esse in
obsequio erga Virginem. Una est utilitas &
necessitas intercessionis ejus: nam sine ne-
gotiatione & petitione Virginis nihil de-
scendit de cælo. Plus quam ab Elia depen-
debat pluvia cæli, ex MARIA pendet gratia.

Altera est voluntas Christi, qui vult Matrem suam coli à nobis, ipsique adulamur Christo Domino cultu suæ Genitricis, nam ad omne quod illi debemus delegat Matrem suam creditricem. Si ea quæ facimus pauperibus, accepta ipse habet, eosq; Vicarios designavit obligationis quam habemus; quanto magis grata habebit, quæ præstantur Matri, cuius se debitorem agnoscit ille cui omnia debent.

Tertia causa est, excellentia sanctissimæ Virginis, cuius cultus licet nullius nobis necessitatis esset, nec tam explicatæ voluntatis Filij sui J E S U, propter præstantiam suam, summòperè deberemus affici erga illam. Ipsa est honos totius creaturæ, maxime generis nostri: & secunda post Deum, cui concessum est ut habeat illud privilegium, quod Deus solum propter infinitatem suæ naturæ fruatur, ut sit Parens & Virgo simul, & Parens Dei. Deus est Pater & Virgo simul. **MARIA** est etiam Mater & Virgo. Quemadmodum Christus secundum divinitatem genitus est castissimè in splendoribus Sanctorum à Virgine Patre sine Matre; ita secundum humanitatem genitus est castissimè à Virgine Matre sine Patre in splendoribus sanctitatum super omnes Sanctos. O gemitum

num miraculum, quod virgo pariat, & quod pariat Deum! Sed quid debebat parere, virgo nisi Deum? Gratia & natura sorores sunt, & ambæ sapiunt manum ejusdem artificis: ideo similem quamdam methodum, suorum operum servant. Quemadmodum in compendium collegit Deus in Adamo & Eva universam naturam, postquam cuncta creasset; atque in homine sunt omnes naturarum & vitarum gradus eminentiori modo quàm in ipsis naturis, cælis, plantis & animalibus, ut unus homo plus valeat quàm universus orbis, & sit alter mundus, eique omnia serviant, & propter illum sint omnia: ita quoniam non est negligentior & minùs curiosus artifex Deus in rebus gratiæ, in unum quoque redegit in novo Adam & Eva universam gratiam datam & dandam hominibus & Angelis. Unaque in Maria sunt omnia genera charismatum & donorum supernaturalium & gratiarum gradus eminentiori modo, quàm in cunctis reliquis Hierarchijs spirituum beatorum, & ordinibus Sanctorum; ut ea sola plusquam æqualeat universorum sanctitati. Non est solum pietas istud existimare, sed ratio; & satis jam, constat ex revelatione benedicti P. Martini Gutierrez martyris Christi, quem vidit san-

Sta Teresia in cælo cum insigni martyrij,
quòd in carcere obijisset ab hæreticis vinctus
& vexatus. Huic servo suo gratias egit ipsa
virgo Maria, quòd hujusmodi defenderit
suam sanctitatem. Mariæ enim serviunt, &
colunt tamquam Reginam omnium ipsa
beata Seraphim, & ceteri Angeli ac Beati,
veluti bruta animalia parebant Adamo in
statu naturæ non corruptæ. Homo eminentior
brutis creatus fuit; Maria sublimior Se-
raphinis & Angelicis mentibus glorificata,
excellens beatos spiritus, ut Adam pecora
campi & irrationalia. Illa sola duplo major
videtur esse apud Deum & æstimabilior
quàm totus mundus: in quem etsi indul-
gentissimus fuerit descendendo de cælo Fi-
lius Dei pro ejus salute; nihilominus ut ac-
ciperet Spiritum sanctum, opus fuit recipi
prius Christum in cælum: at beata Maria &
Filium Dei in se suscepit, & simul Spiritum
sanctum in se supervenientem.

Itaque duobus titulis audiuntur preces
Mariæ à Christo, & ob reverentiam debitam
Matri, & ob eminentiam sanctitatis ejus &
merita singularia: exauditur enim pro sua
& filij sui reverentia & dignitate; pro reve-
rentia maternitatis, & pro dignitate sancti-
tatis: & nos per illam audimur: cujus inter-

cessio non solum utilis, sed necessaria est nobis. Ad MARIAM igitur in cunctis afflictionibus confugas, velut filius plagis ab extraneo casus ad matrem accurrit: novit illa portare & sustinere mundum suis precibus, nec grave onus tu illi putes adjici.

Quarta causa potest esse velut affinitas & necessitudo quædam cū Beata MARIA, non tantum secundum spiritum & mystica solum, sed realis secundum corpus etiam & naturam. Nullus enim homo propinquior est affinitate alteri, quàm est tibi conjuncta Beata Virgo. Qui corpus Christi suscipit in Eucharistia, unione quadam reali fit una caro cum Christo; ut non sit unio alia & conjunctio tam propinqua & similis inter homines, etiam inter virum & uxorem: quare etiam debes te putare affinem matri ipsius Christi, & reputare habere eandem carnem. Major item est conjunctio physica, & realis inter Deum & te, quàm inter te & patrem tuum: qualis ergo erit affinitas, quàm contrahis cum Matre ipsius Dei? Quæ major unio creata & realis potest esse, quàm est inter Verbum divinum & sacratissimam humanitatem Christi, acceptam ex visceribus sanctissimæ Virginis? & quæ unio consanguinitatis potest esse major, quàm fuit inter
Chri-

Christum & MARIAM? Igitur affinitas & conjunctio secundum naturam nostram, quam habemus cum Beatissima Virgine, excedit, affinitates hominum. Si homines solo titulo consanguinitatis & propinquitatis se juvant, & ad se invicem, accurrunt pro auxilio; cur non accedemus ad MARIAM, cum qua habemus necessitudinem maximam?

Quid dicam de conjunctione & quasi cognatione spirituali, quam cum MARIA contraximus? Is per quem accepisti gratiam Baptismi, aut astitit tibi & suscepit in illo Sacramento, cognatus tuus fit, illumque teneris venerari ut patrem: quantam reverentiam, proximitatem & filiationem contrahemus cum Virgine, per quam toties gratiam suscipimus, quæ toties suis precibus peperit nos Deo, & in lucem & veritatem vitæ spiritualis edidit?

Agnosco te matrem meam, ô Mater Dei & Mater gratiæ & misericordiæ, obsecro ne obliviscaris nominis tui, de quo tu ipsa gloriaris. Mater gratiæ & misericordiæ diceris: sed hunc titulum quid tibi dedit, nisi nostra miseria, quia tuâ miseratione & gratiâ egemus? Quare quia ego miserrimus omnium sum, majus jus præsumo habere in tua materna viscera. Dignitas tua ex mea indignitate

tate accidit, sanctitas tua ex meis peccatis: ideo præsumo primum locum me habere in tua misericordia, qui primus & maximus omnium peccator sum, & plus miser. Mater Dei, te fecerunt peccata hominum, & peccata mea solum sufficerent, ut te facerent. Matrem misericordiæ: ne projicias me à te & protectione tua, sub cujus pallio protegentur omnes. Religiosi nostræ Societatis, ut mirabili visione vidit devotissimus tuus filius P. Martinus Gutierrez. Quem enim debet magis recipere misericordia, quam Magis misellum? Recordare, quòd hunc honorificum titulum, de quo, post titulum matris Dei & Virginis, supra ceteros gloriaris, ego solus possim sustentare, ob innumera mea peccata. Spero Mater in misericordia tua ego miserrimus: nam potius cælum & terra peribunt, quàm tua deficiet miseratio & gratia ijs, qui verè & seriò implorant favorem tuum, & servi tui sunt. Admitte me inter illos, ut cum exultatione & lacrymis in te colenda occuper: at quia tepiditas mea, frigidum & siccum, ut qui sim totus terrestris, me teneat; invideo fervorem tuis devotis: vellemque, ut faciebat devotissimus Pater Joannes Trexus, facella tua ore meo verrere, & lacrymis rigare. Ad hoc faciendum

illustrat: & Christi D. imitationem. 153
dum aliquot millaria pedibus ibat ille fer-
vidus Pater, & filius devotus Virginis.

C A P V T V.

*Quòd imitari Christum debemus. & de san-
ctissimi cordis sui dolore & passione.*

Quomodo potest homo cogitare de a-
liquo gustu, qui pro hominis gustu re-
cordatur afflicti IESU? Una gutta sanguinis
sufficiebat redemptioni nostræ: quomodo
totus pro nobis fusus, & immensitas dolo-
rum, laborum, opprobriorum, non sufficit
exemplo? anne vanè & incassum tot tantaq;
passus est Filius Dei, cum minima oratio e-
jus plus quàm abundaret ad satisfaciendum
pro mille mundis, & obtinendum universis
gratiam? Sed adhuc non sufficit tantus ex-
cessus cruciatuum, ut unus ego imiter illum.
Christus enim passus est pro nobis, nobis re-
linquens exemplum. Non minoris stete-
runt Deo minimæ nostræ voluntates, quàm
nostra peccata gravia facta. O si considera-
rem opera tua hæc, Domine, quomodo ex-
paverem? Mirabilia opera tua, utinam ani-
ma mea cognosceret nimis! mirabilia pro-
digia quæ posuisti super terram, mirabilia
testimonia amoris tui, & ingratitudeis &
duritiæ meæ! Utinam fieret cor meum tam-

quam cera liquefcens, & ponerem te ut signaculum super illud, ut nullum vitæ hujus gustum admitterem, sed imitarer dolores & afflictiones tuas. Pone me ut signaculum super cor meum illud cor mœstum amantissimi IESV, quod perpetuò crucifixum fuit: sic in memoria habebō, & tabescet in me anima mea. Quid efficacius ad extinguendum omnem voluntatis gustum, quàm recordatio IESV gustantis fel. & totius passionis ejus? Tam efficax est ejus consideratio, ut ipsum Christum fecerit tædere & pavere, & sudare guttas sanguinis. Quid efficacius, ne patiamur gustum, quàm compati dolenti IESV? Non sine causa, hi qui fideliter Christo assistunt in Calvariæ monte, & compassi sunt, non sunt postea passi martyriū in exitu suo, cū reliqui Apostoli, & alij discipuli, à tyrannis sint occisi. Nam Beatissima Virgo Mater IESV, sanctus Ioannes Evangelista, & Magdalena, non fuerunt per martyrium sublati: dolor major omni morte & omni cruciatu, excruciauit illos solâ compassione, & suffecit pro morte martyrij. Compatiamur igitur IESV, & patiamur libenter.

IESVS est via, veritas, & vita. Quam viam volumus habere ad verè beatam vitam, nisi vitam IESV, quæ tota fuit mors continua, &

cru-

crucifixio perpetua? Sufficeret, ut nos æternè haberet IESVS dolentes & compatiētes, atque omnem gustum nostrum abominantes, ob eam quam passus est in ultima nocte & die vitæ suæ omnium membrorum cruciationem, in quo à planta pedis usque ad verticem capitis non fuit sanitas. Lingua, quam non attigerant carnifices, ne sine tormento maneret, videtur non minùs torta quàm alia omnia membra: siquidem de nullo artuum suorum dolore conquestus est patientissimus IESVS, nisi de siti, ut monstraret etiam ea membra, quæ videbantur immunia excruciatata habuisse. Neque magnitudine doloris insensibilis & stupida fiebant, sed omnia valida, vivida, vegeta ad patiendum servavit; ideò expiraturus clamavit voce magnâ: in quo etiam ostendit fervorẽnumquam deficientem, quo negotium nostrum egit in tam acerbis cruciatibus; & humilitatem, quâ excepit mortem inclinatione sui capitis; atque summam reverentiam, quâ adimplevit arduum Patris præceptum.

Plus tamen debent eos commovere quæ passus est per totam vitam in uno membro sanctissimo suo corde: cujus dolor immensus fuit à primo instanti suæ conceptionis, & duravit quàm diu vixit. Cor est, quod primo

mo excruciatum fuit, & quod ultimò. Tantò magis doluit cor ejus, quanto omnium, reliquorum membrorum intolerabiles dolores in uno illo passus est, quod est omnibus membris delicatius. Non minor afflictio latuit in corde Iesv ab illo instanti, quàm habuit in horto, cum sudavit sanguinem per omnia membra. Quemadmodum illic ex viva apprehensione dolorum & cruciatuum passionis suæ insolito & terribili modo affictus fuit: sic etiam æquè intensè apprehendit eosdem dolores in utero amantissimæ Marris. Cognitio enim Christi non fuit imperfecta, eo maximè tempore cum negotium nostræ redemptionis acceptavit: & proposita fuit intellectui, sine ulla dissimulatione, omnis difficultas toleranda & vincenda. Apprehendit ibi intensissimè suam passionem, labores innumeros suæ vitæ, opprobria & contemptus: ita afflixit illum ab eo tempore hæc cognitio suæ passionis, & plus fortasse quàm in horto, si inæqualitas fuit: nam in Gethsemani erupit exterius sensus doloris, diffususque fuit per omnes artus, ut communicatus in toto corpore angor, minor remaneret in corde: at in utero gloriosissimæ Virginis Mariæ retentus est totus dolor intrinsecus in uno membro tenerrimo

mo corculo infantis Iesv. Cum quis lacry-
matur, minùs sentit afflictionem, quàm cum
recluditur angor in corde siccis oculis: sic
Christus dum nò sudavit & sanguinem fudit,
plus fortasse doluit, quia nulla particula an-
goris evaporata fuit: oportuit tamen ad no-
strum documentum monstrari semel exte-
riùs quantum passus est semper interiùs.
Continuatus deinde fuit iste mœror per
omnem vitam. Perfectissimè & perspicacis-
sime, ut in se erant, cognoscebat semper
omnia Iesvs. Nisi divinâ dispensatione ad-
iutus fuisset illo ipso instanti quo cœpit vi-
vere, mortuus fuisset præ doloris magnitu-
dine: ideò maximum & continuum miracu-
lum fuit vita Iesv. Nec solùm sua passio eum
afflixit; sed multò plus compassio: habuit
compassionem, considerans angustias suæ
amantissimæ & innocentissimæ Matris; ha-
buit quoque compassionem nostri: plus do-
luit omnia tormenta Martyrum, pœniten-
tias Confessorum, morbos & ægritudines
Sanctorum, quàm ij ipsi qui passi illa sunt. Si
mater pia plus dolet ægritudinē filij, quàm
ipse filius: quis potest negare, Christum dile-
xisse suos, plus quàm ulla mater unicum fili-
um. Verè labores nostros ipse tulit, & dolo-
res nostros ipse portavit. Quantus igitur
erit

erit dolor, si est major quàm omnium Martyrum, Pœnitentium, & ægrotantium simul? Habuit præterea super omnia compassionem nostri, & dolorem, ob omnia & singula peccata omnium & singulorum hominum, qui fuerunt, & futuri erant. Deficit mens, cum quis considerat quàm immensus hic dolor fuit, sufficiens, nisi per miraculum impediretur, ad auferendam millies vitam. Si aliqui homines præ dolore peccatorum mortui fuerunt, quomodo non exstingueret vitam IESV dolor solius unius & minimi peccati venialis unius hominis, cum omnem deformitatem culpe perfectè considerasset, tum Majestatem Dei Patris, contra quem est, atque vilitatem hominis à quo est commissa: & ipse tantoperè amaret Patrem offensum: & hominem offendentem? Sicut, hanc charitatem nemo mensurare potest, sic nec dolorem. Si tantum dolorem habuit de uno peccato veniali, quantum de omnibus & singulis peccatis venialibus & mortalibus adeò horribilibus & immanibus? Importabile pondus peccatorum tulit ille, qui suave iugum & onus leve nobis imposuit: nos autem oneramus IESVM immenso pondere iniquitatum; quod sanguineum sudorem ex corpore IESV expressit, sicut torcular

lar ex racemo vinum. Si ab ipso die quo peccavit Adam, usquequò descendat Christus judicaturus homines, fuisset aliquis qui pateretur omnia supplicia Martyrum, morbos & dolores cunctos omnium hominum, non æquivaleret totum hoc huic dolori Christi: qui etiam ex eo quòd fuit angor spiritualis, acerbior ex suo genere erat, quàm corporales cruciatus. Habitabat in Christo plenitudo divinitatis, & clara visio Dei illum illustrabat: quæ tamen aliquibus effectibus non obstitit; sed dispositum miraculose fuit, ne per illam affluentia gaudij totum corpus & inferiores animi portiones occuparet, ut daret locum dolori, sicut accidit in passione. At in corde Iesv dolenti pro peccatis nostris, non tantum dedit locum summæ tristitiæ; sed auxit summopere propter altissimam cognitionem Dei offensi: quò enim major fuit cognitio Dei, maiorem dolorem causabat; & Christus solus multò maiorem cognitionem intuitivam Dei habuit, quàm omnia Cherubim & Seraphim, & reliqui omnes Spiritus, ac simul omnes homines beati. Amor quoque Christi erga Deum offensum æqualis fuit visioni divinæ Majestatis; quare dolor ejus nec explicari nec cogitari potest: nam non amisit occasionem patien-

di quantum potuit, & decebat: imò miracula fiebant stupenda in sua sacratissima anima, ne impedirentur dolores. Quomodo nos solliciti sumus ut gaudeamus, & excogitemus artes voluptatum; si totum hoc patiebatur IESVS in suo corde, cuius nemo debet recordari sine lacrymis, & debet Christianus recordari semper?

Quomodo, cor meum, audes gaudere? considera, quare IESVS tuus passus est? pro peccatis tuis, ut te salvet. Quia ego offendi, ille ita me amat, ita cumulat beneficijs. Quomodo hic amator meus, & benefactor inimicorum, carbones ignis non congerit super caput meum, & erubescere me facit? quomodo carbones ignis non congerit super cor meum, ut ardeam amore ejus & desiderio imitandi illum? Ponam cor mœstum IESV ut signaculum super durum cor meum, ut aliquando me inveniatur secundum cor suum amicum & cupidum patiendi. Comparere cor meum patienti IESV, & consolare illum patiendo. Quomodo vis consequi misericordiam per passionem Christi, si non habes misericordiam Christi patientis? Tantam gratiam fidejussoris tui ne obliviscaris. Sanctus Didacus Quisay, ne oblivisceretur, præter frequentem commemorationem &
pium

pium affectum, scriptam in libello secum,
continuo gestabat passionem Christi, in te-
stimonium quòd incisam in corde haberet;
eamq; singulis diebus legebat. Tam grata
fuit Deo hæc memoria crucis Salvatoris, ut
concederet, postquam Societatem Jas v in-
gressus fuit, penitus conformari illi, & cruci-
figi pro nomine ejus, suâq; passione repræ-
sentare mortem Filij sui. rependitque Chri-
stus istam memoriam sancto Didaco; nam-
super locum, ubi ille & alij plures sancti pro
Christo crucifixi fuerunt, singulis sextis Fe-
rijs luces mirabiles in celo apparebant, con-
formitatem passionis Christi & Ipsorum ap-
probantes & commemorantes. Jucundum
est Christo recordari passionis suæ: siqui-
dem ut ej⁹ memoriam haberemus, instituit
admirandum sui Corporis Sacramentum.

At si memor es Christi patientis; quomo-
do non es impatiens adversum te, tibiq; ira-
sceris? Rex Moab cum nullam jam spem
haberet, oppressus obsidione Israël; arri-
piens filium primogenitum, qui regnaturus
erat pro eo, obtulit holocaustum super mu-
rum, & facta est indignatio magna in Israël,
statimque recesserunt. 4. Reg. 3. Ecce holo-
caustum filij primogeniti & Unigeniti Dei
super Crucem! cur non indignaris in te, &

recedis ab omni voluptate & voluntate tuâ?
 Extraneis, imò animalibus compatimur: cur
 non Deo nostro, Patri nostro, Fratri nostro?
 Proh inuerecunda pervicacia nostra, qui lo-
 co compassionis rursus crucifigimus **JESVM**
 novis peccatis! Recordare quòd Deus est,
 Pater tuus est, non inimicus tuus; qui pati-
 tur pro te inimico, non pro pecoribus cam-
 pi, aut pro sua salute, loco tui, non pro se, a-
 cerbissimum omnium supplicium crucis, in
 omnibus membris vulneratus, non dolorẽ
 tantum aliquem capitis, aut stomachi; quia
 tibi & mundo benefaciebat, non quia urbes
 incendit, publicitus in die festo, & in mon-
 te, cum duobus latronibus, quasi dux eorũ;
 non reclusus, & clanculum; omnium odio,
 opprobrio & plausu, ut illi soli, qui est mise-
 ricordia ipsa, defecerit misericordia homi-
 num. Libenter nihilominus & amanter pati-
 tur, non invitus, non iratus, non querulus,
 quia pro te; à suo populo, non à Barbaris &
 Scythis; per triginta & tres annos, non per
 unam horam. Compatere ergo **JESV**, nec ir-
 rita hæc omnia facias: cessa peccare, incipe,
JESVM imitari: ut multum proficiat tibi pas-
 sio sua. fiat imitatio tua.

C A P V T V I.

Quantum oporteat sequi Christum.

Non tentat nos Deus, cum in difficilibus posuerit salutem nostram. Charum illi esset, siquidem tanta fecit & pertulit, ut eum imitaremur. Dicta hominis in potestate, constituti habentur pro lege, & adimpleri debent: tacta Dei cur non sunt observanda? Qui ponit cor Christi dolorosissimum & humile ut signaculum super cor suum, ponat etiam super brachium suum, ut imitetur eum cui condolet. Dilectio non est mollis, sed fortis; & amantem Dei, mors Christi excruciat per compassionem, & æmulationem. Dura est imitatio JESU: aliqui perinde ut infernum odio habent; sed non possumus meliora charissimata æmulari. Ne timeas falli, cum crucem pro delicijs, opprobria pro honoribus, nuditatem pro opibus suadet; summa veritas est. Sapientia æterna & intellectus divinus ita consuluit, ita judicavit expedire. Ne diffidas, summa Bonitas, summa Potentia est; his tamen rebus te redemit: ijsdem opus est perficias saluationem tuam: ijsdem instrumentis opus istud incipitur, & perficitur: per hæc Christus ascendit in cælum; & membra non decet aliâ

164 *Lib. II. De ijs, quæ spectant ad*
viâ ire, nisi quâ it & ducit caput. Non sunt
venena: ipse Christus sanctificavit & libavit
prius: imò ut parum transiret ad nos, totum
ferè calicem laborum & dolorum hausit; &
tamen vivit in æternum, & ad dexteram
Dei sedet. Quomodo non operiet confusio
faciem tuam, dum videns Christum male-
dictum ab omnibus, tu velis laudari? videns
genuflexum ad pedes Jude, tu extollaris su-
per majores? videns sitientem, & carentem
aquâ; tu cupias abundare & deliciarî?

Magna gloria est servi, sequi Dominum
suum. Imitatio Christi non solum necessitas
est, sed dignitas: jam in hoc maxima pars dif-
ficultatis tollitur, & aliarum sufficiens preti-
um datur. Si gloria est imitari Christum, jam
non erit arduum ferre contemptus & op-
probria hominum. Siquidem istud honos erit
summus: non est contemptus, ubi con-
temni est dignitas. Pro gloria quoque vera
carere voluptatibus & superfluis divitijs,
non est difficile: nam mundani & Ethnici
plus fecerunt, & abstinuerunt necessarijs pro
gloria falsa. Pudeat nos, quòd fuerint qui-
dam Barbari tam fidi & amantes Regis sui,
ut si Regi deessent oculi, ipsi se excæcarent;
si deesset manus, ipsi pariter sibi abscinde-
rent dexteram; & hac fide in reliquis imita-
tores

illustrat: & Christi D imitationem. 165

tores Regis sui essent: cur in minoribus non imitatur Regem gloriæ qui vocatur fideles? Si Christus solum dixisset quid faciendum esset, licet ipse non fecisset, deberemus exequi: quantò magis, cum ipse primus fecerit, & fecerit ut nos faciamus; & non tantum dixit, sed laudavit & beatas prædicavit afflictiones? Si Propheta aliquis simpliciter dixisset, non haberemus excusationem: quantò minus cum ipsa Sapientia Prophetarum & os Dei exaggeraverit, & in se perfecerit? Non dixit JESVS verbum otiosum; quantò minus tot laudes & beatificationes pauperum & afflictorum? quantò minus tot opera otiosa fecit? Si non oporteret nos pati, exemplaris vita JESV otiosa fuisset, & supervacaneus ejus rigor nobis, qui charitate illius, qui superabundanti pretio redemit nos; non moveremur, & tanto exemplo non doceremur ad amandum ejus imitationem, & odio habendum peccatum & gustus sensuum. Anne vanè voluisset Deus affligi suum Unigenitum, si nihil referret facere quæ ipse fecit, ut quos præscivit & prædestinavit, fierent conformes imaginis Filij sui, ut sit ille primogenitus in multis fratribus? Non est Deus impius, ut sine causa gauderet tam atrociter scire in Unigenitum dilectum. A-

nimalia fera & crudelia, sunt erga fetus pi-
entissima: quomodo Deus clementissimus
& misericordissimus in Filium fuisset crude-
lis & tyrannus, si necesse nobis non esset pa-
ti? Peccata nostra non requirebant tantos
cruciatu, ut redimeremur; superabunda-
bat una gutta, non dicam cruoris, sed sudo-
ris IESV: requisivit ergo illam tormentorum
atrocitatem, vitæq. austeritatem, necessitas
nostra imitandi Christum & patiendi, quæ
est regia cæli via. Aut Deus atrox & impius
est; aut summè necessarium est nobis; humi-
les, afflictos, inopes esse, habere æstimatio-
nem divinæ charitatis & contemptum no-
strum.

Nemo iter cæli novit, qui non ambulavit:
nemo ascendit in cælum, nisi qui descendit
de cælo CHRISTVS IESVS; & qui per viam,
quam ille monstravit, incedit. Incognita via
erat, nec potuit alius indicare melius quàm
IESVS qui noverat illam & ambulaverat.
Non fecit IESVS, ut aliqui rustici solent; qui
digito aut narratione ostendunt viatoribus
iter, ipsi tamen sedent & manent domi qui-
eti, nec solliciti sunt deinceps, an errent rur-
sus viatores: nam præterquam verbo do-
cuisset semitam cæli, ipse præit & præducit
nos, ne erremus. Dic mihi si certi fuissetis.

illustrat: & Christi D. imitationem. 167

ut modò sumus, de gaudijs cælestibus, pedibusque foret opus pervenire ad illa, nec aliud requireretur ad consequendum, nisi scire viam omninò ignoratam; & aliquis illam annuntiaret nobis; quis esset, qui non se accingeret ad iter, quantumvis salebrosum & difficile esset, præcipuè si ille qui demonstraret semitam, vellet comitari nos & præcedere? Cur igitur Christo non credimus, & sequimur? anne putamus erraturos nos sapientiâ Dei duce? anne putamus perituros præeunte Salvatore? Minimè. Securat nobis viam monstravit Christus, & præcessit ipse: tam certa est, ut etiam si moriamur in illa, ipsum periculum & interitus sit certior semita: quin si amares Christum, non dubitares mori cum illo. Non amat Christum, qui non imitatur: nam virtus amoris est assimilatio. O quis verè diceret, Vivo ego, jam non ego, sed vivit in me Christus; mortificationem Iesv in corpore meo circumferens, & in corde inferens!

Si igitur amas Filium Mariæ, & vis tabernaculum Dei fieri ut illa fuit; inspicere & fac secundum exemplar, quod tibi in monte Calvaria monstratum est, totamque vitam. Iesv respice: ipse elegit contemptus vivere, & mori: derisus fuit, reputatus cum iniquis,

non solum ut idiota, sed ut fatuus habitus: ut servus vilis verberatus, ut scelestissimus omni crudelitate punitus: ipse honorem temporalem, si deferebatur ultro, fugiebat: nulum non convitium sustinuit: Samaritanus, idololatra vocatus fuit, dæmoniacus, pseudopropheta, seductor, gulosus, vorator, & potator vini, blasphemator, transgressor legis: creditus conspirator & proditor patriæ, peccatorum amicus. Quæ creatura potest dici, cui non se humiliaverit? Humiliavit se Angelis: quid opus erat ut veniret Angelus ad confortandum illum qui Deus erat, cum verbo suo posset destruere Universum? quid opus fuit dicere, Angelorum legiones posse illum vindicare, & resistere comprehensoribus suis, quasi ipse non posset? jejunos & famelicus quid opus erat ut acciperet cibum & velut eleemosynam ab Angelis, cum ipse, posset lapides in panes convertere? Humiliavit se hominibus Matri & Iosepho obediens. Humiliavit se impiissimis Principibus, Herodi, Cæsari, Caiphæ, Pilato, injusta mandata adimplendo, oneribus & judicijs eorum parendo. Humiliavit se hominibus vilibus & servis, ut Malcho, carnificibus & alijs. Humiliavit se creaturis omnibus, patiens in se se vire frigus, æstus, ferrum, crucem, spinas, arum.

arundines, sputa. Subiecit se deniq; dæmonibus: traditus est in hora passionis potestati tenebrarum, & passus est duci se à diabolo super pinnaculum templi. Nulla est creatura; à sublimiori usque ad villiorem, ab optima usque ad pessimam, cui non se subiecerit Creator pro me: & qui omnia fecerat, & Dominus universorum fuit, nihil voluit habere, ut me haberet. nullum prædium possedit, nullos redditus habuit: de eleëmofynis tantum accipiebat minora necessitate: ut mendicus vestitus incedit, non ut Philosophus, aut Doctor, aut Nobilis: inops etiam, à veris amicis fuit, ut nullius favore una alapa dimissa illi fuerit: suo Regno & Principatu se exspoliavit, se ipso suam majestatem occultans.

In quantum Deus quoque, similia documenta humilitatis dedit. Humillima est tremenda illa infinitudo & omnipotentia Dei: elegit enim Divinitas, propter hominem, quæ magis laboriosa videntur, & minus honorifica. In creatione noluit facere hominem, sicut fecit cetera, jubendo voce unica tamquam Dominus: sed velut serviendo & laborando manibus suis, ac si servus & figulus esset. In Redemptione quoque noluit redimere nos, ut poterat, assumendo ali-

quam honoratam & sublimem naturam ut Seraphim; sed vilior omnium naturam rationalium qui infamati & ignobiles erant ob scelus primi Parentis, in se ruinofam & caducam. In glorificatione, cum nos satiabit gloriâ maiestatis suæ, & ut summus Dominus remunerabit; ministrare ut servus dicitur. Verè enim Filius Dei est Christus, qui mores Dei imitatus est & docuit. Agnoscens suum humilitatis spiritum in Christo, meritò dicit Pater: Ecce servus meus. suscipiam eum, dedi spiritum meum super eum. Nihilominus nos qui Christiano nomine gloriamur & filij Dei volumus esse, fugimus hæc quæ amavit Christus Filius Dei. Quo alio majori odio prosequeremur paupertatem, humiliationem, crucem, si Christus præciperet nobis sub interminatione inferni odisse illas, quàm modò horremus, cum promiserit pro illis gloriam? Ita audimus mendacia verba mundi, ita obedimus suggestionibus diaboli, ac si pro nobis crucifixus satanas fuisset: ita averfamur vitam, & consilia Christi negligimus, ac si fatuus quidam & ridiculus amens in foro effutisset.

Si Rex terrenus multò minora offerret, militibus suis, eum omnes, etiam pro parvo stipendio, sequerentur per rupes & nives;
præ-

praesertim si parem habitum, victum, habitationem illis concederet, ac ipse Rex uteretur, jam etiam sine stipendio sequerentur Regem ob solum pudorem: & nos nec ob amorem, nec pudorem, nec timorem, nec lucrum, concitatur ad sequendum Regem Regum & Dominum Dominantium. O si tam fidelis Christo essem, ut Jonathae fuit adolescens armiger suus! fac omnia, dixit, quae placent animo tuo; perge quod cupis, & ero tecum ubicumque volueris, per scopulos, per mucrones, per hostium arma irruir, ne iret solus filius Regis. Ascendit autem Jonathas manibus & pedibus reptans, & armiger ejus post eum. Quomodo Christum relinquimus torcular calcare solum, & nemo est qui cum eo societur in passionibus & laboribus? non est tam formidabile quod pro Christo pati communiter continget, ac fuit quod armiger ille aggressus est pro Jonatha. Quis miles relinqueret Regem suum in medio hostium exercitu, & sanus & laetus auderet redire domum, & non potius mallet cum illo cadere? cur nos relinquimus Christum solum? Ipse jure queritur: Torcular calcavi solus, & de gentibus non est vir mecum. Etiam si nullius auxiliij futurus miles esset, nullaque ex societate illius utilitas

seque-

sequeretur, non debet delectare Regē: quid erit, cum tanta utilitas tibi sit, & Regi Regum CHRISTO IESV consolatio passionis suæ, & finis ejus intentus, qui est imitatio sua? Aut opus est deponere nomen Christiani, aut assumere quæ Christianum faciunt. Si sequi Christum nolis, dic quem secururus es? necesse est, ut sequaris diabolum principem hujus mundi. Talem ducem fugit, qui insistit vestigijs IESV; ut deberet id facere, solum ut fugeret: talem ducem sequitur, ut deberet sequi, etiamsi alium malum non fugeret; quanto potius cum hæc duo copulantur, sequi optimum, fugere pessimum; sequi Deum, fugere Satanam?

Malitia nostra solum est, quod non faciamus quæ Christus docuit & fecit: nemo potest se excusare quod non possit: ijs rebus posita est nostra salvatio & perfectio quas quisvis posset habere: pauper quisque potest esse: patientes omnibus licet esse: non ambire honores in manu est cujusque. Hæc est sapientia & amor Dei, ut ea elegerit, quæ omnibus paterent, & sine labore possent obtinere. Neminem excludit à suo Regno; & nemini voluit deesse, quæ ad consequendum illud opus essent. Si in divitijs, honoribus, voluptatibus constitueret salutem nostram, plu.

illustrat: & Christi D. imitationem. 173

plures quàm modo damnarentur: nam pauperum, ignobilium & afflictorum numerus est innumerus, & tunc esset major; nam quò plures vellent esse divites & felices, pauciores forent. Quid jam dicam tibi, si non vis amplecti paupertatem, humilitatem & crucem IESV, nec vides inensum bonum quod est in imitatione ejus, nisi quòd hoc est quod dicit ipse, Qui sequitur me, non ambulat in tenebris? Tu illud non vides, quia ambulas in tenebris, dum non sequeris IESVM.

CAPVT VII.

Quòd patienter ferenda sint necessitates & arumna à Deo immissæ.

SI non vis sequi Christum, saltem ne fugias illum: si non audes imitari, cur audes repugnare, & contemnere ejus similitudinem? intolerabilis inuerecundia est & miserabilis cæcitas, cum superabundans charitas Dei adeò beneficentissima aliquibus sit, ut illos etiam reluctantes faciat conformes Filio suo, non expectans quòd ipsi in hoc laborent, ne fortè deficient in pugna & difficultatibus ultrò se assimilandi vitæ Christi; sed ipse Deus propriâ manu id dignetur facere, concedendo paupertatem, occasiones humiliandi se, & labores; ipsi tamen renu-

ant

ant, & tam absint ut velint similes esse Unigenito Dei, ut pudeat illos paupertatis; & omnium de quibus gloriatus est Dominus gloriæ, omnibusque viribus & artibus fugiant IESUM, quem sequi tenentur. Gratiæ deberent agere Deo, quòd sine labore suo & sine ullo periculo (non enim tunc vana præsumptio aut inanis gloria locum habet) similitudinem Unigeniti sui dederit, quæ tantoperè illi placet; & præ summa indulgentia, erga ipsos, cum alios vocet ad imitationem Christi, illos locet in illa. Sed ingrati reluctantur, ut evadant similes superbo Lucifero, imò superbiores: numquam Lucifer se putavit meliorem Deo; illi verò tamquam si essent maiores; cum IESUM afflictum sine culpa videant, ipsi ob infinitas culpas suas nolunt tangi: & se, qui peccatores sunt, volunt haberi velut meliores, & minùs dignos supplicio, quàm innocentissimum IESUM: Cur indignamur, cum aliquid adversum accidit? nam si culpa nostra præcessit, insolentia summa est, nolle se peccantem & nocentem affligi, qui videt Christum innocentem punitum. Si nulla culpa præcessit, magis gaudeat, quia magis conformis est Christo, qui sine culpa crucifixus fuit. Culpam, quam non commisisti in causa, ne commit-

illustrat: & Christi D. imitationem. 175

tas in labore ob impatientiam; quando gratias dupliciter acturus erat, & quia affigeris, & quia sine causa innocenter. Quando tribulatur aliquis propter culpam, patientiam saltem debet habere: quando sine culpa, lætitiā quoque: majus est tunc augmentum gratiæ, major similitudo IESU inculpati, & spes melioris profectus, cum non tam sit hæc afflictio ad emendandum præterita peccata, quàm ad augenda etiam merita futura, & præservandas culpas: agnoscat in se summam indulgentiam Dei, quā usus est cum Matre sua, præservando illam. Christus passus est cruci pro te affigi à sceleratissimis hominibus: cur tu à Deo tangi non feres patienter? melior & benevola manus te molestat.

Filius cum verberatur à patre, si nimium clamet & ploret, plus solet verberari; & jam non percutitur ob culpam antiquam, quantum ob novam clamoris impatientis: ita quando agrè fert laborem à Deo immissum, & flagellum divinum; accidit ut plus aggravetur, quia murmurat, quia quereris, quia sine patientia es. Sufficiens culpa est, ut te puniat Deus, contemnere similitudinem filij sui, non agnoscere culpas tuas, impatientem esse. O Rex gloriæ, in quem desiderant

Ange-

Angeli respicere! faciem tuam non avertisti ab increpantibus & conspuentibus in te; genas tuas dedisti vellentibus, corpus tuum, percutientibus, improprium expectasti & miseriam pro me: cur ego miser fugiam & avertam me à Deo & Patre meo correprore & benefactore meo? Gaude anima, conformando te ad exemplum Filij Dei in necessaria paupertate; tribulatione, humiliatione, opprobrijs. Apostoli ibant gaudentes à conspectu Concilij, quia digni habiti erant pro nomine IESV contumeliam pati. S. Paulus Miqui, nostræ Societatis, ibat gaudens ad conspectum populorum; præcisâ aure, ut major ignominia esset, missus per urbes ad contumeliam popularem, & publicam infamiam: deridendus cunctis, ipse tamen, prior ridebat, frontem festivam ostentabat patentem, erectam, jucundam, quasi triumpharet solum ob similitudinem Filij Dei; eamque meruit in se usque ad crucem perfici; quam alacris amplexus est. Tu si non vis solari Christum, ejus crucem suscipiens: ne contristes Spiritum sanctum, illam rejiciens: quam non quæris ultrò, inventam & oblatam ne recuses frustra. Si IESVS, cum in itinere ad montem Calvariæ cecidit cruce onustus, vellet ut tu pro eo ferres illam, anne
illud

illud excusares? quid si manibus proprijs imposuisset humeris tuis, an ne resisteres & repelleres? an potius osculareris horridum illud lignum, & manus illas sacrosanctas adorares? imò non tantum ferre crucem, sed crucifigi loco Christi exoptares & peteres. Ecce crucem hujus doloris, hujus humiliati-
onis, hujus necessitatis, imposuit tibi Deus: cur rejicis? levior est quam Crux Christi. Si compatiens non vis consolari IESVM, conso-
lare te compatienti IESV.

O consolator animarum, quid mihi acci-
dere potest, cujus non inveniam abundans
remedium, in tuis necessitatibus? Si lagueo,
in te à planta pedis ad verticem capitis
non fuit corporis sanitas: vir dolorum, & sci-
ens infirmitatem, verè languores nostros tu-
listi, & dolores portasti. Esurio? tu famelicus
fuiſti post quadraginta dies jejunijs, & tanto-
perè esuriisti, ut propter famem existimaret
diabolus te posse inclinari ad peccandum.
Sitio? & tu sitiisti in cruce, nec fuit qui daret
potum: ego nec in cruce sum, & inveniam
qui præbeat potum. Frigeo? tu algebas in
præsepio. Quiete privor? etiam te dormi-
entem in navì excitaverunt Discipuli. Inju-
ria mihi fit? tu ad mortem innocenter fuiſti
condemnatus. Patior contumeliam? tu pu-

blicè à Pilato productus ad populum fuisti,
dicente. Ecce homo. Defessus sum? tu defa-
tigatus ex itinere super fontem sedebas.
Falsò insimulor? tu in domo Caiphæ falsis-
simè accusatus fuisti. Reprehendor ob bona
opera? tu quòd in Sabbato benefaceres.
Detrahor? de te murmurabant quòd in
principe dæmoniorum ejiceres dæmonia.
Irrideor? tu subsannabaris à dicentibus: Ali-
os salvos fecit, se ipsum non potest saluum
facere. Asperè mihi respondetur? & tibi a-
speriùs; insuper & colaphum impegit impi-
us minister. Deferor à familiaribus? tu à Di-
scipulis fuisti destitutus. Discedo à cognatis?
tu à Matre ad patiendum profectus. Con-
temnor in meis consilijs? tua quoque do-
ctrina spreta fuit, & est. Premor tentationi-
bus? tu quoque tulisti eas in deserto. Do-
leò ob lapsum fratris mei? tu doluisti disci-
pulum apostatam, & deserentem veritatis
femiram. Doleo ob defectus proprios? tu
vidisti eos priùs, & doluisti. Defectum devo-
tionis sentio? tu clamasti, Deus meus, Deus
meus, ut quid dereliquisti me? Quis igitur
labor est, sive corporalis, sive spiritualis, cu-
jus non habeamus refrigerium in Christo
priùs laborante pro nobis? Hoc est quod
dicit, Venite ad me omnes, qui laboratis &

onerati estis, & ego reficiam vos. O dulcissima promissio, quæ solum audita recreat! Si Christi labor aufert nostrum laborem, quantò magis ejus gloria auferret? si ita necessitates Christi auxilientur nobis, quid faciet potentia ejus & divitiæ? Sed auxilium istud, clementissime Domine, solum exopto, ut patiar tecum; non ut me consolers in hac vita, in qua nec corporale nec spirituale gaudium cupere debet anima, nisi solum pati tecum, & pro te.

C A P V T V I I I.

Qualiter puritas corporis juvet spiritum.

Qui cœnosam & insalubrem regionem incolit, non est mirum, si langueat sæpè; qui propitiam & puram, valebit: sic anima in puro corpore benè se habet; in imundo & cœnoso ægrotabit. Velut in prato florido & fragranti, est mens in carne munda. Corpora casta sunt deliciæ Dei; quid mirum, si sint animabus salubria? mentem liberam relinquunt vacare Deo, sine ulla rerum temporalium cura: lætificant conscientiam, præstâ sensibili voluptate, & amato Deo sine impedimentis. O amor meus, ô veritas sincerissima & purissima, siquidem non solum debeo tibi ô Deus cordis humani dimidium

mei, sed me totum; non tantum mentem purificabo, sed corpus sanctificabo. Membra Christi sumus; ne deformitatem in pulcherrimo corpore efficiat unus artus corruptus & fœdus. Quæ pulchritudo esset sponsæ formosissimæ, si putridum nasum haberet, aut ora, & genas vermibus scatentes? Corpus Christi gloriosum, millies est sole purius & fulgentius. Membrum Christi immortalis es, o homo mortalis: considera, quantum corporis sanctitatem curare debeas, & quoad possis, imitari immortalitatem & incorruptionem, ne dissones illius puritati. Unus spiritus cum Christo & una caro sis cum illo per sanctissimæ ejus carnis communionem: ne macules tuam carnem, quæ jam per quamdam mirificam realem unionem est Christi caro. Veste maculatâ & turpi si indueres imaginem alicujus Sancti, sacrilegum putares: cur saltem non erubescis, carnem quæ est Christi viventis fœdare, & membrum maculatum & obscœnum ei adjungere? Regiam ipsam purpuram, si cœno & luto immersa maderet, nolles tu induere: cur carnem tuam luto & fœtore infectam, gestare desideras, & vis esse partem Corporis Christi?

Quemadmodum in vita æterna & animæ

&

& corpora nostra in maxima puritate Deum glorificabunt: sic in hac vita & animæ & corporis puritate debemus illum colere. Non solum per sanctitatem animæ quæras beatitudinem ejus; sed etiam per sanctitatem carnis tuæ merere beatitudinem & resurrectionem corporis, ne voluptate aliquâ pellectus, concedens te mortali tuæ parti, te ad mortem condemnes. Sed disce jam in carne esse ut spiritus Angelorum, ubi nec nubent, nec nubentur. Disce jam incorruptibilitatem, & esse singularis naturæ & vitæ abstractæ à sensibus. Puritatē cælestium thronorum, in quibus Deus confidet, debet æmulari corpus tuum, cum sit replum Spiritus sancti, electum ut sit vas honoris. Christi bonus odor sumus: Christus undique puritatem spirat, virginitate stipatur, castitate delectatur. Ferè in mundi calamitatibus, castitas fuit quasi solatium Dei, & compensatio illius damni: ruinam Angelorum providit præcipuè & excellenter restaurare ex Virginibus & castis, & per virgines & castos; matrem & præcursores virgines seligens, discipulos & Ecclesiæ principes & excellentiores Sanctos plerosque virgines etiam, vel continentes, aut jam sine conjugē, aut separatos ab illa, & omnes castissimos: lapsum,

Adami sublevavit spe Virginis contrituræ caput serpentis: ex naufrago mundo duos servavit, servarunt in arca castitatem: in cruce se consolatus Christus est matre & dilecto discipulo virgine. Quomodo non amaret castitatem & virginitatem, qui utrumq; parentem virginem habuit, & totum suum esse à virginitate communicatum? Patrem virginem Christus habet secundum naturam divinam, & Matrem Virginem secundum naturam humanam: adhuc figuram patris sui voluit esse virginem sanctum Joseph, ut sustineret solum nomen & titulum parentis. Figuras etiam suæ innocentie & obedientie virgines Abel, & Isaac elegit. Primitiæ emptæ ex sanguine Agni virgines fuerunt: sic Agnum sequuntur quocumque ierit, quidquid agunt, quidquid dicunt, imitando Christum, & modestiam ejus; quæ tanta fuit, ut nullâ notaretur infamiâ pudoris: & cum multa falsa adversus *JESVM* excogitarent, & multis modis calumniarentur Judæi, sine specie aut probabilitate aliqua; numquam illum accusarunt impudicitie, licet scirent cum mulieribus collocutum fuisse, ob summam modestiam & pudorem vultus sui, quæ sola refellebat omnem suspicionem & calumniam minoris castitatis. Præcipue

illustrat: & Christi D. imitationem. 183

in visu servandus est modus: nam ut sanctus Orentius monet:

—amor, ut lacryma quas fundi injuria cogit.

Ex oculis surgit, pectoris ima petit.

Ex oculis facilis & declivis via ad cor est: Venerandus ille servus Dei frater noster Alphonsus Rodericus per quadraginta & septem annos nullum feminae vultum aspexit, nullaque alia jucunda videri volebat: infixa cordi ejus mansit per omnem vitam summa modestia oculorum Christi, ex quo semel illi apparuit, ut ex illorum dumtaxat memoria mirè componeretur: sic conservavit suum cor purissimum, & intrinsecus cum Deo latabatur. Fuge tu quoque exteriorem dilatationem, si internam & externam puritatem desideras.

C A P V T IX.

Studium mortificationis continuum.

Non prætereat te occasio faciendi bona, & patiendi mala: qui mutuo acceptum a sellum habet, non consentit otiari. Dubitare posset quis, utrum sit pretiosius, malum tolerare, an bonum operari? Sed certò cicio nihil mihi post Deum esse pretiosius, si ne quo nec Deo, nec Sanctis possum esse pretiosus. Illud quidem pretiosissimum est,

cum utrumque conjungens aliquis benè operatur malè se habendo. Ne nimium spiritus afflicte, te contristet difficultas virtutù, & importunitas passionum: potiùs gaude de materia meritorum. Aggredere, & vincede: non tanti fit meritum in pace vitæ, quàm in patientia vitæ: in oppugnatione inclinationis sinistrae, in strenuitate obsequij, in violentia atque patientia tui, & cruce Christi. Ne ægrè feras, te locupletioribus & pluribus instrumentis promerendi ditatum à Deo esse præ Angelis: corpus tibi copulavit, ut quot sensus habet & divisiones potentiarum animæ, tot organa meritorum haberes, tot scilicet cruces: istà corporis suppellectili supra Angelos locupletaris: plus voluit de te confidere Deus, ut inveheres in cælum gravissimum finum terræ. Angelis solùm cura fuit imposita, unicum & sincerum spiritum suum servare: at humanæ animæ, cum debilioris naturæ sit, duplicata sunt onera imposita; & se. & carnem molestatam, evehere ad æqualitatem Angelorum & gloriam cælestem. Angelos in procinctu expeditos, sine ulla sarcina; homines impeditos & oneratos mole corporis, & mille crucibus onustos, ad iter cæli idem & æqualem dignitatem vocari iniquū videbatur, cum sit prætere-

reà

reâ imperfeâior & infirmior anima. quàm Angelus: sed cum gratia Dei ex sociâ carnis molestijs fieri compensatio potest ad merita. ut æquet aut superet dignitatem angelicam. Si scias gravitate tuâ uti, magis te attollet: saltatores ut se magis allevent, sumunt pondus aliquod prehensis in manibus petris: corpus tuum te juvabit, si vim inferas. Non leve hoc negotium, sed magnæ contentionis est: ne difficultati parcat lucrum ex conatu. Ut saxum aliquod in turrim evehatur, quantâ machinâ & conatu indiget? ut molem terræ tuam supra astra attollas, non fiet sine violentia & machina sanctæ crucis.

In hoc mortalitatis statu non minores Sancti sunt, postquam redemit nos Filius Dei, quàm in statu innocentia forent: quare æqualiter fiunt sancti in brevissima vita, ac fuissent per plura sæcula annorum, si immortales homines permansissent. Compensatur multitudo annorum multitudo ærumnarum, cum gratia Jesu. Copiosior fuit Christi redemptio, quàm prævaricationis damnum: & tamen noluit Christus necessitates carnisque molestias auferre, nec affectuum rebellionem penitus tollere, ne materiam merendi compendiosam prædestinatis suis

subtraheret; ut illos citius Redemptor præsentaret ante faciem Patris æquis, aut maioribus meritis, ac per multa alioqui sæcula acquirerentur. Qui per crucem vincit mundum, vult ut per crucem te vincas. Liber gratia Christi gestit in inepta reluctantiq; natura: se iuvat ex ipsa repugnantia ad magnitudinem meritorum. Major triumphus est, ubi hostis fortior. Igitur ne grave putes, tibi ipsi esse gravem: sed violentiâ & patientiâ tuâ frui, occasione merendi, vincendo, sacrificando, crucifigendo te in omnibus. Christi gratia ne vacet tibi. Pugna & crux est necessaria, ut quadam necessitate bonus sis. Quidam duces postquam in terram hostium appulere, combusserunt aut fregerunt rates, ut absque spe fugæ certarent milites invincibiles: sic Deus nobis alligavit hostem. Quid speramus posse fugere bellum? necessitas pugnæ ad victoriam & merita nos necessitet. Per crucem redemit nos Christus: per crucem nos salvari oportet, moriendo ubique, ut vincamus & vivamus per patientiam nostram. Via salvationis rectè dicitur via perditionis: perde & signa sensus cum cruce Christi, & salvi erunt: esto cæcus, & erue oculos tuos, sic videbis benè: esto surdus, sic audies benè: esto murus, sic benè loquē.

quæris: esto jejunos, sic bene gustabis: esto tibi odiosus, sic bene amabis: esto mortuus mundo, sic bene vives: esto timidus, sic securus eris. esto tibi vilis, sic honoraberis: esto laboriosus, sic eris in quiete: sustine omne malum, sic habebis omne bonum; quod est in cruce.

O Veritas. ô JESV amantissime, si te amo, quomodo possum odisse crucem, quam tu amasti? quomodo fugiam crucem, quam solum fugiunt dæmones qui te oderunt? opus diaboli est fugere crucem, opus Christi mori in cruce: quemnam imitetur Christianus, videat: victoriam sui atque abrenuntiationem amplectatur, nec pro voluptate futili, aut impatientiâ levis incommodi, se revellat à Christo, & privet merito & satisfactione. Ne velis excusare quod inexcusabile est: etiam si salveris, pati opus est, siue in hac vita, siue in purgatorio, ubi sterilissima est patientia. Si necessarium est pati; utrumne commodius erit, in hac vita, ubi levissimis afflictionibus satisfacis pro gravissimis cruciatibus & peccatis. & præterea lucraris gloriam augendo merita? an in purgatorio, ubi summis cruciatibus parum satisfacies, & præterea nihil mereberis? Meritum nullum, satisfactio exigua, cruciatus ingens in purgato-

gatorio est: in hac verò vita levissimus cruciatus, satisfactio ingens & meritum plurimum. Quis mercator eo tempore vellet emere res, cum deteriores sunt, & pretia majora; & nollet tunc mercari, cum ferè gratis dantur?

Præcipuè tamen ama pati ob amorem Christi. Quis amplexatus IESVM, relinqueret illum ob calicem aquæ, quem effudit David? Dic mihi, ô amator sive desiderator IESV: si in altera crucis parte ad tergos Christi cum dilecto tuo crucifixus esses in Calvariæ monte pariter pro gloria Dei, & Christo promittentibus alijs, credituros se in eum, & agnituros pro Filio Dei, si descenderet, nihilominus nollet te deferere, nec descendere; offerretur etiam tibi velut puerulo buccella aut pomum, ut oblatum Adamo fuit, dummodò descenderes de cruce, & relinqueres societatem IESV dilecti, an illam defereres? O pudor noster! quàm sæpè ob levissimam voluptatem aut voluntatem nostram, deferimus crucem, & relinquimus IESVM solitarie patientem sine solatio nostræ societatis?

Age anima à Christo in cruce redempta, sequere IESVM tollens crucem tuam, & abnegans te ipsam: disce quid sit negare se, ex eo quod est negare alterum: qui alium ne-

gat, siue cognatum siue amicum, licet eum percuti videat, siue in paupertate esse, siue in carcere, non adest illi, nec opem fert, nec dolet in ejus afflictionibus: sic oportet cum corpore nostro agere, & sic affici; ac si alter homo, aut inimicus noster, pateretur laborem illum. Non sufficit tollere crucem; sed abnega te moriendo in cruce, in qua crucifigaris cum Iesu tuo. In nullo voto cordis, aut motu corporis, arbitrium habeas proprium, quemadmodum qui in cruce confixus est, non habet jam potestatem movendi pro voluntate membra sua, nec faciendi quod vellet. Qui crucifixus esset, nec praesentes res jam consideraret, nec provideret in futurum, nec concupisceret novas divitias, nec delicias quæreretur; sed solum intuitum dirigeret in aliam vitam, & adhuc vivens se computaret inter mortuos: sic qui crucifixus cum Christo vult esse, jam inter defunctos se existimet; non solum mortuum voluptatibus & vitijs, sed huic luci solis.

C A P V T X.

De sufficientia & bono paupertatis.

Qui habet Deum, quid amplius opus habet? aut quomodo non pudebit habere aut cupere alia? In sumptuoso apparatus

paratu. & aurea supellectili & abace, luteum
 vas immundum, & informe nemo non po-
 tius concideret in mille frustra, quàm habe-
 ret, ne absonaret & offenderet videntes il-
 lud inter tot res pretiosissimas & gazas, &
 riderent rusticitatem domini. O infinita
 Majestas, & pulchritudo pretiosissima? quo-
 modo ad latus tuum audeo aliquid terre-
 num congregare, & tecum unà possidere? &
 omnia corda hominum, qui fuerunt, sunt, &
 erunt, & omnes voluntates Seraphinorum
 & reliquorum Spirituum, non sufficiunt ut
 occupentur in Deo: cur ego pusillus homo
 unicum cor meum occupabo in alijs rebus,
 & non expediam ut tradatur Deo meo? Si
 habeo aliud præter Deum; nec aliud plenè
 possideo, nec Deum: si nihil habeam nisi
 Deum; non tantum possideo Deum, sed fru-
 or Deo, & omnib⁹. Quis tam amens est qui,
 si pro centum aureis lucraretur mille, non
 daret pauciores? An fortasse minus valet
 Deus, quàm mille aurei? cur non dant homi-
 nes pro Deo: non dicam centum, sed res mi-
 nimas, quæ adhærentes cordi nostro extrin-
 gunt devotionem, & aliquando vel abjici-
 unt Deum, si intus est, vel ut fortissimi muri
 resistunt, ne ingrediatur? O pretium inæsti-
 mabile paupertatis! quæ vectes cordis fran-
 gis.

gis, ut in hominem intret Deus, & januas cæli referas, ut homo illuc ingrediatur.

Si cuidam Ethnico sine fide, stupenti tamen pulchritudinem astrorum, & magnitudinem cælorum, diceretur, Quid dabis, ut proximè videres stellas uno die, & contrectares manu materiam illam ex qua constant? nonne daret quidquid haberet, saltem curiositate motus, ut brevi spatio illuc eveheretur: aut saltem frustum alicujus sideris in terra ostenderetur? quantò plura debent fieri, & dari pro ascensu in cælum, non unâ die videndum, sed per totam æternitatem possidendum, & ibi dominandum? Quantò plus debet fieri, habere in terra Deum ad te descendentem, & intra te manentem, quàm si detractum fragmen de sole tibi semel monstraretur? Si hoc ita est, quæ causa est amentix nostræ, ut contemptis spiritualibus amemus temporalia, nisi quia languet fides nostra? quæ si vivida esset, primâ vice quâ audissemus dictum Christi, Beati pauperes spiritu, quoniam ipsorum, est Regnum cælorum, vix ultima syllaba fuisset pronunciata, cum jam renuntiavissimus omnibus quæ possidemus.

Opudor noster! Philosophi fuerunt, qui ut istud cælum materiale solummodo expedire

ditè considerarent, reliquerunt omnia sua bona, aurum, argentum, & quidquid habebant & nos ut simus Domini cælorum, recusamus damna minima. Ethnici qui immortalem animam negabant, consulebant & eligebant paupertatem, pro brevi commoditate hujus vitæ, ut sine curis illam ducerent: & nos pro istius vitæ comodo, & æternæ spe, nec volumus cupere hanc virtutem. Plus valet tibi pax temporalis & lætitia cordis tui, quàm omnia Regna mundi: quanti pluris faciendum est gaudium æternum, & super omnia quanti faciendus est Deus. Viliissimum esset pretiũ omnes thesauri Cræsi, & divitiæ Salomonis, & Monarchia Augusti aut Trajani, ut unam alapam acciperes pro Deo: cur minoris non emis à Deo accipere osculum amicitia, amplecti & possidere illum, & facie ad faciem videre? Adam cùm ejectus è paradiso fuit, positâ custodiâ cum gladio flammeo & versatili, si non habuisset redemptorem Christum, sed posset pecunijs corrumpere Cherubim, ut permitteretur iterum intrare ad pristinum & felicem illum statum, ubi tam pauper vixit ut non haberet vestitum, nonne daret omnia quæ possideret in terra ista fœcunda tribulis, & irrigua sudore suo? quantò magis debemus

nunc

nunc facere, ut ad amplexus & gloriam Dei
veniamus, ut lucremur ipsum Deum? An
forte excusabimur, quòd habeamus redem-
ptorem, cum potius proinde magis obstrin-
gamur, si gratitudo aliqua est in nobis, ad i-
mitandum illum, & parendum ejus monitis,
& credendum ejus verbis, qui difficilius di-
xit esse, intrare divitem in cælos, quàm ca-
melum per foramen acus.

O amabilissime Domine; si tu es pretium
paupertatis, accipe mea, & me primum. U-
tinam tam pauper essem, ut nec me habe-
rem! nam satis dives est, qui se habet, cum
possideat hominem. Qui alia reliquit, &
non se, nihil magnum facit contemnendo
ea quæ ex se terra & pulvis sunt; quæ mali
quid plerumque habent, & quibus mali fi-
mus, quibus acquirendis angimur, acquisi-
tis timemus, ablati dolemus. Nihil magnū
est, relinquere quæ nos relictura sunt, & in-
terim multis modis lædunt. Te ipsum, Do-
mine, pro homine dedisti homini, factus ho-
mo; ut isto commercio hominem compara-
res, non divitias hominis: se ipsum reddere
debet homo, nec se credat pretiosorem
Deo. Injustissimum est, si se homo deneget
Deo, qui tanto pretio ipsum emit. Æstimet
Deum homo, & vindicet injuriam Judæ, &

stimantis IESVM triginta argenteis dumtaxat. Astimet Christum Christianus pluris quàm mundum, & creatura pluris taxet Deum quàm se ipsum. Qui alia reliquit, & non se, non minuit cupiditatem, sed auget sapè. Privatio est causa appetitus, & defectus rerum excitat cupiditatem: pro eo qui omnia est, iustum solum pretium sunt omnia. Omnia relinquenda sunt, in quibus ipse homo continetur: nam retento appetitu, etsi cetera relinquuntur, instaurabitur cupiditas, quæ est quod solum nocet: non enim rerum substantia est mala, sed concupiscentia.

Non tantùm possessiones sunt relinquendæ, sed cupiditates. Non sufficit relinquere quæ habes, sed opus est non querere alia, nec oblata & data admittere; nec mutuata quoad possis ad usum accipere. Non est quod nocet proprietas rerum, sed usus, gaude minus quàm reliquos habere, fugiens singularitatem, quæ in perniciem ceterorum exemplum mali præstat. Singularis fera est, quæ depascitur vineam Domini: plerique viri Religiosi minùs in hoc cavent, putant non inquietari spiritum, dum non sint solliciti & cupidi: at quando absque solitudine sua & cupiditate aliqua res offertur & datur, putant abesse periculum, cum maxi-

me ipsi non sint amplius de alijs rebus solliciti. Verum non abest: quia etsi non sit periculum in acquisitione rei, est in possessione & usu. Sunt ipsæ res famelicæ aliarum: quare etsi homo non habet in se cupiditatem aliarum rerum, ipsæ res habent, à quibus auget sibi possidens cupiditatem: aliæ enim res indigent alijs. Prætereà si reliquisti tua, cur vis ut factum tuum rescindat alius? quod juxta consilium Christi tu probasti, cur consentis quod improbet alius? an quia putas posse quoque ea data rursus te dimittere & relinquere? hujus compendium melius est, si non acciperes. Non est laus paupertatis relinquere plura, sed nihil habere. & sibi nullam rem servare. Cur laus & gloria Apostolorum tanta fuit? fortè quia vilia retia dimiserunt? an fortè quia nihil habere voluerunt? hoc est relinquere omnia. Si instat alter ut accipias; nobile sit certamen liberalitatis illius, & paupertatis tuæ: deses eris si vinceris. Paupertas tua vicit liberalitatem tuam: cur non vincit alienam? Maluisti esse pauper & indigus, quàm tua retinere, quibus esses liberalis: cur mavis alium esse liberalem, quàm te pauperem? Anne bonum consilium esset alicujus qui diceret: Retine hoc, ne relinquas omnia? Minimè:

196 *Lib. II. De ijs, quæ spectant ad*
nec acquiescendum esset contra consilium
Christi. Idem puta dicere qui dat: Cave, ne
assentiaris. Sed postquam tua reliquisti, noli
accipere aliena: sed ea etiam quæ non ha-
bes, nec potes habere, contemne propter
Deum. Talis amor paupertatis solet gene-
rari servis Christi; ut vel si ipse Iesus, propter
quem reliquerunt omnia, restitueret ali-
quid, vel juberet possidere nonnihil ex hoc
mundo, replicarent, & appellarent ad thro-
num misericordiæ suæ, reputantes id sup-
plicium esse.

O quàm locuples ita erit pauper spiritu,
solo animo suo, si nihil cupit! nam simul ac
in corde non vult habere thesauros mundi;
statim transfert illos in cælum, tactus eo-
rum Dominus, vendens illos Christo sine
injuria possidentis & utentis. Ex divitijs, quæ
nec suæ sunt: nec esse poterunt, mirabili mo-
do ditatur habens divitiās in cælis, & in ter-
ris non habens inopiam: nam non est gra-
vis paupertas amanti, sed pacifica & suavis;
ijs solis acerba est; qui oderint illam & in-
stentur: nec mirum est, quòd molesta sit
persecutoribus & inimicis suis; nullis tamen
est mala, sed omnibus bona: nam ijs qui om-
nia ex corde contemnunt propter Deum,
minimè officit; ijs qui terrena cupiunt; ni-
mum

illustrat. & Christi D. imitationem. 197
miūm prodest: ut vel coacti minuant pec-
cata, ad quæ facultates præberent faculta-
tem aut audaciam. Quare istis quamvis a-
mara & ingrata videatur, magnam de illis
gratiam meretur.

CAPVT XI.

Patientiam in cunctis necessariam esse.

Patientia opus desideratissimum est:
plus debes desiderare patientiam,
quàm curare vitam: nam plus est necesse pa-
ti, quàm continget vivere. Non natus es ut
placide ad tempus vivas, sed vivis ut patia-
ris ad tempus; & pateris ad tempus, ut in-
æternum vivas. Natus es ad vitam, quæ non
intermittetur; opus est ut interim sine in-
termissione patiaris. Vita hæc non sui causa
est: nam nec viatores vadunt, dumtaxat ut
eant: vivimus propter aliquod excellenti-
us. Vita ista, quid nisi labor, ad quem ho mo
natus ut inde beatus fiat? poterat Deus nos
creare in gloria: quid opus erant circ^uitus
& ambages hujus vitæ, nisi conveniret prius
pati? Habe fidem hujus verbi, & conserva
in corde tuo: Nihil magis ad vitam ne-
cessarium est, quàm patientia; quia nihil ma-
gis est contingens, quàm pati. In molestijs
inexcusabilibus excusat, & fallit dolorem,

quem impatientia auget. Impatiens esse, cum aliqua excusatione posses, si impatientia excusaret laborem: at inexcusabile est, sine fructu aliquo ingentes fructus patientiæ amittere, quos ex omni ferè opere & labore tuo mereri posses. Ne propter vitæ aut hominum molestias, exercitia bona dimittas, aut remissè facias: nam cum iniustitia magna lueret Deus illatam tibi ab hominibus injuriam: Deus innocens non debet solvere noxam tibi nocentis.

Si assuescas patienter pati ipsas tribulationes, fies quodammodo impassibilis & laborum amator. Cinerem jam non urit ignis, nec injuriam ipse cinis ab illo accipit; potius amat ignem, foyet, & conservat: ita qui magis patiens est, sæpè pluribus laboribus divino quodam privilegio magis gaudet. Patientia non excusat laborem, sed dolorè; quod satis est: tam benè merita de nobis est, ut materiâ meritum nolit defraudare, nos, sed solum laborum molestias mitigare: invenit modum quo frueremur meritis, nec tristaremur laboribus. Nihil ferè Deus promptius & libentius facit, quàm verè patienti mittere adversitates, confusiones, humiliactiones; quia hunc verè mortificatum charissimum habet, & suos amicos vult De-

illustrat: & Christi D. imitationem. 199

us dicare meritis, quæ in laboribus & adversis officinam suam habent. Quare non solum opus desideratissimum est patientia, sed ipsum pati. Nihil Deus ex majori dilectione & dulciori corde immittit, quàm labores, & amarā crucem Filij sui: nihil tu deberes magis optare. Cor Christi amantissimum, improprium expectavit & miseriam: quomodo tu discipulus ejus eris. si oderis & fugias? Nolis à Deo aliter amari, quàm amatus fuit Unigenitus; nec velis aliud amare, quàm quod ipse Filius Dei amavit.

Non eris satis patiens, nisi desideres pati: non eris nisi dimidiatè patiens, si tantum molestiam illatam feras, nisi desideres inferendam, sed sine culpa alicujus. Quid conquereris? verus patiens numquam dicit injuriam suam, nec molestiam suam alteri narrat; quia non consolatur querelis & excusatione, & minimè vult curare allevationem sui doloris. Quid ægrè fers adimplere quæ defunt passionibus Christi? Christus pro gloria Dei non tantum voluit pati flagella, & crucem, sed omnes cruciatus hominum optavit, & hunc ipsum laborem, qui modò te molestat, voluit sentire; qui defuit passioni ejus, hoc est, desiderio ardentissimo passionis majoris, & totius cruciatus. Gaude pro

Christo illum ferre, qui deberes immensum favorem æstimare, unum flagellum suscipere, ut Christo non infligeretur: at si toleras patienter hunc levem laborem, qui defuit voto Christi, erit contentus Christus, & consolaberis illum. O JESU amantissime, quid affligor in tribulationibus meis, si habeo hoc solatium, ut te consoler in illis? Quævisisti Domine qui simul contristaretur tecum, & non erat: ecce adsum libenter, affligar & contristabor tecum, ut socius tuus sim laborum & mortis. Quis mihi daret, ut morerer pro te, Fili Dei? etsi das solum tribulationem hanc, cur rejiciam tribulari leviter pro te? Solantur se alij, si simul alij homines patiantur: cur me non consolabor ego, si simul cum Deo meo patiar? Sat mihi hoc, nec compassionem hominum quero. Non amplius Domine dolebo, quod videam mihi soli injuriam fieri, me solum contemni: imò hoc solatium mihi erit, præter societatem JESU patientis, quod solus patiar, nec alium fratrem meum videam in simili labore. O JESU, nihil in hac tribulatione habeo, de quo conqueri possim: cur putabo contemptum, quod mihi fit, si apud te est dignitas? cur putabo injuriam mihi fieri, si est magna gratia tua?

Quis ob crimen Majestatis læsa expectans

Stans sententiam capitis & acerbissimæ mortis, si pœnâ levi pecuniariâ aut privatione solum bonorum condemnaretur, non summe gauderet? anne impatienter ferret, aut injuriam putaret, & non potius gratulationes ab omnibus acciperet? Reus Majestatis divinæ es ô peccator, mereris pœnam ignis in inferno aut purgatorio: cur non feras, quod loco illius solum damneris levi pœnâ pecuniariâ in hac jactura rei familiaris, aut splendoris tui aut alterius commodi & honoris temporalis? Qui damnandus esset capite in publico patibulo, si differretur supplicium quia ægrotaret, gauderet, etiam si morbus gravissimus esset, & vellet diuturniorem fieri; cum tamen non dimitteretur pœna, sed differretur. Cur tu molestè fers hanc levem ægritudinem, si pro eâ dimittetur tibi pœna aut æterna, quia ex ea compunctus es; aut purgatorij?

Memento passim patientiæ & societatis JESU patientis, ut feras injurias, & te contemnas. Si non sufficiat, memento patientiæ divinitatis in peccatis hominum. Coram facie sua Deum contemnimus, & coram sua Majestate peccamus. Quin in gremio & amplexu brachiorum suorum dum nos sustentat & mulcet, offendimus, nec proinde ab-

jicit nos è suis ulnis & annihilat, sed solem oriri facit super bonos & malos. Quis inimico insidianti sibi, & offendenti, interim teneret lychnum accensum, cujus luce uteretur ad injuriam ejus, & non exstingeret statim? O magna patientia & humilitas Divinitatis! quæ & contemptoribus suis servit ut famulus; & dum contemnimus, præparat nobis alimenta, & delictos fructus terræ coquit & condit, ut suaviter & abundanter nos alat.

CAPVT XII.

Quantum bonum sit subditum esse alteri.

O Sapiencia inscrutabilis! quas gratias tibi referam, quod communicheris mihi ignorantissimo per sanctum & humile obsequium, quod est summa hominum providentia & scientia. Divinæ sapientiæ est, in nullis posse errare: obediens etiam in nullis errat, si pareat humiliter jubenti Superiori. O quàm magna & discreta prudentia, simplicium est obedientia, nihil discernens. Quantum beneficium, inter caligines quas offundunt passionēs, & errores quos efficiunt cupiditates, & ignorantias, in quas hominum depravata conversatio & mundileges ac mores impellunt, erit sapere & gubernari prudentissimè absque ullo errore, perinde

inde ac si sapientiam & divinam prudentiam haberemus? Hoc facit inventum sanctæ obedientiæ, quæ vicaria est Sapientiæ divinæ, & utilissimum compendium prudentiæ. Quid sapientius, quàm non posse errare, quæcumq; fiant? Virtutes alias debet præcedere prudentia, quæ difficillimè ab hominibus habetur: sed facillima prudentia est sincera obedientia. Hanc antecessionem habet inferior supra Superiorem, quòd non possit in suo munere errare. Superior jubendo errare potest & delinquere, sed inferior obediendo nequit errare. Benè potest imprudenter jubere Superior, sed subditus nequit imprudenter facere cùm obedit, nisi cùm manifestum peccatum jubetur, quod jam non esset præceptum, sed tentatio. Potest deficere Prælatus præcipiendo; sed non obediens, quia nequit non facere voluntatem Dei, parendo. Est undique curata & munita obediendi securitas, voluntatis divinæ: etsi dum præcipitur, fiat contra voluntatem Dei nolentis ita præcipi; qui parer, tamen, juxta voluntatem Dei operabitur, & interdum cum majori merito. Malus Superior potest esse, & malè potest jubere: at quia benè obedire semper possumus, dum non præcipiantur mala, amandus est omnis Super-

Superior. & insuper tolerandus malus: ubi duplex est meritum, charitatis & patientiæ. Aliquando poterit subditus putare meliora aut utiliora animæ suæ, quàm quòd Prælati iuberet; non tamen propterea debet relinquere iussa: nam nihil providebit utilius, quàm cum charitate relinquere & abnegare voluntatem propriam & iudicium.

Obedire tutissimum est: ideò clausis mentis oculis & celeriter debemus id facere, supplendo & addendo voluntate & affectu erga iussa quod intellectus noster considerare haud tenetur. Tam gratum & locuples bonum est obedientiæ, ut ratiocinatione non egeat ad obtemperandum. Obedientiæ est patientissima inspiratio Dei, & tutissima revelatio, in qua nequit dubitari an sit à Deo. Si Angelum videres ad te venire, & nuntiaret Dei voluntatem esse ut aliquid faceres; nequaquam torperes dū exequeris illud, licet molestissimum opus esset: celerius debes exequi quod Superior præcipit; quia securius & certius est esse Dei voluntatem, ut facias quod tibi præcipit homo, quàm quod Angelus videretur mandare. Ideò post mandatum hominis non debes considerare plura, nec morari, sed exequi: at post locutionem Angeli deberes considerare,

derare, quis tecum fuisset collocutus, an dæmon, an Dei spiritus? an bonum vel melius esset, quod præcepisset? Magnus favor fieret, si ad singula opera moveretur quis ab aliquo Seraphim descendente à latere Dei mittentis illum, ut diceret in nomine suo. Hoc vel illud facito: non minùs utile est obedire in Deo homini Superiori, qui est oraculum domesticum & securum, quasi doceretur à Spiritu sancto. Dux sunt præcipuæ causæ peccatorum, inconsideratio mentis, & depravatio voluntatis: utramque tollit obedientia; nam sequitur iudicium alienum, quo considerationis propriæ & prudentiæ bonum supplet & excedit; & ne pravè velit, sequitur voluntatem Dei placēs illi semper.

O quantum solatium est amatori tuo Iesus, non solum operari ut placeat tibi, sed quia tibi placet! Hoc est privilegium obedientiæ, ut aliquā mercede non frustreretur; quam non solum ex opere sperat, sed in opere habet, & finem suum in principio obtinet, nempe beneplacitum Dei: quod non in futurum pendet, cum anticipetur obediendo. O desideratissimum obedientiæ opus! quomodo aliqui queri possunt aut excusari ab illa, quod si humiliter & promptè obediunt, præcipiantur plura; quod soleant Superiores

106 *Lib. II. De ijs, quæ spectant ad*
riores plus jubere eos, qui sunt obedientio-
res? Stultissima est hæc querimonia, cum
queramur de ijs quæ debemus oprare. Fa-
vor Regum putatur, quod alicui commit-
tantur aliqua; & major favor quod plura
mandantur: cur si Deus nobis similiter fa-
veat, licebit queri? Domini plerumque ijs
fervis præcipiunt, quos magis familiares &
charos habent, & putant fideiiores: cur que-
rimur quod Deus nos ut fidos habeat? O
Deus cordis mei, si Filio tuo hoc modo favi-
sti in hoc mundo, qui factus fuit obediens
usque ad mortem crucis; an fortasse audebo
præsumere mihi majus genus gratia? O Je-
su, qui in omnibus factus es obediens, da
mihi ut nullam obedientiam recusem. Om-
nia fecisti obediendo, à nativitate usque ad
mortem, Cæsari & Pilato subjectus non mi-
nùs quàm ad moriendum. Fuit quoque ho-
ra in qua subjectus voluisti esse potestati re-
nebrarum, nolens resistere dæmonibus, sed
summâ obedientiâ infernali furori cessisti, in
carnificibus & invidiâ Judæorum: & quia
incarnari non potuisti obediendo, nondum
enim erat humana tua natura; supplevit
hanc obedientiam mater tua concipiens
te, cum magna illa obedientia & mentis
summissione.

illustrat: & Christi D. imitationem. 207

O desideratissimum obedientiae opus! cum certissimum sit, esse gratum Deo, & optimum. Adam cum non obedivit, scivit bonum & malum: obedientia innocentissima est; non tantum nescit bonum & malum, sed ignorat bonum & melius: nam cuncta obedientiae opera optima sunt; quorum comparatione, alia ceterarum moralium, virtutum non habent comparationem in hoc quod nulla sint antehabenda iussis: nam qui reliqua fecerit, sed contra obedientiam, mala facit: at si omittat propter obedientiam, cunctarum virtutum meritum habet. Nescit obediens, Melius est facere hoc quam illud, sed optimum est facere quod praecipitur. Qui habet obedientiam, habet in compendio alias virtutes: qui obediens est, & castus erit, & pauper. Adam postquam non obedivit, statim sensit stimulos carnis, & quaesivit vestitum; dum fuit obediens, castissimus & virgo mansit, & suam nuditate contentus pauperrimus. O desideratissima obedientia studioso virtutum & amatori Dei.

Consolare o anima, cupida & desiderans videre faciem ejus, in quem desiderant Angeli prospicere: consolare interim, & reverere Superiorem quemcunque, ut evidentem

208 *Lib. II. De ijs, quæ spectant ad*
tem Christum; & Deum visibilem: non in se
solum, sed in Prælato etiam colitur Deus.
Crede, divinam Bonitatem tibi providisse,
& decrevisse hunc Prælatum in æterno suo
amore & sapientiâ, ut per illum, & non per
alium suam gratiam tibi largirerur & præ-
destinaret. Auctoritas Dei est in illo, ne scru-
teris cur hoc præcipiat: Deo est pro ratione
voluntas: ita ab eo qui vicem Dei agit, nul-
lam aliam rationem requiras. Cur exposcis
rationem, ut te tradas Deo? Dic mihi, quæ
ratio fuit, cur Deus non alium hominem,
fortasse futurum meliorem, sed te creavit,
& te dedit tibi? Si non assignabis, cur quæris
rationem, ut te reddas Deo per omnem re-
signationem voluntatis? Magna gloria & ju-
cunditas cælestium spirituum est celebrare
Deum; sed majus est esse proprium Dei;
quàm si laudares illum ore.

C A P V T XIII.

*Defectus leves & quotidiani quantum
damnum efficiant.*

Cur contemnis in anima, quod deside-
rant homines in corpore? cujus non
solum vitam curant, sed & formam & vale-
tudinem. Intolerabile malum esset, semper
agrotare; & horribile, artus brutorum in-
ter

ter humanos habere. Non solum peccata, magna extimescas; sed ipsas concupiscentias & cogitationes culpabiles & imperfectiones horreas. Quanta deformitas esset, si os serpentinum in facie tua haberes? Major est, verbum quo vel leviter detrahas, aut offendas aliquem, siue otiosè dictum. O Veritas! ô Bonitas immensa! precor per merita Christi, ut tollas velum mentis meæ, quo possim, noscere quàm stupendum malum sit in minimæ culpæ malitia! ô homo, quàm horrendus coram hominibus esses, si appareres quodam die caput bovis aut equi habens in tuo corpore humano! Pejus est, si coram Deo & Angelis, in anima tua, divinâ factâ per gratiam, trahes cogitationes desipientes & otiosas rerum terrenarum, & brutalem sensum commodi tui: imò major proportio est inter corpus humanum & brutum, quæ in eodem gradu rerum sunt, quàm inter gratiam, & peccatum etiam levissimum. Quare deformitas minimi defectus excedit omnem & deformitatem corporalem, non modò quæ sit, sed quæ cogitari possit, aut sit possibilis. Quæso, ô spiritus desiderator Christi, per ejus cruorem sanctissimum, ut hic sis, & perpendas istud justo judicio; & qui nævum in corpore nolis ha-

bere; in anima, sponsa Iesv. quantum possis, ne permittas hæc monstra. Dilata facultatem mentis omnem, & artem cogitationum tuarum, & confinge horridiorem quàm possis deformitatem, & tortuositatem, ut ejus solum cogitatione stupeas & formides: parva erit præ deformitate culpæ levis. Pretiosioris rei peior corruptio est; & ejus quæ rectissima debet esse, magis offendit obliquitas: quid pretiosius mente & arbitrio, quod super omnem aliam creaturam est? quare minimum ejus vitium deformosissimum est; nec est mens humana & Angelica, quæ adæquatè malum noscat, quod in anima causet. Quale prodigium esset, si in ventre tuo gestares cor, non in pectore? Majus monstrum est, animam ad amandum Deum factam concupiscere voluptates; & intemperantiâ gulæ, aut alteri⁹ pravi affectus negligentiam deformari.

Non solum peccata magna horreas, sed ista, & omnia venialia, quæ putantur levia, & falsâ voce parva dicuntur. Non justè dicitur leve & parvum aliquid, quod solum supra se habeat aliud magnum. Non est parvum culpa venialis, quod supra se solum habeat aliud majus, id est mortale peccatum: imò proinde magnum censenda, quod su-

pra

illustrat: & Christi D. imitationem. 211

pra se non habeat; nisi unum malum, quod sit majus. Non solum homines censent mortem malam & timent, sed & febrim & letale vulnus. Ingens malum est, quod uno tantum malo est minus: ingens malum, quod ceteris cunctis malis est majus, penurijs, opprobrijs, injurijs, ægritudinibus, tormentis, & ipso inferno: ingens malum est, quo majus aut æquale, Deus tibi immittere nequit; nec sciët; etsi omnes damnatorum cruciatus in te solum aggereret.

Gravissimum putares, cancro laborare, exuri & pasci membra tua: quid si adhæc jungerentur ceteræ ægritudines majores; lepra, asthma, paralytis, hydropisis, abominatio stomachi, podagra, cæcitas, phrenesis, stupor linguæ, extinctio caloris nativi? una sola culpa venialis magis nocet quam cuncta illa. Peccatum veniale est cancer; serpit paulatim usque ad interitum, inducens in alia plurima, & demum in mortale; nisi prius resecetur pravus affectus: est lepra, maculatam & foetidam animam sejungit à complexu Sponsi; est asthma, causans difficultatem aspirandi ad coelestia, & excipiendi divinas inspirationes, molestans & contristans Spiritum sanctum: est paralytis, impediens agilem motum ad Deum, torpe-

re faciens in divino servitio : est hydropifis, gignens sitim & æstimationem rerum temporalium, negligens divina & salutaria: est abominatio stomachi, fastidium efficiens rerum spiritualium : est podagra, impediens nos ne procedamus in profectu nostro : est cæcitas, faciens cæcutire ad cognitionem veritatis, & cælestium bonorum, amentiam mundanam inducens, velut densa nubes obtenta oculis: est phrenesis, faciens insanire animam. Quæ major insania, quàm si quis purpuram regiam, quæ honoris causâ à Rege fuisset donatus, ut coram se adstaret, & loco filij haberetur, immergeret in locis cœnosis, & deinde appareret ridiculè coram Rege? sic gratiâ indutus, & purpurâ Dei, per peccatum veniale se maculat, & luto se inficit, licet non exuat illam; & deinde coram Angelis audet apparere & assistere Deo. Est quoque stupor linguæ peccatum veniale, orationes nostras inefficaciores reddens, ut non mereamur audiri, nec exaudiri à Deo: est tabes, labefactans animum ad resistendum diabolo: est extinctio caloris, fervorem charitatis minuens. Anne parvum est, quod est causa tantorum malorum? Quomodo sic affecta anima, petet quiescere in sinu Sponsi? Fœtor oris solum sufficiens causa

divor-

divortij in thoro est: quomodo leprosa, paralytica, hydropica, lippiens, audebit petere, ut osculetur illam Sponsus osculo oris sui? Vestem nostram, si sputis aut cœno inquinaretur, imò si solùm maderet aquâ purâ, statim à nobis abjiceremus & exueremus, nec cum illa coram hominibus compareremus: quomodo non vestitum, sed nos ipsos fœtidos, sordidos, maculatos, ægros patimur, & Deum amplecti volumus, nec priùs tergi & sanari satagimus? Si ut liberareris à quolibet dictorum morborum in corpore, nempe cancro solo, imò ut sperares liberari, licet incertum esset, libenter permitteres secari membra; quid faceres, ut ab omnibus sanus fieres? O insensibilitas humana! quæ tot mala animæ non dolet, & pro certa & inæstimabili meliori animæ valetudine à tot gravissimis morbis facile & leve remedium quoad possit, non curat; cùm pro incertâ salute corporis non parcat membris suis, nec tormentis omnibus.

Age stulte, cura animam; & præcave, quantum possis, ne in tot morbos incidat, vitando veniales culpas: propterea ne parcas exiguo labori & diligentia. Magnitudinem morbi ex magnitudine curationis conjice. Vide quomodo medicetur illis purga-

214 *Lib. II. De ijs, quæ spectant ad*
torium, quod est nos loco nūn culpam. nā
āne parvum est, quod curari opus est igni
illo & acerbissimis cruciatibus? Anne parum
suspicaretur aliquis, si videret unā horā pu-
niri feminam delicatam in fornace ignis ar-
denti, & id iussu clementissimi & dilecti spō-
si? Planè aut sponsus esset furens, aut culpa
nimia displicuit. Cur parum reputantur
culpæ veniales, ob quas misericors & amans
hominum Deus vult animas gratas sibi de-
tineri per dies, & annos, in purgatorio, absq;
ullâ compassionis benignitate? aut Deus in-
justissimus & atrocissimus est, aut culpa ve-
nialis terribile & stupendum malum est;
aut Deus crudelis tyrannus est, aut culpa
minima tremenda irreverentia & ingrati-
tudo est. O Domine, non tyrannus es, sed hu-
milis animarum auctor: & misericordia
tua super omnia opera tua; impudentia
mea est stupenda, & enormis: quam tu æqui-
simus, iustissimus, & humillimus corde, qui
potius minori gauderes punire supplicio,
severissime corrigere opus habes, ne viole-
tur iusticia tua.

Cane n si quis videret cum flammis lu-
ctantem, & pereuntem in medio rogi, com-
pateretur: quid esset, si videret filium suum,
charum ibi aduri? O misericordissime Pa-
ter

ter, quomodo dici potest parum culpa venialis, pro qua non decet ut compatiaris, videns aduri & torqueri in purgatorij ignibus, filios in gratia tuos, quos tantoperè amasti? si quidem pro illis sanguinem tuum & vitam dedisti. Non defecerunt tibi pietissima viscera paterna, nec sapientia infinita: non es Deus ignorans, qui falli possis in iudicio culpæ; nec crudelis, qui gaudeas nisi invitus cruciari: quare, si quem amas, ita punis; ingens malum est, propter quod ita sævit ipsa misericordia.

Proponamus aliquem hominem, sine ulla noticia inferni, aut purgatorij, sed solum per revelationem ostensam fuisse illi unam animam terribiliter cruciari in illo igne pro peccato veniali, sed illum nescire occasionem talis supplicij: quam quæso cogitaret fuisse causam ejus tormenti? anne parvum putaret? vel maximum aliquod malum, quod à benignissimo Deo tantoperè puniebatur?

An etiam parum diceretur, quod in hac vita punit Deus maximo omnium supplicio mortis? Si Deus infligendo poenam non potest falli, cum infligat tantam; quantum erit propter quod infligit? Ecce, servos suos Moysen & Aaron pro culpa veniali morte mul-

stavit. Oza & uxor Lot pro culpa etiam veniali, ut putatur, tremendo supplicio intercepti repente sunt, Abbas Moyses pro uno peccato veniali traditus fuit & occupatus à dæmone; & quidem minus malum esset habere in corpore mille dæmonum legiones, & vexari ab illis, quàm habere in animâ unum peccatum levissimum, & delectari illo. Dæmon quadraginta annis anxius fuit, ut quidam servus Dei incideret in quamdam culpam venialem. Anne stultus est dæmon, qui pro re levis momenti ita vigilaret, & tamdiu expectaret? cur nos ut tantum malum vitemus, uno die non erimus diligentiores? O purissima Veritas, purifica spiritum meum impurum à tanto malo: & illumina me, ne parum credam id, quia parum curo, cum dæmones tantoperè curent; sed magnum credam, quod fit contra Deum tam magnum: nec pusillum & leve reputem, quod ego pusillus, levis, & inconstans committo passim & constanter peccando; sed indeò credam magnum, quòd ego pusillus & vilis audeam id facere contra Deum Maximum & Optimum.

Quantum est, quòd priùs debeo eligere, vitare semel ne committam, quàm millies mori, quàm terram & cælum redigi in nihilum,

lum, quàm damnari totum genus humanum? Si Beata Virgini, lacrymanti ad pedem Crucis cruciatus & mortem Filij dilectissimi, daretur optio, an vellet Christum suum, liberari ab opprobrijs & cruciatibus illis, & videre statim sedentem à dextera Patris, simulque salvari mille mundos, aut assentire in unum peccatum veniale; potius vellet, non facere illud, consuleretque id mihi, & mallet iterum videre crucifixum sine culpa aliqua suum dilectum Filium & Dei, ac graviora pati, atque si opus esset, & liceret, ipsâ manu suâ pienssimâ clavos figeret, & majori charitate quàm Abraham sacrificaret. Quæso etiam, parùmne obsequij & solatij fieret Virgini & JESU, si homo aliquis fuisset qui tunc se substituisset in monte Calvariae loco Christi, ut pro illo cruci imponeretur & pateretur? Crede tamen quòd majus solatium à te potius requirerent, ut vitares peccata venialia. Computa modò, an parum sit quod præponderat tanto obsequio; neque deneges hoc solatium Christo patienti, & Matri compatienti. Deleatur à nostra opinione, parvum aut leve esse hoc malum, quod Virgo, Christus, Deus Pater tanti judicat, & punit.

Non est parum, quod ad magnum finem

ordinatum impedit; quod in hac vita minuit amorem Dei, & ejus visionem in altera retardat. Non est parva moles, quâ celerrima & potentissima Dei misericordia & desideria velut impediuntur, & morantur. Anne parva violentia esset, quæ maximum saxum à cælo cadens in aëre suspenderet, jam jam proximum terræ & centro suo? Non igitur parvum est peccatum, quod suspendit munificentiam divinam, & desideria ardentia, sanctæ animæ, ne contingat centrum suum Deum, & terram sanctam beatitudinis promissam, sed in purgatorio detineat. Non parum displicet Deo, quo cogitur non statim dare, quod tantum placet illi largiri, & placebit nobis frui. Non est parum, quod impedit magna dona Dei, etiam in hac vitâ resistens potentissimæ liberalitati ejus. Trepidamus ad tantum malum, & omnibus viribus, quoad possimus, vitemus diligentissimè; nec pudorem culpæ sustineamus.

Quomodo servi Dei aut filij aut sponsæ nomine gaudebit anima, quæ negligit placere Deo, & in omnibus obsequi cum omni voluntate? Quàm scelestus esset servus, qui nihil vellet facere benè, nisi cum gladio stricto minaretur herus mortem; nec aliter, si ve flagellis, si ve blanditijs, moveretur ut bo-

na obsequia præstaret? Quàm perversus filius, qui nollet aliquid gratum patri facere, sed displiceret semper, nisi quatenus non mereretur hereditate privari, alioqui nihil curaret obsequi illius voluntati & desiderio, sed in omnibus resisteret? Quàm perfida sponsa, quæ fidem & amorem sponso solum servaret, quatenus non provocaret illum ut occideret ipsam, in reliquis verò adversaretur ac displiceret; & tametsi puniretur, numquam emendaretur? Quale signum amoris filius aut sponsa præstarent, si dicerent: Verè diligo patrem meum aut sponsum; sed præter mortem aut vulnus mortale, quidquid ei injuriæ inferam, non curabo multum; faciam omnia liberè prout mihi placet, nec prætereà sollicitus ero placere illi, dummodò me non occidat, aut patrimonio privet? quis ferret hæc dicentes & facientes? Similis est qui peccata venialia contemnit, & solum servit Deo, quatenus non occidatur anima, aut cælo privetur, per peccatum mortale. An fortè esset paterfamilias, qui talem servum aut filium aut conjugem domi veller habere? Hæc patientia Dei, quæ nos tolerat abutentes toleratione ejus.

Ne igitur putemus parvum esse has culpas; quæ etsi parum quid essent, sunt plures,

220 *Lib. II. De ijs, quæ spectant ad*
& Deus est magnus & unus. Arenulæ par-
væ sunt, sed tot possunt esse, ut obruant citius
quàm saxum ingens. Infirma res est una lo-
custa: sed quæ plaga major agris est quàm
multitudo illarum? Ex parvulis guttis pluvii-
arum, inundatio urbium magnarum fit. Si
tot parvula vulnera seu punctiones in cor-
pore haberemus, si tot pustulas in facie, si
tot scissuras in vestitu, ut fiunt peccata veni-
alia, semimortui essemus, horribiles & pænè
nudi: cur in anima illa patimur, nisi quòd
plus amamus cutem & vestem, quàm ani-
mam? O quantâ confusione sic affecti co-
ram Deo audemus apparere! Sed quid nu-
merum accuso? Una sola culpa formidanda
est, quam parvum quid esse non poterit co-
gitare, qui Deum cogitat infinitum; nec pa-
rum esse dicet, qui multum amat: qualis a-
mor Dei erit illi, qui parvi facit displicere
Deo? Qui in parvo displicet, jam displicet:
qui displicet, jam contra legem ardentis a-
moris facit.

C A P V T XIV.

De solertia circa res exiguas.

Deus maximus est: in ejus obsequio ni-
hil putes minimum: non satis magnus
esset, nisi vinceret omnem parvitatem. Si a-
mas

illustrat: & Christi D. imitationem. 221

mas illum. in minimis officijs probatur vera
amicitia. Peritia artis in parvis ostenditur:
virtutis perfectio non est rudior, ideoque
non expectat solum magna. Natura in mini-
mis admirabilior est: minutissima animalia
maximè curat. Gratia non est obtusior, nec
debet esse segnior. Quæ minutiora viden-
tur, diligentius curanda sunt. Cùm Deustan-
tus sit, nihil est parvum, quod ei displicet;
aut quod ei placet. In bono & malo non est
minutum. Quidquid bonum est, statim est
magnum: quidquid malum est, statim non
est parvum. Infinita bonitas omnes nostras
vires exigit: injuriam faciet, qui debet om-
nia, si neget aliquid. Ne dicas, Hoc quid
præstat, hoc parum interest, hoc nihil est. I-
mò multum est hoc quod putas nihil; quia
quod putas multum aut aliquod magnum
opus, nihil est præ magnitudine Dei & obli-
gatione tua. O immensa Veritas, quomodo
potest putari minimum aut magnum, si mē-
sura obligationis & diligentiae meæ est im-
mensitas tua, ubi non est parum! nec ma-
gnum dumtaxat, sed excessus totius modi?
quomodo possum dicere; Hoc parum est, si
quidquid fecero pro te, nihil est?

Non est parvum quod censetur minimum,
cùm in minimis stet perfectio. Non sunt

con-

222 *Lib. II. De ijs, quæ spectant ad*
contemnenda minima, quia contempra-
sunt magna. In strue aridorum palmitum,
quam domi habes, si scintillam ignis permit-
tas, incendium magnum fiet, & tota domus
conflagrabit. Corruptio naturæ nostræ a-
ptior est malitiæ, quàm stupa sicca igni. Si
leve aliquid negligas, fies paulatim perversus.
Non attendas parvitatem quæ est in ini-
tium, sed ex principio considera finem. Semi-
na semper exigua nimis sunt, sed in nulla
plantarum major efficacia & vis est. Primum
divortium duarum viarum sensim protra-
ctum in maximum intervallum definit; & in
infinitum procedere potest, cum prius nec
uno gradu distarent. Si in parvo devies à
proposito tuo & rigore mentis, paulatim te
invenies longinquum à fervore. Magna su-
munt initium à parvis: quare parvum non
est minimum, si est initium. Cujusque rei
præcipua pars principium est: imò non pars
quælibet, sed dimidium totius dicitur.

Rectè putabat sanctus Ignatius Pater nô-
ster, plus latere periculi in minutis contem-
nendis, quàm in maximis: horum damnum
apparet, & curari statim potest; at minima-
rum rerum injuria nisi progrediente tem-
pore non percipitur, cum vix restaurari po-
test roboratâ consuetudine. Peccata magna,
ipsa

illustrat: & Christi D. imitationem. 223

ipsa natura peccati & enormitas facit, ut a-
versemur: minimi defectus, quia parvi viden-
tur, hoc ipso negliguntur; illq; contempnis
non excitatur mens adversus illa. Concu-
piscencia nostra in minimis acuitur, & ardet,
quodd sine magno periculo putet posse in-
his vagari, cum in magnis se compescat ter-
rore damni patentis: at irritata & erudita,
semel cupiditas, in qua non audebit & arde-
bit? Inde aliquando multo sollicitiores ad-
versus parva debemus agere, quam contra
magna. Ex minimis consuetudo nascitur,
qua praescribit vitia; non ex magnis, quia
sunt rariora: nec minus violentum erit resi-
stere consuetudini, quam naturae. Facile jus
& actio citius datur adversus capientem per
vim nostra, & palam, quam in usucipientem.
Quae levia videntur, auferunt a nobis pудо-
rem peccandi: sed amisâ semel verecundiâ
erga Deum, quid boni ex nobis promitti-
mus?

Erubescite te continere a magnis, & vinci
a parvis: nam ab hoste exili & pumilione
sterni, turpissimum & ignavi signum est. Non
contemnendum est parvum, in quo magnâ
pretium potest esse. Margarita quod sit exi-
gua, non putatur utilis; imò proinde pretio-
sior est, quod in parvo corpore magnum

pre-

224 *Lib. II. De ijs, quæ spectant ad*
pretium habeat: cur parvum contemnis, ubi plus fortasse placere Deo potes, quam in majoribus? Pretiosius est obsequium & diligentia in minimis. Quemadmodum enim peritia artis est, includere in parvo magnum artificium; & naturam miramur, quod in exiguis animantibus omnes officinas vitæ claudat: sic excellentia amoris est, ponere animum totum etiam in minimis, & magnum & ardentem affectum concludere in parvis rebus: & pretiosior est diligentia minorum, nam magnitudinis defectus ex affectu restauratur, qui est rerum pretium. Nihil rectè æstimatur, nisi ex animo: magnum est minimum obsequium, ubi est animus magnus. At non rarò major est animus in parvis: quare non minus gratum sæpè erit officium & solertia illorum. Magna per se excitant attentionem, & non molestant; quia rariùs contingunt: minima verò minus admonent animum, nec expergefaciunt; & quia crebriora, fatigant: quare animus curator minimorum, magis est in illis, quia magis vigil, magis constans; & pertinax ad obtemperandum esse videtur. Non igitur magnus desiderator Christi erit, qui solum magna curat, non erit ardens amator Dei, qui mundum & se reliquit in magnis, nisi etiam in

am in minimis. Sculptoris ars perfecta non est, corrice spoliare truncum, & devastare per magna frustra; quilibet hoc faciet: sed postea testucas minutissimas scitè recidere, subtilissimas cavitates evacuare, & minimis manum imponere, solus magister artis potest. In tabula umbras & primos colores tyro artis ducere potest; sed ad perfectionem picturæ, subtilitate periti manus & penicilli est opus, & in minimis lineis magnum opus consummatur: ita in minutissimis officijs virtutum absolvitur similitudo Dei. Non est imago perfecta; quæ caput, ventrem & pedes habet, sed in qua omnia affabrè sunt laborata: cur rudem & informem imaginem vis te Deo præsentare ob defectum minimæ rei?

O infinite & perfectissime Domine, quid minimum possum putare, quod à te me amovere quàm minimum potest, aut magis assimilare? quid minimum reputabo, quod tu desideras me vitare, aut facere? cur minimum præterire possum pro majestate tua & gloria, quin faciam, omnia; cum nihil pro vilitate & peccato meo prætermiseris, quod non faceres? O spiritus remisse, si Angelus è cælo tibi nuntiaret, quod Deus veller te pati tormenta sancti Laurentij pro gloria sua; &

226 *Lib. II. De ijs, quæ spectant ad*
gratiarum actione ob beneficia à Christo
collata in genus humanum, quàm ingratus
esses, si fortè non haberes id pro magno fa-
vore, & minimum id putares? Ecce, quid di-
ces? non ignes, non equuleos; non carceres,
non cruciatus Deus à te modo exigit; sed ut
attendas in hac re minima, & non negligas:
magnum hoc puta: hæc est voluntas Dei, ut
hæc cures: & sufficit. Martyres per magna-
rum pœnarum patientiã sancti habiti sunt:
Confessores, per minutarum culparum im-
patientiam & fugam, sanctitatem conse-
quuntur. Illi pœnas omnes tolerantes, vita-
runt culpas: isti nullas culpas tolerantes,
virant maiores pœnas purgatorij.

C A P V T X V.

Laudem propriam vitandam esse.

Qui amat laudari, vult quid impossibile.
Laus bonum aliquem publicat: sed
hoc ipso quòd laudari velis, non modò va-
cuus es omni bono, sed plenus maximo ma-
lo, nempe diabolico, superbiã, & ambitione.
Licet audias laudari, non tu laudaberis, sed
alius. Laus boni est: sed tu pessimus eris, qui
laudis es cupidus. Nequit bonus esse, aut
laude dignus, qui tam vanus est, ut laudari
quærat. Quare desinit esse laudabilis, qui
vult

vult laudari: at si non est laudabilis, non potest fieri, ut laudetur; nam non erit, quod non potuit prius esse. Si arrideas laudatori, applaudis vituperatori tuo verissimo: quia injustissimus es, siue justum te putes, siue non: nam si justum non te æstimas, gaudes quod mentiatur ille; si justum te censes, satis hoc injustum est præferri alijs, cum nihil sis. Cum audis, Valdè justus es, valdè bonus es, qui talis est: laudatur: non tu, qui nec justus, nec bonus es; sed potiùs vituperaris. Laus justì, vituperium est injusti. Hoc ipso indignus est laude, & contemnendus, qui de contemptu suo & convitio dolet; aut in commendatione sua tumidè afficitur: qui se non putat contemptibilem; excusat contemptores suos.

Laus tua, mendacij filia est, & mater ignorantia, confusionis, pudoris, & periculi: improbatio tua, veritatis filia, & mater meritì & doctrina: utrum præstabit, confundi & falli, an mereri & doceri? Ama solùm laudabilem esse, non laudatum, & sat hoc est. Laudabilis solùm eris, si solùm laudem Dei & gloriam desideres, & tui contemptum. Cur mavis videri bonus quàm esse; cum desinas omnino esse bonus hoc ipso quod optes videri, & æstimari vanè? Cur æstimas, alios fal-

228 *Lib. II. De ijs, quæ spectant ad*
li, aut fallere, plusquam æstimare verè te i-
psum? Cur te viliores quàm lapidem facis,
cujus non tantum splendorem curas, sed ne
adulterinus sit in se, ut pudeat gestare in or-
natu gemmas fictitias.

O Veritas laudabilissima, ô gloria rerum,
quâ fronte laudem & honorem meum au-
sus fui semel quærere, qui te toties contempsisti?
Quâ fronte semper quæro æstimari, qui li-
cet semel tantum negligenter tui gloriam
procurassem, in æternum mereor contem-
ni? Quàm impudentissimus, vel insaniens
esset, qui optaret laudem & honorem ejus
qui te inhonoravit infligendo alapam, aut
te blasphemare dixit, aut arundine te illudit
in passione tuâ? Pejor sum ego illis, & men-
tior si ulli eorum me præferam: quomodo
de mea laude & honore audeo cogitare,?
quanta insania & scelus est quærere illum?
imò quanta impudentia, ô spiritus infirme,
non te putare dignum omni opprobrio, nec
optare contemni ab omnibus?

Non ideo bonus eris, quòd te alij prædi-
cent aut putent bonum: Egrotus non sana-
tur, quòd dicatur sanus esse. Quid magis eli-
geres, esse sanum & robustum, quamvis à re-
liquis putareris egrotus? an esse egrotum,
& ab alijs putari & dici sanum? cur eligis, te
dici

illustrat: & Christi D. imitationem. 229.

dici bonum, cum sis pessimus? Imò molestissimum esset ægroto & dolenti, plusquam ipse morbus, si reliqui dicerent nullam ægritudinem habere, nullum dolorem, & immeritò queri: cur te gaudes ab alijs probum, prædicari, cum improbus sis? Ægri tam absunt, ut velint se dici sanos, si non sint. ut ipsi interdum soleant exaggerare morbum, & id gaudeant reliquos facere: sic verus humilis exaggerat suam vilitatem, & gaudet, quòd alij exaggerent, & augeant contumelias & opprobria: igitur qui amat laudari, dat operam non tantum rei impossibili, sed ridiculæ.

Injustus eris, laudes appetens & non opprobria, cum plura suffragia sint, quæ postulent contemptum tuum. Si libes te, præponderabunt mala tua, & defectus innumerari, paucissimis bonis, & ijs alienis. Vis scire, palàm impossibile esse, te laudari? Impossibile est, habere ex te unde lauderis. Collige exiguitatem humanam, quòd venit æstimari homines ob bona aliena: quasi propria haberent, numquam gloriarentur de alieno; ut sæculares præsumunt, quòd ingenuos equos habeant, fideles famulos, splendidas vestes, cum generositas potius sit equi virtus, & cum generoso equo possit esse do-

230 *Lib. II. De ijs, quæ spectant ad*
minus ignobilis & vitiosus. Fides gloria fa-
muli est, & cum bonis servis iniquissimus he-
rus potest esse. Splendor vestis, laus potiùs
sartoris aut textoris est, & tunica decora
potest tegere turpissimum pectus & fœdant
conscientiam. Eodem vitio, quod Dei est,
sibi tribuunt, etiam qui sæculo renuntiarunt,
dum non se penitus abnegant.

C A P V T X I V I.

De vilitate hominis.

SI cum Deo pacem desideras, super om-
nes & omnia te humilia. Deus resistit su-
perbis, terribilis vox: non minùs horribile
est, quòd superbus resistat Deo. Deus resi-
stet superbis, ne malè agant: superbus resistit
Deo, ne beneficiat. Deus resistit superbis,
ne malisint, & pessimi per suam superbiam,
quos ideò curat humiliare: superbus resistit
Deo, ne bonus sit & beneficus; impediendo
dona divina. Evidentissimè conjice, te esse
vilissimum, hoc est, superbissimum, cum re-
sistas Deo: alioqui innumera alia beneficia,
gratias, virtutes in te contulisset. Evidens
est, supra te nubem elevatam esse, quæ resi-
stat soli, si in medio campo & die non te tan-
gat expedire radius ejus: totus tunc in um-
bra eris, quamvis umbram nullam tunc vi-
deas:

illustrat: & Christi D. imitationem. 231

deas: nemo magis vilis & refertus defectibus, quàm qui nullam vilitatem aut defectum in se videt, quia supra se elata mens opponitur Deo & claritati. Nullum est patientius indicium superbiæ nostræ, quàm cohibitio beneficentiæ divinæ; quia resistit desiderio Dei ardentissimè se profundendi. infinitæ passioni Christi, intercessioni Virginis, orationibus Sanctorum. Magna est mea malitia, & profundissima miseria, cum unus solus tot resistam; obstruens, quatenus in me est, quinque fontes Sanguinis Christi, & obstitans torrenti liberalitatis divinæ. Licet tam amantes essemus, ut in nobis nullum peccatum nosceremus nec defectum, ex hoc solo indicio nos debemus firmissimè credere superbissimos & vilissimos; nec, si peccata non sufficiunt, aliud magis nos in humilitate, continere oporteret: non vermes, in quos ituri sumus; non cœnum fœtidum, ex quo geniti sumus; non stercus, quo, dum vivimus, referti sumus; non miseriæ corporis, quibus ludimur; non ignorantia animæ, quibus nostro consilio illudimur. Plus quàm satis est ad nos humiliandum infra omnia, videre Deum non magis communicari nobis, & defectus nostros permittere.

O humilis Majestas Dei, quàm chara &

desiderabilis est tibi humilitas nostra! Mortuus Christus fuit pro peccatis: sed peccata permittit pro humilitate. Anne maioris stetit humilitas hominis, quàm vita Dei? Anne pluris fecit IESVS humilitatem nostram, quàm suum redemptionis beneficium; cum peccata, pro quibus vitandis vitam & sanguinem fudit, & humiliatus fuit descendens de cælo, permittat, ut vitet superbiam nostram; & qui peccata redemit suâ humilitate & morte, ipsis peccatis nostram humilitatem velut redimit? Quid est hoc ferè incredibile, quod ferè incredibilia fecerit Deus, ut humiles simus? cum alioqui incredibile videatur, quòd superbire possimus: nam impossibile est, ut inveniatur unde.

Nihil nostrum est, & nihil sumus. Imò si multa haberemus, & magnum aliquid essemus; ob ea quæ fecimus, nescio quomodo audemus aspicere cælum. Undique vilissimi sumus, ob id quod sumus, & ob id quod non sumus; ob ea quæ fecimus, & ob ea quæ non fecimus; ob ea quæ fecit Deus pro nobis, & ob ea quæ non fecit in nobis. Et quia ipse tantus est, & quia nos nihil sumus; quis non ob peccata, quæ fecit, se humiliabit? Sed non minùs dejici debet ob peccata quæ non fecit: nam nullam ex nobis partem in hoc habemus,

debemus, & minus nostrum est non peccasse;
& quantum ex nobis est, peccaremus. Ita
debes majorem obligationem Deo, cui non
respondes, & parem rationem humiliandi,
ac si peccasses. Res non debent æstimari ob
exercitium; sed ob virtutem. Non magis
venditur gladius, qui occidit multos, quàm
qui potuit plures occidere, & melius truci-
dare: tua malitia tot illa peccata patraret;
quòd non fecerit, non est in tè, sed in Deo.
Aequè etiam te debent humilem tenere,
peccata aliena, ut tua: nam licet commisisse
propria, non sit supra te, non commisisse ali-
ena, est gratia Dei, quæ est super omnem na-
turam, & majores gratias Deo debes; quia
majus est, Deum præservasse ab illis, quàm,
remisisse: quare si non es reus poenæ, es reus
majoris gratitudinis, & humiliationis. Quæ-
cumque peccata audieris ab alijs patrata,
statim te reum illorum cense. Major occa-
sio se humiliandi fuit Beatissimæ Virgini, es-
se præservatam à peccatis; quàm Magdale-
næ, fecisse tot & tanta remissa, & ipsam se-
ptem dæmonijs fuisse liberatam. Ob bona
etiam quæ non fecimus propter negligen-
tiam nostram, debemus humiliari, & etiam
ob bona quæ fecimus: nam illud nostrum
est, hoc Dei. De alieno nemo gloriari justè

234 *Lib. II. De ijs, quæ spectant ad*
potest, sed pudere ob ingratitudinem, & fa-
tagere ex obligatione. Ipsa præterea bona,
corrumpimus, & malè facimus, & exigua &
pauca sunt.

Sed quis cogitans, quæ humilis *JESU* pro
nobis fecisti, audebit se extollere de factis
suis? Confer, ô ingrate spiritus, leve & ridi-
culum opus tuum, ob quod gloriâ inani so-
licitaris, cum infinito opere Incarnationis,
Eucharistiæ & Passionis: nonne præ vere-
cundia tibi frons decidet? Deus, qui est to-
tum, se exinanivit pro te: & tu, qui es nihil,
te putas aliquid contra Deum, cum pro Deo
tam amanti & ferventi nihil facias tervidè.
Quis cogitans, quæ non fecit Deus, non se
humiliet, quòd non te ad inferos detruserit
post primum peccatum, ut fecit cum Ange-
lis?

O homo, infamia creaturarum, quid tu-
um putas honorabile; & usurpas, & non po-
tius statim offers Deo, cui tot beneficijs ob-
noxius es? Si multa, quæ verè nostra essent,
haberemus, deberemus offerre & tribuere
Deo, ob ea quæ pro nobis fecit; quomodo
tam amentes, ingrati, & injusti sumus, ut ea,
quæ sunt Dei, faciamus nostra; quæ etsi verè
nostra facere potuissemus, intolerabilis in-
verecundia fuisset non fecisse potius Dei.

Quid

Quid mirum, si aliqua Deo dares, cum omnia & se ipse dederit tibi? Utinam haberes multum, ut offerres Deo! sed cum non habeas, plus gaude, & de paupertate tua gloriare, quia omnia vides Dei esse: quæ si tuæ fuissent, illi dares: gaude, votum tuum esse naturam ejus.

Pudendum magis est, quod interdum gloriamur de malefactis velut bonis: & corrupta opera Deo obijcimus, quasi qui obligaverimuseum. Quæ insania major, quàm putare obligare cui solvere nequis, & ijs rebus quibus magis ad pœnam obligaris? Quin si bonum aliquod opus esset integrum & perfectum, non est à te: nec te proinde tuum, dicere debes: de alienis quomodo Dominum potes obligare, & creditori solvere? Imò si nostrum fuisset bonum opus, in quo Deus partem non haberet, cur Deo satisfacisse putas in illo, & ostentas illud, cum eadem mensura, quâ mensus fueris, remetietur tibi? Si hoc cum hominibus servandum, cur non cum Deo? Misere metiris dona Deitanti parum putas fecisse Deum pro te, ut parvulo hoc obsequio putes satis compensari? Metiamur Deum magnâ mensurâ, existimemus illum magnum, nec nostra obsequia, posse æqua esse ejus humilitati, & passioni,

236 *Lib. II. De ijs, quæ spectant ad*
ne dicam ejus Majestati & beneficentiæ.

Qui non putat se parum seu nihil facere, injuriâ Deum afficit, æstimans illum dignum dumtaxat paucis. Disce à Deo humilitatē, qui post omnia beneficia in te collata nihil fecisse reputat; perinde tecum se gerens, & remunerans tua merita, quæ sine illo non faceres, ac si ipse nihil in illis posuisset: cur tu ita usurpabis obsequia & bona opera, ac si solus fecisses, & nullam partem Deus haberet, cum totum ille præcipuè faciat? Cur item poteste jactare meliorem alijs, cum contristari deberes potius quòd alij minus bonitatis haberent, & id computare deesse tibi? Non est multa claritas Dei in te, nec charitas, si attendere potes excellentiam tuam potiusquàm tuum nihil. Stellæ cum remotiores sunt à sole, cum minus lucis habent, una videtur aliam excedere, & tunc lucent; sed hoc fit, quia nox est, & tenebræ: at cum dies venit, & propinquiore sunt soli, quia sunt in eodem hemisphærio cum illo, tunc quamvis una excedat aliam, & plus lucis participant, non videtur utra luceat magis, imò nulla videtur lucere; perinde sunt, ac si nulla stella in cælo esset & merè nihilum. Imperfectus est, & non illuminatus, cui parva lux cæli affulget. Qui in nocte proprię quasi-

illustrat: & Christi D. imitationem. 237

quæstionis & amoris est, audet putare se
esse aliquid, & meliorem alijs: Sancti verò
qui adhærēt Deo, licet pleni meritis sint, pu-
tant se excellere nemini, sed merè nihil esse.
adimplentes cum Jesu suo omnem iustiti-
am, id est humilitatem. Justus est humilis,
quia à se rejicit totum quod est alienum,
nec retinere vult. Qui nihil putat se esse,
quomodo contra conscientiam fieri injustus
tum alijs, dum se præsumit meliorem, tum
Deo, dum credit se bonum? Nam nemo bo-
nus, nisi unus Deus: si nemo bonus, nemo
melior.

Ob fortunæ quoque bona non est cur te
præferas ijs, quos pauperes vides, humiles,
ignobiles: sed potiùs venerare istos ob simi-
litudinem Christi in illis splendentem. In-
ops fuit Jesus, humilis, à Judæis maledictus,
inglorius, subjectus pessimis Principibus:
quod Christus elegit, & æstimavit, tu ne
contemnas.

C A P V T X V I I.

*Quæ contineant hominem in humilitate, &
quòd nihil potest habere nisi solum
Deum.*

Duo te possunt humilem continere; & vi-
litas tua, & vilitas rerum & hono-
rum.

rum. Licet magnus esses, dignitates omnes mundi, ut parvas, viles, & indignas contemnere deberes; & quamvis magnæ essent, deberes recusare, quia tu vilis, indignus. Nihil es nisi mendacium & peccatum: ne te decipias, nec velis excusari; iniquitates tuæ id clamabunt. Cur inter tot peccata, ob unum opus apparenter bonum te attollis? unâ solâ plumâ aquila non se in sublime efferreret. Pavo cum totus pulcher sit, ob unum pedum defectum se humiliat: tu totus defectibus plenus, ob unam fictam virtutem superbire audes. Recordare infamem te esse ab ortu tuo originali culpa: perinde ut homo notatus infamiâ coram nobilibus adest, sic te habet coram Angelis puris. Parricida es ob peccata tua Filius Dei, & fratris tui Iesui: pessimo Cain concidit vultus, & tu erigis cervicem? Reputa te semper talem, nec audeas sine pudore & timore aspicere Patrem dilectissimum.

Qui contempsisti Verbum Dei & Filium; cur æstimas dictum hominis? Quid præsumis, cum nihil hætenus feceris; cum postquam feceris omnia, eris servus inutilis? Imò hic est magnus & indebitus titulus, cum non possis habere unde Deo serviās, cum ejus sint omnia, & ipse serviat potius nobis. Tam

vilis

vilis & pauper es, ut nihil habeas, nec possis habere: quod fortè si intelligas, primum tristaberis. intuens luce clariùs paupertatem tuam, desperans aliquid tuum habere posse; sed citò ingentem lætitiā habebis, intuens divitias Dei, quòd omnia habeat. Gaudeo, Domine, impossibile esse mihi habere aliquid, quia impossibile tibi est non habere omnia. Quid contristor omnia aliena mihi esse si Deus potest meus esse? Quàm ineffabile gaudium est, nihil posse esse meum, nec me ipsum, nisi solum Deum! cuius patens indicium est, quod nullā relicitum sit mihi frui, nisi solo Deo: Reliquis rebus, & me ipso, ut alienis, solum licet uti, non frui. Non est dominus rei, cui solum usus est concessus ad tempus: illa potius res haberi dicitur, quā frui in æternum licet. Qui mundi solum habet usum, habebit usumfructum Domini ipsius mundi.

Gratulor mihi, nihil ex me habere, quod possim, Domine, offerre Majestati tuæ: quid enim valeret quod ex me haberem, ut coram te compareret? At quia à te sunt, quæ possum offerre, aliquid bonum habebunt, quòd sint à te; & inde possunt placere. Ex me quomodo possum habere aliquid, cum nihil sim? imò hoc ipso quòd putas aliquid esse. *o*
spiris

240 *Lib. II. De ijs, quæ spectant ad*
spiritus elate, conjice te minorem esse, &
magis vilem. Aeger dum adhuc ægrotat in
lecto, non sentit imbecillitatem suam: at
dum melius se habet, & convalescens surgit;
tunc cognoscit debilitatem, cum non possit
per se consistere. Dum magis servis Deo,
proficis & ambulas in via Domini, magis
humilis debes esse, & timere; tunc te cogno-
sces viliorē. Aeger dum est in lecto, non
est cur timeat ne cadat: at dum surgit, & in-
cipit ambulare, tunc noscens infirmitatem;
propriam, non de se confidit, sed alij conii-
titur & adjuvatur, timens cadere.

Quid igitur extolleris, cum, hoc ipso quod
extolleris, vilior sis. Quodammodo magis
es ridiculus, quàm Lucifer, cum de minori-
bus te efferas. Quid est, natura tua compa-
rata cum natura Cherubim? Quid est san-
ctitas tua, collata cum sanctitate gratiæ quæ
placuit Deo primus ille Angelus? Quid vi-
deri vis & haberi apud alios? nihil potes tu-
um habere; & quod minus potes habere, est
honus. Tota gloria solius est Dei, qui cum
cetera det hominibus, gloriam suam alteri
non dabit. Si benè operaris, sat est quod sci-
at Deus, videat & approbet, qui remunera-
turus est, & cui placere intendis. Sanè si ar-
dentius amares Deum, & servus fidus esses;

opta-

optares, nisi impossibile foret, facere aliquid pro Deo, quod Deus non esset remuneraturus, aut non videret; & dumtaxat, studeres esse fidelis illi, de premio nihil curans. Inter fideles amicos unus alteri prospicit, & bona officia præstat, etiamsi alter non sciat, imò sæpè occultat: nam non querit aliam mercedem, quàm fidelitatem & obsequium erga amatum: sic qui sincerè amat Deum, non aliam remunerationem, magis desiderat, quàm servire illi, & servare fidem. Imiter, Domine, fidelitatem tuam erga me perfidum, qui innumera mihi officia præstas, beneficia confers mihi ignaro, & cum scias me numquam agere gratias pro illis. Cum mala agunt homines, cupiunt ut tu non videres: ego, Domine, jam resipiscere volo, & mutare meos mores. Quare cum mala egero, quod frequenter erit, volo ut tu videas, ut castiges & me adjuves, ne iterùm faciam: at cum bona egero, te adjuvante, potius vellem ut tu non videres, quàm quòd videant homines. Si eximius DEI amator, non agit bona propter testimonium DEI; quàm mendaciter amabit, qui querit homines testes?

CAPVT XVIII.

Quantum debeamus gratia DEI & Christi.

Superbus adhuc eris, si te putes pulverem & cinerem, cum nihil sis, nisi mendacium & peccatum. Nihil boni habes; cur extolleris contra DEUM? multa mala habes; cur non erubescis etiam coram hominibus? Omnia mala habere potes; cur non contremiscis ubique & semper? Omnia mala facere potes; cur non formidas te? Ipsa essentia tui non est tua, nisi DEI. Imò id quod habebas, antequam esses, tuum non erat: habebas tunc merum nihilum quod poterat esse; hoc ipsum non ex te habebas, sed ex DEO: qui si non esset, tu non posses esse. Quid te magnum putas, cum ipsum quod nihil eras antequam creareris, non erat ex te? ideò plusquam te debes DEO; nam debes etiam, cum nihil eras, posse esse.

Creatus faisti: dic, quod membrum arbitrio tuo fuit factum, aut cui articulo alicujus digiti lutum posuisti, aut ministrasti materiam ad eum formandum; aut quâ precatuâ impetraisti creari à DEO, & eligi inter infinitas naturas & individua meliora, quæ in suo nihilo relicta sunt? Quâ diligentia tuâ effecisti, ne formareris cæcus, mutilus, amens,

amens, barbarus? Gloriaris de ingenio, de integritate corporis, de nobilitate generis? utique id licet, si monitus DEUS à te id fecit; Dices: Non glorior me creatum esse, sed talem esse, industrium, ingeniosum, morigerum. Dic quæso, si consilium non dedisti DEO, ut te crearet, an consuluisti ut te crearet ingeniosum & talem? Si non monuisti DEUM, ut tibi daret meliorem mentem, cur gloriaris de sublimitate illius; An tu elegisti mentem, & altutiâ tuâ scrutinia fecisti inter illam, infinitarum rerum multitudinem quæ creari possent, ut extraheres animum præstantiorem? Non, inquires, glorior de naturæ dotibus, sed de officijs virtutis, quam secutus sum, cum alij pessimi contemnant; glorior meliorem me illis esse, & virum bonum, glorior satisfacisse muneri meo. Imò pudeat vix semel satisfacisse, & millies corripisse. O inique distributor, deteriorem partem tribuis DEO. Te esse tribuis DEO, & arrogas tibi bonum esse: plus est bonum esse, quàm esse: cur illud tibi usurpas, cum in eo quod est minus, nullam potueris partem ponere? Plus distat inter bonum esse, & hominem esse, quàm inter hominem & nihilum. Ex nihilo te potuit DEUS facere hominem, imperando, agendo, & vivendo; sed

ex homine non fecit bonum, nisi serviendo, patiando, & moriendo. Injustissimè partiris, tribuens Deo naturam, & tibi gratiam.

Neminem vidi superbire, ex eo quòd sit; & ferè omnes, quòd boni & meliores sint; cùm potius liceret arrogantia illa: nam plus habuisses (si habuisses aliquid) cùm nihil eras, ut esses; quàm postquam fuisti, ut esses bonus & justus: nam ad creationem, solùm non adjuvimus; sed ad justificationem insuper impedivimus. O patientissima Veritas Dei, quomodo toleras mendacè arrogantiam nostram, nisi quòd ridicula sit, dum ejus rei auctores nos præsumimus, cui maximè resistimus & destruimus? Si tam modesti sumus, contra ea quæ sunt in suo nihilo relicta, ut adversus illa non gloriemur, quòd simus: cur inverecundi adversus Deum gloriabimur; quòd boni simus, & adversus alios homines quod meliores simus? Cur superbis, ô anima de eo in quo maximè verecundari deberes? Quòd nihil fuisti, nihil est quòd pudeas; sufficit non superbias; non est enim ulla ignominia: at quòd impedimento fuisti Deo peccatis tuis, multum abundat ut profundissimâ confusione erubescas.

A quo accepisti esse, accipies benè esse. Quemadmodum nihil fuisti, ut esses: ita

crea-

illustrat: & Christi D. imitationem. 245

creatus, nihil fuisti ut esses bonus. Si nihil ad naturam, ita nihil ad gratiam, ex te ipso solùm, & à te ipso habes. Imò licet nihil fecisti ut esses, nihil malefecisti ne esses: at ut esses bonus, nihil ex te fecisti, & ne esses bonus, multa mala fecisti.

Natura humana, etiamsi illâ integritate & excellentiâ, in qua creata est, maneret, non servaret se ex se, nisi ex Deo. Quare si gratiam, quam accepit, non posset ex se servare; quomodo quam perdidit, poterit reparare, & de acquisitione gloriari? Memento infamiae & corruptionis naturæ nostræ post peccatum: si cum sana & honorabilis erat, nihil ex se poterat; languens & contemptibilis quid poterit? Vas non gloria- tur ante artificem de forma & usu, cum posset de materia, quam non fecit ille: tu ante Deum nihil habes, quòd glorieris, adhuc ex nihilo factus; cur de forma & bono usu gloriaris, qui de abusu erubescere potes, & de materia nequis gloriari, quia ex nihilo es? Non habes unde bonum aliquid habeas, quia ex nihilo nihil fit, ut ex causa. Si nihil ex te es, nihil ex te potes, nihil ex te operaberis: nam operari sequitur esse. Si nihil ex te es, nihil potes, nihil operaris; quantò minùs aliquid bonum? Si quod nihil ex se

246 *Lib. II. De ijs, qua spectant ad*
est, nihil ex se habet, aut potest; solum ex se
potest, & habebit peccatum, quod defectus
& nihil est, & nihilo ipso deterius & minus.
Oculus ex se potens est ad tenebras, & ad
non videndum; sed ad visionem nihil po-
test sine adiutorio lucis.

Quod est supra naturam, & supra te,
nempe abnegare ipsam naturâ, & te ipsum;
non potest esse ex te, & naturâ, sed à Deo,
qui est superior te & naturâ. Si non credis
rationi, crede fidei; nihil es nisi mendacium
& peccatum: perditio tua ex te tantum-
modò. Non idonei sumus cogitare aliquid
à nobis, quasi ex nobis; sed sufficientia no-
stra ex Deo est. Si non possumus cogitare
aliquid, quomodo exequi bona opera? Fer-
ri potest, quòd videaris stultus; sed non sua-
deri possum, quòd velis esse hæreticus; quæ-
so cur despicias mundum, & aliquem ater-
norum amorem jam habes? quia expertus
es inconstantiam temporalium, & vidisti
inopinabiles calamitates, & mortes locu-
pletum & potentum, & similia; an tu fuisti,
qui ita providisti res, vel Deus? an providi-
sti Regis illius aut potentis hominis mor-
tem, & tu commovereris perspectâ instabi-
litate rerum? Præterea hæc eadem publi-
ca & nota aliis sunt: cur ceteri non ut tu
com-

con-moventur ad contemptum mundi? cur
cùm alius est motus, alius in peccatis per-
sistit? Aliquam simul causam divinam
hujus differentia debet fateri, quæ solùm
in nobis & ex nobis non sit. Forsitan perin-
de quasi ex te esset, gloriaris quòd tu mo-
vearis non alij. Dic quæso, quoties similes
casus, & efficaciores contigerunt, & non
commotus fuisti? Igitur, quòd modò con-
vertaris, non venit solùm ex te, sed ab arca-
na aliqua & provida virtute, sollicitudine &
amore ejus qui noluit, ut amplius morare-
ris in tuo errore, & ad agnitionem veritatis
suaviter te excitavit; & taliter disposuit om-
nia, ut noverat te inde commovendum.
Respondebis, ideò nunc te commotum esse,
non antea, quia absuit, aut mortuus fuit
pessimus amicus, cujus societate pertraher-
baris ad vetustos & pессimos mores, aut
præterijt occasio peccato opportuna. An
fortè ex hoc præsumes? Fuitne in manu tua
mors vel absentia iniqui socij, vel opportu-
nitas hæc? ànne potius Deus fuit qui ita dis-
posuit, & insuper præparavit tibi bonorum
societatem & exemplum, ut ejus imitatione
promovereris?

Similiter quidquid boni habes, & facis,
aut si quo malo cares & abstines, est quia

DEUS pro tua utilitate res disponens impedimenta removet, & incitamenta boni opportunè proposuit; & insuper ad plurima supernaturalles habitus aut auxilia infudit, quæ excedunt omnem facultatem naturæ. Quam partem ad hæc tu habes? si non invenis; quanta insolentia est tibi tribuere totum? Aut gratiam DEI debes agnoscere & nihilitem tuam, aut DEUM cum epicuro relegare; & privare mundi gubernatione, nullam illi providentiam tui relinquendo. O sapientissima DEI Veritas, miserere, miserere mei amentissimi; qui magis & magis delirabo, quàm ille Philosophus, numquam tantoperè ineptiens ut diceret se providere res, nam faceret se meliorem DEO: verùm qui præsumit de se in opere honesto, præterquam quod DEO tollit providentiam rerum, sibi est necesse ut illam usurpet; quoniam si aliter occurrerent res, non opus honestum, sed vitiosum faceret: & licet casu aut fato res acciderent, non esset cur sibi aliquid attribueret?

Qui in bono naturæ sibi plaudit solùm, negat se à DEO creatum: at qui in bono virtutis gloriatur, negat omnem mundum, & universas res à DEO creatas, dispositas, provisas in bonum nostrum: in illo adimit DEO
domi-

illustrat: & Christi D. imitationem. 249

dominium unius dumtaxat naturæ, suæ nimirum; in hoc adimit dominium totius universi: in illo adimit omnipotentiam DEO; in hoc etiam sapientiam & bonitatem, negans sapientissimè ita provisum à benevolo & amantissimo Patre pro nostra salute & bono. Quid dicam in ijs virtutibus quæ super omnem naturam sint, & in altissimo ordine proportionem quamdam cum DEO habent, & velut in gradu divino Deos, ut sic dicam, nos faciunt, aut supponunt per participationem altissimam naturæ divinæ, & in ijs quæ DEUM proximè contingunt, fide, spe charitate? de quibus si quis præsumat, opus est ut neget DEUM esse superiorem naturæ, aut ex se putet se esse æqualem vel superiorem DEO.

C A P V T X I X.

*Quòd se debeat homo non tantum sentire,
nihil esse, sed maximum peccatorem.*

Magna portio humilitatis deest tibi, si putes solum nihil boni ex te habere; oportet ut judices etiam pessimum te esse. Primum peccatorum se dixit sanctus Paulus; nec potuit mentiri os illud Spiritus sancti: an tu fortasse meliorem te putabis tanto Apostolo; & esse exaggerationem aut

250 *Lib. II. De ijs, quæ spectant ad*
modestiam, te appellare maximum scelato-
rum? Serio te judica primum inter pecca-
tores, & ultimam creaturarum, quia nulli te
debes præferre. Nullus minus quam tu
habuit, ut misericordiam Dei flederet: ne
putes esse modestiam sentire hoc; nam ni-
hil tui bonum præcessisse, est fides divina.
Non est fundamentum ut alium putes fore
minus gratum, semel adhuc consecutum
misericordiam, & beneficia Dei, quibus te-
cum est usus: nec tam temerè de alio judi-
care licet, qui ferè debes censere impossi-
bilem esse majorem ingratitudinem, quam in
te patentissimè agnoscis. Si verè doleres de
peccatis, id serio putares. Qui acutissimo
dolore torquetur, non putat similem alium
dolorem esse, nec putat alios ita cruciari:
affectio ad se inclinât judicium. Si aliquis
amor humilitatis esset, facilè judicares te
omnium pessimum. Superbus meliorem,
omnibus se præsumit, ex amore exaltatio-
nis; & quia aliorum eminentias non consi-
derat; sed defectus: tu si humilis esses, pe-
jorem cunctis te putares; tuos defectus
videres, non alienos, nisi solas virtutes.

O Maiestas summæ Veritatis, quid opus
est interpretatione; fateor coram Angelis
tuis, hominibus, & spiritibus malignis sine
ulla

illustrat: & Christi D. imitationem. 258

ulla tergiversatione, me esse omnium creaturarum viliorē. Dignitas moralis rationalis creaturæ, quæ est verè ejus laus, pretium, & valor, constat ex cognitione & advertentia obligationis suæ & operatione, juxta illam: hæc in nemine majori sunt violata abusu, quàm in me. Licet plures viri sancti majorem lucem habuerint, & aliqui homines in numero exteriorum peccatorum re ipsa fortè excessissent; sed hæc copula, plus peccasse, & neglexisse majores obligationes suas, cum cognitione illarum, admonitione conscientiæ, & inspirationibus cæli, in nullo, ut in me, invenitur. Si aliquis plura quàm ego peccata forsan fecerit, minores inspirationes accepit, & obligationes pauciores habuit: si aliquis magis admonitus & obligatus à Deo fuit, minus peccavit, & magis respondit: si fortè, quod non possum credere, aliqua creatura fuit, quæ plus peccaverit, & majorem cognitionem officij sui habuerit, adhuc non puto eum deteriorē me fore; quia non est cognitura, nec habitura majores obligationes & quamvis alius majores obligationes haberet re ipsâ, ego id non puto: officia autem virtutis ex conscientia ponderanda; sunt cum quæ ego putem me plus omnibus teneri ad
serviē-

252 *Lib. II. De ijs, quæ spectant ad*
serviendum Deo & minùs serviam, omnium
in gratissimus & vilissimus ero. Antichristi
peccata licet excessissent numero, non ex-
cedet ejus cognitio, illustratio, & obliga-
tio: nam non toties remissionem peccato-
rum consequetur, ut ego, nec tam efficaci-
bus & instantibus beneficijs & inspirationi-
bus sollicitabitur, nec ab occasionibus pec-
candi præservabitur. Lucifer licet majorem
à Deo lucem habuerit, non nisi propter u-
nicum peccatum damnatus fuit; nec habuit
obligationes quas ego: non pro illo factus
est Filius Dei Angelus, non fudit sanguinem
suum. Judam quoque necdum Christus ob-
ligaverat, ut obligavit me; nondum mortuus
erat. O humilis & mitis immensitas Dei,
quomodo me toleras, quia non confundor
& absorbeor in profunditate ignominie
meæ! Ne quaso alicui me præferam, cum
non inveniam fundamentum ad suspican-
dum alium esse deteriorem.

Majoris peccatoris scelera numero fini-
ta sunt: quomodo ego non illi subijcior, qui
in infinitum peccare possum, & efficaciam
in me habeo, ut totum mundum inficiam?
Nam iniquissimus sum post tot beneficia,
excessum Dei amoris, inspirationes divinas:
quid si Deus meam malitiam non cohibuif-

set

set suâ gratiâ in me & in alijs? Singulis peccatis aprior factus sum in dies, ut pejus corrumperem me, & universos. Si unum peccatû Adami tot infecit innocentes posteros, si unum peccatum Achan totum Israël reum fecit vindictæ divinæ; quid facient mihi peccatori infinita scelera? Nescio, spiritus infirme, quomodo non deficis, considerans exiguitatem tuam, & deinde magnam multitudinem culparum tuarum, si componas hæc cum immensitate Dei, cum multitudine beneficiorum ejus, cum magnitudine operum redemptionis Christi, cum indicibili dilectione & fidelitate ejus erga te; præ quâ parva videbuntur opera stupenda quæ pro te fecit, & à qua solum quasi coactus est illa facere. Sed adhuc nihil est, quidquid de vilitate & infamia tua comprehendi potest, & longè infra rei veritatem manet: imò puta nihil; nam in infinitum viliorem te invenires, si à DEO illustrareris. O pretiosissima Veritas, si ita est, quomodo non me despicio, dedignor, aspernor, ut nesciam quid de me cogitare & facere possim? Miror me non studere revereri plus DEUM, stupeo non magis me contemni desiderare.

Vnum solum delictum, eum qui committit, facit infamem, etiam apud homines peccato-

254 *Lib. II. De ijs, qua spectant ad*
catores, qui nesciunt penetrare malitiam
peccati, nec odium dignū illius habent: quo-
modo tot mea peccata & negligentia corā
sanctitate Dei, Angelis puris, & Beatis glo-
riosis, me deformabunt, & dehonestabunt?
nam licet sperem plura dimissa esse per mi-
sericordiam Dei; quod semel fui, ex me sem-
per sum, nec magis ex me ero. Si semel in me
fuit, unde vilem semel me putarem; cur
non semper? nam ex me numquam plus
boni habeo: potius pudor debet crescere, &
humilitas de peccatis præteritis, quò magis
acceperim misericordias divinas, cum ex-
perientiā didicerim, me contempsisse tam
bonum erga me Dominum, & modò ingra-
tum permanere. O spiritus vilissime, quo-
modo cum tanta ingratitude non te pu-
tas indignum omni gratiā Dei? quomodo
audes ullam gratiam petere? quomodo,
si tibi à Deo ultrò concessa est sine postu-
latione tua non contremiscis, ut ferè dubi-
tes quid melius foret carere De i dono,
quàm exponi iterum periculo abutendi
quod toties contempsisti? Sed in spe,
Domine, misericordia tua, volo esse au-
dax & temerarius, imò importunus toti
Curia cælesti, ostentans vilitatem & ulce-
ra mea; nec cessabo clamare ad omnes
&

illustrat. & Christi D. imitationem. 255
& singulos Beatos, donec molestissimus
sim, & saltem propter improbitatem, cum
aliuin titulum bonum ex me non habeam,
consequar maiorem gratiam & misericor-
diam JESU, ne me deferat, quod deferam,
gratias ejus.

C A P V T X X.

*Quid sit, nihilum se dicere & maximum
peccatorem.*

ALios seduces, dicendo te nihil esse, &
maximum peccatorum, si non sentias:
sed te decipies, si id sentias, & non confor-
miter opereris, & consequenter te tractes
& habeas. Quid putas est, nihilum esse?
perinde nihil de te sollicitari, ut gloriam
Dei quæras, ac sollicitaris de ijs, quæ non
sunt de relinquendo se penitus, & exinani-
endo in omni patientia. An fortè impa-
tiens esses contra eum qui aërem verbera-
ret, aut iracundus adversus illum, qui extra
mundum in vacuo spatij imaginarij posi-
tus, in nihilum illud inane ictus mitteret &
objurgaret? Sic tu, si nihilum te putas, &
vacuus tui es; in quantum potes, non de-
bes commoveri ob quascumque injurias:
alioqui jam aliquid te esse æstimabis. Tuam
reputationem & commoditatem quærere,
cū

256 *Lib. II. De ijs, quæ spectant ad*
cùm te dicas nihil esse, perinde erit ridicu-
lum & otiosum, ac si nimium anxius esses,
quomodo honoraretur & fortunaretur ho-
mo qui nondum creatus est, nec esset cre-
andus. Quare ita debes affici erga te &
tua, ac si non esses creatus.

At dum te nihil verè & seriò æstimas, mi-
rificè te purgabis, ad munera Dei & ipsum
DEVM sine impedimento suscipiendum.
Natura non suffert vacuum; nec Deus pati-
tur manere humilem vacuum, quin statim
ipse impleat. Deus ut fieret homo, exinan-
vit se: nonne ut homo fiat Deus unus spiritus
cum Deo, debet exinaniri? Exinanitio tui
erit, te semper æstimare & curare tua, ac si
merum nihil esses, nullam circa te cogitati-
onem insultare, quæ sapiat aliquid tui, &
terrenum; denudare te pravis affectibus &
habitibus, ut nihil tui habeas, velut si tu es-
ses: tu ita cura divina, quoad possis, quasi
Deus esses. Debes exinaniri summo modo,
& distare à te ferè infinito modo, plusquam
si non esses: quod fiet, si fias aliud per grati-
am & amorem, transiens à te ad Deum, qui
infinité distat à nihilo, & ab omni essentia.
Dux sunt gloriæ divinæ voluntatis, amor &
potentia: sed potentior videtur quodam-
modo amor, quàm ipsa omnipotentia, quæ
te

illustrat: & Christi D. imitationem. 257

te potest reducere in nihilum, non verò quomodolibet te facere ut sis aliud, neque ut natura hominis sit natura Angeli; in quo magis distares à te, quàm si fieres nihilum: sed amatus à Deo, & redamans Deum, absumpto omni affectu proprio, humiliatâ voluntate suâ & annihilatâ, velut sit Deus indutus beneplacito divino; nam licet in sua essentia maneat, non manet in affectu erga se, sed conformis voluntati Dei; tam longinquus à se dissidens, ac si aliud esset. Homines non capiunt dolorem de alienis vulneribus, nec sentiunt contumeliam de convitijs coniectis in alios: sic erga te, velut alienum, quoad possis, pro gloriâ divinâ, non afficiaris ægrè tuâ contemptione.

Tum si te putas maximum peccatorem, consequenter omnia adversa & infortunia, quæ alijs etiam accidunt, debes credere, fuisse ob tua peccata, & negligentias. Quidquid afflictionis Deus immittit, est pro peccatis in pœnam illorum & remedium; atque in hac vitâ, aliorum peccata in alijs quoque curat & punit. Igitur pro culpis meis, cum sim maximus peccatorum, omnia mala accidunt: cum pro peccatis accidunt, cur pro peccatis aliorum, & non pro illis quæ sunt iniquioris? Prælia, pestes, fames, pœnæ sunt

meorum scelerum, & remedia: omnia sunt beneficia mea, & supplicia mea: in cunctis exercetur circa me misericordia divina atque iustitia: ubique pro me iustitia & pax observata sunt, misericordia & veritas obviaverunt sibi, ut ubique, Domine & in omnibus te timeam, amem, confundar de mea malitia, & sperem de tua bonitate. Non miror tot calamitatibus affligi mundum, siquidem me alit: ego velut Ionas sum causa huius naufragij, & ærumnæ multorum. Propter unum peccatum Achan percussus fuit populus Dei innocens: peior sum ego; cur non præsumam propter me affligi multos innocentes communibus plagis? Ego anathema in medio tui sum, Israël; ego sufficio prophanare mundum. Ego tam impudens sum, ut cum sim maior peccator omnium, non faciam maiorem omnium satisfactionem pro me, & pro alijs; quos audio affligi, cum eorum ærumnæ me credam esse causam. Omnibus injuriam feci meis peccatis, omnibus debitor sum & omnium poenarum & humiliationis reus.

CAPVT XXI.

Gloria DEI querenda est semper.

Multum debes gloriæ DEI; ius est ut illi sis gratus, & studiosus. Gloriæ DEI debemus

bemus nostram essentiam, nostram redem-
ptionem, nostram beatitudinem, & omne
bonū. Propter gloriam suam omnia opera-
tus est Deus: propter quē ita benefecit no-
bis & studuit, ius est ut illi solum studeamus.
O Deus Majestatis, in omnibus rebus ho-
norem nostrū curas: nōne ius est, ut hono-
rem tuum in omnibus querat homo? Tu ho-
norasti hominem creando, volens illum su-
per omnes alias creaturas manibus tuis i-
psīs formare: nec contentus fuisti creare il-
lū, ut cēlos & reliquas creaturas, jubendo,
sed velut laborando id voluisti facere, ob-
sequiosus homini antequam fuisset. Hono-
rasti hominem providendo, præparans illi
magnificam domum hujus mundi, subji-
ciens illi omnes creaturas, ut ei servirent.
Honorasti hominem conservando, assi-
gnans illi custodem Angelum, excellen-
tissimam creaturam, quæ te videt facie ad
faciem, tuāq; beatitudine fruitur; ut omni-
modò nos honorares, eligens ad custodiam
nostram non tantū illū qui naturæ & gra-
tiæ, sed etiā qui gloriæ dotibus honorabilis
est. Honorasti hominem redimendo, extol-
lens humanam naturam ad consortium glo-
riæ, & throni tui. Honorasti illum retribu-
endo, concedens pro levibus & momentaneis

laboribus non minorem palmam quàm regnum tuum, & honorem domus tuæ. In cunctis majori hominum gloriæ studes.

Pudeat te, spiritus ingratus, non quærere majorem Dei tui gloriam. Gloriam ejus quare contemptione tuâ: exaltabitur Deus in te, quò magis humiliaberis. Deus & homo se habent, ut quantitates continua & discreta. Numerus in infinitum augeri potest; lignum in infinitum minui: quò magis diminuitur & deceditur à ligno, magis augmentatur numerus: quò magis te viliores existimes, majorem Deum cognosces. Dei cognitio potest augeri in infinitum: tui aspersionis & notitia indignitatis potest in infinitum crescere; quia in infinitum despiciabilis es. Occupa te in ignominia tua, & quomodo sis lutum & cinis: ita videbis gloriam Dei, ad quam factus es. Inutilius in alijs subtilitatibus tempus consumes, quæ impedient potius notitiam Dei. Experimentiâ mirabili compertum est, quòd vas occupatum & plenum cinere, eodem modo tantumdem aquæ capiat, ac si nihil contineret; cum tamen, si qualibet aliâ re sit occupatum, eo minus excipit aquam, ad quam suscipiendam factum est. Notitia tui non impedit notitiam Dei: rectè utraque coheret, altera alteram

illustrat: & Christi D. imitationem. 261

alteram imbibit, ut cinis & aqua. Videndo ignominiam tuam, vestigabis gloriam Dei, ad quam creatus es, nec audebis usurpare. Arbor simul mittit deorsum radices, & sursum ramos; eatenus in sublime erigitur, quatenus profundius serpit: elevabitur mens tua, si te deprefferis. Vis palam scire laudem & gloriam non esse rem tuam, nec ad te pertinere? Considera quòd nihil in te ponat nec perficiat laus, etiamsi mendicus & imperfectus sis: magis eges remedio quo perficiaris, quàm quo prædiceris, dum manes miser & egenus. Solum igitur laus & gloria est ejus, qui nullius rei eget: eo ipso quòd laus ei cui exhibetur nihil prodest, conjicitur debere dare ei, qui nihilo indiget. Da gloriam ei, cui nihil potest esse utile; & utilissimum erit tibi. **DEVS** omnem utilitatem tibi quærit, nullam sibi: tu omnem honorem **DEO** desidera, nullum tibi. Quemadmodum **DEO** nulla res est utilis, ita tui nullus est honos, qui quæri à te possit. **DEI** sit tota gloria operum tuorum, quemadmodum tota utilitas divinorum operum tua est. Gloria **DEI**, & utilitas hominis sorores sunt, & amplexantur se invicem. Nihil **DEUS** facit ad gloriam suam, quod non sit etiam ad utilitatem huma-

nam. Non est amens Deus, qui operetur inconsultè sine fine. non est vanus, qui operetur inutiliter sine commodo: summè perfectus est, summè bonus est. Ob perfectionem suam nullius rei indiget; ideo solùm restat ut operetur propter gloriam suam & laudem à creaturis exhibendam, quæ est res extrinseca: ob bonitatem verò suam omnia utiliter facit, sed quia nullâ re caret, omnis utilitas est creaturarum. Sicut nihil potest facere contra honorem suum, sic nihil facit contra utilitatem nostram. Tu homo imperfectus & pessimus nihil debes facere pro honore tuo. Prius est perficì in se, quàm ab alijs laudari: gloria exterior sequitur interiorem bonitatem in se perfectam: sed faciendò omnia pro honore Dei, omnia facies pro tua utilitate.

Illud solùm est homini utile, quod Deo est gloriosum. Si vis utilia tibi querere, non quæras quod tibi est utile, sed quod Deo est honorificum: imò si vis non inutilis mundo: & in mundo esse, solùm gloriam Dei quæras, ad quam creatus es. Omnes qui hinc declinaverunt, simul inutiles facti sunt. Ille superfluit & otiosus est in mundo, qui honorem Dei non quærit. Omnia utilitatem sumunt ex fine: si à fine suo decli-

nant,

illu
nent.
calefac
hoc, se
vigand
præ o
habebi
ret & c
nia ar
vana d
dedica
factus
A vite
ab om
tem: cu
illa fin
dicetu
ô hom
honor
nivem
paret.
tam p
tam a
honor
quæra
Sci
sis vel
fines
abut

nerent, inutilia fiunt. Si sumas dolabrum ad calefaciendum te, non solum inutile erit ad hoc, sed tu insipiens: si sumas ignem ad lavigandum tabulam, utilis jam non erit res præ omnibus utilissima, quam non solum habebis inutilem, sed perniciosam; comburet & destruet quod volebas perficere: omnia artium instrumenta, præter suum finem, vana & superflua sunt: sic homo, qui non dedicatur ad gloriam Dei, ad quem finem factus est inutilissimus est, & supervacaneus. A vite, quam plantasti, vis aliquem fructum; ab omnibus, quæ habes, vis aliquam utilitatem: cur tu solum vis inutilis manere? Ficus illa sine fructu maledicta fuit, etiam maledicetur homo sine utilitate. Qualem putas, ô homo, amentiam tuam, cum non quæris honorem Dei? major est, quam si quæreres nivem ad calefaciendum te, aut pictor usurparet ad pingendum ferram fabri. Nihil tam præter rem, tam extra propositum, tam absurdum, quam cum quæris, non dico honorem tuum, sed utilitatem solam, si non quæras per virtutem gloriam Dei.

Scito, & propone tibi finem tuæ vitæ, ne sis velut sagittarius cæcus. Omnium rerum fines vis noscere, ut scias illis uti sic, ut re non abutaris, ante oculos semper tuum finem

264 *Lib. II. De q̄s, quæ spectant ad*
habeas. Te perdis, si quæras quod non ce-
dat in honorem Dei: nihil aliud attendas,
& hoc unum in omnibus rebus attendas.
Sive jucunda, sive molesta sint, non adver-
tas; sed an sint Deo honorifica & grata.
Aeger quærens sanitatem, non rejicit po-
tionem, quia amara sit; non sumit poculum
aquæ frigida, quia delectabile, sed solum
attendit, an sit salubre: ideò sumit quod est
amarum, rejicit quod est suave. Indifferens
ad omnia sis. Viator cum interrogat viam,
sive dirigatur dextrorsum, sive sinistrorsum,
nihil pertinere ad se putat, dum dirigatur.
illuc quò pergit: qui ludit tabulâ, non pro-
ponit hunc vel illum calculum movere, sed
illum quo pro opportunitate vincat: ita de-
bemus in vita esse; nec ad sanitatem magis
quàm ad ægritudinem, nec ad abundantiam
plus quàm ad inopiam, nec ad honora-
tionem potius quàm ad ignominiam incli-
nari. Utendum rebus est, prout conferunt
gloriæ divinæ: media solum sunt; non ha-
bent usum propter se. Nihil sumas, quod
ad suum finem non dirigat, licet pretiosum
sit, quia inutile erit: nihil relinquant, quod
ad illum faciat, licet acerbum sit, quia per-
niciosum erit. Inutilia & vana sunt tibi, quæ
ad gloriam Dei non fuerint. Numquid
utile

illustrat: & Christi D. imitationem. 265

utile erit arbori, quod illam non iuvat ad fructum? quid iuvabit, si inaurentur folia, sericis involvatur truncus, appendantur è ramis gemmæ? omnia hæc inutilia illi sunt & inania; & pretiosius illi erit parum stercoris. Nullam utilitatem tibi præstabunt omnes thesauri & divitiæ mundi, nisi re faciant DEUM glorificare.

O Domine, omnia mihi stercora sint, ut te lucrificiam; hoc unum in omnibus putem preciosum, si vilia præ te cognoscam; si te unum in illis & in me quæram. In conspectu tuo nihil omnia sunt: cur ob aliud quàm te, qui omnia es, operabor? nonne vanè agam, & omnia vana mihi erunt? O lumen Veritatis, concede mihi ut oculus mentis meæ simplex sit, te unum simpliciter & unicè in universis respiciens, ut totum corpus meum lucidum sit, & omnia opera mea grata tibi. Ne te fallas, spiritus ignorans: is qui in intentione errat, errat in omnibus, & quò præstantius opus fecerit, si bona intentio divini honoris desit, infructuosius aget: nam qui in via errat, quò magis provehitur, magis errat. Qui post longam peregrinationem ac navigationem magnâ spe quietis frustratur, & noscit se errâsse à via, videns se in regione opposita, quàm molestè fert! O

266 *Lib. II. De ijs, quæ spectant ad*
quories, post spatium hujus vitæ, plures se
vident errasse frustrati bonâ spe suâ, & pau-
peres inventi sine ullis operibus, quia de-
fuit in illis zelus divinæ gloriæ. Si vis non
decipi, non tibi, sed nomini Dei quære glo-
riam.

Soli Regi sæculorum immortalis & invisi-
bili honor & gloria: mihi satis honorificum
fit quod velis, Domine, à me honorari, ma-
gnus honos sit videre te honoratum. Honos
exhibitus patri, etiam est honos filij: reve-
rentia præstita Capiti & Rectori alicujus
Universitatis & Collegij, redundat ad singu-
los. Tu Caput es rerum, tu Rector hujus
Universi, tu Pater meus: omnis honor tuus,
est honor meus. Non aliter verè honorem
potest habere creatura, nisi honorem sui
Creatoris participans. Videam te, Domi-
ne, honoratum, & ero honoratus: quæram
semper gloriam tuam, & ero gloriosus. In
honore tuo, Domine, concatenata est non
solum utilitas mea, sed honor meus. Da,
Domine, ut qui in operibus tuis quæsis-
ti honorem meum simul & utilitatem meam
solum, ut ego & omnes creaturæ quæramus
solum honorem tuum: inde solum redun-
dabit in nos utilitas & honos noster. Quid-
quid egero, dixerò, cogitavero, gloriæ tuæ
dedico.

illustrat: & Christi D. imitationem. 267

dedico. Si aliter propter inadvertentiam & negligentiam fecero, jam nunc retracto & erubescō. Angeli intendunt affectu ad laudes tuas, extollunt voces, & nihilominus erubescunt: quomodo non me pudebit tepiditatis & negligentiae meae?

O homo, vide dignitatem, ad quam elevatus es: è profundissimo puteo non entium, è barathro nihili, è cœno & luto tuo, ad gloriam Dei infinitae excellentiae & puritatis. Eleva intentionem tuam, purifica illam: ne te decipias; aliquando putabis quærere puram gloriam Dei, & tacite desiderabis vilem gustum, aut comoditatem tuam. Quid est quod tristeris & a grè feras, si hoc non eveniat ut cogitabas, nisi quod te quærebas? Gloria Dei pacifica est, læta est, semper est cum effectu in quærente illam. Licet res non cadent ut iustus putabat, cadent ut volebat; nempe ut voluntas Dei disposuit, & sufficit. Si amarem omni affectu Deum, in omnibus & per omnia amarem; illius solum bonitatem desiderarem, laudem quærerem, zelum haberem, gloriam spirarem. Qui sine respiratione est, mortuus est: perinde sit ac si non viveret, qui aliquid facit nisi propter Deum. Perdimus tempus, dum non quærimus æternitatem. Quomodo non
amit.

268 *Lib. III. De ijs, quæ spectant*
amitteremus æternitatem futuram, quæ non
est nostra, si ipsum tempus præsens & no-
strum amittimus, dum purâ intentione non
operamur ?



LIBER TERTIUS.

De ijs, quæ spectant ad praxim perfectis-
simè operandi.

C A P V T I.

De Cura benè operandi.



Ota opera dici sit opus bo-
num, & patientia malorum :
totum tuum negotium sit ma-
la pati, & bona facere. Nec
sufficit, alacris & acer ad bona sis, & patiens
ad mala : sed opus est etiam alacritate ad
mala atque dura, ne magnitudine & mole-
stia terrearis ; atque patientiâ ad bona &
honestâ, ne multitudine & frequentia nun-
quam intermittendâ fatigeris. Necessitas
patientia transcendit omnes functiones &
casus vitæ. Ubique necessarium est pati, sed
pati, ut benè opereris, sit tibi iucundum &
optandum : ibi duplex meritum, & patien-
tia

tia & operis. Numquam poteris fugere laborem aliquem; & nihil præclarum sine labore fiet. Sæpè corrumpit proposita virtutis, spes aliqua non patiendi; quæ fallit nos, ut interim suspendamus subire laborem & difficultatem sancti propositi, quasi in alio tempore forsan lenior futurus esset aditus virtutis. Deciperis, nisi persuadeas tibi, plus patiendum esse, quàm vivendum; nec modum nec partem vitæ esse experientiam laboris. Vnus labor est hæres alterius: si hunc fugis, non carebis alio succedenti: hoc tibi persuade, & spes falsa non laxabit conatum sanctum præsumptione opportunioris temporis, in quo putes sine tanto labore adimpleri posse perfectè exercitia sancta. Impossibile est sine labore aliquo vivere: ne reiicias laborem fructuosum virtutis: si hunc declines, in molestiorem incidēs. Solùm commutare laborem possumus, non vitare. Potes tamen vitare plures defectus & culpas, si non vanè cures vitare laborem, quod non poteris. Cerrus labor est, aut labor patientiâ subeundus, aut penitentiâ, aut penâ & supplicio. Non est satis perfectus amor, aut penitentia, prout te decet, & meretur infinita bonitas & misericordia Dei, nisi pro levissimo peccato veniali

niali velles pati plures annos, & quantum in te est cruciatus inferni. Imò ut infectum redderes peccatum veniale, eligere oporteret pati damnatorum supplicia omnia. Si igitur postquam est factum, ut non factum redderes, tanta tolerare deceret; quantò magis antequam fiat, ut nunquam sit factum? O miser spiritus! ah pudeat te, pudeat te: non tanti erit tibi peccatum vitare; sufficiet, ut excutias desidiam.

Plerique torpent, quia putant ad salvandum se non esse necessarium tantum conatum ad perfectionem. O ingrate & pusillanimis, quid curas de beatitudine tua tam miserè? de salute tua tam periculosè? de gloria Dei tam ignobiliter & limitatè, quæ est immensa? Quæso, si salus tua non solum penderet de custodia mandatorum, sed à consiliis, & simul in tua perfectione staret salus omnium hominum, Angelorum, ac Beatissimæ Virginis, & liberatio Christi à cruce; nonne conareris ad illà? faceres profectò: Attende igitur, quoniam maximum aliquid tuam perfectionem exigit, hoc est gloria DEI, & beneplacitum divinum, quod pluris est, quàm salus & utilitas mundi per se considerata, & quàm vita humanitatis Christi. Cura igitur, si tanti refert, singula opera tua etiam
mini.

ad praxim perfectissimè operandi. 271

minima exquisitè facere exemplo DEI, qui mirabilior est opifex in rebus minimis, in formica, pulice, ape, quorum admiratio- nem non vincit cælorum, & siderum arti- ficium.

Hoc animo quodlibet opus aggredior, ut velis facere, quantum unquam fecisti, meli- us cum gratia Christi, ad utilitatem militan- tis Ecclesiæ, ad gloriam triumphantis, ad honorem DEI: quasi non expectasset alium fructum de creatione mundi, redemptione, & præparatione cæli, ut glorificaretur ab o- mnibus Beatis, nisi hoc opusculum tuum; per- inde ac si tota salvatio tua & salus universi, & gloria Divinitatis penderet de minimo tuo opere; quasi illud rursus non sis repetiturus, nec denuò aliud opus deinceps facturum, sed exspiraturus statim. Ne igitur parcas labori levi, cum iactura tanti commodi. Deus desi- derat, ut perfectissimè hoc opus facias: si cõ- sideras Deum desiderantem, perversissimus eris si non satisfacias, aut cogitare audeas de molestia tua. In se est optabile pati, sine con- iunctione alterius boni operis, ut Christum imiteris: neque minùs acceptabile erit, ut vites culpam aliquam, & opereris perfectis- simè ad gloriam Dei.

Vsus hominis, bonum opus est: ad hoc na-

tus

tus es, ut bona opera facias: sed recordare, quod homo natus sit ad laborem, quia sine illo bona operatio durare non potest. Ne frustres finem tuum, sed conare imitari cum gratia Dei pulcherrimos conatus naturæ, semper curantis fructus suos meliores, quoad possit, producere tibi; ut tu meliori modo, quo possis servias Deo. Memento semper, obsequia tua omnibus modis diminuta esse, nec posse fieri æqualia gloriæ, quæ tibi promissa est, nec pœnæ inferni quam pro peccatis meruisti, nec laboribus Redemptoris tui quos pro te passus est, nec beneficiis divinis quibus te oneravit, nec bonitati Dei immensæ, cui servis.

CAPVT II.

Quod exequenda sit omnis negligentia.

PVdeat te sedere in loco & tempore cursus, ô frigide spiritus. Vide stagnatiam & torpida quomodo putrescant, & ferrum otiosum obducatur rubigine: age, via spiritus contentio cursorum est; non licet tardari, quomodo licebit stare? quomodo licebit sedere, in quo nec vacat fatigari aut cadere? Omnes quidem currunt, sed unus accipit bravium: sic curre ut comprehendas. Si Deus creavisset cunctos ho-

mines

mines simul usu rationis præditos gratiæ
dotibus æquales, ac ostenderet omni-
bus magnitudinem gloriæ cælestis, & ali-
unde opponeret patefactum infernum hor-
renda sua immanitate, & omnibus revela-
ret ex cunctis unum solum salvandum esse,
illum qui fervidiùs & diligentius Deum ama-
ret, & serviret, qui cæteros antecelleret san-
ctitate & charitate; reliquos verò damnan-
dos: quis tunc hominum contuens supplicia
& tenebras horribiles inferni, non niteretur
summis conatibus esse sanctior, ut effugeret
illas, & consequeretur cælum, atque esset
unus ille, qui salvandus esset? quanta æmula-
tione ardentes servirent omnes Deo? sin-
guli excellere reliquos flagrarent: nemo
esset qui totis viribus, & intento affectu
melior omnibus non concertaret esse: nul-
lus tunc negligentia, nullus tepori locus.
At quantò majori stimulo nunc deberes ar-
dentiùs æmulari & impelli, ut fervidior fias
cunctis Sanctis, qui in mundo hætenus vi-
xerunt? Major titulus & stimulus sine com-
paratione deberet esse, ut servires Deo, glo-
ria ipsius Dei & placitum divinum, quàm
illa angustia salvationis. O Veritas æterna,
cur me magis moveret utilitas mea, quàm
voluntas tua? cur magis posset amor meus,

quàm amor tuus? majus beneficium est quòd multos cælum capiat, & pro hoc debeo magis tibi; cur modo tepidus & deses es spiritus infirme? Memento laborum Christi: vide tot pueros, qui palmam tibi præripiunt, & teneras virgines præcurrentes: vide fervorem antiquorum Patrum, poenitentiam, humilitatem, charitatem & Martyrum cruciatus; quomodo tu pigrescis, cum tot tibi præcurrant?

Quin si tuum commodum quæras magis quàm gloriam DEI, non deberes adhuc modo tepidius te habere: non est timendum quòd minus nunc lucraberis, ac si habuisses illum fervorem quo anteceleres alios, & fuisses ille unus, qui salvandus erat? imò fervidior adhuc debes nunc esse & ardentius inhiare gloriæ DEI. Nulla nunc obsequia irrita erunt; & quò melior fis, majorem gloriam præripies. Non esset hoc si unus tantum salvandus esset, cum fructus laborum ingentium tunc non esset, nec majus præmium pro majoribus obsequiis: quæ tunc magis periclitarentur incerta & cassa, etiâ si magna essent, si non forent omnium maxima: imò etsi excederes ferè omnes, si solū unum non excederes, perinde essent ac nihil. Nunc securiora & fructuosiora sunt me-

rita,

ad praxim perfectissimè operandi. 275

rita, nunc nulla opera nostra peribunt; nunc omnia officia remunerationem accipient juxta fervorem suum: cur nunc misere torpebis, cum iactura securi præmij? Quid? si certum esset nullum hominem damnandum, sed omnes salvandos; non propterea tibi negligendum esset, potius ferventissimè conandum, pluribus meritis salvari, ac majori gloriâ perfrui.

Age, non sunt condignæ passiones hujus temporis ad futuram gloriam: ne in te permittas lenitudinem, quæ tineæ meritorum est, & scabies virtutum; maculata opera semivacua, & insulsa Deo reddens, ut evomat ab ore suo. Si desidia vinceris, tristitia molestaberis, coactus portare pondus diei & æstus sine solatio, cum conscientia te urgeat: at promptitudo & alacritas te insensibilem reddet molestijs vitæ; & summè Deo placebit. Quis herus est qui non gaudeat servos hilares habere, & lætos famulari? Si homo vult videre vultû alacrem, Deus quoque animos hilares. Ne Deum offendat tristitia tuæ negligentiae, nec vitæ isti amaræ addas absinthium torporis: nec gaudia Dei, nec mundi participat piger. In pluribus deterioris conditionis redditur tepidus Religiosus, quàm sæcularis. Hic si non

276 *Lib. III. De ijs, quæ spectant*
gaudet spirituali consolatione, gaudet tem-
porali: ille tepidus utrâque non raro priva-
bitur. Qui in peccatis est non amittit spem
conversionis, & sanctitatis: at qui post con-
versionem tepuit, substraxit etiam partem
fiduciæ; quæ potius de peccatore potest ef-
se. Sapissimè ex magnis peccatoribus multi
fiunt magni Sancti; sed miraculum, si ex
tepidis fiat unus sanctus. Difficilius experi-
mur, fieri ex tepido fervidum, quàm ex
peccatore sanctum: tepidus enim non se
putat malum; & quia se censet securum, &
sufficere salvationi mediocrem vitâ, quie-
scit: caveat tamen & formidet suam securi-
tatem; nam maximum periculum erit. At,
quod tremendum est, Deus vocat, & qua-
rit peccatores, cum illis manducavit Chri-
stus; sed nauseat, & vomit frigidos ab ore
suo. Vis aliud æquè terribile? Misericor-
diam, & profusam liberalitatem Dei com-
pescit tepidus: in maximos peccatores li-
beralis est Deus; at erga negligentes quasi
avarus & parcus, non dat illis, quod sæpè
potius dabit peccatoribus. Adhuc terribi-
lius addam, ex quo ossa cogitantis id tre-
mefiunt. Deus qui omnibus dat, à tepidis
rapit: talenta quæ dederat, aufert à pigro.
Quid magis damnosum, quàm quod non
finit,

finit, quatenus in nobis est, DEUM beneficium esse? quid magis malum, quàm quod DEUM non finit esse nobis bonum, exercitium bonitatis & liberalitatis ejus maximè impediendo? Nōne maledictus qui tantum malum habet? quam merito maledictus homo, qui opus DEI facit negligenter?

Plura quæ mala sunt; aliquem saltem usum commodum habent: desidia tam pessima nobis est, ut ad nihil juvet. Quid pejus quàm peccata gravia? hæc sæpè ob admirabilem misericordiam & sapientiam DEI, ex malis extorquentis bona, juvant ad conversionem & sanctitatem, cum post illa humilius & ferventius DEUM queramus: desidia impedit; tam mala & nocens est, ut partim minus se exhibeat bonam & utilem, quàm ipsa malitia majorum peccatorum. Desidia est caries temporis, corrumpens rem pretiosissimam: imò æternitatem lædit, minuens vitam æternam diminutione meritōrū, & perdit temporalem otio suo mortali. Si quæras, cujus vita brevior; absque dubio respondebo, negligentis esse, etsi centum annos vivat: si quæras, cujus vita longior, dicam diligentis esse, etsi parum vivat: tantumdem ac mors desidia est. Quis mercator, si lucrum mille dierum in

uno consequi posset, desidebit? Tu ne contemnas tempus; plus valet unus dies fervoris, quàm mille remissionis & teporis. Brevis vita ardens æquivalet, imò prævalet longissima, si frigida est. Si vis diu vivere vive diligenter.

At quantus pudor torporis, quàm ridiculus & infamis, qui ad duellum pro causa Regis subeundum electus inter omnes optimates Regni, cum plura prius jactavisset, jam in ipso pugnae campo spectantibus Rege, Proceribus & totâ Curiâ, trepidaret, non audens stringere ensen, nec movere lacertos, solum tentaret fugâ & adversario manus daret incruentas? O piger, causam DEI defendis, videntibus & invidentibus pluribus Angelis, qui lucrum putarent pro gloria DEI pati aliquid & concertare, ut tu potes: tibi factum hoc beneficium, ut pro DEI honore pugnes: theatrum DEO es, Beataz Virgini, Angelis & Beatis: sapius promissisti strenuû te exhibere, cur modò in occasione laboris timidus torpes? O infamia naturæ! ne infames gratiam DEI, nec frustres, quæ præsto est subsidio tuo: quid pigraris in hoc opere? considera, quòd Deus desiderat ferventer, ut illud facias ferventer.

C A P V T I I I.

Quàm incommoda sit somnolentia.

Quid dignius primâ diei cogitatione, quàm antiquis dierum Deus meus, ut inde auspicetur & consecratur mens? Non debet intermitti cogitatio & amor Dei, quantò minus negari opportuno tempore? Primitias vitæ primo Auctori vitæ pende, manè astans illi. Oportet prævenire solem ad benedictionem tuam, & ad ortum solis te adorare, Domine: cum medio somno & adhuc noctu clamor campanæ vel inspirationis ad surgendū factus est, & ecce sponsus venis, & exire obviam tibi necesse est.

Iuvat ad diligentissimum ac utilem occursum præparare à nocte oleum, ne, anima mea, cesset ardere amor tuus, & ut virgo fatua excludaris; quod tremendum est. Præpara, quomodo primo manè alloquaris Sponsum, & quæ sunt cum illo tractanda in oratione: deinde, si ad somnum cum dolore accedas, surges cum alacritate; si cum fastidio dormias, vigiliis cum ingenti promptitudine desiderabis. Quomodo non dolebit anima Dei amans cessare amare illum, laudare & mereri, & suspendi lucrum augmentandi gloriam, & diligendi desidera-

tissimum Sponsum? quomodo ferendum, sustentari à Deo, & innumeris interim beneficijs amantissimè donari, & amari, & nullas gratias tunc posse solvere, nec redanare? Quare opus est, ante & post somnum, suspensionem illam amoris & meritorum refarcire ardentioribus affectibus & desiderijs in Deum, supplendo jacturam illam vitæ, quâ non possumus Deum toto corde amare, & in eo occupari. Curandum est, ex ipsa cessatione merendi & amandi mereri tantumdem, si posses, ac si vigiles. Fornicatores dormiendo etiam augent pecunias: facies idem, si conformis divinæ dispositioni, cum obedientia & resignatione magna, te offeras ardentem, & feras patienter hanc miseriam & necessitatem humanæ vitæ. Qui mortem necessariam, sive morbo, sive malè ab homine illatam, patienter tolerat, meretur: etiam mereberis, si quiescere & dormire acerbum & molestum sit tibi, ut est ferventer servientibus & diligentibus Deum si patienter te habeas erga somnum necessarium, sapienter ita dispositum à Deo. Fortasse, si res in se consideres, & quàm ægrè amatori vero Dei sit ferendus somnus supra mortem, mereri poteris dormiendo patienter pro Deo, sicut moriendo pro patientia.

ad praxim perfectissime operandi. 281

tia. Ibi meritum, ubi magna patientia, ibi major patientia, ubi major molestia magis patienter sustineatur.

Inter omnia gravia humanæ vitæ, & innumeras ærumnas, nulla major quàm somnus miseria, & dignè deploranda præter peccatum videtur. Ceteræ calamitates affligunt tantum vitam, somnus interim penitus vitam aufert: aliæ calamitates tantum opponuntur commoditati vitæ, somnus eius substantiæ ad tempus: ceteræ calamitates ita molestæ sunt vitæ corporali, ut juvent ad æternam, meritorum materiâ suppeditantes, & afflictione suâ excitantes mentem & trahentes ad DEVM; somnus in se & corporali vitæ & æternæ interim adversatur, quatenus tempus merendi, & memoriam cælestium intermittit: ceteræ calamitates amanti Deum desideratissimæ sunt, quia in ijs meretur, probatur amor, glorificatur DEVS; somnus nihil desiderabile habet, cum interim cesset amor, & animus glorificandi DEVM: quare & somnus molestior, & dupliciter gravior, imò multipliciter quàm ipsa mors videtur ferventissimo amatori Dei. Mors grassatur in corpus, somnus in corpus & animam: tantò pejor videtur ex

hac parte somn⁹, quàm mors, quânto melior anima, quàm corpus; imò plus, quânto scilicet melior totus homo, anima & corpus, quàm solû corp⁹: nã mors te solû privat corpore, somnus animã æquè ac corpore: mors solû privat vitã carnem, rem mortale & caducã; somnus animam, rem immortalem & æternam, quæ tribuit vitam corpori, non sentienti, nisi per ipsam: mors corrumpit hominem, somnus tantumdem est, ac si annihilaret per spatium. Mors non est formidanda; nam relinquit partem præstantissimam hominis liberam, scilicet animam, quã homo est, quã amat Deum, eiusque misericordias & bonitatem intelligit; quod est decus hominis, & summum votum & gaudium debet esse: imò & puriorem animam relinquit, sine impedimento, ut expeditius amet Deum & noscat: somnus hanc partem nobilissimam hominis obruit & sepelit, ex animem ipsam animam faciens. Dic quæso, quid ægrius ferres, mori, an annihilari? Si dares gloriam Deo moriendo, quia eius est voluntas; nonne gloriam dabis, si pro eius beneplacito velis annihilari? ergo si mereberis cum patientia mortis, mereberis cum patientia somni, si molestus tibi sit. Si mereris ferendo patienter quidvis molestum vitæ, quo-

quomodo non mereberis ferendo, si tibi sit omnium molestissimus somnus? imò quem solum debes censere molestum in morte: nam nec in vita, nec post mortem erit, post peccatum, aliud amanti Deum magis molestum. In vita quid grave dices, nisi labores & ærumnas illius? at minimè debet putari grave, pati pro Deo, sed oprandum maxime: nec post Deum debemus aliud nobis magis desiderare, quàm pati pro Deo, ob amorem ejus; nam uniris magis dilecto tuo, glorificas illum, & mereris gloriam. Nemo satis cognoscit quàm gravis nobis sit somnus, nisi qui æstimat in veritate, quàm immensa res sit gloria Dei, quàm inæstimabilis ejus amor, & minimus gradus gratiæ & gloriæ, ad quam interim suspenduntur novæ actiones meritorum. Post mortem verò quid grave justo, nisi purgatorium? Sed si tunc etiam pateris, non putandum grave dum purificaris, & te comit & adornat Sponsus, ut in thalamum suum. Si integrum tibi relinquit amare D E V M, quid refugendum est, dum tibi relinquit indemne quod optas & voles? Vbi potes pati & amare, non est de quo conqueri possis. Si daretur optio utrum malles mori, an per dimidiam horam dormire, anima æstuans vero chari-

charitatis incendio, ex se mortem eligeret, ne cessaret amare Deum: imò non plus consideraret resurrectionem corporis, quàm somni excessum ultra necessitatem & debitum per quadrantem adhuc horę omnino vitare, & quantum absque incommodo vigoris posset. Discretio enim ubique est servanda, & debemus saltem compulsi accedere ad somnum necessarium, ut mentis functiones vegetę sint & viriles ad obsequia necessaria divinę glorię, & ad orandum: ne si indiscretè priveris necessariā quiete, in oratione graveris, & nimis dormites & langueas; malè deinde torpeas, ut nihil cum fructu fiat. Sed plus dormire quàm decet, convenit mortuis potius quàm viventibus: & anima secundum se ponderans res, æstimanşque rigide, & flagrans æstu amoris divini, ut vitaret dormire, quo tempore suspenditur amor Dei & laus illius, fortasse potius eligeret perpetuam mortem corporis; quia absque corpore frui & amare posset Deum, quod sufficit & est desiderium potissimum æstuantis animę, sed sopita non posset: licet hoc non facillè credet, qui avaritiam divini amoris ut amet perpetuò Deum, ardentissimaque desideria & suspiria non est expertus, nec quantum verus ama-

tor omnem commoditatem suam aspernetur. Sed non debemus tempore nostro metiri ardorem sancti affectus & veri amoris: potius ex ijs, in quibus videmus insanire amatores fugacis formæ, possumus suspicari quantum sapiant & ardeant amatores æternæ & immutabilis pulchritudinis. At si non sentis hunc fervorem, saltem fuge, quoad possis, somnolentiam & pigritiam.

Si tibi annuntiaretur annihilandum te fore, contremisceres id audiens, cur gaudebis somno, cum perinde sit, ac si interea annihilatus esses? Cognosce incommoda soporis, qui pessima & multiplex mors est, quadruplici vitæ maximè iniquus: somnus enim adimit vitam præcipuam corporis, in quo æquatur morti; somnus adimit vitam animæ, quæ perinde tunc est ac si non esset, in quo excedit mortem; somnus quoque injurius quodammodò est vitæ gratae & æternæ, intermittens merendi studium, quid iniquius nobis? Quare qui æstuat verò Dei amore, & desiderio laudandi tantum bonum, nimis avarus est temporis, & minimum dispendium eius maximam jacturam censeret: ita ad somnum cum dolore accedit; hanc necessitatem vitæ à Deo ordinatam patienter fert, & offert; sustinens benignè, ut ejus

sanctissima voluntas fiat, interim privari eo quod magis desiderat, amore & laude DEI, ac sedulitate in servitio ejus; & quantum in se est, vult non dormire, sed amare & laudare DEUM, cupiens quàm primùm redire ad salutandum, serviendum & amandum illum. Tu quoque hanc voluntatem habens, offer illam DEO, & velut moriturus cuba, dicens cum Christo, In manus tuas Domine commendo spiritum meum. Sic mereberis quodammodò cum morte & otio somni ingrati tibi & molesti.

Flagra quoque desiderijs illius jugis vitæ, eum sine interruptione frueris DEO; & lamentare hujus vitæ arumnas, quòd opus sit in re omnium molestissimâ tibi, & iniquâ hominibus, scilicet somno, quiescere & recreare functiones ipsas vitæ. Quomodo non erit ipsa vitæ molesta, cuius quies tam molesta est & incommoda? dignum fletu est, in ipso incommodo & dispendio vitæ reparari vitam: cùm majus dispendium somnum brevem aliquando æstimet amator DEI, quàm longævâ vitæ jacturam. Conare, noctu, ferventiori actu quàm fecisti in tota vita, te committere quieti, & amare DEUM; & desidera surgere quàm ocyus, statuens, ut primùm exspectatus fueris, fun-

fundere ardentissimam orationem præ omnibus quas unquā habuisti, & consequi in illa hora novam gratiam. Iuvabit ad hæc implorare auxilium Angeli custodis, & levis cibis, & parcus. Contractum hunc cum corpore tuo paciscere; interim quiesce, accipe stipendium: sed ut primum pulsabitur ad laborem, surgas. Quemadmodum anima pro quiete corporis velut moritur noctu & sepelitur; ita ipsum corpus pro salute animæ moriatur interdiu: dum vigilat, corpus sit mortuum huic mundo; sicut anima dum dormit, moritur interim cælo, hoc est meritorijs operibus & cogitationibus divinis. Cura interim, ut suppleat corpus, quo ad fieri possit, elevationem & orationes animæ; quæ cum interim nō oret, ipsum corpus oret habitu suo modeste cubans, nec supinū propter mjaorem munditiam. Cadavera componimus, & adversus corruptionem medicamur, quæ tandem futura sunt escavermium aut temporis: ita etiam componamus & curemus nos sopore mortuos ad amplexus puros Christi. Iace formato signo crucis brachijs vel digitis: has opes tuas tecū mortuo usque ad manē interim conde: cum mortuis enim sepeliebantur divitiæ suæ. Nunquā te à cruce avellas; sed quādiu

animus crucem non potest amplecti, amplectatur corpus, semper mortificationem IESU in se ipso circumferens. Christus mortuus, arihas amoris dare voluit, accepto vulnere lanceæ: tu quoque ad breve mortuus, offer pignus istud amoris tui. Ita sicut Christus in nocte dormiens meritis adhuc de te fuit, fundens è cordis vulnere sanguinem & aquam, maximū pignus amoris; tu quoque mortuus in somno, adhuc mereberis de Christo ob præcedens desiderium. Hoc signum sit vigilantis cordis tui dum dormis; velut græves, dum dormiunt, vigilare dicuntur apprehenso lapide.

CAPVT IV.

*Fervide ad orationem matutinam
surgendum.*

SI cum tædio ad quietem venisses, cum lætitia & festinatione manè exsurgeres ad laborem, nec opus esset venire Patrem familias primo manè conducere operarios suos. Imbellis nimium eris, si infirmior sis somno, & re omniū mollissimā vincaris; & sine vinculis ligeris, velut captivus, ut nec alios nec te juvare possis, sed in umbra mortis sedeas. Non opus erat ut te vocaret vox Dilecti tui pullantis: cogita clamorem & pulsum ad sur-

gen-

ad praxim perfectissime operandi. 289

gendum esse pulsum Sponsi clamantis, & requirentis te amabilissimis & dulcibus compellationibus, ut aperias; sororem, amicam, columbam, & immaculatam suam te vocat. Quem non movebit tam comis & melliflua vox pulsantis, Aperi mihi soror mea, amica mea, columba mea, immaculata mea? toties suam te vocat præ amore, nec satiatur te dicere suam. O Domine, quid est in me, quòd sic tibi placeam? an ne erit justum, ut tibi displiceam ob levem desidiā? At si non acceleras aperire, quia sua es, o anima, propter amorem suum; saltem ob compassionem festina. Ut te moveat, subdit: Quia caput meū plenum est rore, & cincinni mei guttis noctium. Extraneo & inimico aperires tam malè affecto; cur non Deo & amatori tuo, & propter te ita affecto? Cave ne abeat, si pigreris. Quid placidius, & majoris solatij, quàm hæc vox Dilecti tam dulciter pulsantis, ut animæ piæ excutiat omnē torporem? Quem non pudebit, plusquam Vriam, esse in lecto, stante Christo, & expectante non sub papilione, sed sub dio & inclementiā noctis?

Latrones noctu surgunt ad furandum, & jugulandum homines; & tu, pro bono animæ tuæ, & ad glorificandum Deum, pigraberis?

T

Ange.

Angelus vocans Petrũ dormientem, inquit; Surge velociter. Plusquam mortuus es dum dormis; exurge saltem, ut mortui. In ictu oculi, in momento, cadavera surgent ad iussu Angel: non te segniorem vult *LESVS* cùm vocat, quàm Angelus. Aegrè ferunt Spiritus cælestes, quia celerrimi naturâ suâ sunt, aliquantulum pigere corpore gravi & oscitanti eos, quos à somno vocant; qui & libentissimè vocant, quòd offendant se specie solum torporis agilitati suæ contrarij. Servus quidam Christi ex Societate nostra, cui nomen Ioannes Carrera, quotidie ad orationem ab Angelo *DEI* excitabatur ex somno antelucanis horis; sed semel occultavit se Angelus, donec precibus assidujs, jejunijs multis, post plurimos dies placatus ad antiqua officia rediens, monuit Ioannem; propterea se intermisisse præsentiam suam, quòd ad orationem minùs ocyùs accessisset, cùm semel languore & lassitudine laborum victus nonnihil moraretur. Tam graviter offendit Angelum tam levis culpa (si culpa fuit) ut ab ipsa conscientia, delicata non sentiretur. Tanti faciunt fervorem & orationes misellorum hominum, ut servitio suo non exæquent pretium earũ; & animadversione sollicitent, ut nec falsa

spe-

ad praxim perfectissimè operandi. 291

species inertiae sit, ubi inter sunt vera bona.

Igitur hora surgendi non desideas; præcurrere priorem satage summa cum festinatione, & esse primū cui occurrat Dominus onustus donis adveniens, ut deflores gratias ejus, exonerans illum qui in obvium primū onus deponet. Accurrere deberes ad Christum cruce onustum ut exonerares illum, & loco ejus crucifigereris; accurre ad illum gratiā onustum, ut diteris ab eo. Quæ anima tam amens est, & prodiga, ut non assurgat velocissimè ad capiendum tot munera, & libandum oscula sponsi? qualis amor DEI est, si non redire velit celerius fulmine ad amandum Dilectum suum, quem à nocte desideraverat? Oportet surgere concitatiùs, quàm si in stragulis & lecto ignis accenderetur. Velociùs surgendum est, si in corde accensus sit ignis amoris.

Cura tunc otium somni, in quo non potuisti amare DEUM, restaurare ferventissima elevatione animi, amore flagrantissimo & totali holocausto tui, plusquàm in vita aliquando fecisti. Perinde te puta, ac si in momento expergefactionis creatus à DEO esses, ut eodumtaxat die servires illi, & amares: ad hoc tantum tibi concedit DEUS vitam presentis diei. Si beatus aliquis annihilaretur à DEO,

& denuò crearetur cum omnibus pristinis
 dotibus, quam rapidissimo impetu in ipso
 momento recreationis proueneret volûrate
 tota in pulchritudinem DEI? Annitere
 tu similem fervorem habere in somno an-
 nihilatus, rursusque vigiliâ creatus. Adamus
 & Angeli, in primo instanti quo creatos se
 noverunt, quantâ vi & reverentiâ afficieban-
 tur erga Creatorem suum? Imitare Beatam
 Virginem in primo momento Conceptioni-
 nis suæ creatam in gratia, & expedito ra-
 tionis usu: quo conatu in DEVM pro-
 rupit? CHRISTUS DOMINUS in pri-
 mo puncto unionis hypostaticæ, quas gra-
 tias Patri egit? imò quanto amore tunc sin-
 gulatim etiâ recordatus tui? Cùm in capite
 libri scriptum esset, ut faceret voluntatem
 DEI, dixit: Deus meus, volo etiam pro illo,
 homuncione Ioañe flagella, spinas, crucem,
 opprobria, mortem tolerare; totum me
 impendo, offero, sacrifico pro illius salute.
 Nónne te oportebit recordari quoque
 Christi, & dicere; Deus meus volo pro
 Christo hodie labores corporis, angores
 animi, ut ardentissimè serviam illi, amem, &
 dem! gloriam?

Nónne tu etiam deberes ad DEUM con-
 verti, si te creavisset in gratia, cum arbitrij
 usu,

ad praxim perfectissimè operandi. 293

usu, & facta tunc revelatione omniū myste-
riorum fidei; & invenires te amatum a DEO
Filium DEI pro te factum hominem, &
crucifixum ineffabili amore? Tantumdem
est, ac si modò te creavisset: cōfide, in gratia
Dei expergisces: ecce invenis redemptionē
tuam factam cruciatibus DEI tui tam matu-
tino amore, ut antequam nascereris, jam
Christus mille & tot annis antea pro te mor-
tūus fuerit, ut tibi diligentissimè præpararet
gratiam cumulatam. Hanc diligentiam &
facinus amoris, scilicet mortem DEI pro se
jam factam, non invenit Adam, non sanctus
Michaël, aut Gabriël, aut alius Angelus;
imò nec ipsa Regina Angelorum beata Vir-
go. Arde igitur ut primū amore & desi-
derijs ignitis in tam beneficium DEUM, fe-
stinum & providum tui; nec contemnas
tantam præventionem ad salvandum te.
Adam expectavit circiter quatuor millia
annorum tantum beneficium. At te expec-
tat beneficium ipsum, jam mille & sexcentis
annis; non est ius, tantam ut sedulitatem &
celeritatem morā & socordiā velis com-
pensare. Ne differas conuerti ad DEUM,
expectantem tamdiu.

Finge, animabus possibilibus offerri in-
gressum in hanc vitam, ijs conditionibus,

294 *Lib. III. De ijs, quæ spectant*
auxilijs, & fauoribus DEI, quibus te inuenis
donatum hoc die; quantum latarentur, &
lucrum putarent, & quàm officiosissimè
diem agerent? quomodo in primo aditu
vitæ se DEO sacrificarent? Quid si ijs quos
in inferno hac nocte DEUS præcipitauit,
dum te dormientem amanter custodiebat;
quàm incredibili feruore, ut primum ad vi-
tam redirent, se DEO traderent, & reliquū
diem & vitam ordinarent, si semel viderent
se cum gratia DEI, habitibus supernatura-
libus, & opportunitatibus seruiendi tam be-
neficio DEO? Pudeat te non feruentius DEO
immolari beneficentiori erga te: maius est
præseruasse à damnatione, quàm eruisse.
Exstimula te, si posses vincere feruorem
multorum Iustorum hoc saltem die; & age
gratias, quòd non te reperias in inferno
hoc manè, sed seruum ab illo, atque tot
periculis & peccatis, in quæ hac nocte in-
numeri inciderunt. Opta dare, si posses, tu
solus gloriam, quam omnes Sancti per æter-
nitatem dabunt: quod desiderium passim
interdiu sine fictione gemina, & geme in
illo; nec solum manè, sed sæpius, quasi
nuper incipiens & creatus, incipe seruire
DEO recentibus semper viribus.

C A P V T V.

Fervor quotidianus debet retineri.

STultè providebis, victurus hodie, seu fortè nō victurus, si differas vivere in crastinum: si hodie viuis, hodie benè & perfectissimè viue, quoniam solum viuit, qui benè viuit. Pessimè moreris in ipsa vita, si non viuis bonā: Quotidie cum expergiscis, decerne vivere hunc diem meliori modo quo possis, tamquam si in nocte certissimè moriturus esses. Non differas defectum emendare altero die, quē forsitan nō videbis: dies deficiet tibi, aut voluntas. Benè tibi futurus dies habebit, si præsentem benè habeas. Numquam est periclitandum de vita bonā, sed semper re tam bonā fruendum. Vitæ pericula fugis: cur vitæ bonæ periculū paras cunctando? Viue hodie; nec expectes vivere meliūs post hanc hebdomadam, aut hoc negotiū. Hodie Deus est Dominus, & hodie oportet te esse servū Dei: nam & hodie Deus seruit tibi, cum hodie faciat solem oriri tibi. Non differt in crastinū sua munera; tu nec differas obsequia tua. Hodie te Deus cumulat indebitis beneficijs: hodie tu responde officijs debitīs. Alterius diei obsequia non sufficient beneficentiæ sui diei: cur vis ut

satisfaciant etiam diei jam præterito, & beneficijs quibus hodie frueris? Non sufficit diei bonitas sua, ut solvat debitum suum: quomodo vis ut soluat etiam pro malitiâ alterius, duplicatis debitis & gratijs *DEI*? Hodie *DEUS* est *DEUS*, & hodie tu es creatura: hodie Christus redemptor tuus est, & hodie tu redemptus. *IESUS* Christus heri & hodie: tu hodie es, & fortè cras non eris. Hodie & singulis momentis debitor Deo es, qui in te impendit continuò suam omnipotentiam: tu quoque debes singulis instantibus amore impendere omnes tuas vires. Cur vnus horæ audes iacturam facere, cum per æternitatem non poteris Deo satisfacere pro beneficio minimo, quod hoc momento accipis, ex infinito *Dei* amore procedens? Cur vnus diei aut horæ intervallo addes suspendere obligationem tuâ? nam si *Deus* suspendisset vnâ horâ beneficentiam suam, in mundo non esses; aut si suspendisset indulgentiam suam in inferno esses. Aeterna stipendia tibi promissa sunt, non decet mereri interruptis seruitijs. Si vis verè vivere, numquam intermittas bonam vitam. Veritas æterna est. O Veritas, da mihi æternè tibi seruire veraciter: ut æternè tecum convivam, doce me quomodo hodie verè vivam.

Oportet.

ad praxim perfectissimè operandi. 297

Oportet, spiritus remisse, singulis diebus te armare ad prælium, & expergiscere alacriter, ut ad pugnam; audito velut lituo & signo bellico, Diliges Dominum Deum tuum ex toto corde tuo, & ex tota anima tua, & ex tota mente tua, & ex omnibus viribus tuis. Hoc præceptum tibi manè promulga, & persuade tibi, diem vitæ esse diem non tantum militiæ, sed in quo prælium committi est designatum. Quomodo surgent milites eo die, quo publicatum est & præceptum, configere cum hoste? Miles eo die quo præliaturus est, non est inermis: tu quotidie præliaturus es; manè te arma in oratione, ferventissimè charitate, profundissimo contemptu tui, patientiâ, mortificatione, & diligentissima solertia. Suspicio solum prælij armat milites, & servat per plures dies armatos, ut pugnent uno die: quid tibi facere debet certitudo & fides pugne quotidianæ? Omnes tuas actiones manè dispone & depone apud DEVM, & propone esse duplo meliorem hoc die quàm præterito, ne dæmon tibi interdiu imponat, aut interponas fervorem.

Surge alacriter aduersus omnes difficultates vitæ; & si in aliquam incidas, aut in

accediam, non deficias, sed gaude. Materia
 adest victoriæ maioris: inuade animosè, ut
 strenuus miles occurrens in contrarium for-
 tem, qui non deficit, nec fugit ad præsen-
 tiam eius, sed gaudet occurrisse, quem quæ-
 siturus erat. Pugna interdum viriliter, & in
 nocte expecta mortem. Vita hominis mili-
 tia est, in qua vita semper dubia est, & labor
 certus. Quoties cecideris vel leuiter, dimica
 ardentius, & persuade tibi sapius casurum;
 nam & iustus septies cadit; sed statim ani-
 mosius assurge, irritatus magis, ut miles
 accepto vulnere plus in aduersarium ardet.
 Restaura simul ac aduertis defectum, maio-
 ri feruore reuocatis in mentem rationibus,
 quæ præstò sint tibi, ex meditatione ma-
 tutina aut aliunde probatæ & familiares,
 pœnitendo & humiliando te coram Deo:
 nec differas emendare negligentiam illam;
 nam paulatim diffluet vigor spiritus. Qui
 vulneratur etiam leuissimè, nisi statim re-
 flinguat fluorem sanguinis, deficiet; & letale
 ex mora fiet, ridiculum alioqui vulnus. E-
 vestigio cura te, nec remittas ad noctem,
 aut alium diem: nam etsi nihil videatur,
 impedit actiones reliquas. Cui clauus aut
 spina figitur in pede aut manu, statim eruit;
 non differt ad noctem, aut post tertium di-
 em,

em, alioqui nec ambulare aut operari poterit: & tanta mora potest esse, ut cancro laboret, nec curari sine sectione possit.

Ne tamen adeò tristeris ex defectu leui, ut superbia magis sit, quàm pœnitentia, & impediaris ipsâ tristitiâ ad alia exercitia, quibus alacritate est opus. Meritò dicebat beatus Ludouicus Gonzaga, eos qui nimium contristarentur de suis defectibus, non satis se cognoscere. Miser es, sed te esse beatum speras: minùs te contrista, & magis te humilia. Si agnoscas miseriam tuam, bona spes in DEO tibi minuet mœrorem; & desperatio cuiusvis boni, in te augebit humilitatem. Multi idcirco nimium tristantur, quia non tam de offensa DEI dolent, quàm de sua infirmitate & vilitate, considerantes se tam imbelles & languentes; & quia hic affectus sæpè ex natura est iuxta amorem proprium, sensibilior est, & interdum non levis incommodi. Solum dole de offensa DEI, sed statim gaude sperando in JESU: & de tua ipsa vilitate tibi gratulare, quòd nihil possis ex te nisi à DEO, quod melius est tibi. Ita ipse defectus magis animabit te, & audacem faciet, fiduciam in DEO præstando, cum re ipsâ experiaris & manu quasi palpes, nihil te posse tua virtute, sed

300 *Lib. III. De ijs, quæ spectant*
sed solum à DEO; & cum DEO; in quo se-
curius præsumere licet: nam maior est bo-
nitas DEI, quàm tua bona voluntas con-
stans esse posset.

Persvade tibi centies fortasse singulis horis
te esse lapsurum; sed statue, millies te cum
gratiâ DEI surrecturum. Quò sapius ce-
cideris, confidentius surge, quia te cogno-
scis minus habere. Si certior & purior spes
in DEO est, cum de te desperas omnino: &
tunc experientiâ ipsâ desperabis, cum infi-
nities deficere à tuo proposito te vides.
DEUS id permittit, quia non satis te humi-
liasti. Si humilis verè esses, multis damnis
medereris, & lequereris victorias. Humi-
lia te coram DEO: time de te, spera in illo;
in cuius fiduciâ tali circumspèctione, sedu-
litate, desiderio vive hunc diem, perinde
ac si omnes homines simul hodie essent cre-
ati, quorum unus solum foret salvandus, is
qui ad ferventiorē charitatem & resigna-
tionem propriæ voluntatis perveniret: ad
quod cum reliquis datum esset spatium cē-
tum annorum vitæ, tibi tantum concedere-
tur iste dies unicus. Plus pro DEI honore
& beneplacito nunc debes facere, quam in
quacumque contingentiâ & suppositione
pro alio respectu tuo, etiam salvationis.

C A P V T V I.

De custodiâ fervoris.

Non minus pendet vita spiritualis à corde, quàm corporalis: custodito & intemerato corde, servabitur spiritus. Sacrosancta Dei ara, & thronus Spiritus sancti, cor humanum est. Summâ sollicitudine curare debes, ut mundum ab isto mûdo illud serves, nec maculetur imaginibus rerum mundanarum, & impertinentium, quibus per fenestras sensuum velut machinis te quatit mundus, & dæmon. Plus curare cor tuum oportet quam altare, sacrarium, & vasa sacra, ubi sacrificatur, colitur, & servatur Corpus ipsum Christi in sacramento. Quantâ diligentiâ & sub quot clavibus custodiunt avari nummum & suum interitum? Studiosi rerum exquisitarum, quantâ curiositate singularem aliquam gemmam aut artificium aliquod peregrinum servant, conficiuntque statim capsam quâ asservetur, ne vel pulvisculus illud attingat? & tu gemmam Divinitatis, & Spiritum sanctum, sine custodia exquisitissima & mundissima putas decenter servari posse? Si portares in manibus Sanctissimum Eucharistiæ Sacramentû, attenderes ne excideret: cur si DEUM portas in

302 *Lib. III. De ijs, quæ spectant*
tas in corde, non benè servabis? Delicatis-
simum membrum cor est, levis passio ejus
molestissima est, levis vulneratio letifera est
corpori: sic spiritum quælibet negligentia
in cordis custodiâ nimium lædit.

Regnum DEI intra nos est: quid extra
nos mendicamus misérias per sentus? DEI
oraculum est cor purum: DEUS intus loqui-
tur: quomodo attendere & audire possumus,
si foris & extra nos sumus? Dum lo-
queris cum hominibus, alium hominem te
alloquentem interim non audies: quomo-
do audies DEUM, distractus omnibus re-
bus? Quid foris optas videre pulchrum,
quid jucundum audire, quid nosse novum.
cùm intra te habeas DEUM, ubi tota pulchri-
tudo simul, tota jucunditas est simul, & sem-
per est novū aliquid ipsis etiā Angelis bea-
tis, tametsi ab origine mundi? Antequam
Adam peccasset, viderunt illum: semper
novus ipsis est DEUS. Quis Beatorum relin-
queret conspectum & conversationem DEI,
seque ab illo sejungeret, ut conspiceret ali-
quid in terra curiosum; aut quis propterea
positus juxta portas Cœli, inde regredi vel-
let? O quam descendendus quoque est, qui ut
expectet has terrenas sordes, impedit pro-
fectū suū in spiritu, deserens vestibulū cœli,
quod

quod est cor custoditum; ac relinquit dei solum, & interdum cor suum solum, fugans ab illo DEUM; ut deinde nec DEUM tam perspicue nosse valeat, nec expedite audire! Ut te videas in speculo, prius abstergis pulverem: quomodo in corde tuo vis videre DEUM, si illinis illud luto rerum terrenarum?

Si diceretur tibi, in plateis concionantem altissima mysteria sanctum Paulum Apostolum, qui denuo è tertio cœlo descendisset, relinqueres omnia etiamsi jucundissima & utilia essent, & statim accederes, licet longinquus esses, ut audires & videres illum. Ecce non est opus uno gressu, ut audias Deum tibi salutaria monentem, & altissima docentem, dum in te venerit, & mansionem apud te fecerit: cur non relinquis exteriora hæc, molesta & sine fructu, & omnem novitatem & curiositatem inanè vincis, quâ evaporatur fervor? Tanti hoc fieri debet, ut servus Dei Pater Franciscus de Villanova diceret, etiamsi annuntiaretur sibi quod Angelus de cœlo venisset, & in foro esset, prædicans admiranda & stupenda, illucque confluerent omnes, se minime moturum, ut solum vinceret curiositatem. Et planè melius esset non videre Angelum, quàm vinci curiositate, si propter illam so-

lum videri desideraretur. Quid nunc habes ex omnibus quæ vanè vidisti, fortè impedimenta contemplandi Deum, onusta mente tua varijs speciebus & imaginationibus rerum vanarum & falsarum? Quantò minùs videris, eò minues cupiditates & occasiones erroris. Cor clausum mundo, est aperta veritatis janua; quæ clauditur, apertis & liberis sensibus exterioribus: occludunt illam res istæ materiales. Quare oportet semper intra te esse, nec nisi cum venia petita à Deo ad exteriora exire pro gloria Dei, & obedientia. Tunc non impedient te: sed statim, ubi primùm absolveris, intrò te verte, resalutans & alloquens Deum ibi te expectantem. Imò furtim in ipsis adhuc negotijs te collige aliquoties: te surripe ab occupationibus & siste te ante Deum. Quidquid factururus es, perpende priùs, & offer Deo; & quoad possis, sæpissimè recurre ad illum: visita in corde tuo, consule, & humiliter implora ejus auxilium.

Præcipua tamen janua hominis quam oportet servare, os est; ne per verba effluat devotio. O quoties viliùs vendunt multi Deum quàm Iudas, cùm vendant pro uno verbo! Simon Magus damnatus fuit, quia argento voluit acquirere spiritum: alij perdunt

dunt Spiritum sanctum non pro argento:
sed pro spiritu oris & vento. O sanctissime
Spiritus, qui loqueris veritates, quomo-
do relinquam te, ut audiam mendacia ho-
minum: aut loquar ego vanitates? Duc me
cum IESU meo in desertum cordis mei, ut
ibi doceas me, illumines, & robores ad
portandam crucem. O Deus, ô Christe
cordis mei, concede mihi, ut te sequar exi-
ens è mundo & cœtibus mundanis, ut tecum
extra civitatem moriar. Extra curiam Je-
rosolymorum prodiisti sustinens crucis pō-
dus, ut morereris pro me, & salves me in
solitudine, admonens me extra mūdum
abire, & te in me quærere, ac ferrè crucem,
& crucifigi mundo in solitudine cordis.
Vtinam ut militia esset vita mea super ter-
ram! Miles deserit parentes, cognatos, a-
micos, patriam, facultates, & exulat vo-
luntariè in regionibus exteris, corpus & a-
nimam exponens evidentissimis periculis
pro vili nummo: cur anima desiderans
Christum, ut lucrifaciat summum bonum
in suo corde, nollet à turba hominum exi-
re, atque exulare ab hac miseria rerum, ut
evadat majora pericula animæ & corporis,
divinique consolationibus recreetur?

CAPVT VII.

*Quàm oporteat constanter se habere in
operibus bonis.*

Multos annos laborant homines & constantes sunt pro rebus mundi inconstantibus & fugitivis: quomodo inconstantibus sumus pro æterna & constanti gloria, permanfura semper? Homines constanter se agentes & laborantes tota vita non consequuntur bona temporalia, quæ sine quiete semper quarunt: quomodo præsumimus consequi æternitatem, cum sic mutemur quotidie? Quanta pro suis sceleribus patiuntur latrones, lascivi, avari, dum ignota & incerta quarunt? cur pro virtute & **D**E^o nil constanter sustinemus? Qui sperat continuum & æternum bonum, iniuste interrumpit in consecutione laborem: qui futurus est semper beatus, oportet ut sit semper bonus; nam

Nulla dies ætus hominis non damnat iniquos:

Omnia conueniunt tempora iustitia.

ut sanctissimus Prosper ait. Summa est gratia, custodire gratiam sibi datam: summum opus est, non cessare à bono opere. Ut animal sine capite deforme esset, & sine vita; tale monstrum est vita bona sine fine simili.

Acce-

ad praxim perfectissimè operandi. 307

Accepimus gratiam sine labore, sed oportet cum gratia & cum labore conseruare. Dimidium facti est principium; sed si non habet finem, nihil est. In hac perseverantiæ materiâ finis totum est: nam nihil est factum, si restat aliquid faciendum. Parum iuvat totâ vitâ laborasse, si in fine deficiat. Plus prodest unum momentum ultimum perseverantiæ, quàm omnes anni præcedentes: nam cunctos quis perdidisset, si in illo instanti defecisset.

Difficile putabis perseverare, at difficilius est, iterum incipere; & multò molestius, inceptare sæpè. Quare facilius & utilius est semel perseverare, quàm crebrò inchoare. Equi minorem vim faciunt, cùm continuant iter trahentes currum, quàm cùm repetere volunt, postquam steterunt semel, aut cùm primò incepterunt. Aqua quæ semel caluit, postea remota ab igne, frigidior quàm antea redditur. Si desit feruor, peior fortasse fiet, quàm antea. Desinunt plures perseuerare, quia difficile bonum opus putant: sed non fugiunt difficultatem; nam perseverando facilius fiet. Si potuisti incipere quod difficilius est, poteris continuare facilius. Tamdiu experimentum operis habuisti, nō esse usque adhuc impar tuis viribus & gra-

tia: cur contra longam experientiam modò diffidis, & putas nō posse sustinere illud? Quod præteritum, & quod futurum est, nō gravat in tempore præsentis: ne simul consideres totam difficultatem; nam non venit tota simul, sed pars parti temporis respondet. Ut potuisti antea sustinere, poteris modò; poteris & deinceps. Non grauior erit quàm fuit, sed potius languet difficultas decursu temporis & consuetudine. Consuesce benè agere, sic malè agere dedisces; sic gaudebis in opere quod putabas terribile. Consuetudo vincit difficultatem, quia vincit naturam: quid faciet gratia DEI? Si consuetudo superat naturam, multò magis ordinata charitas in te superabit inordinationes naturæ.

Melius sæpè est implere propositum tuū, aut perficere opus bonum inchoatū, quàm inchoare aliud quod sit melius; quia assuetus facilitati animi, etiam istud non perficies. Rarò potest occurrere opus melius, quàm constantia & propositi boni consummatio. Proposita bona sunt adimplenda, etiamsi iam non putentur tanti momenti fore; quia licet in se fieri, aut non fieri parū referret, plurimum refert constantem esse & non mutari, Quis facilius proponit, quàm
qui

ad praxim perfectissime operandi. 309

qui minùs implet, quod proposuit? Si firmiter perseverare discas in bono contra aliud bonù, firmiùs perseverabis contra malù. & nò passim mutaberis temporaliter serviens. DEO. O Veritas æterna, da mihi ut æternè tibi serviam: adjuva Christe infirmitatem meam, qui infirmitates nostras constanti amore portasti, qui numquam desistis tolerando impudentias & negligentias meas, da mihi ut non sim negligens, nec desistam impudenter in obsequio tuo; sed tolerem molestias omnes. Discam, Domine, perseverantiam amoris tui; qui cùm dilexisses tuos, usque in finem dilexisti eos: qui perseverasti in cruce pendens, & nolivisti descendere, quamvis promississent Iudæi credere in te Filium Dei: qui in tædio, angore, & sudore cruento, prolixius orando perficisti.

Age spiritus remisse, dicito, quid debes optare & facere pro J E S V, qui in cruce & doloribus pro te perseveravit; qui cùm dilexisset te, dilexit usque ad mortem; nisi bona facere, & mala pati? Hæc sunt præcipua vota animæ diligentis J E S U M, quæ maximè serviunt perseverantiæ. Opus bonum adest; quò minùs illud perficias, quid facit nisi molestia laboris? Attende, aliud bonù

hoc esse pati malum, attende jam duplicatum bonum: coniunguntur in hoc opere, malum pati & bonum operari. Non poteris excusari, si non perseveras; quia solum te impedit, quod per se optare deberes, pati pro Dilecto tuo. Si amor JESU in te arderet, omnes acedia, tribulationes, impedimenta extrinseca, non magis te opprimerent, quàm cum ignis obruitur lignis, quibus magis mox incenditur. At si tam infirmus & gelidus es, ut non te urgeat amor Dei, incitet te lucrum tuum, & spes gaudij futuri. Desperatio salutis & vitæ temporalis fortiores solet facere milites, & salvare; spes divina æternæ vitæ fortior est, & fortem te faciet & salvabit. Cum hac spe aggredere & persevera hilariter. Quod jucundè fit, fallit labores & molestias, etiamsi laboriosum sit. Qui ludo militari aut pilæ exercetur, plus laborare solet, quàm qui pro mercede diurnam operam locat; & tamen non sentit, quia jucundè id accipit.

Si vis benè finire in ultima hora, singulis horis incipe: si vis perseverare, semper de novo inchoa. Ne excuses negligentiam tuam dispositione corporis. Plerumq; fallit te amor proprius, quo remissa opera facias. Plus posset corpus, quàm putas, si fervor
animi

ad praxim perfectissimè operandi. 311
animi esset: cuius vis etiam in infirmis creat
vires corporales. Phreneticus cùm infirmus
sit & debilis morbo, plus potest quàm qua-
tuor sani. Vis animi aliquando se commu-
nicat corpori. Si infirmitas morbi fortes
facit: quantò magis robur gratiæ, & sanitas
animæ, cùm diligit Deum, & sperat in eo?

C A P V T V I I I.

De solitudine augendi gratiam.

V Ade ad avarum, ô spiritus remisse, &
disce solitudinem & artes. Non ma-
gnum petitur à te, ut sis optimus, quòd
imiteris hominem pessimum: non maior di-
ligentia à te exoptatur si placere vis Deo,
nisi quam multi habent ut nemini placeant,
imò ut displiceant omnibus. Pudeat pro
Regno D E I non facere, quæ fiunt pro asse-
vno. Non plus à te poscitur pro magnâ
gratia & gloria, quàm quod ultrò peccator
molitur pro vitio & inferno. Esto cum laude
avarus gratiæ, & nimium minutus & atten-
tus lucris cælestibus. Studiosi habitus ad
actionem inclinant: quare virtutis est pro-
prium, non quid actum sit, sed quid agen-
dum; non quid acquisitum, sed quid restet
cogitare: nec proinde vñquam est in gloriâ

sui, sed in sollicitudine. Non placent illa præterita, sed futura prouocant. Auara est; fitit, ardet; eò sibi pauperior visa, quò plus acquisiuit.

Auari temporalium, in odio omnium sunt; quia nec sibi nec alijs prosunt: imò nocent alijs, aut vsurpando, aut impediendo, aut negando bona temporalia; sibi cælestia auferendo. Contrà auari rerum spiritualiũ, innocentes sunt, in gratiã & laude cunctorũ, quia se ditant sine damno alterius. Bonæ verò huius conditionis sunt, ut sufficiant omnibus, sine timore consumptionis & detrimento opulentia alienæ. In bonis spiritualibus auaritia laudabilis est, in temporalibus detestabilis: nam bona spiritualia sunt, ut seruentur; bona temporalia, ut erogentur: hæc enim non sunt bona, nisi dispensentur benè: bona verò spiritualia non prosunt, nisi seruentur; quæ tamen communicatione non minuuntur, sed potius augentur. Ne igitur dedigneris laudabiliter & fructuosè facere, quod alij non desinunt facere cum vituperio & damno sui & omnium. Avarus unum obulum tanti æstimat, ac vitam; quem si amittat, sumè dolet: tu quoque quamlibet gratia iacturam, aut occasionem augendi, luge, si neglexeris.

Auari

Avari excogitant machinas, ut commendentur modum quo lucri aliquid augeant: tu non minus occuperis, & mediteris semper crescere in gratiâ. Nihil parvum putes, sed omnia maxima quæ in cælestibus bonis sunt. Quemadmodum oculum videntem parvas stellas ratio corrigit, & docet esse singulas multò maiores quàm est totus terræ globus. Sic opinionem tuam, cum putas aliquid parum esse, corrige; & existima minutissimæ occasionem lucrandæ gratiæ pluris æstimandam, quàm Vniuersi Imperium. Semper palpebræ tuæ præcedant gressus tuos, ut parvulos uniones meritorum inter stercora humanarum occupationum distinguas, & seligas.

Hæc cura præcipuè sit, præter opera bona, in Sacramentorum usu feruenti & frequenti. O immensa liberalitas DEI, quæ reферatos thesauros tuos Ecclesiæ reliquisti, ut quisque prout vellet caperet! Aestimemus Sacramentorum divitias: & prima cura avaritiæ sanctæ sit circa illa; nam sunt fodinæ gratiæ. Avarus qui pro vno asse integras noctes vigilat, tentat tot dolos, sustinet tot labores; àne parentes thesauros opulentissimi Regis videns, & à Rege rogatus, ut sæpius acciperet inde quidquid libèret, &

instaret ut plures & maiores quos posset
sacculos afferret, anne inquā contemneret
hanc occasionem lucri? Hoc facit Christus
tecum in institutione Sacramentorum. Non
tantum te disponi ad illa oportet, quatenus
non frustreris; sed amanda sunt & crebro
frequentanda, ut maiorem gratiam conse-
quaris, diligentissimè te præparando. Di-
positio est vasculum gratiæ: pro maiore di-
positione & affectu tuo, maiorem reporta-
bis: cuius minima particula, plusquàm om-
nia Regna, & universa natura valet. Fluit in
his vasculis Sanguis Christi; nec sistet, nisi
cùm deficient vascula.

Habe hanc sanctæ avaritiæ astutiam; &
singulis operibus cura duplicem, si posses,
lucrari gratiam: ea offeras, ut dignè ad Sa-
cramenta accedas; tunc gratiam ob meritum
operis habebis, & aliam propterea potes
sperare consecuturum ob dispositionem me-
liorem, quam Deus tibi concedet, videns
affectum tuum & curam ut benè disponaris.
Similiter omnia opera tua roga à confes-
sario tibi imponi in satisfactionem peccato-
rum. Habe quoque affectum erga omnia
sacrificia Corporis & Sanguinis Domini quæ
sunt in mundo, ut velis omnibus assistere si
posses; offer omnia illa Deo; sic dispositus
majo-

de praxim perfectissime operandi. 315

maiores fructum ex illis consequeris. Pari deuotione afficiaris erga omnes preces Ecclesiæ generales pro filiis suis, & ardentes fidelium orationes, ut ita deuotè affectus, fias illarum magis dignus & particeps. Imò qui est in peccato mortali, quod cogitatu est horribile, non desinat hæc facere in reuerentiam dignæ susceptionis Sacramentorū, cum salutarī proposito & diligenti studio & desiderio confitendi peccata. Hac arte opera sua bona, quæ alioqui sterilia sunt gratiæ ratione meriti, fructuosa quodammodò postea erunt in Sacramento ratione dispositionis, quam iuvabunt: nam licet propter illa non dabitur gratia, dabitur propter bonam dispositionem, quā potest sperare ex diligenti præparatione. Iam ab hoc puncto cum sanus es, velis affectum habere & dispositionem dignam etiam circa extremæ Vnctionis Sacramentum, quando tibi fortè ministrari continger.

Attendat has minutias servus DEI, nec gratiæ micam cadere permittat, quam lucrari possit; hoc studio totius vitæ congregabit ingentes thesauros: nec otiosum sinat instrumentum lucri, voluntatem desiderantem; cupiat facere quod exequi nequit. **Votis locupletissimus fiat: cum videt, audit, legit**

legit opus eximium virtutis, opret illud fecisse; inuideat sanctè & ardentè; similem gratiam fortasse consequetur. Qui approbat peccatum, perinde est ac si par-rasset: sic qui desiderat verè opus virtutis, non erit sine præmio. Facilior Deus remunerat, quàm punit. Avarus nihil relinquit, quod nò cupiat, cū desideria tantum seruiat maiori torturæ: quid faceret, si simul ac concupisceret, res possideret? Hæc felicitas & facilitas fœnoris est in avaritia sancta & spiri-tuali. Vota non tormento erunt servo Dei, sed consolationi & fructui: statim compus fiet similis meriti. Desideremus cum fructu æterna bona, si quidem temporalia desiderant homines cum dolore, & frustratione. Quàm facile lucrum est solius voti sumptu! Considera uberem censum desiderij, & quàm dives sis solâ voluntate; nec vacare sinas pensionem facilem rei tantæ. Omnium Angelorum & Sanctorum merita, imò & possibilia omnia, opta passim habere, ut Deo magis placeas; & locupletissimus fies de aliorum laboribus & obsequijs. Opta pariter, quod possis, & sine fictione, pati quidquid creaturæ pati possunt: & cū pauca sint omnia opera voluntaria quæ pro Deo facere potes, considerata magnitudi-
ne obli-

ad praxim perfectissimè operandi. 317

ne obligationis tuæ, collige hinc inde plura: ipsaque opera necessaria vitæ, somnum, vitium, & alia lucrare, & offer Deo. Cura quoque opera ex se exigua statuere in altissima virtute: majorem inde gratiam habebis. Fac omnia ob amorem Dei. Quæ major felicitas, quam simul cum lucro tanto non separari à diligendo illum, quem diligere super omnia desideras, & debes desiderare? Ipsa lucra gratiæ, & Sacramentorum usum ambias, ut magis placeas Deo, & fias magis pulcher & gratus illi. nec minus sollicitus sis de incremento gratiæ, quàm timidus de jactura aut otio ex levibus culpis & desidia. Omnia tua opera & labores conjunge & offer cum operibus & laboribus Christi: ita gratius à Deo respicientur. Moneta minùs probata, admixta inter copiam legitimæ, admittitur, & tantumdem valere solet: gutta aquæ in dolio vini saporem vini accipit. Et ut omni munditiâ Deo servias, indulgentiarum curam habe. Proponere quotidie, cum surgis, lucrari omnia ista & facere quoad possis; offer illa & dedica Deo, postquam te & cetera omnia tuæ soli gloriæ ejus dedicaveris: & in die repetere sæpiùs hanc intentionem tuam: nondum te reddes, & satisfacies Deo, si consideres qualis erga te, qualis in se sit.

CA.

C A P V T I X.

Quomodo laudandus sit Deus.

SI est maledictus qui quodlibet opus Dei negligenter facit; qualis erit, qui Deo benedicit negligenter? qui hoc opus divinarum laudum in quo Dei negotium præcipuè fit, deses & impudens agit. Turbari solent præ reverentia homines, si Reges alloquantur in causa propria: anne in causa ipsius Regis, & teste ipso Rege & auditore, impudentiores & ignavi erimus? Maledictus erit meritò, qui Deo non benedicit, ut decet, diligenter. Angelos intueri, & omnes creaturas laudantes, & honorantes Dominum, pudeat te, desidendo, tacendo, aut offendendo contemnere. Quam damnandi & perversi gustus est, qui non semper gaudet laudare omnium optimum & ab omnibus celebrandum? O Domine, ne permittas, ut distractione & negligentia mea orationem, & benedictionem tuam, quæ omnia mala sanantur, faciam malum & peccatum. Quomodo locum aliquem distractioni possum dare, cum oportet tot hominum obliuionem tuam restaurare unâ hac hora omnes distractiones? Quantâ reverentia debeo assistere, cum pro peccatoribus omnibus qui te

qui te inhonorant, & infantibus qui te ignorant, & creaturis quæ mutæ sunt, velis ut te laudem? Sed cur, Domine, tanti facis hominis vilissimæ laudes? Quæ gloria major patris familias, quod à filiis laudetur. aut à vilissimis servis etiam? Fortasse ista, quia ostendunt gaudiū quod in servitio & domo sua habent, quod universi & ultimi etiam servuli læti sint cum tali Domino. Gloria Davidis fuit, ut ejus victoriam non solum amici laudarent, sed ancillæ. Gloria Dei est laudari ab Angelis, quos glorificat; & aliquando major laudari ab hominibus, quos humiliat, & mortificat. Quam bonus es, Domine, ut etiam ijs quibus acerba & mala ista immittis, bonum te acclament! Per singulos dies benedicam tibi, & omni tempore, sine discrimine diei afflictionis aut lætitiæ.

Cognosce homo, quam gratum sit Deo verè laudari, ex gaudio quod sumis, cum laudaris etiam falsò. Simile est Deum laudare, ac si dares divinitatem. Affectum solet appendere Deus pro effectu quando hic est impossibilis. Quod respiciat Deum devotè anima aliqua sancta, tantoperè gestit, ut postulet ipsam avertere oculos à se, quia avolare & superbire faciunt: quantū place-

placebit, cum illum admiratur, stupet, & requirit canticis amatorijs & laudibus affectu plenjs? Offendimus te Domine linguâ, ut universitate iniquitatum; purgem illam universitate bonitatum & perfectionum tuarum. Purgem infamiâ illam linguæ humanæ, quæ acclamavit ut attollereris in crucem, & attollam te super Cherubim & Seraphim. Perdidisti Domine? plures Angelos qui te laudarent: gratias tibi ago, quod me miserum eligis, & substituis in aliqujus locum, ut suppleam officium angelicum etiâ inter blasphemias offendentiû te. O quam gratissima tibi laus animæ piæ inter tot infidelium maledicta, ut qui lasciviam! audit inter absonantes & tetricas aves. Sonet vox tua in auribus meis, postulas Domine: quomodo negare vocem possum Deo me alloquenti, & concedenti verbû suum? O immense Pater, qui dedisti mihi Filium tuum Verbum tuum, ut opprobriû esset cunctis pro me; debitor tibi sum verborum meorum, ut lauderis in cunctis rebus à me. Verbo tuo fecisti omnia: jus est ut Verbi facta saltem verbis agnoscamus & gratificemur.

Si jumentum essem, ferrem onus; si pecus, irem ad mactationem; si bos, subirem jugum;

ad praxim perfectissime operandi. 321

jugum; fungerer jumentum, pecoris & bovis munere: at quia rationalis sum, fungar officio meo, Deum laudabo: hoc officium hominis, hoc pensum rationalis creaturæ; & ad similem cantionem omnes creaturas hortabor ubique & semper. Non oneris, non laboris opus meum est, sed linguæ & cantus, & ejus rei quæ tollit labores. Agricola & artifices ut fallant molestiam operarum, solent canere: cur tam facile & lætum munus negligam?

Si forem lusciniâ, gauderem canendo, & perfunderer officio meo: homo sum; cur non gaudebo celebrando Deum, fungens naturâ meâ? In hoc officio beatorum Angelorum erudiar inter miseras humanas, quod per eternitatem exercebo; & nunc velut in præludio, gloriæ specimen exhibeo. Intrudam me inter Angelicos choros, ut absurditas mei cantus harmoniâ cælesti absorbeatur. Si inter homines, dum Religiosi concinunt in Choro, se inferere Angeli sunt visi: ego me inferam in choris Angelorum, & illic me præsentem faciam, dum laudes divinas cano; aut inter discipulos & Christum, cum hymnum cœnâ factâ dixerunt. O Iesu dulcissime quis imitabitur affectum, tuum, quo hymnum dicebas? Similis illi fuit,

licet non prodiret, quem paulò pòst cruore
fuso ostendisti, cùm opus fuit ut Angelus te
confortaret, laudando sive compatiendo.
Da Domine, ut dignè laudando impleam
officium Angeli. Da Domine ut in memoria
passionis tuæ per omnes horas compatiar
tibi, & te confortem. Magis cuperes hoc
afflictionis tuæ aliquod solatium, me videre
aliquando attentū, humilem, feruidū, aman-
tem in persoluendis laudibus tuis maximè
per horas Canonicas, si non festinanter id
agam, sed congruo & opportuno tempore.

Oportet semper orare, laudare, & bene-
dicere tibi omni tempore: quid est, quòd
negotio omne tempus postulanti nullum
aptum tempus concedatur? Omnia tem-
pus habent: sola oratio & laus tua, quæ om-
ne tempus habere debet nullum solet inve-
nire tempus. Non quòd privatè dicantur
Horæ, debent licentiùs & remissiùs peragi;
sed observantiâ & affectu coneris supplere
fructum còmunis orationis, ut etiam reve-
rentia privata trahat Angelos: ut servus Dei
devotus ille Pater Societatis nostræ Ioan-
nes Fernandius fecit, quicum Angelo Dei
recitabat pariter Horas singulari cœli favo-
re: tu saltem Angelum cogita tecum assi-
stere, & recitare simul, ut reverentiam ab

ad praxim perfectissime operandi. 323
to discas, ut dignè & utiliter laudes Deum
persolvas.

O anima, quàm es inutilis Deo dum laus
ejus & gloria in ore tuo & corde non sit!
Negat se opus Dei, qui laudem Deo negat
qui benedicere Deo negligit; cui sterilis
est creatura, si non ferat hanc messem lau-
dis. Fructus hominis, laus & gloria divina
est; hanc usurâ & utilitatem beneficiorum
suorum potest Deus, seu potius dignatur
ex creaturâ capere. O immensa bonitas, lau-
danda ab omnibus! si tibi debet creatura
laudes, quia opus est manuum tuarum, quâ-
tas debebit, quia tu laudasti prior! Res
omnes creasti, Domine, & ac laudasti,
approbando illas bonas, & benedicendo il-
lis: cur non benedicam ego tibi, & prædi-
cabo & videbo quàm sis bonus? Quanta
dignitas est, ô homo, ut velit Deus tuam
approbationem & laudem! Tam seriò de-
bes laudare Deum, ac si tota reputatio Dei
pèderet à laudatione & approbatione tuâ.
Cura esse bonus & justus: nam laus ab ini-
quo, vituperatio est apud sapientes, & idè
reputant, laudari à turpibus, atque ob tur-
pia. Quidam dixit meritò, pejùs de fama
nostrâ mereri lentos & steriles laudatores,
quàm acerrimos detractores. Anne non

poterit esse, ut aliquando exaltationem Christi & gloriam Dei minùs offendat Ethnicus cæcus & ignorans, blasphemans, quã Religiosus oscitanter, immodestè, distrahitè & irreverenter laudans Dominum? Cõvitiũ apud homines, putatur frigida cõmendatio: & fortasse aliquando dicenda est proxima blasphemia, laus Dei nimis irreverenter facta.

Primus inventor laudis DEUS fuit; & prima doctrina quam me docuit, fuit laudare: primum beneficium, quo donavit creaturas recentes, laus fuit, & commendatio bonitatis earum. O dignitas laudis, quam invenire solus DEUS fuit dignus! Aliarum rerum inventa homini deberi voluit DEUS; laudis inventionem præripuit ipse. Non tantũ creasti nos, sed erudisti & instituiisti in officio nostro, quod est laudare opera tua, & te ex illis. Pater amantissimus non tantũ filium generat, sed institutionẽ ejus curat. Laudasti Domine creaturas statim atque fecisti; & quia illæ te laudare nequeunt, quia mutæ sunt, mihi hoc onus pro servitio suo imponunt, ut te pro illis laudẽ: nullum aliud stipendium à me petunt obsequij sui, nisi ut suppleam linguã meã earum infantiam. Laus mea, laus elementorum

ad praxim perfectissimè operandi. 325

& cælorum erit; ut cùm pro in fante gratias quis agit benefactori illius, gratificatio infantis est. Præmium, Domine, operum tuorum, laudem meam petis: ne permittas tam injustum me esse, ut fraudem te palmâ tuâ de me. Age Domine mirabilia & magna; ego pusillus curabo celebrare illa. Exaltare Domine in virtute tua; cantabimus & psallemus virtutes tuas.

C A P V T X.

Quanta dignitas sit offerre sacrificium Christi.

Summa gloria servorum DEI est imitari Christum: quanti fiet, Sacerdotem æquivalere Christo? Omne gaudium est pati pro Deo: at quantum foret, mori loco DEI? O quàm magnus favor esset, si cùm Christus spinis coronatus, sudore & Sangvine madefactus, cruce onustus, funibus implexus, viribus defessus cecidit, deficiens præ pondere ligni & debilitate tormentorum præteritorum, audires tunc de cælo vocem Patris amantissimè tibi dicentis; volo ut loco Unigeniti mei moriaris pro humano genere, & finias officium, ad quod elegi filium meum dilectum? O desiderium meum, unde hoc mihi? quis mihi hoc con-

§ 26 Lib. III. De ijs, qua spectant
cederet, quod plus exoptarem quam glo-
ria gaudium præsens statim habere? Quā
incredibile beneficium putarem, si solum
ut Cyrenæus possem iuvare Christum de-
portans crucem? Haberm pro immensa
gratia, si solum unum flagellum pro illo su-
stinerem; qualis esset totam crucem ferre,
& me exhibere crucifigendū loco Dei mei?
Profusis præ gaudio lachrymis accederem
ad IESVM, & postularem coronam spineam
suam, & meo capiti arctissimè infingerem;
postularem funes suos, & me circumvolere;
postularem crucem suam, & me onerarem,
& alacriter ad montem Calvariae irem. O
quomodo inviderent mihi cuncti Angeli, &
ipsa Regina Angelorum, quomodo caelestes
spiritus circumstiparent me, comitarentur,
& venerarentur propter redemptionis ho-
norem? Si hoc concederetur sancto Micha-
eli summo Angelo, ut pro Cristo Domino
pateretur; quam ardentissimè acceptaret
etiam inferni poenas, exardens zelo gloriae
DNI clamaret ardentius, quā antea, Quis
sicut Deus? ceteri Angeli reputarent id glo-
riam summam suae naturae, & comitarentur
delegatum illum pro Christo. Multò ma-
ior favor & gratia felicior Sacerdoti con-
cessa est.

Con-

ad praxim perfectissime operandi. 327

Confidera interim, quando ad Sacrificium accedis, præceptum tibi esse à Patre æterno, ut substitutus ad mortem sis pro Christo: quando sacris vestibus indueris, nihil aliud agis, quam coronam spineam de manu Christi traducere in caput tuum, vestem ejus induere, funibus ejus ligari, & onerari cruce. Confidera quid agas; & tam devotè accipe vestimenta sacra, quàm acciperes ab ipsa manu Christi insignia passionis suæ, quæ ille plus quam cælòs quos vides æstimabat. Iam dum exit Sacerdos vestitus, quam innumerabiles Angeli comitantur illum! Si pauciores fuissent creati, potius posses putare defuturos aliquos cælo & custodiæ hominum, quam comitatu & assistentiæ Sacerdotis celebrantis. Cum Rex vices suas alicui tribuit & delegat ad negotium proprium Regis, & auctoritatis publicæ, Optimates & Equites comitantur Legatum, etiam si relinquunt Regem ipsum & curiam: sic Angeli ad vicarium Christi honorandū, & assistendū, accurrunt; præcipuè cum ibi etiam honorent ipsam personam Regis sui & Domini gloriæ, qui præsens sit admirabili modo in Missa. Quàm humilis quàm verecundus debet prodire Sacerdos! Sed jam cum ad Sacrificij tempus.

accedit, optet supra modum mori loco Christi pro toto mundo. Attendat totum mundum à se pendentem, lamenta animarum purgatorii, immensa peccata hominum, innumera pericula iustorum, necessitates afflictorū, ardentissima desideria Beatorum, ingentia gaudia Angelorum, omnia spectantia Sacrificium: & cognoscens tunc Sacerdos mortē suā non posse satis facere omnibus, vehementer gaudeat rursus Christum supponi ad Sacrificiū, qui solus potuit omnibus facere satis; & Deum contentum, voluntate Sacerdotis, ut olim voluntate Abrahami & Isaac, substituisse iterū Sacrificio innocentem arietem, & Agnum tollentem peccata mundi: qui abundantissimè pro omnibus sufficit, liberans Sacerdotem, ne fiat hostia & moriatur, ei que impertiens dignitatem & honorem officij & legationis tantæ. Victima offerenda pro peccatis mundi, sine peccato debet esse: at quoniam nemo sine peccato est, nisi Christus; opus fuit, ut se ipsum offerat summus iste Antistes, qui non habet necessitatem prius pro suis delictis hostias offerre, deinde pro populi.

Nescio quomodo. hîc, ô Sacerdos Vicarie Christi, non liquefis & expiras præ gaudio.

ad praxim perfectissimè operandi. 329

gaudio & amore. Si quis àre alieno & crimine proprio obnoxius in carcere detineretur, quòd non posset satisfacere; & accederet quis & liberaliter & inopinatò concederet, quo cumulatissimè satisfaceret, quantum gauderet? Ecce tibi impossibile est, ut pro minimo beneficio DEI, aut maleficio tui, DEO satisfacias, cui es infinitis titulis obligatus, nec ex te est spes satisfactionis: & si amas sincerè DEUM, desiderijs instantissimis deberes pro hoc affligi: quantum debes exultare, cùm tibi ad manus venit Christus, ut cumulatissimè satisfacias Patri? planè hanc horam per totum diem & noctem semper debet expectare, qui diligit DEUM, in qua homo vilissimus infinito DEO offert quòd infinitè placebit illi, ut jam non timeat debitum peccatorum propter inopiam unde satisfaciat. Satisfac Domine Majestati tuæ de peccatis meis; & quòd superest mihi restitue, & ditissimus ero, nam restabit infinitum. Sed & illud tibi offero pro omnibus quibus se obtulit Christus in cruce, pro gloria tua, pro gratiarum actione, pro universi orbis misericordia; pro adventu Spiritus sancti, ut me visitet & incendant.

At quantà charitate & obedientià debeo

X 5

offerre

offerre Christum? tantò majori quàm Abraham cùm mactare volebat filiũ charissimum, quantum Christus distat ab Isaac, & causa totius humani generis à causa unius hominis. Si beatissimæ Virgini præciperet DEUS quemadmodum iussit Abraham, ut IESUM unigenitum dilectissimum sacrificaret pro humano genere, & ipsa maternâ manu affigeret clavis manus & pedes filij sui, ardentissimo æstu amoris inter rivos lacrymarum, quantâ festinatione, promptitudine, & obedientiâ id exequeretur, & ob hoc etiam beatam se prædicaret? O Sacerdos, vide quid tibi commissum ut tu ipse sacrifices Filium Virginis, Filium DEI. Sed major favor tibi fit. quàm tũc in illo casu fieret Matri Dei sanctissimæ: nam debitas nullas gratias potes DEO agere, quòd inveniret modum, ut sine dolore Christi sine jacturâ sanguinis, sine acerbitate mortis Filium Dei immoles, ac dolores omnes, cruorem totum & acerbissimam mortem IESU Patri offeras, perinde ac si illa omnia repeterentur.

Obstupesce Sacerdos munus tuum, vide mundum suspensum de te. Quàm horrendum est, cùm assistere deberes stupore plenus, quòd assistas attentione vacuus? & fungens

fungens officio quod à divinitate secundum est, in facibus rerum occuperis? Omnes Beatos, & oculos & genua Angelorum (ut credo) ad te trahis & inclinas, cum elevas Corpus Christi; tamen poteris te distrahere? Ipsi mortui venerantur in manibus tuis Deum; ut servus DEI devotus Pater Petrus Saabedra videbat corpus sancti Didaci assurgere & adorare Christum in manibus Sacerdotis: & tu qui illum sustentas, oblivisci tantisper potes tremendæ Majestatis, & nō adoras profundissimo corde? Considera circa te Hierarchias beatorum spirituum incurvatas, & dæmonum turbas humiliatas: nam si in nomine IESU omne genu flexitur cœlestium, terrestrium, & infernorum; ad præsentiam IESU quomodo inclinabuntur?

Vide quanta puritas tibi necessaria sit, qui pro Christo, & ad mundi peccata per ipsum Christum abluenda, delegaris. Non homo sed Angelus & purior cælis debes esse. Quid dixi? ô quàm dispar & exigua comparatio Angeli & Sacerdotis est! cum Sacerdotalis dignitatis potestas multò major sit supra facultatem Angelicæ naturæ, quàm sit Angelus in suâ specie supra vermem. Deus bonus suas creaturas voluit honorare, partem providentiæ & officij sui commit-

tens illis: Angelos potius deputavit coadjutores & vicarios suos in rebus naturalibus ministrosque solemnes naturæ fecit, nõ dispensatores gratiæ, & substitutos suos in redemptione. Præsident partibus terræ & membris præcipuis mundi, curant species & naturas rerum: attamen ad efficiendum in alijs donum gratiæ supernaturale, non habent legitimam, imò nec ullam ordinariam auctoritatem, sicut Sacerdotes, quos fecit coadjutores immediatos in stupendis justificationis operibus & redemptione: cõcedunt ut Vicarij Christi gratiam, faciunt filios DEI. In ipso Filio DEI naturali IESV exercent potestatem suã: conficiunt corpus Christi, & sacrificant. Stupenda miracula patrant. Latantur Angeli servire Sacerdotibus: sancto Eusebio celebranti ministrabant, dignitatem putantes hoc servitium. Quantum distat gratia à natura? plus scilicet quàm sublimior Angeli natura ab stercore sine comparatione. Quantum distabit custodire hominem, ab eo quod est facere hominem Deum, ad divinum statum elevando? Quid majus est, curare unum, an universos? providere unico, an prospicere cunctis? regere aliquem, an placare DEVM pro omnibus? Hinc collige, quantum

ad praxim perfectissimè operandi. 333

tum potestatis dignitas in Sacerdote excedat Angelicam. Sola dignitas Christi digna Sacerdotio est. IESVS solus, quia primogenitus DEI, dignam dignitatem jure suo obtinet. Nihilominus, ô mater amantissima MARIA, mater Christi & peccatorû, indue me vestimentis Primogeniti tui, per illius vitæ perfectam imitationem, velut Rebecca induit Iacobum, ut saltem minùs indignè Agnum istum, quem tu mihi dedisti, offeram æterno Patri in cibum suavissimum, quo libentissimè eum novisti vesci.

C A P V T X I.

Quòd desiderandus sit DEVS, & cupidè in Eucharistiâ suscipiendus.

O Desiderabilis Veritas, quid audio de ore tuo verissimo? Desiderio desideravi hoc pascha manducare vobiscum. Quomodo vir desideriorum impetrat à Deo, quidquid cupit; & DEVS desideriorû non impetrabit à vili homuncione, quod deposcit? Daniel jeunator obtinuit gratiâ apud DEVM desiderando; & tu Domine saturator animarum, & distributor cælestis panis, tot desiderijs, & machinis amoris nò invenies gratiam apud me, ut tibi concedâ, quod tot inventionibus & officijs procuras,

334 *Lib. III. De ijs, quæ spectant*
cor meum? O spiritus torpide, quid desideras, nisi quod Deus desiderio desiderat? Sed Domine, quid desideras intrando corpus meum? an desideras idem esse mecum, dum uniri mihi vis? Quid decet tuâ Maiestatem desiderare præter te? Desideras Domine mecû esse, sed taliter ut ego fiam tu ipse, factus unum corpus tecum, ut sint membra cum suo capite. & fiam simul unus spiritus adhærens Deo, ut Deus sit mecum, & ego in Deo. Mirabili charitatis sapientiâ ita dispositum est, ut mansionem in me facias, ac in te maneam, & tu in me, & ego propter te viuam, sicut tu propter Patrem; nec jam aliud desideres in me, nec mihi, quàm te ipsum; nec desinas iusto titulo me desiderare, cum sine te nihil in me desideres.

Veni Domine, veni occupa possessionem mei cordis. quod iustissimè merentur desideria tua. O quantum deficio, nec resistere possum huic titulo desideriorum! Nonne satis erat, ô Veritas benefica, me obligasse tot operibus & donis: cur opus erat etiam me obstringere desiderijs tuis? Consolationem meæ miseriæ abstulisti: nam cum beneficijs tuis satisfacere non possent meæ opera, votis id conari & optare me conso-

laba-

labatur; sed cum jam vota & desideria tibi debeo, quid restat mihi? O Domine, quantum desiderabilis cunctis desiderijs es, quia desiderasti! quomodo vacat mihi aliud desiderare, nisi te Deum desiderantem? quomodo concupiscentia & cogitatio mea intermitti potest à desiderio sanctissimi tui Corporis, ubi totus homo fit Christus? In alijs Sacramentis & gratijs unus spiritus fit cum Deo; in hoc etiam una caro cum Jesu, tantâ viiione, ut substantialis, naturalis & realis, à Patribus & Doctoribus dicatur: ut jam sim totus tuus, & me respiciâ & venerer ut carnem participem carnis tuæ, quam venerabatur & tractabat devotè sanctissima Virgo; sim usque duo in carne unâ; & glorier ego, dicens, Ego nunc caro ex carne Christi, & os ex ossibus Iesv. Sacramentum hoc magnum est in Christo & Ecclesiâ, per illud mysterium quo concorporei simus cū Domino gloriæ Filio Dei & MARIAE Iam Domine te diligens, me diligam: nemo enim umquam carnem suam odio habuit: & tu diligens te, me dilexisti, simili favore donans carnem meam ac tuam, tractans ossa mea ut tua, privilegio resurrectionis: nam etiam si alij Iusti & Patriarchæ & Prophetæ antiqui non essent resurrecturi, resurre-

rent

rent qui moriuntur participes huius Sacramenti Domini Corporis; nec tantum resurgunt ex vi meritorum animæ, sed etiam ex carnis suæ dignitate. O Domine desideratus fuisti cunctis gentibus, ut communicareris communi naturæ nobiscum: quomodo non te desidero, ut fias individuum mihi & unus admirabili istâ conjunctione inconfusâ, cum meâ singulari carne, & spiritu?

Ideò Domine, quia non desideramus ut debemus, voluisti tu desiderare, ne tantum beneficiū privaretur debito amore & æstimatione. Alia beneficia fecisti desiderari, & præcipuè Incarnationem tuam; at institutionem venerandi mysterij Corporis & Sanguinis tui omnino gratuito voluisti fieri, absque sumptu desiderij cunctarum gentiū. Fuit istud Sacramentum inopinabilis liberalitas & insperata charitas, ut omnia deberentur & reservarentur desideria erga perceptionem illius: & nihilominus non ardeamus. Adeò tibi placet desiderium huius mysterij, ut mirabiliter accurras, & acquiescas animæ te cupienti. Beatus Stanislaus tyro nostræ Societatis, non semel cum compos huius cælestis panis non esset, desideravit ardens illum, & statim Angeli

attu-

ad praxim perfectissime operandi. 337

attulerunt illi & ministrarunt Eucharistiam. Quia rarius recipitur Corpus Christi debito desiderio, non voluit Deus omittere occasionem dignioris sumptionis, & frustrare illam, cum vidit animam famelicam, & aestuantem.

Docuisti nos, o IESU doctor Veritatis sumere devotè hoc Sacramentum; nec imitatur devotionem tuam; quam ipse habuisti erga illud, desiderando. Nescio quomodo, si Christum diligimus, sine fletu & desiderio illius istud mysterium aspicere possimus: nam sine desiderio sponsi non posset sponsa videre pignus, quod reliquit illi in sui memoriam peregrè profecturus. Non tantum satagendum est ut dignè sumamus illud, sed quam dignissime possimus: nam præter quam omnem reverentiam meretur infinita Majestas, & omnem puritatem infinita sanctitas IESU, majorem inde gratiæ quæstum habebimus. Tria documenta Domine dedisti, ut dignius ad illud accederemus; ferventem amorem desiderando, exquisitam mundiciam & humilitatem, quas ostendisti lavando pedes Discipulorum. Quid dicam de mundicia? Tanta decet & convenit, o amator Christi, huic mysterio, ut magis deceat curare puritatem

tatem, quàm si statim moriturus esses. Plus optes, plus te sollicites præparare ad Eucharistiam, quàm ad mortem: imò quadam fructuosâ ratione plus quàm si in gloriam Dei ingressurus esses. *J e s u s* lavit pedes Discipulorum, etiam si mundi jam essent, cum Corpus suum concessurus erat illis: & tamen cum eos misit sicut agnos in medio luporum, instantibus mortis periculis, & cum assumpsit in Thabor ad gloriam transfigurationis, non ita curavit lavari, nec cum manducauit cum illis post resurrectionem gloriosus. Ad mortem conveniens præparatio esset, si fores in gratia Dei: nam etsi omnino non purificatus esses à peccatis aut culpis venialibus, priusquam coram Deo apparerēs, in purgatorio mundareris penitus. Utinam atne hoc Sacramentum suscipiendum præcessisset purgatorium! Sed quia non antecedit, oportet me diligentissimè dispicere, præparare, & mundare omni culpâ levissimâ, & debito cuiusvis peccati, & diligentia & amore ardenti supplere, quoad possim purgatorii ignes: & quavis ad intrandum in gloriam omnis purificatio requiratur peccati & culpæ, tamen non nisi operum & præcedentis gratiæ ratio habetur; nec duplicatur divina indulgentia

ad dispositionem distinctam à ratione meriti: at in Eucharistia dabitur majus jus ad gloriam, etiam pro cuiusq; dispositione ultra id quod pro meritis habetur; & qui magis dispositus & purior studet accedere, tanto maiorem fructum reportabit, præmium operum bonorum: plus deberes desiderare, esse magis gratum DEO & placere illi, quod sit per maiorem gratiam, quàm gaudere quiescendo in gloria, si magnitudo beatitudinis cum beneplacito DEI & gratia non commensuraretur. Omnis præparatio operum, præter Sacramenta, quâ dispo-remur ad gloriam, uno dumtaxat modo consequetur gratiam: at præparatio ad Eucharistiam, duplici viâ gratiam lucratur, & duplicatum beatitudinis gradum postea.

Adeo decet puritas ad hoc Sacramentum ut divinitus sit dispositum, quod præcedens Sacrificium Christi sit pro peccatis nostris, quod vim habet remittendi ipsam culpæ penam; ipse Christus, quem suscipimus, vult prius nos mundare, ut ipse mundavit & lavit prius pedes Discipulorum, antequam se nobis daret, & pro nobis traderet. Ostendit illa lavatione, non quamlibet munditiam decere, sed exquisitam: nam non tantum voluit manus Discipulorum

mundas esse, quod ordinarijs convivijs sufficit; sed ut pedes etiam, quod magis extra ordinaria diligentia est. Non tantum manibus, hoc est operibus, mundos, sine ulla culpa, indicavit DEUS oportere nos ad Eucharistiam accedere; sed & pedibus mundos, hoc est ipsis vestigijs culparum, id est pœnis ex remissis jam peccatis & operibus tepidis: sic Sacrificij gratia est in remissionem pœnæ ex peccatis.

O Domine, quomodo dignè accedam ad te suscipiendum? Quantus apparatus sanctitatis fuit Joanni Baptista, ut in ore suo nō tē, sed nomen tuum figuratum sumeret, dicens, Ecce Agnus DEI; & ut ministraret figuram unius Sacramenti tui? at ego, ut te ipsum verè & realiter in ore meo sumam, & suscipiam tremendum istud Sacramentum, quàm purus debeo accedere? O utinam possem te excipere illâ reverentiâ, quâ beatissima MATER tua te excepit utero suo, in stupenda illa hora incarnationis, aut quomodo corpus tuum sanctissimum de cruce refixum accepit in suo gremio; & Pater tuus immensus excepit spiritum tuum, in manus suas commendatum, cū expirasti. Quod divisisti Domine in morte tua, inter Patrem & Matrem distribuens; utrumque veneror
jam

ad praxim perfectissime operandi. 341

jam in hoc Sacramento post resurrectionem tuam : non enim anima est sine corpore. Corpus quod reliquisti Matri, mihi concedis simul cum spiritu, quem commendasti Patri. O quis exspiranti JESU apposuisset os, ut hauriret spiritum eius dignum divinis manibus, ut corpus meum regeret ! O quis squallens cadaver JESU posset sanguine proprio fuso tergere, & in se recipere sanguinem Christi pro me effusum, ut mundaret animam meam squallidam ! O quis apponeret os, ut sanguinem & aquam è latere Christi fluentem gustaret & reciperet, ne gatta decideret ! Sed tu Domine, desiderans & desiderabilis, imples vota mea in hoc tremendo beneficio. Quale gaudium fuit Angelorū in ascensione tua, cum cælum intraſti, qualia desideria præceſſerunt redditus tui in cælum ? O desiderate cunctis Angelorum Hierarchijs, quantā exultatione debeo gestire, cum in meū pectus intras ?

Totam reverentiam, quā omnes Angeli habuerunt cum te exceperunt, redeuntem à mundo & vita passibili, ego unus tibi debeo multis modis : nam intras in me sæpius, ut me unum solum delectes, qui semel in cælos intraſti, delectaturus omnes Angelos. Sæpius pro me uno facis, quod semel pro

universis spirituum Hierarchijs fecisti. Si hoc beneficium uni dumtaxat ex omnibus hominibus fieret, ut semel in æternitate tota intraret Christus in illius solius pectus hoc amabilissimo modo, quàm stupendum beneficium censeretur? qui audirent, vix crederent attoniti hoc benignitatis miraculo: ipse qui suscepisset, quàm extra se admiratus, sine voce, sine motu, imò sine vita maneret, nisi miraculosè iuvaretur præ stupore, timore, gaudio, & amore, ex tanta benevolentia: cur ego dignè non vereor & admiror majus beneficium, cum non semel dumtaxat, sed frequentissimè, non mihi solum hoc fiat, sed omnibus; in quo majus beneficium meum agnosco. O quis te reciperet J E S V amabilis in me intrantem, ut Pater tuus te excepit in cælum introëntem, post tot cruciatus & mortem! nam omnium Angelorum sanctitas, deuotio, gaudium, pompa, celebritas adhuc non fuit digna, non dicam tua Majestate, sed nec tua humilitate, quâ vis in casa mei cordis te arctare: da mihi tanto tuo exemplo, ut infra nihilû me humiliem. Qui non possum satis me humiliare præ tua humilitate, quomodo possum præ tua Majestate & gloria? O quàm felix anima quæ se humiliabit corâ
hoc

ad praxim perfectissimè operandi. 343

hoc Sacramento; quàm honorata erit! quomodo Angeli illam revereantur & honorabunt, ut honorificè Dominum suum recipiat! Sancta Theresia nō semel in Ecclesia nostra vidit fratres nostræ Societatis, cū ad Eucharistiam accederent, sociari ab Angelis, pallium interim pulcherrimum & locupletissimum obtendentibus super capita ipsorum, ut honorificentius tamquam regis & sacræ animæ exciperent Christum: cū verò alij accedebant ad communicandum, non vidit illud obsequium Angelorum: causa fuit minor humilitas devotionis, Cūremus itaque omni humilitate, devotione, fervore, charitate, istum panem super substantialē quotidianum accipere. Si quotidie illum sumamus, quasi nullo alio die sumeremus: sic frequentissimè ad illum accedamus, ac si semel in vita accederemus: sic fiat quotidiana communio, quemadmodum debet fieri prima die vitæ, & ultima in hora mortis.

C A P V T X I I

*Non ultra necessitatem indulgendum
refectioni corporali.*

Angelite expectant ad cœnam suam, ne satieris ut pecora cibis corruptis.

Qui conviva vocatus est, nihil domi suæ cog-
 medit. conviva ad cœlum invitaris, saltem
 ne satureris in terra. Si satur cibus terre-
 stribus, non potest esse bonus conviva etiã
 epuli terrestris; quomodo potest esse cœ-
 lestis mensa? Saturitas impedit saporem
 materialium dapam; quantò plus impe-
 dit divinorum gustum? Lazarus jejunus,
 qui nec de micis satiatus fuit, in cœna cœle-
 sti accumbit; sed exclusus epulo ille sagina-
 tus. Homines in convivijs continentur, à
 cibus alijs se reservantes edulio placidiori,
 quò inde saturentur: ô Domine, si saria-
 bor cum apparuerit gloria tua, illi me re-
 servo, & abstineo agrestibus terræ escis.
 Spe opipari prandij ut melius fruatur, je-
 iunat interim conviva: jus est, ut spe divi-
 næ cœnæ saltem abstineamus. Memento,
 quòd te Christus æquavit cum Angelis, &
 erit pudor comparem bestijs te facere.
 Qui omnino non potest suam tollere infam-
 iam, minuit quantum potest, & dissimu-
 lat: pudeat nos opprobrium casus nostri à
 felici statu per gulam commemorare quoti-
 die, & quidem cum gaudio & appetitu.
 Si famem cæli haberes, & honorem aliquem,
 fastidires terrena: circa quorum delectati-
 onem cum necesse sit sumere cibum, perine-
 de

ad praxim perfectissimè operandi. 345

de oportet te habeas ac si non adesses.

Conviva Dei ad cœnam gloriæ es invitatus: interim ad mensam accumbens Christus sit conviva tuus, & abstinebis, si cogites opus esse ut divides cum illo. Quidquid detraxeris victui, offer Iesu, Pharisei Publicani invitabant Christum: tu Christianus, nimirum non erit, si facias idem. Qui aliū invitat, non suum gustum curat sed convivæ placere, cui meliorem partem tribuit: sic cum ad mensam accedis, non arrideas palato tuo, sed tantum stude placere Christi voluntati: cui magnum gustum facies, si tu nolis sumere gustum. Considera illum tribus diebus, quibus Mater sua ipsum amisit, ubi comederit: para illi convivium cum sancto Matthæo. Vide Christum, & Discipulos, cum præ victus indigentia spicas velabant: voca, & de tuo cibo dividens, epulum fac cum Zachæo. Intuere quadraginta diebus jejunantem pro te; & si cum Angelis non vis ministrare, invita cum Simone; & de abstinentia tua recreabitur, velut de mensa præparata ab Angelis. Potum petiit à Samaritana: tu porrige de calice tuo. Sitio, clamat de cruce: poculum tuum illi ministra. O quis mihi daret fel & acetum, & commiscerem calicem cum Christo, sug-

currens sitienti de potu meo! quomodo in
 tam extrema necessitate non tibi subvenirẽ
 ô Domine? nunc possum, & sine dubio
 plus gustabis hac meâ voluntate, & absti-
 nendi studio, quàm si iucundissimum po-
 culum oblatum tibi gustasses, quam inhu-
 manus esset qui tibi non succurrisset? nunc
 possum, si non bibam ultra necessitatem.
 Quomodo sitienti non subveniam? Intuere,
 anima, desiderantem **JESVM** pascha man-
 ducare nobiscum: comitare Apostolos ut
 particeps sis desideratissimæ mensæ. Mo-
 destè & humiliter illic esto: quare postremũ
 locum, nec locum adhuc Iudæ eligas. Indi-
 gnus es accumbere tali mensæ: sede ad pe-
 des socij tui proditoris; ibi etiam te inveniet
 humillimus **JESVS**. Recogita, quomodo
 manducaret tot annis cum sanctissima Ge-
 nitrice, & sancto Ioseph: interdum fortas-
 se noller multa comedere beatissima Virgo,
 & ab ore suo derraheret buccellas, ut da-
 ret amantissimo filio, cùm præ paupertate
 utrique non sufficeret: te priva aliquâ buc-
 cellâ, & da hanc eleëmofynam Virgini, ut
 filium alere possit. Recordare, quomodo
 lactaret infantem **JESVM** amantissima Ma-
 ter; adhuc pro te nunc jejunaret Filius Dei,
 & dulcissimis uberibus aliquoties abstine-
 ret:

ad praxim perfectissimè operandi. 347

rectu pro illo particulâ victus saltē abstinere.
& offer Christo ardentissimâ charitate, quē
admodum lactabat illum beatissima Virgo:
imitare, quantum potes, ejus amorem.
Hoc modo sanctis meditationibus suffoca-
bis. & affectione erga divina præoccupabis
appetitum tuum. Desiderium desiderio ex-
pelletur, & gustus gustu. Plus forsitan ex-
tirpabitur gula, & tua expurgabitur mens
meditatione lectionis, & sanctâ occupatio-
ne quàm jejunij ipsis.

Si non te moverit Christo placere; digni-
tas & utilitas abstinentiæ deberet convin-
cere. Nihil magis spiritui aversum quàm
immortificatio gulæ. Comede, ut alleves
corpus non ut oneres. Plerique cum comē-
dunt, magis gravant se, quàm alunt; cibū
qui levamen vitæ deberet esse, faciunt pon-
dus. Nōne turpissimum est, onerare &
infarcire ventrem, ut aselli sarcinam, cum
nostra caro super Cherubim elevata sit? In-
tra quem Regnum Dei, & sacrarium Spi-
ritus sancti potest esse; quomodo tam vilis
est, ut de stomacho suo faciat manticam, &
mortuorum animalium tumbam? Qui tem-
plum Dei vivi debet esse, qui ad divinam
vitam vocatus est; cur se deiciet ad omniū
abjectissimam plantarum? scilicet ad vitam

mor-

mortuam, & cœnum vitarum. Plantæ, cùm tantum sit illis vita nutriri, omni sensu vacant. Tantumdem mentis perditur, quantum cibus afficitur. Quid indignius, quàm jactura vitæ Angelicæ & mentis? Si præcipidè edas, timor sit tibi ne degeneres, non tam in pecus, sed in arborem & truncum. Adam gulâ victus, statim instar arborum folijs vestitus est, quasi vellet fieri arbor; in quam intromisit se, fugiens DEVM. Gula & nutritio non est vita propria irrationalium solum, sed insensibilium plantarum, quibus peculiaris vita est nutritio. Ideò plenus venter obturat sensus, inanit mentem, ad insensibilitatem traducens, impediendo usum rationis, quæ post prandium nimium torpet; & contrahendo statim somnum, in quo nihil omnino distat homo ab ulmo & platano: nisi quòd statu suo hæc ferat fructum umbræ; vita vero comedentium est vita dormientium, & vita dormientium, vita cucurbitarum jacentiū. Inde qui minus abstinet, minus rationi obediens, quippe insensibilior est: sola vita arborum incapax imperij est. Nutritio ipsa non est in potestate animalis. Cùm increpamus cupiditates, & feras nonnullas, mansuescunt, & cedunt magistris: at plantæ quæ tantum curant ali, neminem

ad praxim perfectissime operandi. 349

audiant, nec rationi parent. Est fax vitarum
hæc vita, & remotissima ab anima rationis
participe; quantò magis ab spiritu DEI
compote? Canis audiet dominum suum; sed
non audiet quercus nec ficus agricolam,
neque satur benè audiet Deum. Adamo, ut
contineret eum DEV S in obedientia sua,
promulgavit primogenitam jejunii legem.
& unigenitam illius felicissimi status; ut
magis commendaret nobis amabilem ab-
stinentiam, quasi quæ sufficiens esset inno-
centiam custodire, & reliquas dotes & vir-
tutes; & quæ aptum redderet hominem ad
audiendum DEV M, eique adhærendum.
Non alij nutritici confidit Dominus filium
suum Adamum dilectum, & Benjaminum
creaturarum, nisi jejunio; in cujus manus
fidelissimas commisit illum, ut nutritius
hominis esset, & pædagogus obedientiæ.
At fracto jejunio, statim Adam fugit vocem
Dei, tam procul ab adhæensione divina, ut nō
solum ad DEV M non vellet accedere, &
quærere, sed Deum quærentem se fugeret.
Ineptus fit, qui abstinere non curat: divinæ
familiaritati resistet, & inspirationibus san-
ctis, abjunctus ab uberibus divinis.

Quid Deo & ventri? quomodo Netis chæ-
rum habebit eū, cujus Deus venter est chæ-
rus?

rus? Quomodo, ô divina Veritas, in eo habi-
tabis, qui amentissima idololatra est? Stul-
tissimū fuit olim, quod genu inclinarent ijs
quæ ipsi homines faciebant: quàm etiam
stultum est, quod tu intemperans homo in-
elines cor tuum his, quos destruis, saporibus
& cibis. & qui te destruent? Quomodo
cum Deo epulaberis, quomodo vitam cæ-
lestem ages, & volabis cum Deo super pen-
nas ventorum ad vitam immortalē, si gau-
des earum rerum vitā quæ hærent terræ,
& fixæ sunt radicibus suis solo, & sunt semi-
sepultæ? Mortalissima est vita nutrientium
se: vita enim plantarum est, quæ partim
humatæ sunt. Nutritores ventris augent
mortalitatem suā, impinguando quod in se
mortale est, facti mortaliore impediendo
vitam æternam, contaminando mentem,
& contrahendo animam, ut corporea solū
fiat. Adam violato jejunio statim mortalis
est factus: tu mortalis quotidie fis, dum
mortibus saginaris, & avidè nutritis mor-
tuis animalibus, & conditis, ut in te humē-
tur: at eò felicior eris, quò immortalior, si
minimo ali mento indigere assuecias, & a-
cerbo vesci. Tota nostra vita in hoc mundo
acerba est, amaritudinibus & laboribus
plena: quare dissonè repræatur & sarcitur
sua-

suavibus rebus? Comede solum ut vivas & talis sit cibus, qualis vita reliqua. Non vivis ut comedas; sed vivis ut moriaris, & comedis ne citò moriaris. Celerius mors venit nimio cibo & delicato: cibus tantum sit medicina vitæ, non venenum & corruptio.

Satis sit tibi condimentum fames tua, & fel & acetum Christi; quipropterea illud in cruce potavit. quoniam qui adversus peccatum preliatur, non debet uti rebus jucundis: conjunctio quoque hyssopi cum spongia vim detergendi significat, ut purgationis anima forma daretur. Abstinentiâ & acerbitate tergitur character divinus, & purgatur sancta animi puritas, ut Deo copuletur, & capax divinorum fiat: nam si jejuniū pellit demones pertinaciores ab alieno corpore; quanto magis alliciet Deum facilem & benignum in corpus proprium? Si tanta jejunii est gratia ut illo purificies alios, te ipsum magis sanctificabit. Quid divinum spirat, qui spirat abstinentiâ & famem: ipsum corpus quodamodò elevatur vi spiritus expediti. Ferrum grave est, sed evadit leve spiritu magnetis: tu quoq; si à Deo te suspendas, allevabit corpus tuum vigore spiritus, intellectuale & quasi incorporeum reddens.

reddens. rarefit quoque contextus nostrî corporis per abstinẽtiam, ut animæ jam traluceant divina; ipsa quæ commodius gubernabit illud, jam proportionẽ sibi convenienti devastatum & sine cortice pingvi magis politum; nec enim magnũ pondus idonee se sinit tractari.

Denique abstinẽtia tantum bonum est, ut nulli rei non sit optima. Aliæ virtutes animam honestant; abstinẽtia & corpori & animæ salutaris est. Sancti, & Philosophi abstinẽtiores diu vixerunt. Homines cum immortales futuri eramus, solum olertibus & fructibus terræ in illo felicissimo innocentia statu contenti fuissẽmus: nunc quoque temperantia restituit homini aureum sæculum. Iuvat inedia salutẽ corporis; ipsa est medicina naturalis, ipsa medicina universalis omnibus morbis idonea. Peritissimi Medici primum pharmacum cuius morbo inediã porrigi iubent: nam oppetio metropolis est morborum, & præcipuus mortis satelles. Omnes ferè juvenum immaturas mortẽs ingluviẽs patrat. At si omnibus affectionibus corporis medetur inedia, animæ quoque universos affectus sanabit. Elatas cervices fames frangit, avaros cogit ad impensas, otiosos & desides ad operas

ad praxim perfectissime operandi. 333

peras instigat, luxuriosos castificat, iracundos
manifestat. Si ergo omnibus vitijs resistit
frugalitas, cum est invita; si cum non est
virtus, generat virtutes; quid restat, cum
virtus vera & sincera est, nisi quod DEVM a-
nimæ societ & in ea stabiliat? Cum jejuno
Elia & Moyse DEUS gavisus est confabulari.

Verum perinde ut jejunium averruncat
& fugat demones, ita saturitas DEVM. Nisi
hoc vitiū ableges, & virtutem temperantiæ
in animo stabilias; in reliquis potes despera-
re. Perinde erit, ac si canes molestos volens
abigere pro lapide conjicias panem. Prior
intestinalis & civilis hostis superari debet,
quàm possint externi.

C A P V T XIII.

*Quod vitæ ratio sit sumenda frequenti
discussione sui.*

RArò respiciunt homines vitam suam;
ideò frequenter pessima conspicitur:
plerumque nihil consulunt de actibus suis,
ad summum aliquando quid facturi sint, sed
rarò quid fecerint; cum vix sciant quomo-
do sit bene faciendum, nisi considerent quid
sit male factum. Ex præteritis damnis futu-
ra prosperantur. Mercatores noctu com-
putant lucrum diurnum; & si detrimentum

inveniant, alio die aliisque rebus statuunt restaurare. Domini rationem vilissimarum rerum exigunt à servis: quomodo anima humana, quæ cælum & terram superat, sine rationibus relinquitur? In dispendio minuti æris scrupulosi sunt, & damna æterni lucri non curant. Respublica sine Magistratu, vulgus sceleratorum erit: incultus ager, seges tribulorum. Plus peccatum Adami cor nostrum corrumpit, quàm terram. Si conscientiam non colas, per innumera vitia fructificabit.

Oportet. ô spiritus remitte, rationem tui exigere immisericorditer, ut misericordiâ DEI consequaris. Multi periclitati sunt ob peccata occulta. Tenebris involutus est mûdus: vix te nosces cùm te disquiras; quid erit si nec te aspicias? At si te ignoras, quid curas scire alia, imò & habere alia? nam etsi mundû possideas, & calleas universas scientias, fatuus & pauper eris, & vilissimus; quia te non possidebis, qui præstas rebus omnibus, & per quem possidebis omnia: & te non possidens, nil possidebis, nec scies nisi abuti omnibus, & errare. Solus sapiens, dives: pretiosus est qui se tenet, vilem agnoscens, & invenit & contrectat vilitatem suam. Equum, quo quis utitur, vult nosse; armenta

& pe-

ad praxim perfectissime operandi. 33

& pecora vult numerata habere; & se solū
ignorare, & sine numero peccare. Cur tam
hostis sui est homo ut nec respicere se velit?
At si te odisse vis cum fructu; quāso, te o-
deris, hortendo te, non obliviscendo. Ex
respektione tui te horrebis, ex horrore te
corriges, ex correctione gratus Deo eris.

Tametsi nolimus discutere nos, nihil in-
ultum Deus permittet. At si nosmetipsos di-
judicarem, non utique judicarem; dum
judicamur autem, à Domino corripimur,
ut non cum hoc mundo damnemur. O Ve-
ritas misericors, quæ nos reos in te nostri-
met delegas iudices, quid clementius? O
magna misericordia, quòd humano nostro
iudicio contenta sit iustitia divina. Si quis
accusatus ob facinus patratum, expectaret
iudicem à Principe designandum, qui cau-
sam nosset; quā cupidus & sollicitus esset,
ut aliquis propinquus sibi, aut patriā, aut
familiaritate, iudex deputaretur? quanto-
perè gauderet si consanguineus aliquis esset
aut amicissimus? Vide sortem tuam, & be-
nignitatem divinam, qui te ipsum iudicem
tuimet vult esse. Si duo tribunaia alicui
reos proponerentur, unum severissimi homi-
nis & extranei, & in quo inclementissimarū
legum praxis esset, alterum mitioris & co-

336 *Lib. III. De ijs, quæ spectant*
gnati fui, & in quo leges vigerent minùs pœ-
nales; si judicari & damnari vellet in illo ri-
gidissimo, quid ab amentia aut desperatione
talis electio distaret? O quanta desperatio
& amentia hominis, qui in tribunali, non
dicam ubi cognatus & amicus, sed ipsemet
homo reus est Iudex, nolit se convenire;
sed in iustissimo & acerbissimo velit
condemnari, ubi DEVS severus actor, & of-
fensus erit iudex! Si criminis tui alteruter
arbitrè ad optionem tuam designaretur,
aut complex tecum in eadem culpa, aut ac-
cusator tuus & pars offensa, an eligeres hu-
jus iudiciu? non cõplex tuus, sed tu ipse,
aut DEVS offensus iudex tuus potest esse.
& necesse est ut sit punitor. Impossibile est
vitare condemnationem & iudiciu aliquod:
aut te dijudica, aut Dominus te ad pœnam
judicabit severissimè. Ne igitur contemnas
iudiciu tuu: nam sic fugies divinum, ne
ibi damneris.

Nullius rei temporalis major ratio tibi
sit, quàm ut à te rationem exigas; nec est
aliud magis rationabile. Si alios reforma-
re volumus; cur nos volumus relinquere
deformes & iniquos? Saltem bis in die vo-
ca te in jus, & rigidissimè te iudica, velut si
in tremèdo die ultimi iudicij esses. Si tunc,
cũ

ad praxim perfectissimè operandi. 357

cùm omnes homines trepidi, expauentes & horrentes ante tribunal Christi, essent iudicandi, solum tecum tam misericorditer iudex se haberet, ut te separare à turba totius generis, & nollet te iudicare & damnare, sed contentus esset, ut te discuteret hoc pacto, ut si tu ipse temet iudicares & punires, serio, staret tuo iudicio; sed si negligenter, iterum restituendus esses ad massam ceterorum, ut ad supplicium rigidissimè iudicareris; quibus gratijs æstimares hunc favorem Christi? quantâ sollicitudine inspiceres & scrutareris te, nec ullo modo tibi benignus esses? Tantumdem tibi modò est concessum: age in examinibus quotidianis & confessione causam DEI, gloriam ejus serio quærens, & confusionem tui procurans. Considera inde Christum terribiliter iudicantem reliquos homines, intimantem extremam damnationis sententiam, & aliunde crucifixum pro te solum qui discutias te ipsum ante pedes Christi in monte Calvaria, cum matre IESU, Ioanne & Magdalena lachrymantibus, clamante & lachrymante quoque ipso dilecto IESU, Pater ignosce illi, quia nescit quid fecerit. Istà quoque cogitatione ad Confessorem accede, cum spe venia, si tibi non parcas; considerans IESUM, cum

nihil tuo supplicio, & peccatis atreus erat, nisi sollicitus de eorum veniâ, de tuorū peccatorum numero & magnitudine curâ deponens, solū indulgere optans, quia commisit tuæ fidei examen & discussionem eorum & vindictam. Esto fidelis Christo, & nihil inultum tibi transeas; sic Christus fidelissimus tibi in omnibus tibi parceret.

Statue primū coram te sortem, cuius rationem reddere teneris; omnia scilicet beneficia divina: deinde discute abusū eorum, & ingratitudinem: demum humiliare, dole, lacrymare exiguos etiam defectus; & viriliter cum gratia Dei propone non relabi in æternum. Firma hoc pactum tuum, ut humani contractus firmari solent, primò coram testibus; renova propositum coram Angelis, & Sanctis; deinde præstā cautione vel vadimonio, beatam Virginem, & Sanctos devotos voca & designa fidei iussores, item adiiciendo poenam. Statuas tibi si relabaris spontaneum aliquod quod tibi molestū sit, contende semper in melius: nā si gaudiū est Angelis super uno peccatore penitentia agente; cur non erit lætitia super iusto in melius quotidie contēdente? Ne in te pescas in hac discussione tui, quæ clavis est totius fervoris. Tepiditas multorū Religio-

forum,

ad praxim perfectissimè operandi. 359

forum ex hujus exercitij tepore venit: hinc plures parū fervidi, hinc viri diu pij, misere postea defecerūt, quia superficiali quodam dolore & examine contenti manebant; & quod hac horâ plangebant, sequēti optabāt.

Quotidie bis renovas & juvas vires corporis refectione corporali: non decet minus renovare vires animæ & proposita tua, discutiendo te, imò non bis, sed passim ad singula opera considera, an benè vel secus feceris. DEVS qui non potest errare, singula opera sua statim ac fecerat, considerabat & examinabat. Fecit lucem, statim examinans vidit quòd esset bona. Fecit luminaria, statim scrutatus est & vidit quòd essent bona. Quotidie operum singulorum examina fecit, deinde universale omnium cuncta perpendens, & vidit, quod essent valdè bona. Sic tu singula tua opera examina, deinde omnia simul. Si non fecisti benè, in discussione tuæ conscientiæ emendabis, ut deinceps facias melius. Moyses in sinu sui pectoris manum mundavit, quam invenit leprosam. Hæc discussio seria officina est virtutum: ibi timor DEI, ibi humilitas, ibi cognitio sui, ibi compunctio, ibi perseverantia, ibi fervor, ibi prudentia cuditur. Insidiare præcipuè alicui vicio, cui

360 Lib. III. De ijs, quæ spectant
molestus & importunus sis, donec penitus
excirpes: hac arte paulatim omnia evellere
cura.

C A P V T X I V.

Quomodo erga alios debeamus affici.

Hec sit interdiu occupatio tua, in om-
nibus operibus tuis etiam bonis te ac-
cusare, & in operibus alienis etiam malis
excusare alios. Non est conscientia ut vul-
tus; alienas facies videmus, non nostram;
sed conscientiam nostram videmus, non
alienas: quare solum nos dijudicare & da-
mnare debemus, & possumus. Si cum tuâ
conscientiam tu solus cernere valeas, nihil-
ominus non potes discernere plura opera
tua, an benè vel malè facta sint. an consen-
sum præstitisti, vel secus; cur audes judica-
re alios, quorum corda abscondita sunt, ni-
si soli Deo? Si tuam mentem non vides, quo-
modo judicas alienam? Si tua non potes
discernere, quomodo audes decernere de
alijs? Si tibi non attendis, quare appendis
reliquos? Sed plerumque qui in foro otiosi
sunt, murmurant, & detrahunt alijs; sic qui
sux animæ non habet curam, judicat alios.
Experientiâ jam oportebat didicisse, quam
sæpè fallantur judicia nostra. In rebus cor-
pora-

poralibus, & ijs, quæ tantum habent extrinsecam speciem & colorem, sæpissimè decipiuntur sensus; quanto facilius frustrabuntur in judicandis humanis cordibus, quæ non percipiunt, quæ à libero gubernantur arbitrio, & in quibus tot miracula passim operatur secretò gratia Dei? Quamvis conspicua videantur, argumenta sinistra suspicionis, non oportet judicare sinistrè, quia potes falli. Socij sancti Bonifacij nō irratiōnabiliter, sed sufficientibus judicijs ex vita præterita, suspicati sunt fuisse occupatum cum meretrice, dum quærebant illum; at ipse interim æstuans amore Dei, patiebatur atrocissima tormenta pro Christi nomine. Tam fallax fuit iudicium verisimile; quantum decipieris improbabilibus tuis suspicionibus? Is qui potestatem habet super alios, & tenetur judicare, non debet damnare, nisi constet culpa evidenter; & in dubijs reus absolvitur: cur tu solâ opinione tuâ incertâ audebis damnare eum qui melior te est, & à quo judicandus es?

Si diligeres alios, ut Christus jubet, non judicares illos: charitas operit multitudinem peccatorum. Ideò non te judicas, quia amor proprius te inclinat. ut excuses tua: quare si amor tibi esset fratrum, non judi-

cares, sed excusares illos. Christus iudicaturus hominem, factus est ipse homo, & induit humanitatem: tu quoque si iudicare aut reprehendere alium vis indue illum, & ita cum illo facias ut velles tecum fieri. Hoc fit primum charitatis opus, ut non offenderis in fratre tuo: alterum est ut non offendas illum; tertium, ut iuves in omnibus: tamen quia non diligis, sæpè deficiis in primo officio, & injustè offenderis adhuc innocentibus, & fastidis plerumque eos qui grati sunt DEO. Vbi est charitas DEI, ubi est amor IESU, si possunt tibi displicere ij, qui placent IESU, & amici DEI sunt, & placent plusquam tu peccator. Si amares DEUM, & ejus immensam bonitatem, omnes propter bonitatem amares; amares bonos, quia boni sunt; amares malos, quia boni esse possunt. Non tantùm in pretio est admirandum aliquod artificium, sed & materia ex quo fieri potest. Ex malis fiunt boni oportet non fastidire illos; hoc est amare omnes propter bonitatem, hoc est amare omnes in DEO, cùm amamus propter illud quod non potest amari sine DEO. ut bonitas, justitia, virtus.

Si bonitatem DEI amares, omnes amares in DEO, & velles ut omnes DEUM amarent,

rent. & ad hoc juvares & sollicitareris. Diver-
sus est zelus amoris humani & divini: bonitas humana finita & exigua est, & non
sufficit omnibus; nec potest satisfacere multis, quia singulis minùs respondeat; i-
deò zelus hominum est, ne alij amèt, quod quisque diligit: at quia bonitas DEI est in-
finita, & plus quàm sufficiens omnibus, & amor noster limitatus ut tantæ bonitati ne-
queat satis facere; idcirco zelus divinus est, ut ceteri etiam ament illam, & approbent
nostrum amorem, & coadiutores sint, ut, solvât, & magis satis faciant bonitati, quam æquare non possumus ullo amore. Impu-
denter amas DEVM, nisi velis ut illum amēt omnes: nam debes amare plus quàm te: te autem, cum pessimus sis, vis ut omnes a-
ment; cur optimo DEO minùs desideras?

O infinita DEI bonitas, qui me pessimū & ultimum peccatorem tantoperè amasti, ut non contentus quòd me amares, etiam volueris, ut me amarent omnes, & hoc præceperis, cur non desiderabo ego, ut omnes te ament, & illud ubique curabo? imò obligasti omnes tuo præcepto & sanguine, ut non minori modo me diligerent, quàm quemadmodum tu dilexisti me & quisque diligit se ipsum. Da mihi, ut etiam

hæc exempla amandi servem, ut ego amem omnes. Tu dixisti: Hoc est præceptum meum, ut diligatis invicem, sicut dilexi vos. & iterum: Diliges proximum tuum sicut te ipsum. Tu Domine amasti me, antequam te diligerem: tu Domine amasti me, non propter utilitatem tuam, sed meam: tu amasti me summo amore; nam maiorem hac dilectionem nemo habet, ut animam suam ponat quis pro inimicis suis: tu amasti me amore perseveranti: tu es ille, qui cum dilexisset suos qui erant in mundo, in finem dilexit eos. Hæ sunt leges, quibus me amasti; & debent esse regula, quibus amem alios. O anima, disce amorem ab amore Christi, & dilige velut vitam tuam quos dilexit Christus plusquam vitam suam; & in illis vult à te diligi & coli.

Si Christus æger in lecto (non reputabit in decentiam cogitari languentem pro bono nostro, ille qui verè languores nostros tulit pro salute nostrâ) aut famelicus esset, & alius pauper esset in alio lecto ægrotans etiam, & laborans fame, & consuleres ipsum Christum, utri prius subveniri vellet an sibi, an pauperi, Credo piè responsurum, quòd pauperi; nam & ipse Christus auferret cibum ab ore suo, ut pauperem aleret. Christo igitur

ad p
tur in
non
one; n
ralibus
Eleème
der affi
pro illa
absolve
quanto
etiam a
tas De
posuisti
conced
quemad
amoris
non ex
proxim
diligam
ligam a
qui dile
iniquita
me deb
tate
o

ad praxim perfectissime operandi. 365

tur in paupere servi & cole: si operâ tuâ non potes, saltem oratione. & compassione; non tantum in necessitatibus corporalibus, sed multò magis in spiritualibus. Eleëmofynam factam corpori, quod studet affligere Deus, tantoperè æstimat, ut pro illa promittat cælum, nec aliam causam absolvendi in tremendo die iudicij assignet; quantò majoris faciet eleëmofynam factam animæ, pro qua mortuus est? O charitas Dei infinita, ô amantissime Iesu, qui posuisti animam tuam pro peccatoribus, concede mihi, ut diligam animas eorum, quemadmodum tu dilexisti. Exemplum amoris tui sumâ, ut amem quos tu amasti, non exemplum amoris mei; nec diligam proximum, sicut mei ipsum amavi, nam malè diligam. Me nescivi diligere, quomodo diligam alios? Quomodo me potui diligere, qui dilexi voluntatem meam, qui dilexi iniquitatem? Sed diligam proximum, sicut me debeo diligere, desiderando illi voluntatem tuam, & maiorem gratiam; ut omnes ardentissime ferviant tibi, & adorent in spiritu & veritate.



LIBER QVARTVS.

De ijs, quæ spectant ad ardentissimum
DEI amorem excitandum, & ele-
vationem animi ad divinam
unionem.

CAPVT I.

Quam ingrati sumus DEO.



VAM infelicitè nostrum cor
solicitant beneficia tua, ô Fe-
licitas Beatorum, ut commo-
veat nos ad benevolentiam
parvula beneficentia etiam
pessimorum hominum, imò ferarum, &
non stupeamus & deficiamus amantes im-
mensam beneficentiam naturæ tuæ bene-
ficæ! Quomodo hoc fit, quòd si homo fecis-
set, putaremus ingens beneficium, & eo i-
pso quòd DEVS fecerit incomparabiliter
plus multo non æstimamus benefecisse, nec
gratos esse curamus? An naturam suam
perdit aqua quòd in mari sit, non in exiguo
poculo? an amittet naturam beneficij, quòd
DEVS sit auctor, cujus natura est benefa-
cere? Potius credendum est, aquam esse
quod hauritur è pelago. Calórne, propte-
reà quòd sit in igne, putandus est non cale-
facere;

facere;

ardentissimū Dei amorem excitand: 367

facere ; sed solum ille quod sit in aliena & violenta materiā ? efficacior est ardor ignis, & magis fovet quā calor ligni : sic munera DEI beneficentiora sunt, quā hominum, quia DEI sunt. Bonitatis natura est benefacere, sicut ignis calefacere. In hominibus languidior est beneficentia, quia ab eorum naturā aliena, sicut & eorum propriā solum est indigentia. Purior est aqua in fonte, quā in rivis : puriora sunt beneficia DEI, quā hominum, qui plerumque corrumpunt naturam beneficij. Cur igitur munera amittent privilegium & reverentiam suam quod fiant à DEO ; quæ si facta essent ab vili quolibet homine multò minora, nisi grati essemus, non auderemus securā fronte esse coram hominibus, sed erubesceremus confusi, ut adhuc nostrimet nos puderet, nobisq̃ videremur esse sine honore infames ; & tamen quia sunt facta à DEO, impunè sumus ingrati, atque coram DEO & Angelis audemus sine pudore comparere. Cur dona, quia à DEO veniant, infelicia sint & deterioris conditionis, cum ea solum servant omnes conditiones benefaciendi, & felicissimè nobis subveniant ? Estne ista beneficij infelicitas, factum fuisse à felicitate summa ?

Cur

Cur non amamus te Domine, qui creasti
 penitus nos; & grato animo sumus erga la-
 trones, quia non penitus spoliârunt nos, &
 erga canes adhuc, quia custodiunt nostra?
 cum, quia in necessitate aliqua subvenit, a-
 mamus; & non liquefimus præ amore tui,
 qui dedisti essentiam & vitam creando nos,
 cum nihil fuimus. Quæ major necessitas &
 penuria, quàm cum nihil habebamus, imò
 nihil eramus? Si DEVS tunc subvenit nobis,
 donando vitam & esse; cur non memini-
 mus tantæ eleëmofynæ, cum gratificemur
 ei, qui exiguum subsidium vitæ præstitit?
 Anne major misericordia censebitur opitu-
 lari quo vivamus, quàm dare ipsum vivere?
 Eò majora censentur beneficia, quò oppor-
 tunius conferuntur pro indigentia majori,
 & quæ ultro dantur sine postulationis aut
 desiderij pretio. Quæ major indigentia,
 quàm nihili, quæ summa egestas est? Sum-
 mum igitur beneficium DEVS fecit, summo
 amore dignum, qui occurrit tantæ egentiæ:
 summum beneficium est quod tam ultro
 concessit, cum ex nobis nihilum præcessit.
 Quantum quis magis eget, etiamsi parum
 donetur, pluris æstimatur, quàm cum plus
 donatur minùs indigenti: tu Domine, cum
 summè egebamus in nihilo, non parum de-
 disti,

ardentissimū Dei amorem excitand: 369

disti, sed totum ipsum quod sumus.

Ad calculos veniat omnia hominū beneficia; & quia longum esset recensere singula, consideremus illud, quod omnium gentium iudicio maximū celebratur, & ultra omnem gratiā esse; atque conferamus cum minimo beneficio divino creationis. Clamat & docet natura, nullam gratiam parem reddi posse parentibus: at hi quid dederunt? foetidum corpus, obnoxium peccato, morbis, & omnibus miserijs vitæ huius, ut jam quodammodo melius se gerant parentes erga vermes foetidos, quàm erga filios: nam illos creant non contaminatos culpā, nec obnoxios iræ divinæ; filios verò gignunt maledictos, jam peccatores, dignos morte & carcere. Quomodo Domine immemores tui sumus, & erga te impudentes, cum totum nostrum esse dedisti, corpus in principio idoneum, purū, & innumeris dotibus decorum, animam excellentissimæ naturæ, puram, spiritualē? Parentum beneficium non magni illis stetit; nam de superfluis sibi tantum impertierunt nobis non totum corpus, sed particulam spurcissimi stercoreis, & saniem: tu Domine totos nos dedisti, totum corpus, totam animam puram: quod beneficium non minori tibi stetit quàm omnipotentia tua viribus.

Illud adhuc quod à parentibus habemus, id nobis non dederunt, sed tu per illos. illi solum de se dederunt obligationem culpæ & auspiciū miseriarum. Quod parentes dederunt, non fuit propter purum amorem nostri, sed propter turpem voluptatem suam: tu Domine raptus amore nostri nos creasti. Parentes fortasse inviti nos produxerūt, qui sapē nolunt generare: non fuit officium amoris ipsorū, ut nos gignerēt, & nō alios, quia nec in pōtestate nec in electione eorum fuit: tuus Domine amor me creavit, & non alios; electio tua fuit: tu Domine conspiciens innumeros homines quos creare posses, & tibi melius servirent, me miserum nullis meis meritis elegisti; nec impedivit amorem tuum, prævīdissē me peccaturum adversus te plusquam omnes, & futurum omnium peccatorum scelestissimum & maximum, & magis ingratum, quā Lucifer primogenitus peccati, & Iudas venditor Filij tui, & Antichristus ejus adversarius.

En Domine, in uno beneficio tuo non tantum me totum debeo semel, sed multipliciter me debeo: quomodo alia solvam? Me totum debeo tibi, quia me dedisti totum: me totum debeo, quia in me impendisti tuam omnipotentiam: me totum debeo.

ardet
beo, qu
beo, qu
quia d
quia d
metor
me ing
O Doc
unicu
tem m
benefic
cumqu
& mul
& auge
quotidi
um ace
me effi
bonum
mihi,
tanrum
ut totie
propte
create
minen
redem

Qu
B
n

ardentissimū Dei amorem excitand: 371

debeo, quia non dedisti invitè: me totum debeo, quia dedisti ultrò: me totum debeo, quia dedisti amando: me totum debeo, quia dedisti eligendo me inter infinitos: me totum debeo, quia dedisti prævīdendo me ingratiſsimū super omnes peccatores. O Domine, cui toties totum me debeo ob unicum beneficium, præsta ut saltem partem meam tibi semel reddam ob infinita beneficia: præsta ut cor meum tibi offeram cumque non semel hoc beneficium unicum & multiplex feceris, sed continues semper, & augeas quotidie conservando, totum me quotidie infinities debeo: infinities cor meum accipe, non propter bonum quod in me efficit beneficium tuum, sed propter bonum quod in te efficit ut facias beneficiū mihi, & colligo ex beneficio tuo. Si igitur tantum est minimum hoc beneficium tuum, ut toties propter illud me debeam; quid propter redemptionem, quæ tantò excedit creationem, quantò DEVS excedit hominem? In creatione me dedisti mihi, in redemptione te dedisti, & me restituiſti.

C A P V T I I.

Quòd sint sine numero beneficia DEI.

Benedic adhuc anima mea Domino, & noli oblivisci omnes retributiones ejus.

372 *Lib. IV. De ijs, quæ spectant ad*
sive in inimicos tuos, sive in amicos; sive in
Angelos, sive in pecora campi; sive in Bea-
tos remunerando, sive in dæmones puni-
endo; omnes retributiones Domini, pro-
pria tua beneficia sunt. O DEVS, quàm
immerfus sum beneficiantiâ tuâ! Quidquid
agis, beneficium est, & illud meum bene-
ficio est. Quod agit lumen, lumen est; &
lumen quod unius causa accenditur, non
solum illum, sed omnes illuminat astantes:
sic tu, ô lumen Veritatis, ô natura bonita-
tis; & ideò benefica, nihil potes agere, quod
non sit beneficium; & beneficium quod u-
ni confers, non solum illi, sed omnibus cō-
ferre est necesse. Omne datum optimum,
& omne donum perfectum de sursum est
descendens à Patre luminum; quia velut lu-
mina, tua bona diffundis; quia sine diminu-
tione tui communicaris omnibus, & pro
omnibus. Lumen integrum distribuit cun-
ctis lucem: sine facis jacturâ accendi po-
test alia. Quidquid jaculatur sol, lux est; om-
nes per illam videre possunt, nisi claudant
oculos. Quidquid efficit DEVS, beneficium
est, per illud omnes sibi prodesse & juvare
possunt, nisi sint insipientes & maligni. Sem-
per munera tua, Domine, comitatur ardens
amor, tuus, sicut lucem calor: hoc est
im-

ardentissimū Dei amorem excitand: 373

immensum pretium tuorum bonorum, quod sint obsides & pignora amoris tui: licet lateat visum, patet tamen in effectu benefico. Nam lucem etiam, quam spargit sol, quamvis solum videamus, & non calorem; semper tamen calor cum luce est.

O Pater luminum, quantas tibi gratias agere debeo pro universis univerforum beneficijs, testibus amoris tui, quem præcipuè exosculor & adoro in operibus tuis! Quis non stupeat ingenium tuæ bonitatis, ut omnium sit unum beneficium, & unius sint omnia beneficia; ut privata sint communia, & communia privata? Omnia naturæ opera, omnia mirabilia gratiæ, omnes præciti, omnes beati, beneficia mea sunt. Omnes prosperitates, omnes calamitates hominum, munera tua sunt, quibus me donas & amas. O homo ingratus nōne diligeres Deum toto impetu cordis, si te reum inferni, mortuum in peccato gravi, non damnaret; sed alium hominem meliorem te crearet, & loco tui sufficeret, ut pœnas inferorum pateretur pro te? Plus fecit Deus: taceo quod ipse in se culpas nostras suscepit, moriens pro nobis; illud nunc stupeo, licet minus sit sine comparatione, quod plures voluerit damnare & non misereri, ut te salvaret: nam si

374. *Lib. IV. De ijs, quæ spectant ad*
pauciores damnati videres, minùs timeres,
& fortasse damnareris: si unus aut alter so-
lùm damnaretur. nihil ferè tu timeres, &
quòd certius de te potes præsumere, tu da-
mnareris: si nullus damnaretur. nihil time-
res; & potes putare quòd tu solus damna-
reris. aut, quod pejus esset, multò plus
peccares, & nihil D E V M verereris. Igi-
tur cruciatus & infernus. tot hominum,
beneficium meum est. O lumen cordis,
quantus lucet amor electorum tuorum?
Animalia fecisti propter homines, & ho-
mines damnas propter alios homines
quos ad salutem elegisti. Angeli serviunt
hominibus, imò tu ipse factus homo: quid
mirum, si velis etiam ut homo serviat
homini? Si ad commoditatem vitæ tem-
poralis permittis, ut homo serviat homini,
mancipium hero: ad consecutionem vi-
tæ æternæ, & augmentum gloriæ, præsci-
tum oportet servire electo. Ecce spiritus in-
grate, si tantum malum pœnæ in alijs, bo-
num tuum est, bona quoque aliena, bene-
ficia tua etiam erunt.

Tali arte architectatur Deus opera sua,
ut singula sint universorum bona; & ipsa pœ-
na damnatorum tam bona cunctis est, ut ip-
sis damnatis bona sit: nā cum illa non ha-
bent.

bent malitiam suam meram, sed sentiunt
iustitiam divinam, quæ optima est. Tam
beneficus DEVS est, ut ipsa damna vertat in
beneficia; & quod plus est, ex ipsis malis
culpæ, quæ sola mala est, extorqueat bona,
& interdum majora bona. Tam potenter.
ô Domine, mihi facis beneficia, ut ex pec-
catis, ubi non potes, nec facis, [nam non
potes facere illa, nec juvare ut fiant] majo-
ra beneficia inde facis & potes. Ex peccatis
calles bona immensa elicere, & virtutes.
Lumen in corpus obscurum & densum im-
pingens, in quod nequit agere, ibi reflexi-
one augetur duplicatum, non deperditur
lumen; nec unquam deperditur, & vacat
beneficentia tua. Ex peccato ubi nihil est
benefactum, majus meum beneficium effe-
cisti, incarnationem Filij tui decernens.
Tam ex peccatis meis quàm ex alienis scis
Domine peritè benefacere mihi: quando
audio scelus ab aliquo patratum, doleo
fratris malum; sed inde tibi gratias ago,
quia spero maiorem misericordiam tuam,
aut illi, aut mihi. Gratias tibi ago, quia
inde præparabis magnum beneficium mihi,
nisi ego fiam cæcus nolens lumen videre.

Benedic iterum anima mea Patri lumi-
num, & noli oblivisci omnes retributiones

376 *Lib. IV. De ijs, quæ spectant ad*
ejus: nam omnes sunt illius munera; etiam
illa beneficia, quæ ab hominibus tibi viden-
tur venire, & accipis ab illis: nam si mala &
dura, quæ tibi infligunt homines debes puta-
re venire à Deo; cur bona non putabis ab
illo venire; cujus natura bonitas est, ad
benefaciendum prona? Omne lumen cæli,
licet jaculetur illud stella parvula, & luna
cùm noctu illuminat, quamvis sol non vide-
atur, lumen solis est: sic quodlibet bonum,
& beneficium etiam factum ab homine, bo-
num illud à Deo est, & beneficium illud ful-
gur bonitatis ejus. Hoc unicum est solatiū
humanæ vitæ inter tot misérias, quòd nihil
possit fieri nisi à Deo; & quidquid facit
DEVS aut permittit, non potest non esse
beneficium juxta naturam bonitatis: &
quodcumque beneficium fit, id à Deo fit;
& quidquid à Deo fit, illud est beneficium
meum factum mihi. Dolores corporis, &
miseriæ vitæ cùm patior ego aut alius, fa-
mes communis, morbi, pestes, omnia sunt
mea beneficia, ô Domine, qui propter bo-
num meum affligis alios. O DEVS, quan-
tum tibi debeo, qui ut ego pauperculus ac-
ciperem sanctam aliquam inspirationem,
non dubitas ipsos Reges & mundi Monar-
chas occidere; nec attendis tot Regnorum
lacry-

ardentissimū Dei amorem excitand: 377
lacrymas & calamitates, ut ego inde aliquid
addiscam. Pluris æstimas quòd sanctum
quid rusticus contritus cogitet & sapiat,
quàm vitam & capita Regum aliquorum
coronata, ac populos interdum integros.
Da Domine, ut pro omnibus tibi gratus
sim; & amem pro me & alijs, in omnibus
operibus tuis, ut tu in omnibus beneficijs
tuis me amas.

CAPVT III.

*DEI amor patet infinitus in redem-
ptione.*

O Amor infinite, quomodo exhauriris in
benemerendo de me, cùm nec tibi Ò
DEUS omnipotens, restet potentia quâ
majora opera pro me posses facere, nec sa-
pientia sit reliqua quâ posses excogitare,
nec voluntas possibilis quâ posses optare!
Nullum enim præstantius remedium nostri
generis excogitari aut esse potuit, quàm
incarnatio Filij DEI, quod fuit infinita mi-
sericordia. O immensa beneficentia & a-
moris excessus, cui cessit omnipotentia di-
vina! vicisti Dei artes, & vota illa sacrosancta
& infinita quasi limitasti; quomodo non
vincis infirmitatem meam, suspendis cogi-
tationes meas, & limitas desideria mea, ut

378 *Lib. IV. De ijs, quæ spectant ad*
nihil coner, cogitem, velim, nisi te? Filij, quos
enutristi Domine per creationem, te spre-
vimus: quomodo quos insuper honorasti, &
exaltaſti usque ad consortiũ tuæ Majestatis,
te spernere possumus, & non amare; qui nos
amando, sprevisſti te usque ad consortium
vilitalis nostræ? O Domine, quantum sola-
rium habeo in hoc redemptionis beneficio,
cũ te video afflictum & nostræ miseræ so-
cium, & amatorem! nõne alio modo re-
dimere nos posses, quamvis minore justitiæ
rigore? nõne poteras creare excellen-
tissimum Angelum, excellenti gratiã præ-
ditum, qui pateretur saltem inferni dolores?
nõne poteras ipse, servato stricto justitiæ
tuæ jure, sine tot cruciatibus? At ut totum
nostrum occupares amorem, id fecisti. For-
tasse si noster Redemptor non fuisset, qui
Creator noster; sed alius Redemptor, alius
Creator esset; plus amaremus Redempto-
rem nostrum quàm Creatorem: propterea
tu qui noster Creator es, voluisti Redem-
ptor noster esse & Salvator, & totum nostrũ
amorem in tuo corpore pati; atque ut evi-
denter pateret tuus amor, non sufficientiam
redemptionis & æqualitatem attendisti, sed
refusè & exundanter, ut in eo videremus
amorem, qui modum nescit.

Qui

Qui omnia fecisti in numero, pondere, & mensura; cur tu auctor naturæ, in qua nihil superfluum & superabundans fecisti, in redemptione quasi turbasti omnia? Extra te & morem tuum abstractus, nullum numerū observasti cruciatuū, nullū pondus pretiosi sanguinis tui attendisti, nullā mensurā satisfactionis necessariæ. sed superfluente Cruore tuo superabundanter redemisti. sine mensura omnia faciens. Certè quia arbiter tanti operis immensus erat amor, & in hoc opere voluisti velut visibilem amorem tuū facere. cum nos increduli non crederemus ex alijs operibus & beneficijs. Sed jam quoniam hoc voluisti, non es alius atque antea eras: ordinem servas in omnibus operibus tuis; mensuram quoque hīc servasti, sed in eo quòd fecisti omnia sine mensura, quia amor tuus sine mensura est, nec aliter adæquatio esset. Sic video hic infinitatem tuā, cum sine modo & proportione te hic geras. Hoc beneficium evincit meum amorem, quia convincit te amantem esse: ex ceteris beneficijs conicio te amare, in hoc video. Cetera beneficia non obstant, quin aliquis putet sine minimo adhuc amore facta; de hoc nemo potest suspicari, nisi cum amore immenso effectum. Cetera etiam si fierent

380 *Lib. IV. De ijs, qua spectant ad*
non amando, indemnitas Majestas esset tua,
& saluum decus divinum: istud non cense-
tur consentaneum, servatâ auctoritate di-
vinitatis factum sine amore fuisse. Cetera
facta absque dilectione, digna etiam essent
laude & reverentiâ: at istud, si non fuisset
amoris causa, indecorum videretur, non di-
cam Deo, sed homini, dignum vituperio &
contemptu. At quia impossibile est, te fa-
cere indignum aliquid, evidentissimè me
cognosco amari. Regium esset, etiam eos
qui non amarentur alere, servare, locuple-
tare, & quidvis benefacere; dignum esset id
Majestate supremâ: at si Rex summus se ad
vilia deiiceret. cum lixis, coquis, & servis
stabularijs conversaretur, convalesceretur eo-
dem habitu indutus; quis non contemneret,
& insanire putaret? solum illum excusaret
vulnus amoris, si corde percussus ad tem-
pus id fecisset, ut artificio illo amatæ perso-
næ amorem conciliaret, aut aliquid isto
stratagemate in obsequium dilectionis ten-
tasset. Hoc privilegium amor habet, quod
ipsi Philosophi fatentur, ut infamiam num-
quam contrahat, & omnem notam aboleat
eorum, quæ si facta sine amore essent, tur-
pia & indecentia putarentur; amor tamen
vertit in merita, & infamiam transformat
in

ardentissimū Dei amorem excitand: 381
in gloriā. Nihil Domine indecorū tuæ Divinitatis facere potes: quare ōnia fecisti me amando cū exinanitus auctoritate tuā ad vilissimæ creaturæ consortium te demisisti.

Hoc evidētissimum pignus amoris divini serva anima in corde tuo, humilitatem divinam; quæ summa gloria est ex prerogativā amoris. Amor excusat Majestatem DEI; amor exaltat humilitatem DEI. Amor hic extorquet amorem meum: ignis ignem accendit: amor amorem suscitāt: amor tuus, ō Domine, me accendat ad amandum te. ignem venisti mittere: sed numquid Domine non poteras absque adventu tuo & incarnatione mittere? quid opus erat, ut fieres homo, ut accenderes homines? an quia ignis non efficit nisi in coniunctam materiam? Ignis enim in suæ naturæ puritate, & sphaerā circa cælum dicitur non urere, nec ullam materiam solidam accendere; necesse est, ut in aliena materia sit, & fiat visibilis: sic tu Domine in sinceritate purissimæ tuæ naturæ tametsi amor es, & ignis comburens, non ita accendebas homines, nisi factus homo; ut ignis cœli non accendat lignū, nisi cū ignis factus est in ligno, aut aliā crassiori materiā quā ætheris: alia ligna tunc accendat cōspicua jam & visibilis flam-

382 *Lib. IV. De ijs, quæ spectant ad*
flamma. Tuus amor visibilis, cum factus es
homo, non potest non accendere, & urere
homines.

Magnum beneficium creditur, quod præ-
venit preces: cum absque illarum pretio in-
dulgeatur: majus sic careat spe; placidius
enim insperata bona accidunt: maximum, si
præoccupet vota: nihil enim gratius &
magis ultrò, quàm quod sine impendio de-
siderij datur; jam quale erit quod prævertit
opinionem? quale erit, de quo opinio dis-
fideret? Tale hoc tuum beneficium, & in-
opinabile Sacramentum redemptionis; quàm
si quis postularet, antequam manifestaretur
hominibus hoc modo quo facta est, preces
blasphemiarum crederentur, spes insana teme-
ritas, votum sacrilega voluntas, opinio im-
pietas. Donum inopinatum gratissimum
est: quantum erit, quod est inopinabile?
concessit beneficentia tua, quod opinio in-
digentis negaret.

Sed supra omnia me movet in hoc be-
neficio frons & titulus amoris, qui est mu-
nerum valor & pretium: omnia dona testi-
monia & auctoramenta amoris sunt. Quid
magis fide dignum quàm hoc? non ex quan-
titate, sed ex argumento dilectionis capiunt
quantitatem munera. Immensa hæc gratia,
quæ

ardentissimū Dei amorem excitand: 381

quæ ut sit beneficium & non dedecus, in fronte gestat amorem DE I immensum. O Domine, si tibi debeo me totum propter creationem; quantum debeo huic amori tuo? Fateor debere plusquam me ipsum; quantò me major tu es, qui pro me dedisti te ipsum. & toties dedisti nascendo, vivendo, moriendo, resurgendo, & per sanctissimum tuum Corpus alendo. Fac, ut totum quod tuum fuit creatione, & restauras redemptione, faciam ego totum tuum amore. Pro minimo beneficio tuo, si per totam æternitatem, ut referrem gratias, paterer universos inferni cruciatus, nihil satisfacerem; quia ab amore tuo infinito procedit, omnem infinitatem create retributionis excedenti infinitè: quid faciam pro tot & tantis, & præcipuè pro isto, in quo obijcis mihi lucem clariùs amorem tuum infinitum?

C A P V T I V

Quàm meritò sit amandus Deus, præcipuè propter se.

DInumerabo jura quibus amorē meū iustissimè exigis & injustitias teporis & ingrati tudinis meæ. Te, amabilissime Dñe, debeo ardentissimè amare, & quia bonus es, & quia amans es; & quia benefactor es,

&

& quia benefactor meus es; & quia factor es, & quia tolerator mei patientissimus es.

Tam bonus & pulcher DEUS in se est, ut licet non amasset nos, nec benefecisset, nec fecisset, amandus esset supra omnes amatores, benefactores, & conditores nostros: imò etiamsi odisset nos, & malefecisset; expiaret enim illa infinita bonitas & venustas omnem injuriam, multò magis quàm expiat ejus beneficentia. Nónne si DEUS antea odisset te & insensus in te peccasset, & nocuisset, ignosceres & amares, propter satisfactionem quam fecit, tot beneficijs, ut nec Filio suo parceret, sed pro te traderet morti, orbitatem, quæ maximus dolorum est, hauriens? Facienti beneficium dimittere injuriam & ignoscere oportet; nam beneficij vis debet extinguere vindictam & iram: at cum tot Dei merita antecedant, plusquàm veniam mereretur. Si ergo beneficentia Dei sufficeret, ut purgaret omnem injuriã; multò magis causa beneficentiæ bonitas ipsa, quæ nobilior est & satis efficax, ut commendet omnia damna illata & injurias à DEO. Plus est bonitas DEI quàm beneficentia, quia hæc ab illa procedit, & à causa potius degenerant effectus. Quidam dixit de malemerenti homine: Nihil boni à te accipi,

accepi, sed plurā à te mala; tamen non possū non te diligere. O Bonitas vera, potius de te quā de simulacro tuo luteo dicam: Non possum non te diligere, etsi nihil boni à te accepissem, imò etsi multa mala sustinuisssem: quid dicam modò, cū sine modo me ames, & sine numero benefeceris?

Amamus aliquando viros, quos numquā vidimus, nec audivimus, nec illi cognoscunt nos nec amant, sed ex sola fama probitatis diligimus; cum quibus esse & conversari gauderemus, eorum conspectu lataremur, & commemoratos reveremur: anne DE I bonitas indigna est, quibus digna habetur humana? Tanta potuit probitas hominum esse, ut per se ametur sine obligatione pietatis; quia nō sunt parentes, sine obligatione gratiæ, quia non sunt benefactores, & sine obligatione amoris, quia non dilexerunt nos; & non erit auctoritas divinæ bonitatis sufficiens per se amoris? Quis non movetur benevolentia aliquā erga Jonatham, ob fidelitatem amicitia, absque æmulatione paterni Regni? aut non afficiatur erga Davidem, ob benignitatem ejus, qui absque invidia imperij pepercit vitæ inimici Saulis? & quis non inclinēt cor erga Judam Machabæum, ob amorem patriæ & legis? cū

nec cognatio horum, nec favor voluntatem
 sollicitet, sed sola virtus. Sûntne fortasse vir-
 tutes divinæ impuriore, aut degeneres?
 Compone hominem ex maximorum virorû
 docibus, totum ex miraculis compactum,
 qui haberet Sapientiam Salomonis, forti-
 tudinem Samsonis, pulchritudinem Absa-
 lonis, fidem Jonathæ, mansuetudinem Da-
 vidis, fortunam Iosue, & erga suos amorem
 Moysis, quis non cuperet illius amicus esse,
 aut loqui semel, aut saltem videre? quàm
 contemnendi gustus esset & ab omnibus
 damnandus, cui non placeret ejus hominis
 familiaritas etiam absque spe lucri? O im-
 mense Deus, tu es manipulus omnium bo-
 norum, & totius bonitatis fasciculus; quo-
 modo te non amamus, nec desideramus fa-
 miliaritatem tuam? O Domine, qui ob
 solam bonitatem tuam non te diligit, quàm
 malè gustat, quàm vilis est, quàm insipiens?
 qui illam solam non satis miratur, quàm ri-
 diculus est? fingamus creatos nos sponte
 nostrâ fuisse, & audisse de quodam DEO
 in alio mundo eâ quæ de nostro DEO cre-
 dimus; quis non cuperet habere talem
 Deum, & miraretur, atque amaret bonita-
 tem & facta illius erga homines illius sui
 mundi, quibus meritò invideremus? Non
 igitur

igitur propterea quod nos creaverit, minuta est bonitas ejus, nec debet diminui admiratio, & erga illum amor.

Maximus quoq; titulus, ut amemus DEVM, est esse amantem. Nullum pharmacum est efficacius amoris quā amor: in viros improbos inclinamus affectum, eo tantum nomine quod ab his videamur diligī, & à canibus amari gaudemus: licet Deus non bonus esset, nec benefactor, nec factor nostri, quia amat, amandus esset maximè quia tam ardentem amat. Cujus amoris magnitudo ex doni magnitudine colligitur: qualis amor, per quem sic dilexit mundū, ut Filium suū unigenitū daret? O homines, quid miramini, nisi stupefcitis hoc, quod Deus vilissimā creaturā, tam tenero corde & affectuosè amet?

Sed demus etiā, quod Deus non amasset nos, nec fecisset, nec benefecisset nobis, saltē quia alijs benefecit, deberemus amare. Si facta justa hominum etiam apud extraneos & barbaros merentur laudem, & extorquent benevolentiam, an rot DEI beneficia minus merebuntur, quia majora, quia immensa, quia plura sunt? Probus & beneficus à quovis amatur, etiam non experto liberalitatem ejus: sed etsi Deus nullum erga alios egregium opus fecisset,

quia in nos tot beneficia contulit, etiamsi id non fecisset amando (quod nequit fieri sine aliquo amore) deberemus amare. Inò quantumvis non bonus, nec amans, nec bene factor nostri aut aliorum esset (quod impossibile est,) eo dumtaxat quia fecit nos, venerandus & diligendus esset. Parentes etsi improbi, etsi non nutritissent nos, colendi & amandi sunt: pro Rege legitimo, etiamsi iniustus & scelestus sit, milites fundunt sanguinem: **DEVS** Pater rerum est & legitimum mundi caput.

Neque levis sagitta amoris est patientia **DEI**, quâ nos in ipsum impudentissimè delinquentes tolerat & ignoscit. Iram inimici vertit in benevolentiam patientia ejus qui peccavit & nocuit, dum sustineat animadversionem, aut paratus sit ab inimicos ultionem & pœnas iniuriæ admittere, siue reum se fateatur: quomodo patientia iniquè offendentis extorquet benevolentiam irascentis justè, & nò patientia offensi & iraturi justè impetrabit amorem offendentis iniquè? **O Domine**, quanto jure amorem meum flagitant mea ingratitude & tua venia! sed hic minor titulus accedat, patrem meum esse; accedat, benefactorem esse meum; accedat, beneficum in omnes esse:

quan-

ardentissimū DEI amare excitand: 389

quantum te debeo amare ob tot innumera
& immensa de me merita & facta?

Sed adhuc non majores hi tituli licet singuli, ex actores severi sint mei amoris: multò magis te debeo amare ob solam benevolentiam tuam, quā me amas, quā ob beneficia tua tot & tanta: nam illa est horum causa, idè æstimabilior: & restat amor tibi, ut si opus esset, duplicares beneficia, & sine numero multiplicares, si ad meam salutem non sufficerent quæ redundant modò. Amor tuus non tantum æquivalet beneficiis factis, sed possibilibus, si alia possibilia majora essent; & in se claudit omnia illa; imò, si dici fas est, beneficia impossibilia: nec enim terminos suos stringit facultate verus amor, sed confictis votis: quæ quamvis in Deo non sint ob perfectionem & omnipotentiam suæ naturæ, non est proinde diminutus excessus sui amoris; sed æquè debemus illi, ac si essent. Major itaque titulus unus amoris est amor DEI, quā innumera sua beneficentia: continet enim ille beneficia omnia & facta, & possibilia, & impossibilia, si aliqua Deo essent.

Adhuc tamen alia est causa major amandi DEVM: nam si ob amorem DEI plus debemus illum amare quā ob beneficia,

390 *Lib. IV. De ijs, qua spectant ad*
quia hæc sunt effectus illius & scintillæ ma-
gni incendij divinæ charitatis; multò magis
debemus amare ob bonitatem ejus, quia
hæc est causa amoris. Quanta bonitas est,
tam inmensi amoris mater, & stirps tot be-
neficiorum. Imò Bonitati divinæ debemus
non tantum amorem incredibilem, nisi
solum fide, quo nunc nos amat; sed etiam
amorem, quantum ad nos, quo nos ama-
ret, si nos meliores fuissetus, & minus ingra-
ti, atq; capaciores proinde majoris dilectio-
nis. Non tantum debetur bonitati DEI
unus infinitus amor DEI, sed quasi infiniti
amores infiniti DEI. Quare quia bonus est
in se DEVS, plus debemus amare quam
quia nos amat & benefacit. O Domine,
amo te ob tua beneficia, quia in eis video,
exosculor, & amplector amorem tuum: &
ob amorem tuum te amo, quia in illo in-
tueor, adoro, & diligo bonitatem tuam.
Amor DEI, una perfectio DEI est: restant
aliæ, ob quas amabilis est quas omnes con-
tinet bonitas & perfectio divina infinita, in-
finitis titulis amabilis. Nescio, Domine,
quomodo intermitteri & desinere potest a-
mor tui in corde meo, cum tu infinitus ab-
eterno ita nos incessanter amaveris solâ
bonitate tuâ.

CA-

C A P V T V.

*Quomodo bonitati DEI non possimus
satisfacere.*

Quāntum deficiō, Domine, considerans
bonitatem tuā, quā nec potest scribi,
nec dici, nec cogitari? Si omnes spiritus celi
& inferni, & animæ creatæ & creandę, de ea
scribere vellēt, & si singulis atramentū esset
mare, atque membrana cælum, antequam
minimam ejus partem commemorarent,
maria exsiccarentur, & cœli nec unum api-
cem ampliùs accipere possent. Si cunctæ
stellæ & imbrium guttæ forent linguæ, ante-
quam aliquid congruum de ea dicerent,
desituerentur spiritu, & obmutescerent: si
omnes arenulæ maris in mentes mutaren-
tur, non possent particulam ejus dignè con-
cipere. Sed quid ago, cū audeo his com-
parationibus bonitatem tuam declarare?
Fateor, ô DEVS infinite, ridiculas esse has
omnes exaggerationes, quamvis sint gravis-
simorum Doctorum: ridiculæ sunt omnes
ad explicandum illam, & in se ipsas peccant,
& ridiculus erit, si quis eis sperat explicari
quidquam competens posse. Timeo, Do-
mine, dum laudare volo magnitudinem
bonitatis tuæ, ne insultem, Nonne qui vel-

392. *Lib. IV. De ijs, quæ spectant ad*
lect sapientiam Salomonis exaggerare, illu-
deret potius, si diceret; Tanta est Salomo-
nis sapientia, ut de ea non posset scribere
mancus, nec narrare mutus, nec satis judi-
care amens? Si hæc commendatio esset ir-
risio, minùs sunt ad rem illæ comparatio-
nes respectu bonitatis tuæ, ad quam manca
est omnis creatura, muta & insipiens. Ego
Domine, in simplicitate ignorantia meæ te
velim amare; & patienter feram, non intel-
ligere clarè quomodo sis, quod in hac vita
non possum: & quamvis nihil pro dignitate
de bonitate tua capiam, in eo quòd de illa
præsentio obscurè & ruditer, me consolor,
te esse magis bonum, quàm ut umquam
possis æquè amari: consolor me, Domine,
quòd etsi nos non creasses, nec nobis bene-
fecisses, nec amasses, sed odisses, ut saltem
ego mereor; imò etsi impossibile esset,
quòd benefaceres nobis, & repugnaret,
quòd ita amares nos; nihilominus ob uni-
cam perfectionem & bonitatem tuam, &
inæstimabilem perfectionem, non posses
fatis diligere. Quamvis omnia folia arborum
& herbarum, stellæ cæli, arenæ maris, ato-
mi solis essent corda, imò etsi essent arden-
tissimi norum Seraphinorum voluntates, imò
etsi omnes illæ & cunctæ reliquæ creaturæ
pos-

possibiles essent singulæ Seraphinorum Hierarchia, cujus amor in singulis instantidus duplicando semper multiplicaretur, per totam æternitatem, nihil esset cunctorum amor, ut satisfaceret bonitati tuæ, imò pudor esset; nec dico, ob totam tuam bonitatem congruè te amaret, verum nec ob solam patientiam, quā me suffers non modò peccantem graviter, sed languidè & cum defectibus amantem tantum bonum.

Sed in hoc me consolor, quòd licet non, satis ameris, non etiam satis amari possis à creaturis. Accipe, Domine, pro parte meæ vilem stipem amoris in votis: amorem creaturarum non omnium etiam possibilem collectum tibi offero: ego ipse solus universarum amorem, quem cunctæ per æternitatem habituræ erunt, vellem habere in singulis instantibus, & adhuc verecundari & erubescere deberem. Parce, parce, humillimè precor, magne Domine; nec injuriæ veritas hæc mea pusilla vota & desideria; sed ea excuset coram te infirmitas mea, & magnitudo tua. Accipe hoc desiderium meum, quod dignè nequit dici amor te dignus: accipe & cruciatum meum, quo doleo non omnia te amare: doleo tot animas sponsas tuas per fidei arrhas, tot alia hominum

324 *Lib. IV. De ijs, quæ spectant ad*
corda idonea ad diligendum te ardentis-
simè, qui Reges mundi, cæloque sublimiores
possent esse, jacere in fimo suo, & perire in
se diligendo se. & hæc caduca & horribilia
bona terræ, & non te, ô pulchritudo rerum,
& amor universi.

C A P V T V I.

*Quàm magnum beneficium gloria
speremus.*

V Sque eò est DEVS bonus & beneficus,
ut patiatur nos non æstimare sua be-
neficia & bona nostra. Anguntur & labo-
rant homines per totam vitam, ut obtine-
ant bonum aliquod temporale, ac demum
frustrantur, nihil aut parum consecuti: quo-
modo cum minimè sint solliciti, imò nec me-
mores vitæ æternæ, putant se illam conse-
cuturos? Bona quæ habent præ manibus,
summis conatibus non adipiscuntur; & bo-
na reclusa & distantia in cælo putant è ter-
ra sine labore comprehendere: pro levibus
bonis ingenter affliguntur; & pro ingenti
bono, nec leviter afficiuntur dignè. Qui
fieri potest, ut tam ridiculè & stupidè aga-
tur cum serio solum gaudio & stupendo il-
lo bono? O humillima Majestas DEI, cum
hoc ultimum amoris tui miraculum consi-
dero.

ardentissimū DEI amorē excitand: 395

dero, deficio & stupeo; quando in cena
gloriæ transiens ministrabis nobis.

Quale istud bonum, cuius non decebat
ob magnitudinem DEVM liberalem omni-
no esse, sed expectare pretium virtutis, &
obsequia nostra, quamvis ista sint etiam be-
neficia divina. In creatione & redemptio-
ne inopinatò benefecisti, præveniens vota
& cogitationem humanam, sed ad gloriam
conatus & officia nostra cum tua gratia ex-
pectas. Proh quantæ magnitudinis erit
bonum, quod retardat plenam beneficen-
tiam divinam præ magnitudine sua, & ope-
ram nostram expectat & laborem! quod &
carè vendit DEVS, cùm amicus sit dandi
omnia alia gratis: vendidit Laurentio pro
adustione, Paulo pro capite. Felicitati pro
filijs, Petro pro morte crucis. Imò ut tam-
carè posset vendere nobis, carissimè emit i-
pse: crucis nempe ignominia, & suâ morte.
Cetera beneficia contulit DEVS & impen-
dit, ut hoc bonum vellemus, & consequere-
mur; quantum erit, pro cuius voluntate
tanta DEVS dedit & fecit? & tamen cor
nostrum non satis attollitur, ut desideret il-
lud. Si DEVS tam varia molitus est, ut
gloriam cuperemus, quantoperè nos de-
bemus conari, ut illâ fruamur? Si tanta fecit

DEVS

DEVS & passus est ut gloriam legitimè daret; quid debemus facere, & pati, ut accipiamus? Stultissimum est, putare posse nos sine labore consequi gloriam, cum DEVS tantoperè laboraverit ut daret. Nihilominùs duplicato peccamus in hoc dono, quàm in alijs, ingratitude, &, quod peius est, contemptu, quod nolimus consequi, propter quod, ut consequamur, tot sumptus, imò omnia fecit Deus. De reliquis beneficijs ingrati sumus, hujus etiam contemptores, dum toris viribus, & spiritu non anhelamus ad illud: sed momentaneam voluptatem præferimus negotio sæculorum.

Quid concupiscimus? cujus satagimus, nisi avarissimi sumus gloriæ? Nundinæ æternitatis momentum fit. Si terra capacissima respectu cæli finiti punctum est? quid erit angusta vita hominis respectu æternitatis infinitæ? & nihilominùs possibile est, ut vacet tempus consecutioni & desiderio gloriæ. Si Deus pauperrimo alicui, demonstratis thesauris auro plenis, ita loqueretur; Mille anni vitæ restant tibi, nihil habebis ad sustentationem & victum commodum tanto tempore, nisi quantum ex his thesauris extraxeris per unius horæ spatium; forsanne pigeret, aut moraretur in ludo aliquo, aut dormi-

dormiret interim in illa hora? Quid torpe-
mus? æternitas restat nobis, nec licet com-
meatum ævi parare nisi in tempore vitæ
hujus brevissimo: cur suspendimus sanctam
hanc ambitionem, & otiosi sumus? Minus
sunt mille anni ad æternitatem, quàm mo-
mentum ad mille annos: quid erunt decem
aut viginti anni, qui ad summum reliqui sunt
tuæ vitæ, respectu æternæ durationis? Quid
cessas benè operari? à te vita fugit, ad te
mors currit, manet æternitas: & nihilo-
minus negligis congregare divitias æternas.

Quam molestum iter fecit Regina Saba,
ut videret semel Salomonem, non ut ma-
neret cum eo, sed rediret statim? E longè
diffitis regionibus veniunt aliqui, ut homi-
nem insignem videant: quantò magis, ut
Deum in sua Majestate vel semel videremus,
longos conatus præmittere deberemus? Si
daretur ut, absque alia diligentia pedibus
veniremus ad gloriam post mille annos, &
cæli iter pedibus pervium esset, nemo est
qui recusaret professionem. Commodius
tibi restat iter ad cælum; non ultra domum,
imò nec lectum, opus est pedem emittere:
cur non audemus omni conatu aspirare ad
vicinum bonum? Superatur mare ob solum
fulgorem unius lapidis aut metalli; & tor-
pemus

stemus ad claritatem DEI, nec infinitum bonum pretio adhuc laboris solius taxamus. Sed quid jacto æternitatem? etsi gloria non esset æterna, sed momentanea; tanta superfluit ejus boni magnitudo; ut æternitas patiendi, non deberet nimium æstimari, si vel per unicum momentum illam frueremur, videntes in uno instanti Deum.

O quale erit quod DEUS paravit amicis suis, si hostibus suis se ipsum præparavit & dedit crucifigendum? Quale erit quod tanti DEO stetit, quod tanti sumptus fuit illi, non minoris, quam vitæ auctoritatis, passionis, omnipotentia suæ. Si admiramur ea quæ fecit DEUS in usum hominis: cælum, siderum motus, animalium naturam; quale erit quod fecit DEVS ad ostentationem suæ Majestatis? Si unius oculi artificium, etiam fœdissimi pecoris aut jumenti, stupemus; quid erit quod oculus non vidit, nec auris audivit, neque in cor hominis ascendit? Si hunc mundum, tuguriolum Adami, ergastulum peccatorum, caveam brutorum, tam admirabilem fecit DEVS, ut ad ejus considerationem extra se aliqui Ethnici in ecstasin raperentur; quid erit domus propria & aula DEI? Quantum distat stabulum fetidissimum à palatio maximi Regis or-

nato

ard
nato l
pidib
bracte
caloru
crede
gancia
spectu
tudo
hæve
stupu
mitas
lit rep
talia su
aterno
Domi
dum f
dilige
ens. S
non ad
placet
affecta
orbis r
vocis;
& obse
habuit
te pati
Si c
gnitue

nato lacunaribus aureis, pavimentis ex lapidibus pretiosis, parietibus locupletissimè bracteatis? imò quantum distat pulchritudo celorum ab horrido & tetro carcere? Plus crede distare sedes Beatorum ab elegantia hujus universi, quæ horror erit respectu illius. Plus distat tota hæc pulchritudo hujus orbis à sede Beatorum, ut tota hæc venustas, ad quam præ admiratione stupuerunt Philosophi, horror sit & deformitas. Si cælum & natura, quam DEVS velut repentè fecit, & tam facillè ac est dici, talia sunt; quale erit, quod præparavit ab æterno diligentibus se? in naturæ donis, ut Dominus se habuit DEUS: imperando mundum fecit: at in gloria ut servus transiens & diligens ministrando, quasi placere cupiens. Si pulchritudo mundi visibilis, in qua non adeò studuit DEVS placere, tantoperè placet; quomodo placebit in quo DEVS affectavit placere & obsequi? Univerfus orbis nullius sumptus DEO fuit, nisi unius vocis; verbo fecit illum: at gloria servitio & obsequio suo diligentissimum & sollicitum habuit; imò opprobrijs, passione, & morte patientissimum.

Si centum annos vacares cognitioni magnitudinis gloriæ, & magnum aliquid concipe-

400 *Lib. IV. De ijs, quæ spectant ad*
ciperes illius, posses reputare nihil te inve-
nisse, sed tam longè abesse ejus intellectu,
ut nec de illa putes conjectura suspicatum
fuisse quidquam dignum. Sed adhuc in levi
suspensione gloriæ attolle te ad januam celo-
rum; intueri, quàm proximè possis, aper-
tum cælum, & inde simul despice in terra
excellentiora & pretiosiora sunt: confer in-
de utriusque bona, si fortè apparebunt ter-
rena. Mirare tot studia hominum infelicia,
ut sordes terreas seu nihil consequantur; &
otium ac torporem, ut vero bono fruantur.
Vide inde è fastigio siderum vacuos labo-
res mortalium, certa pericula ut in certum
bonum obtineant. Tu verò Dominum audi
invitantem; Veni, posside Regnum meum
& divitias divinas. donum certissimum sub
fide divina promissum, & commendatum
diligentia & morte Christi, & votis divinis.
Vbi est ambitio nostra, ubi cupiditas, nisi
se explicet & profundat in hunc gaudiorum
campum, & verarum divitiarum thesauros?

Gloriosum me putarem, si consors fuis-
sem ignominiarum Christi: qualem me pu-
tabo cùm gloriæ ejus fiam particeps? Si
ignominia IESV est gloria; qualis erit glo-
ria DEI? Si opprobrium crucis ita magni-
fecit, ut super Imperatorum capita extule-

rit;

rit; si tormenta sua ita honoravit; quantum honorabit & efferet fideles suos, & amicos? Si ossibus Sanctorum concedet inter nos majorem gloriam, quàm habent omnes Imperatores; quantam concedet apud se animabus? Vis suspicari ruditer magnitudinem gloriæ, quantum excedat nostros labores? metire quantum cælestes globi excedant terram: punctum hæc est respectu primi cæli; primum cælum, respectu ultimi, aliud punctum, seu potius nihil; in cujus ambitu uni digito spatij terræ respondent in cælo millia millium miliarium. Idem est auctor gratiæ & naturæ, qui plus voluit excellere munera sua in cælo laboribus nostris in terra.

Impleat te semper hujus expectatio tanti boni. Quæcumque bona videris in terra, despice, cogitans statim alia infinitè majora te habiturum in cælo. Quæcumque mala conspexeris, non timeas, sperans te his omnibus in æternum cariturum. Quæcumque tibi eripiantur, ne doleas, credens per patientiam æternis thesauris concludenda tibi in deposito. Quæcumque contempnas & reliquas Dei amore, ne te arbitreris perdere, æstimans ea non solum servanda, sed centuplum reddenda. Ne laborem tran-

402 *Lib. IV De ijs quæ spectant ad*
fitorium fugias, qui speras immobile bo-
num. Qui deberes desiderare pati, ut con-
formareris Christo in Calvariae monte, sine
spe descensus à cruce; ne reiicias patienti-
am, ut conformeris Deo in gloria, cum cer-
ta spe ascensus ad tantum gaudium. Quo-
modo torpemus, si hoc ita esse putamus?

Quomodo æstimamus terrestria, si credi-
mus esse cœlestia? Fortasse non bene cre-
dimus. Vis scire, quomodo corde & sensu
intimo non ita credas, quemadmodum o-
re dicis credere, maxima esse bona cœli? Si-
res tux & fortunæ mille auri pondo consta-
rent; nonne dares omnia, si crederes posse
indè lucrari & augere centū millia? at quo-
modo credimus esse majora bona cœlestia,
cū pro eis adhuc moniti non daremus li-
benter, quæ ultrò & cum gaudio dantur pro
terrestribus? Pro vili mercede operarius
per totum diem laborat; miles millicies ex-
pectat mortem pro Regno alieno; & no-
pro Regno cœlorum, ut fiat nostrum, &
pro gloria Dei unâ horâ aliquando non
possumus vigilare & orare benè cum Chri-
sto. Spernamus vilia & exigua ut accipia-
mus immensa. Non est tanti accipere par-
va quàm expectare maxima. O amato-
& desiderator Dei, desiderata & anhel-
ad

ardentissimū Dei amorem excitand: 403

ad tantum bonum. Sed nequientem tuam & commodum tam respicias, quàm quòd ibi securè amabis DEVM; & quò plus gloriæ habebis, plus diliges. Gratias ago tibi Deus veritatis, quòd præmium laborum nostrorum copulasti cum amore tui & voto voluntatis meæ, quod est amor tuus.

C A P V T VII.

De mortis tolerantia.

Q Vantum vincit beneficentia tua, Domine, spem & opinionem humanam, cum ea ipsa quæ putant homines summum malum & pœnam naturæ, sint fidelibus ingens beneficium? Horribile malum putant mori, quod est magnum bonum, sine quo non veniemus ad omne bonum. Stultè refugis ô mortalis, mortem quam vitare nequis; & non times reporem & culpas tuas, quas vitare potes. Nam nihil mali mors habet nisi quod dedit vita: peccatum Adami fecit mortem, nec tantum potuit ut eam faceret malam: hoc damnum dumtaxat est peccati tui. Fuge peccata, & negligentias; & desiderabile erit mori.

Mortem animæ cum mala sit, & vitari possit, non timent, nec curant homines vitare; mortem carnis, cum non sint mala, &

464 *Lib. IV. De ijs, quæ spectant ad*
vitari nequeat, curant effugere mortales,
quam debent desiderare, nec huic inimico
mundo hære. O insania hominum, qui
in præceptum Christi de inimicis diligendis
colludunt, non alium amando nisi mundum
qui nos odit, & inimicus est. Cur amamus vi-
tam istam currentem, quæ fugit nos, & non
amamus vitam permanentem quæ expe-
ctat nos? Cur sollicitamur de vita tempora-
li, quam retinere nequimus; & negligimus
vitam æternam, quam obtinere valemus?
Vitam æternam si volumus habere, possumus;
vitam temporalem etiam si nosimus,
amitemus: & tamen non faciunt utiliter
homines pro vita æterna, quod inutiliter
pro temporali laborant: illam non deside-
rant, & hujus mortem formidant, quasi
malam.

Magnum inventum etiam misericordiæ
DEI est mors: nam aufert omnes nostræ vi-
tæ ærumnas; tollit æternitatem miseriarum.
Quam miserabile esset, si æternum has ne-
cessitates haberemus surgendi quotidie,
accumbendi, manducandi, tolerandi fri-
gus & calorem, laborandi, ægrotandi,
quærendi victum, augendi nos curis, pati-
endi injurias, occupandi nos semper inmu-
njs vilibus & laboriosis? Quam miserum
esset.

ardentissimū Dei amorem excitand: 405.
esset, si hic bajulus, alter agricola, ille faber,
iste subditus per totam æternitatem foret?
Plerique pessimi desiderarunt, & conscive-
runt sibi mortem, ut fugerent miseras istas:
saltem non formidetur, ut veniamus ad fe-
licitatem futuram, & ob utrumque non mo-
lestè feratur. Clementissima indulgentia
DEI postquam vidit per peccatum Adami
casuros nos in hac molestam vitam, exco-
giravit pro bono nostro consilium morien-
di, ne perpetuæ calamitates forent, copu-
lans in eadem re supplicium & beneficium,
justitiam & misericordiam. Ideò quia tan-
tum bonum est mori, proprium & securum
beneficium bonitatis suæ, voluit esse inde-
pendenter ab ullo arbitrio humano aut ini-
mici odio. Nam quamvis vitam quivis pos-
sit tibi auferre, nemo, nec omnis violentia
Regum auferet tibi mortem. Hoc pro-
prium est rerum optimarum, esse extra hu-
manam potentiam, nec alieno arbitrio
posse eripi. Si in uno periculo & labore
quis esset, gauderet, si inveniret modum
evadendi illum: cur dolemus & timemus
mortem, quæ janua est, quâ effugimus
omnia pericula & labores vitæ. Pro gloria
mundana plures appetierunt mortem;
pro gloria cœlesti ne timeamus.

O DEVS immortalis, qui natus es non ad vivendum; nam vita æterna eras, ut modo es; sed ad moriendum mortem mortalissimam & acerbissimam pro me: cur ego mortalis ægrè moriar ad vivendum vitam vitalem æternam & jucundissimam tecum, & pro voluntate tua? Nescio cùm desiderare debeat Christianus IESVM; cùm mortem non desideret, cùm nisi per mortem frui DEO nequeat? Quid mali potest afferre mors, aut quid tollere potest ab eo qui mundum non amat, & omnia sua in cælo habet posita? Tum præter gaudium ex conspectu amati habet mors hoc bonum, quòd non amplius offendemus DEVM. Non igitur mala est mors, quæ tollit malitiam omnem.

At si mala est mors, & inimica humano generi; cur non tractant homines ut malam, & inimicam? Utinam hoc modo nos haberemus cum illa, & ageremus, ut cum hoste, providendo ne à nobis obtineat spolia, & triumphet de rebus nostris! milites annonam, & commeatum, aliò comportant, vel corrumpunt, ne illis fruantur hostes. Nullam prædam morti debemus relinquere; sed quidquid huiusmodi est quod illa eripere possit, relinquendum omnino est, aut præ-

præ-

ardentissimū Dei amorem excitand: 407

præmittendum in cœlum, ubi secura omnia erunt. Nulla spolia servanda sunt quibus gloriatur, nisi de hac sarcinula carnis; quam tamen extenuemus jejunijs, laboribus, & poenitentijs, ne integram rapiat. Si mala est mors & adversaria, resistamus illi, & opponamus clypeum relinquendo res & affectus, ut minus nos vulneret: si mala mors est curemus facere bonam faciendo bona. Cur magis timebimus mortem, quàm nosmetipsos, cùm illa non possit esse pejor quàm nos mali simus? Imò illam nos facimus malam, quia non sumus boni. Faciamus nunc, cùm adest tempus, & possumus, quod in ejus hora volemus fecisse, & non poterimus. Parum restat in quo laboremus; & comparatione æternitatis, nec instans. Ecce jam tot vitæ anni sunt præteriti, & qui restant, non sunt longiores.

Verùm mors non est mala in se, sed potius bona: & nos essemus optimi, si illam imitaremur, & faceremus quod illa facit, spoliando nos rebus omnibus: ita si nihil gratum & jucundum in mundo haberemus, ipsa esset jucunda nobis & placita. Solum potest timere mortem, qui amat alia & non Christum. Non est servus fidelis, qui recusat ire ad præsentiam Domini. Si te ama-

408 *Lib. IV. De ijs, quæ spectant ad*
rem Domine, non timerem mori: nam gau-
derem facie ad faciem te videre & ample-
cti, & quod in me adimpleta esset voluntas
tua; alio qui mentior, cum quotidie po-
stulo fieri voluntatem tuam sicut in cælo &
in terra. Voluntas tua fuit mori, non ut
inmortales essemus in hac vita, sed ut bene
moreremur vivendo melius. Da mihi, ut
sicut adimplenda est voluntas tua, quamvis
ego nolim in morte mea, ut ego velim &
impleam in morte bona per meliorem
vitam.

Gratias tibi ago, benignissime Domine,
pro hoc mortis beneficio, sicut tua sapien-
tia disposuit: gratias tibi ago, quod mori-
turus sim, & quod nesciam, quando, & ubi
& quomodo moriturus sim. Bonum mihi &
solatium est certitudo mortis, quod sit secu-
ra janua, ut te videam, & effugiam hujus
vitæ miseras, & despiciam fallacia hæc bo-
na. Quis si sapiat, etiamsi certus esset num-
quam se experturum tristitiam aliquam,
sed felicissimum in cunctis futurum in hac
vita non contemneret illam, & omnia ejus
bona, cum videat deferenda sibi cuncta in
morte sua certissima? in cuius momento
omnia præterita gaudia, omnia præsentia
bona, jam dimittenda, tantumdem sunt

ardentissimū Dei amorem excitand: 409

ac si fuissent nihil, imò minùs juvant, nam torquebunt relinquenda. Solum quod homo non amat nec possidet, non affliget illum in illa affectionis hora. Incertitudo quoque modi, loci, & temporis moriendi, grata mihi est ut certiùs tibi, Ô DEVS, serviam omni tempore, loco ac modis omnibus, ut dignus es. Hoc divinum est consilium, certam sollicitudinem melioris vitæ generare in nobis ex incerta conditione mortis.

Verè scio, Domine, nescire me, utrùm odio an amore dignus sim, & qualiter post hanc vitam excipiar; nec volo scire, quia id mihi expedit ignorare juxta beneplacitum tuæ sapientiæ. Sed non propterea magis formidabo mortem, quàm desiderabo te, atque in te sperabo. Libentissimè fero omnia incerta esse mihi, quia certissimum est, quòd sufficit mihi te esse misericordissimum & amatorem meum, & velle & posse salvare me, si humiliter in te confidam. Quid interest, quòd ignorem, quomodo, & quando, & ubi moriar ego, si certus sum te pro me jam mortuum esse, & morte crucis, & sub meridiem & inter duos latrones in monte Calvariæ, ne mihi ullo modo dubius esset amor tuus, ut in te sperarem? Ex me Domine, nihil possum, nec benè vivere,

410 *Lib. IV. Deijs, quæ spectant ad*
nec benè mori; ex te utrumque possum.
utrumque spero, utrumque habebō: & si
benè non vixi, ex te Domine habui velle
benè pœnitere, & spero à te ut meliùs vivā;
cur non sperabo benè mori? Non est inte-
gra spes, nec sufficiens fiducia, si unum à te
spero, & aliud desperem. Maximus pec-
cator fui, & sum. Sed fortasse non est lici-
tum tibi facere de tua creatura quidquid
velis? Vis Domine salvare me, vis misereri.

C A P V T VIII.

*Se debet homo tradere DEO pro bene-
ficijs suis.*

Non est similis tui in dijs Domine, &
non est secundùm opera tua. Sufficie-
bat tua bonitas, ut te amarem: quid me
urges operibus, & beneficijs? Tu creasti me,
quando non eram: tu quæfisti, quando pe-
rij: invenisti, cùm perditus fui: redemisti,
cùm in peccatis maledictus fui: salvasti,
cùm damnatus fui: sustinuisti, cùm obstina-
tus contra te fui: corripis, cùm delinquo:
indulges, cùm reus sum: doces, cùm erro:
pascis, cùm esurio: potas, cùm sitio: foves,
cùm frigeo: refrigeras, cùm caleo: salvas,
cùm vigilo: conservas, cùm dormio: levās,
cùm

ardentissimū Dei amorem excitand: 411

cū surgō: reparas, cū cado: sustines,
cū sedeo: tenes, cū sto: vehis, cū
ambulo: excipis, cū ad te venio: reducis,
cū à te recedo: revocas, cū devio: un-
dique inundant me & exundant extra me
beneficia tua. Id ipsum, quod non habeo,
beneficium meum puto, quia tu Domine
donas, prout cuique expedit, & negas ut
prosit. Ipsum quoque quod alijs dedisti,
beneficium meum iudico. Tot beneficijs
me constringis, ut nequeam non te amare,
ô bonitatis fons, etiamsi non bonus esses,
imò etsi malus esses. Quamvis tu Domine
tam bonus es, ut licet pro beneficijs, quæ
in me contulisti, fecisses injurias, non pos-
sem non te amare. Non est opus; ut te
amem, benefecisse mihi, non est opus me
amasse: tam bonus es, ut etiam si me odisses,
te amarem & deberem amare plusquàm
omnes amatores meos & benefactor es,
etiam si tu mihi malefecisses.

Cur opus fuit, quem eruisti è nihilo uno
beneficio, obtuere innumeris? A me nihil
amplius desideras, quàm me solum. Iam
totum me tibi debeo primo beneficio, quia
totum me dedisti mihi: ut quid tot alia su-
peraddis? ut quid, postquam me dedisti
mihi, insuper donas mihi remetipsum? Non
par-

parvum debitum tui sum ego ipse, & tota substantia mea: nec aliud habeo ultra me; hoc quod habeo libentissimè reddo, me ipsum. Sed quare cumulare vis debitum, quod solvere non possum, donans temetipsum? O spiritus infirme, euge euge, solvere etiam hoc debitum cura. Deo potes reddere Deum, si habeas Deum, Te quærit Deus, & omnia quæ legitimè habes; nec potes legitimè habere aliquid nisi Deum. Habe Deum, & habebis te legitimè, ut solvas utrumque beneficium. Se dedit tibi Deus; nam Deo non te potes dare, nisi sis tuus: tuus verò non eris, nisi Deus sit tuus; nam habendo Deum, se habes: ita cùm te das Deo, Deum quoque, qui tuus est, dare quoque potes. Sed neque te neque Deum habebis, nisi ames Deum: nam amore Dei illum possides, & illum alienas, non reddendo debitum quo te debes Deo. Dedit se Christus, ut coneris fieri Christus, si velis solvere debita tua, te dando. Nam simul tunc dabis Christum, millies quotidie crucifixum, dum mortuus sis mundo, & omnibus voluntatibus ejus.

C A P V T IX

Quòd Dens dumtaxat sit amandus.

I N iustus tibi es, ô miser homo, si ames bona, quæ non possunt te amare, aut homines, qui possunt te non amare; & quamvis amet, tu pores id dubitare, aut illi desinere amare. Melius est amare Deum, qui quantum potuit amat, & infinitè amat, & qui nequit non te amare si ames. O immensa Bonitas, quid est quod me ames, cùm me odisse deberent omnes creaturæ? quid est quod amari cupias à me, inter amatores tuos me feligens? qui indignus sum adhuc, ut sim inter dæmones, quorum servus fui factus; & singularis & atrocior infernus mihi debetur, quia singulariter & inverecundiùs te contempsi, qui pro me mortuus es non pro Angelis.

Ius est, ut aliquando incipiā amare eum, qui ab initio sine initio me amat, & in finem sine fine me amat, & ab æterno expectat ut amem. Amavi aliquos, qui me non amabant: jam amabo illum, qui antequam eum novissem, me amavit; qui amatus numquam non amavit, & amando cogit se amari: quem amare virtus summa est; à quo amari felicitas. Quid hæsitas, ô anima, amare

414 *Lib. IV. De ijs, quæ spectant ad*
amare eum qui necessario te amat fideliter,
ut ames eum qui perfide forsitan te ama-
bit? Infelicitè amabis bona, quæ si amet a-
lius, irascèris; aut homines, qui si ament a-
lium, combureris. Amor DEI immunis est
dolore & curis: qui quod amet alios, gau-
debis; & quod eum ament omnes, optabis.
Hæc DEI sufficientissima bonitas est ut a-
met omnes, & ametur ab omnibus cum
nullius jactura, vel amantis vel amati, sed
cum omnium majori gaudio. Reliqua im-
becilla & mendica sunt, quæ non sufficiunt
amare duos, vel amari à duobus, sine alte-
rius fraude.

Ne ames ea quæ aliquando pereunt:
nam quotidie millies peribis. Ama bonum
æternum, ut in æternum beatè vivas, & in-
terim benè vivas. Aufer amorem corrupti-
bilitatis rerum, & auferes totam miseriam
humanam. Qui amando quæris benè esse;
cur amas ea, quæ hoc ipso quod ames, mi-
ser eris? ama alium, qui etiam inter has mi-
serias vitæ felicem te faciet. Vt quid amas
bona, quæ te faciunt malum fruendo, &
optando miserum? Vt quid amas homines,
qui non te amando faciunt te iratum, & a-
mando ridiculum & mollem? ama DEVM,
quem optando te facit bonum, & fruendo
bea-

ardentissimū Dei amorem excitand: 413.

beatum. Ne ames formas, quæ te de-
formant; sed ama eum, quem amando te faci-
et formosum. Stultum est amare bona,
quibus hoc ipso quòd amas, dignus es illis
carere, imò cares; & non amare bonum,
quo hoc ipso quod amas frueris. Bona a-
mata non sunt tua, sed tu illorum; quare
cares illis. DEVS amarus tuus est, quem
amando carere eo nequis; & solùm cares,
cùm non amas: cetera cùm non amas, in
DEO habes.

Cur amas bonum, quod indiget bono,
& non quod affluit bonis? Quando amatur
bonum, quod aliquo bono eget, miseria
augetur, non minuit indigentia. Omnia
bona mundi egena sunt: nullum per se suf-
ficit, & requirit aliud. Ama bonum quod
alio bono non indiget. Omnia sunt boni-
tate bona, quare omnia bonitate indigent,
ut sint bona. Bonitas per se sufficit, & nul-
lius eget: hanc si ames, bonus & beatus
eris. Solùm ama eum, qui solus est omnia.
Minimè ames bona, quæ nolunt à te amari:
sed ama, quem omnia volunt amare. Crea-
torem tuum; qui & à te vult amari, & te
amet, & creavit tibi omnia bona. Absurda
stoliditas est non amare DEVM, qui à te
desiderat amari, & quòd ames lutum, quod

non

416 *Lib. IV. De ijs, quæ spectant ad*
non vult à te amari. Cur oculis pulchrius,
& palato jucundius quæris, & non voluntati
melius?

Ad normam solum DEI factus est amor:
ideò nulli alij rei coaptatur, nec quiescit.
Calcens Goliath minimè ad aquaretur pedi
Zachai. Amor est primum donum: cui nisi
primo bono debetur & primo benefactori?
Amor est donum per se, cui nisi bono per se
dandum? Amor est donum naturâ suâ, cui
nisi bono naturâ suâ offerendum? Amor
est donum principium reliquorum dono-
rum, cui magis donandum, nisi illi Bonita-
tis essentia quæ principium essentiarum
est? Amor per se est acceptabilis sine alijs
donis, & reliqua dona sine amore displic-
cent; cui conformior quàm DEO, qui per
se est amabilis & placens, & sine illo nulla
debent placere? O Domine, quomodo
possum te dignè amare, cùm nec dignè pos-
sim servire tibi, qui non habeo unde tibi ser-
viem? Tua sunt omnia; quia tu donasti
mihi cuncta, potius serviendo mihi. Da,
qui me amas quantum potuisti,
ut amem plusquam
possum.

C A P V T X.

Extirpandum esse amorem sui.

VT ames & honores DEVM ut decet, non satis est non amare te, & mundū; sed oportet te odisse, & vilissimum putare super omnia, & dignum odio omnium creaturarum. Vergente navi in unum latus, in contrarium transeuntes nautæ inclinant. Nimiū te amasti, opus est nunc te odisse. Vt majori impetu proliās antrorsum, oportet retrocedas, & cursum ex distantiori arripias. Vt DEO vehementiū appropinques amando, imō ut te ames verè & rationabiliter, à fastidio tui impetum collige. Tantō est cursor proximior metæ, quantō distat à prima linea: eò viciniōr DEO fies, quō à te remotior. A te debes exire, ut ad DEVM finem omnium venias. Nullum magis adversarium, quàm te habes: plusquam capitales inimicitias tecum debes gerere, quia plusquam capitalis hostis tibi es: enormiū te offendis, quàm nemo alius. Ab amico lædi acerbīus ferimus, quàm ab extraneo, quia præterquam sperabatur contingit: turpius & odiosius erit à te lædi, qui nullo modo læsisse debueras. Molestè ferimus lædi corpus ab hoste, mo-

lestius ab amico, à quo salutem expectabamus: cur patienter sustinemus lædi à nobis animam? Corpus nostrum tradi summo Principi agrè haberemus; & mentem tradi cuivis homini vulgari & vili stercore non puderet, cum perturbamur ob quodlibet concutium, & injuriam, aut jacturam. O quantus pudor & molestia nobis ipsis sumus! Pudor & erubescètia est facientium mala, molestia & onus patientium: utraque miseria conditio nostra est: nobis facimus mala, & à nobis patimur: miseri nobis sumus, & immisericordes, violenti, & violati; superbi, & viles. O quam truces & immisericordes sumus, cum nostri miseremur, & non irascimur! Perinde est misericordia & amor proprius, ac compassio quâ quis colubrum gelurigentem in sinu foveret, qui refocillatus pestifero morsu occidet benefactorem.

Evidentissimum est, plus debere te iratum tibi & perosum esse, quàm cunctis hostibus tuis: & quantum ad affectum erga te, quò minùs respicis gloriam DEI, & impediris quærere solum voluntatem ejus & honorem, justius quàm in hostem & totum infernum debes in te sævire sine modo; quamvis in effectu, & macerationibus externis, prudens moderatio requiratur, juxta su-

peri-

ardentissimū Dei amorem excitand: 419

periores tuos & confessarios, & rectam rationem; ut in hoc etiam quaras gloriam Dei, propter quam expedit etiam tibi parere in cruciatibus aliquibus immodicis, sicuti propter gloriam Dei & nostram salutem cogimur agnoscere aliis inimicis, & consulere illis. Nam quod Deus à nobis in primis exigit, & in quo vindictam precipuam debemus sumere, est mors voluntatis propriæ, non corporis. Iuxta hæc evidentissimum dico esse, plus oportere te irasci tibi, quàm cunctis hostibus & malefactoribus tuis. Excogita hominem, cui plures æmuli capitali odio insidiabantur, traditum esse in munitam & tutam arcem, ut servaretur & defenderetur à cognato unico amico suo, strictissimâ necessitudine & omnibus vinculis & obligationibus conjuncto, qui solus fidus credebatur & debebat esse, nec aliud asylum restare homini illi, nec spēs nec fidem alibi esse: in cujus amici potestate fuit positum, ut nullo modo posset illum aliquis inimicus lædere, nec capillum ejus contingere, nisi ipse inimicum introduceret illuc, & claves arcis traderet, dato suo consensu manus suæ litteris subscripto. Si iste qui debebat fidelis & amicus esse, tam perfidus inveniretur, ut omnibus adversarijs

420 *Lib. IV. De ijs, quæ spectant ad*
referaret januam & introduceret, ut læde-
rent hominem illum, contemnerent, om-
nem in eum sævitiam exercerent prout li-
bitum esset; & prætereà ipse quoque qui
debebat defendere, perniciosius sæviret, of-
fendens præ omnibus illum; imò si aliquis
benefacere vellet, impediret, ut nullum bo-
num nec manus sanum ad illum accederet,
sed si aliquod veniret ipse corrumperet, aut
venenum aut absinthium miscens: cui igitur
infensior esset homo iste miserrimus? an ali-
cui hostiū, an illi amico consanguineo, per-
fidissimo, qui solus ceteris cunctis inimicis
æquivaleret? quippe nihil universi valebant
sine illo. Quam incredibile infidelitas, cru-
delitas, inhumanitas ejus hospitis esset? o-
mnium odium in illum converteretur, quod
plus cunctis noceret. O beneficentissima
Veritas! quæ incolumitatem meam mea so-
lum confidentiæ commendasti, ut qui cha-
rior mihi debebam esse; sed sum atrocis-
simus contra me. Dæmones, homines,
infernus, mundus, adversus me sunt; sed
omnes manent inermes, nisi ego arma mi-
nistrem: omnes innocentes erunt, nisi ego
mihi noceam. In meo arbitrio est meum
damnum: nec ullus me verè lædet, nisi ex
licentia mea, nisi voluntas mea sit, nisi post-
quam

ardentissimū Dei amorem excitand. 421

quam ego me prodiderim. Ego unus fabrico mihi omnium injurias omnes, quas immeritò imputo alijs: ego resisto beneficentiæ DEI, impedio effectum donorum suorum, inficio gratias suas, corrumpo virtutes ipsas abutens omnibus; quomodo mihi adulabor molestissimo, quomodo mulcebo & favebo nocentissimo? Non est sufficiens odium injurijs mihi illatis à me-
met. Quoties mihi imposui? quot culpas contraxi? cælo me fraudavi, gratiam neglexi: & ne numerem spiritualia damna, quæ sunt sine numero & modo; quot tristitias cordis, quot afflictiones mentis, quot infortunia rerum, quot jacturas temporalium, quot morbos corporis, quot contemp-
tiones, quot convitia, quot irrisiones conciliavi mihi, per inordinationem passionum mearum, parvam circumspeditionem, & gustum appetitus! Si unus ex justa causa me contristet, offender; cur adversus me non irascor, cum me injustissimè passim lædam? Si semel deprehendisses, ô homo mendax, aliquem mentiri, numquam fideres; & à te deceptus & læsus toties, adhuc tibi confidis, nec te habes in omnibus suspectum.

Verùm quid recenseo injurias meas? Suf-

422 *Lib. IV. De ijs, quæ spectant ad*
fuit, ut me horream, & mea omnia sanctè
oderim, quæ impedimento fuere ut expe-
ditè amarem Deum. O Veritas sanctissima,
& fidelis, quia in me ipsum scelestus & infi-
dus fui, deberem me abominari, & non quæ-
rere me; quantò magis, quia scelestissimus
& perfidus fui tibi? Propter me met oportebat
me odisse; quantò magis, Domine, pro-
pter te? Quia non me iustè amavi, decebat
me horrere; quantò magis, quia nullo mo-
do amavi te, qui solus debes amari. Non
amavi te, quia nec me amare novi: imò non
me amavi, quia non amavi, quod ego eram
reverà, sed aliud minus. Non amavi ani-
mam, quod præcipuè sum; sed solum cor-
pus, quasi solum & omnino corpus essem,
quod non sum: nam habeo etiam animam,
pro qua posuit suam Filius DE I. Vt ama-
rem partem meam, non amavi me totum;
& quod plus doleo, non amavi id quod mi-
hi est totum, DEUM Salvatorem meum.

Si zelum Dei habes, perfide homo, non
poteris non habere odium tui. Do ut par-
cas tibi in ijs quibus tibi nocuisti, & in te
peccasti; satis restat causa odij proprii, non
amasse DEUM, & in eum peccasse. Irasceris
cum audis malignitatem Caiphæ, & prodi-
tionem Iudæ, & ad ipsum solum nomen ex-

can-

ardentissimū Dei amorem excitand: 423
eandescis: cur in te blandus eris? Dic, o
spiritus superbe, si particulam veræ humi-
litis habes, hoc est veritatis, nōne te
judicas primum & maximum peccatorem
omnium? imò nihil facies, cū sanctus
Paulus id de se putavit: quare & perversis-
simum omnium creaturarum te debes pu-
tare, & adhuc superbe tibi locum assignas.
Nihilominus nunc rogo, si pessimam creatu-
ram te putas, ergo pejorem quā Iudam &
Caiphā, & quemvis alium: si igitur pejo-
rem te judicas consequenter age, ne ride-
aris ab Angelis; & ut in pejorem, amore
aut odio & zelo in te animadvertē. Vide
nunc, si peccatum Judæ, aut peccata Anti-
christi merentur amorem. Si DEVS tuæ di-
spositioni commisisset supplicium ejus qui
alapam impēgit. I E S U, aut primum qui
spuit in faciem illam, quam desiderant
Angeli videre, aut maledicti Arrij &
Nestorij, aut perversissimi Antichristi, aut
mendacissimi Luciferi, ut punires peccata
horum prout justè tibi videretur, quomodo
te haberes erga illos? an fortasse illos mul-
ceres, & adulareris, & curares in omnibus
delectare? an potius curares ostendere in
conspectu omnium creaturarum, quantum
apud te valeret gloria & honor DEI viola-

tus? Non minùs severo animo debes arde-
 re contra te: nam pejorem te debes putare,
 si non est ficta æstimatio suæ vilitatis; nec
 te. nec DEVM vis fallere. Severiùs & fructu-
 osiùs apud te in te ipsum oporteret moveri.
 quam erga perversiorem dæmonem. Dæmō
 unū peccatū fecit cogitationis, ob quod dā-
 natus fuit: tu innumera etiā operis. Ille pec-
 cavit in DEVM, cui minùs obligatus erat: nec
 enim Angelus fuit factus DEVS, nec tor-
 menta pro Angelis est passus; nec illis ali-
 quando pepercit, quemadmodum pro te
 homo factus sanguinem suum effudit; &
 plusquam septuagies septies pepercit tibi,
 & parcat. Attende nunc, essetne laudabi-
 le familiaritatem contrahere cum magno
 illo principe dæmoniorum, & ejus hono-
 rem aut voluntatem curare? cur tecum a-
 micitiā nimiam habes, & tuum honorem
 desideras, quietem sollicitas, voluptates &
 voluntates tuas facis? iterum rogo, si illum
 spiritum malignum, qui sapiùs te decepit,
 tentavit, & induxit in peccata, & à salutis
 viā te amovit, traderet DEVS in tuam po-
 testatem. & deinde alium, qui minùs tibi
 nocuit; & juberet DEVS, ut utrumque puni-
 res juxta damna quæ tibi fecerunt. in quem
 atrociùs sævires? in eum qui tibi plus nocuit,

anne

ardentissimū Dei amorem excitand: 425

anne in istum benignus esses? at quomodo tibi pacificus es, qui tibi insolentior es. & magis noxius; non dico illo spiritu infensori, sed utroque, cum neuter te lādere posset, nisi tu velles, & consensu tuo? sēpius seduxisti & lāsisti te, sēpius tentasti, & scandalum tibi parasti; nūc nescio quomodo te benignē aspicias, qui te debes aspicere peiorem, & nocentio rem tibi, quam Caiphā, Arrium, Antichristum, Luciferum. O anima, per IESVM obtestor, ut consideres hęc, si ita sint; si verum sit, quod te plus lādas, quā Lucifer maledictus lādere potuit: & ne te ames inordinatē, si habes zelum honoris divini & exaltandi gloriam DEI: quantum enim per privatum amorem te erigis & curas, tantō DEVS, quoad gratiam & virtutes, in te minuitur, & humiliatur: at quantum per odium humile tui te aspernaris, tantō DEVS in te augmentatur, & exaltatur. Quis maior inimicus tibi quā tu, qui in te non permittit exaltari DEVM?

At si te, o homo nequam, non oderis plusquam alios inimicos, te saltem ante oculos habe, tanquam aliquem inimicum, & pariter inideas; nec in illā tui prosperitate, & delectatione corporali gaudeas. Cū illi, quem odisti, adversi quid accidit,

426 *Lib. IV. De ijs, qua spectant ad*
gaudes; ita tecum debes affici: cum inimi-
cus contemnitur, & ridetur, lætaris; sic
cum tu irrideris, & despiceris. Inimicum
non mulcebis, non invitabis ad delicias, pa-
riter nec te. Inimicum semper velles affli-
gere, insidiaris semper, captas occasionem
vindictæ: sic tecum age, si in te odium ar-
mas; hoc enim odisse est. Si hæc non fece-
ris, seduceris putas te amore tui non ægro-
tare. Vbi non intervenit beneplacitum DEI,
affectum omnem erga te oportet trucidare
viriliter pro gloria divina. Pro eadem ra-
men, in effectu asperitatum exteriorum,
oportet subiectum esse alicui prudenti viro
& zelatori majoris gloriæ DEI; ut sic quo-
que sacrifices voluntatem & iudicium pro-
prium.

Non tamen existimes, vitam se abnegan-
tis fastidientis, & persequentis, intolerabile
& terribile esse: imò lætior erit. Plus hilaris
amor DEI est quam propius. Satis lucri est
in odio tui, Amori DEI, Præstat quod DEVS
ardentissimè te amet, quàm quod tu ipse
te ames. Utilior tibi DEVS potest esse; &
gestit exhibere gaudia, ad experimentum
sue jucunditatis potentissimæ ad beati-
ficandum, in ipsis molestiis vitæ & injurijs
hominum consolans, & delectans, præbati-
onem

quem suæ dulcedinis exhibens. Apostoli
ibant gaudentes à conspectu concilij, quo-
nia n. digni habiti sunt pro nomine I E S V
contumeliam pati. Memento admirandi,
sed verissimi dicti: Omne gaudium existi-
mate, cum in varias tentationes incideritis.
Potuit D E V S pueros Babylonici fornacis
ipsis flammis recreare, & ex igni refrigeri-
um præbere: potens est & in adversitatibus
non contristare. Præterea si de malis eo-
rum, quos oderimus, lætatur, de ijs, quæ
tibi gravia contingent, gaudebis: cumque
plura adversa eveniant quàm commoda,
sæpius lætari necesse est, quàm cum te a-
mabas. Incommoda sunt præstò & obvia;
commoda rara & extra usum: quare neces-
sario sæpius gaudebit, qui de adversis suis
gaudet; quia necesse est semper aliquid
pati in hac vita. Non sunt ita sub casu mala,
ut sunt bona. Fruitio bonorum dicitur for-
tuna, quia fortuito & raro eveniant: non
ita malorum frequentia; quare minori in-
terruptione gaudebit, qui sedes lætitiæ mu-
tavit. O quantum gaudium est esse exone-
ratum seipso, & exemptum importuna &
molesta cura sui! Credo, eum qui se depo-
suit, & reliquit, evasisse hujus vitæ miseras
& angores.

Neque

Neque levis fructus serij & sinceri odij proprii, est amare alios. Vide quàm insolens & quàm potens hostis sit, amor sui: tã robustus est tyrannus, ut æquivalet & occupet locum charitatis erga omne genus humanum, & DEVM ipsum, quorum dilectiones unus amor proprius sæpè devorat & consumit. Qui se nimium diligit, nec Deum nec alios novit diligere: qui se verè odit, etiam affligentes se ipsum amabit; gaudebit, si oppressione alicujus molestetur, considerans illud in se deprimi & pati, quod sibi præcipuè obstat & adversatur, & à se meritò odio haberi & molestari debet: cumque nemo ægrè habeat, si aliquis insectetur secum pariter & affligat hostem capitalem suum, potius adiutori gratiam habet; sic qui se odit, eum qui ipsum persequitur & adjuvat, amabit potius.

Non levis quoque fructus odij sui est nō amare peccata: omnia procedunt ab amore proprio, qui est metropolis omnium cupiditatum & vitiorum, à quo cetera deducuntur. Irā non peccabit, qui gaudet læsus; nec superbiam, qui cupit contemni; nec impatientia, qui omni supplicio se dignum putat. Non levis fructus est, tollere omne impedimentum ut ames DEVM; non levis
utili-

ardentissimū Dei amorem excitand: 429
utilitas, subdere te tibi, & esse verè & pacificè Dominum tui. Denique si vis scire, quam utilius sit odisse se opus est ut cognoscas quantum distet gratia à peccato & virtus à vitio: tantò fructuosius est odisse se ex virtute, quàm se amare ex vitio. Si homines oderunt cum pernìcie propria eos qui nocuerunt sibi, minus quàm tu te læsisti; tu cum virtute, laude, & præmio, te haberas odio, qui plus omnibus tibi nocuisti.

C A P V T X I.

Quâ ratione diligendi proximi.

O Veritas amabilis, da mihi ut ameni te super omnia, & omnes propter te: da te amicis meis, & omnibus ijs quibus benè volo, non divitias, & bona falsa atque indigna amore. Disce spiritus infirme sine injuria amare. Sæpè dilectionis modus adæquatur odio aut contumeliæ. Magnam irrogabis injuriam amico, quem amas, si optes illi divitias tamquam verum bonum: excellentius enim, quàm ipsum, illas diliges: nam eas amas ut sufficientiam, illum ut egentem; quare libentius carebis illo, quàm istis. Hinc fortuna, arbitra amicitiarum; & mutatio ejus, est mors amoris, & nativitas perfidiæ. Hinc æquale
peri-

periculum sinceræ fidei, siue ames amicum propter divitias, aut divitias amico. Sicut vitæ amicitia similis est ratio; cum amas omnes propter DEUM & cum DEVM solum illis amas, quia DEVM solum illis diligis. Nihil aliud quam DEVM desiderares omnibus, si propter nullam aliam rem amares. Hoc examen tui amoris erit, an vera charitas sit. Qualia vota, talia beneficia. Non potest alteri amare divitias, qui non amet etiam divitias. Sit DEVS beneficium commune à te donandum omnibus: quem si dederis, satis divites relinques. Et plus cures beneficia quibus omnes ames, quam quibus amaveris ab omnibus: nam qui omnes verè amat ut oportet, salvabitur, sed non propterea erit salvus, quod ab omnibus ametur.

Nullâ mercede vendendus & vilipendendus est amor: gratis semper prodigatur. DEVM vendit, qui charitatem impendit alicui, nisi propter ipsam: nam DEVS charitas est. Nulli obijcias beneficia tua: sed quemadmodum putas DEI munus esse quidquid boni tibi fit ab alijs, & DEO totam gratiam refers, ita beneficium DEI æstima, non tuum quidquid alijs exhibueris: imò reputa majus beneficium tibi factum à DEO

ardentissimū Dei amorem excitand: 43 t

DEO, quod te elegerit, ut instrumentum & vicarium suum ad benefaciendum. Amorem ab alijs non concilies de temporalibus, sed in spiritu: nam quod diffunditur per temporalia, & non per Spiritum sanctum, cupiditas est, non charitas; non amor hominis, sed avaritia rerum. Simili modo benefac alijs, ut vis quòd DEVS benefaciat tibi. Omnia eadem legē fac cum alijs, ac Deus tecum. Concede, o Amor amorum, ut omnes amem, sicut tu amasti me, & amasti illos: concede ut omnes amem propter te, & nullus me amet propter me. Malleim, si fieri sine peccato posset, ut omnes me odissent, quàm quod me amarent, si propter me amarent: nam si omnes odissent, haberem quod est meum; si propter me amarent, usurparem quod est tuum. Impurus est omnis amor, qui non sit propter DEVM. Solum amor DEI sincerus est & defæcatus, cum non permisceat, nec compaciatur secum mixtionem contrarij affectus. Ceteri amores, aut invidiæ aut iræ aut odij causæ solent esse, vel adversus ipsum amatum, vel adversus. Amor DEI constans, & æternus est; ceteri fugaces & alati. Lucrum igitur erit, ut amet propter te DEVS mi, & non propter me.

CAPVT XII.

*Nihil desiderandum esse nisi quod
DEVS vult.*

Quid est magis consentaneum, ut te di-
vinæ voluntati subijcias conforman-
do, aut quòd divina voluntas tuæ serviendo
conformeretur tibi? An fortè præsumes de
te quod velis meliora, quàm DEVS, vel scias
salubriora? Memento quoties tibi mala pla-
cuerunt, quoties damna tibi parasti; &
econtrà quam magnum experimentum bonæ
voluntatis exhibitum sit à DEO. An for-
tasse mala voluntas fuit incarnari pro te? an
mala voluntas fuit manere in Sacramento
tecum? an mala voluntas fuit mori ob
amorem tui? Ecce eadem est volun-
tas ejus qui pro te hæc fecit, ac qui mo-
do vult, ut patiaris hanc afflictionem, mo-
lestiam, dolorem, aut injuriam. Eodem a-
more, eodem fine utraque vult, attendes
solicitudine maximâ quod tibi bonum erit.
At si bonum tibi fuit, ut DEVS vellet pro te
pati dolores, necessitates & ignominias ne
tu patereris; debes etiam credere, cum ali-
qua permittit te quoque pati, plurimum
id tibi expedire, & valdè bonum ac salutare
fore. Satis meruit de nobis voluntas illa
exce-

ardentissimū Dei amorem excitand: 43 §

excellentissima incarnandi, ut sustineremus aliquid grave si vellet; cur non meretur, ut illi conformemur, cum omnia salutaria nobis desideret? Debemus pati multa, ut in aliquo faceremus voluntatem DEI; cur cū in multis videmus jam factum, non patiemur libenter aliquid? Quid melius debes optare quā velle, & habere quod est melius. Hoc solum est quod vult, & amat is, qui in se & tibi est melior, D E V S tuus D E V S est infinitè potens, infinite sapiens, infinitè bonus & benevolus: plus te diligit, quā tu te ipsum: plus desiderat & quærit bonum tuum: melius scit quomodo illud consequi possis: vires habet ut omne obstaculum tollat, & efficiat quod ad id expediat. Quid igitur putas, cū lamentaris & defles hunc eventum, cū ægrè fers hunc morbum, dolorem, injuriam, molestiam, infortunium, sive proprium sive alienum, sive privatum sive publicum? Anne D E V S errat & fallitur? an nos affligit ex invidia aut mala alia voluntate? An defecit hic omnipotentia ejus, nec amplius potuit facere, ut evitaret hoc quod putas damnum. Non accidit hoc ex imbecillitate Dei, aut malitia aut deceptione; sed ex potentia, sapientia, & bonitate summa. Cur tu reprobas & resistis,

E e

quod

434 *Lib. IV. De ijs, quæ spectant ad*
quod approbanti & in quo occupantur at-
tributa divina?

Permitte te DEO ut regat te, qui te cre-
avit ad gloriâ suam: in hunc finem dispo-
nit omnia, & absque dubio illuc te perdu-
cet, nisi tu resistas ordinationi ejus. Ne ve-
lis arbitrio tuo regi. Qui vehitur in navi,
non vult regere navim jussu & arbitrio suo,
sed munus integrum permittit nâuctero;
& cum insurgit tempestas, maximè obedi-
entissimus est illi, nec contra ejus volunta-
tem quidquam audet movere aut moveri.
Anne imperitiùs sciet DEVS regere mun-
dum suum, quàm nâucterûs navim? cur
quod cum homine facerès, ut te in terram,
quò tendis deponat; cum DEO non facies,
ut te in cœlum ducat? DEVS optimè novit
gubernare suam domum, suum inquam
mundum: non opus habet tuo consilio; re-
linque omnem curam illi: ipse te portabit
ad terram salutis.

Hæc mala tibi immittit contra gustum
tuum, aut propitiùs DEVS, aut iratus. Si
propitiùs; cur non consenties tuo bono, &
addes suffragium tuum ijs; quæ sunt pro tua
utilitate? si iratus, etiam ut mitigetur ce-
dere debes. Homines irati, si quis resistat,
magis irascuntur; si nemo contradicat,
statim

ardentissimū Dei amorem excitand: 435

statim mansuefunt: sic DEVS mitigabitur, si non solum taceas & feras, sed consentias, & gratias feras. O insane homo, quomodo audes dicere, Hoc nolo, aut volo istud, cum nescias quid tibi in bonum accidet? cur recusas pati molestias, injurias, humiliationem? fortasse non recordaris te peccatorem esse, aut non poterunt molesta & humilia fieri à DEO instrumenta gloriæ? Odium fratrum, & inhumana illa venditio charissimi sui filij, Jacob parenti fuit causa salutis, ipsi Iosepho vendito gloriæ & Regni: quamvis enim.

— *conjuratos germanum vendere fratres
Cognit livor edax, profunt contraria Iustus.*

Hoc opus est gratia:

ut devotè loquitur magnus Alchuvinus. Novit ars divinæ beneficentiæ ex malis majora bona exprimere; hoc est, summum opus gratiæ. Quid doles jacturam valetudinis, aut rerum tuarum, aut thorum? nam vel laudabiliter expendendæ erant, & DEVS accipiet voluntatem pro facto, & insuper accrescet meritum patientiæ; vel nequirer tractandæ & consumendæ erant, & tunc gratulari tibi deberes, quod materia culpæ sit sublata.

Aestima te majorem tuâ voluntate &

Ecce 2

gau-

436 *Lib. IV. De ijs, quæ spectant ad*
gaudio ad maiora creatum. Non es crea-
tus ad tuam gloriam, non ad tuam volunta-
tem, non ad tuam voluptatem, non ad tu-
am solum salutem, non ad tuam opulenti-
am, non ad tuam fortunam, imò nec ad
fruendum solum DEO in cælis: majus aliud
est tuus finis; factus es ad gloriam DEI,
propter quam omnia DEVS voluit & fecit.
O magnum finem! quem etiam, dum pa-
teris, consequi potes, sive in laboribus, sive
tormentis. Non tuus es, sed DEI; non na-
tus tibi es, sed DEO: sic non debes querere
in omnibus nisi gloriam DEI, & placere illi
magis; & quod in te fiat voluntas sua. So-
lum illud erit alimentum ignis purgatorij,
quidquid hic sit pabulum voluntatis tuæ.
Nihil desideres, sive consolationes spiritua-
les, sive alia dona sancta, nisi quod DEVS
vult super omnia; qui plura dona & maio-
rem sanctitatem tibi desiderat, quam ipse
tibi cupis; ita habebis, licet non debeas
querere, continuam consolationem. Om-
nes afflictiones & poenæ, quibus in mun-
do contristantur homines, consistunt in vo-
luntate, quia non fiunt conformes divinæ.
excruciantur humana corda, aut non ha-
bendo quod vellent habere aut habendo
quod non vellent: quare qui non habet ex se
velle

ardentissimū Dei amorem excitand: 437
velle & nolle, nullam molestiam sentiet. Qui
habet cum D E O velle & nolle perpetuam
lætitiā possidebit, quia habebit perpetuū
quod vult habere: semper enim fit ut D E U S
vult. prout ordinavit, aut permisit.

C A P V T XIII.

*Quod non oporteat voluntati nostræ atten-
dere.*

NON satis triumphator sui erit, qui vice-
rit voluptatem, nisi vicerit voluntatem:
non satis est scire in sensus corporis, sed in
animam & proprium arbitrium: non solum
illicitas voluptates negare nobis debemus,
sed licitas voluntates; nec solum mortificare
carnem, sed perdere animam, quam deni-
que lucrabimur. Tam caro nostra quā
anima adversus D E V M peccârunt. Iniquū
est, damnare unum complicem, & absolvere
alterum; ministrum flagitij punire, & aucto-
rem liberare. In carnem & animam oportet
animadvertere: non ut plerique, exteriori-
bus asperitatibus contenti, intrinsecus
pœnitentiam non assumunt. Cū princi-
palis rea & delinquens sit anima, præcipuè
debet coërceri; nec aliter potest nisi in vo-
luntate, si deneges quæcumque ex se postu-
let & gustet. Digna est morte anima, quæ

DEUM contempnit: ita debet mori omni voluntati suæ, & in ipso quo deliquit plecti. In nullâ re magnâ vel parvâ sibi prospiciat, & respiciat: alioqui non erit mortua, si ita aperit oculos. In nullâ re voluntatis tuæ recorderis. Fac voluntatem DEI, fac voluntatem fratris, fac voluntatem injuriantis & inimici, si sine peccato potes, potius quam tuam. Non satis mortificatus eris, nisi voluntatem tuam, non modò in DEVM, sed etiam resignes & transfundas in omnium hominum etiam inimicorum voluntatem.

Illis ad quæ propendet impetu vehementi voluntas tua sine præcedenti rationis regulâ, ne fidas statim, suspecta habe, etsi speciem boni obtendant: sunt plerumque officia sensualitatis, quibus latitat demonis astus. Gloriam DEI quærat, non contemptum hominis doleat; placitum divinum, non afflictionem tuam humanam attendat voluntas tua & sentiat: in DEO tota occupetur, & satis negotij habebit: gaudium & gustum tuum etiam spiritualem contemnat. Licet à DEO relinquaris in omni pressura cordis, derelictione spiritus, & ipsâ potestate tenebrarum, tribulationibus & tentationibus lacessitus undique debes permanere fidelis, non quærens solatium, paratus su-

fine.

ardentissimū Dei amorem excitand: 439

finere istam & omnem aliam animæ inculpabilem calamitatem, quamdiu DEO placuerit, etiam usque ad diem Iudicij, vel in æternum. Qui in veritate studet placere DEO, oportet ut seruiat gratis; & potius optet & petat nullā consolatione alleviari: hoc sibi putans affatim sufficere, si locum, ubi sedet in anima DEVS, conservet mundum; non permittens, ut illuc velut in Sancta sanctorū intret & appareat aliud. Solus ingrediatur JESUS summus Sacerdos. Nonnulli famuli DEI magnis consolationibus exundantes, precibus impetrârunt destitui & privari omni dulcedine: nec postea admittebant solatium etiam de cælo: non enim desinit qui Angelos consolatores recusavit. Nam quid magni facis, si gustum corporalem despicias, qui potius afflictio erit? Nimis affligens est solatium corporis, quod impedit divinum gaudium & spiritus lætitiā: plus meretur DEVS. Pro DEO etiam contemnas omne jubilum animæ, atque quodcunque arridet naturæ & voluntati propriæ. Non est constans, nec fidele obsequium mercenarij. Si spe aut subsidio consolationis DEO servias, etiamsi sit spiritualis; non propter se amas in hoc DEVM, & deficiente consolatione

440 *Lib. IV. De ijs, quæ spectant ad*
segniùs sæpè torpebis. Hinc fit quòd mu-
temur toties, desides simus, tepidi, & parum
proficiamus, quia ut nautæ ventum, spera-
mus spiritum devotionis & consolationis
sine qua desinemur, & qualibet adversitate,
velut contrario flatu, retrocedimus. Iner-
tiores etiam sumus nautis, qui callent etiam
obliquo & adverso vento progredi. Scia-
mus ipsis adversitatibus, tædijs, & tribulati-
onibus procedere. Non refert obsequaris
DEO propter gaudium interioris consola-
tionis, aut corporalis commodi, nisi quòd
minùs gratis famuleris, quia majori prærio
obsequia tua vendis, si gustum spiritûs re-
quiras. Plus est Deus, quàm gustus tuus.
Melius est habere DEUM, quàm gaudium:
tamen si ubinam, ô jucundissima Veritas, ô
DEVS suavissime, potes esse, & non exulta-
bit spiritus, si te retegis? ubinam aderit be-
nignitas tua, & non replebis gaudij animâ?
Sed concede mihi, ut nunquam gaudium
meum optem, nisi ut tu scis meus; num-
quam voluntatis meæ gustum quæram, nisi
voluntatis tuæ beneplacitum.

Ô Spiritus tribulate, si nunquam recre-
ationem tuam & gaudium quæreres; quan-
tum gauderes! Qui relinquit domum aut
agrum propter DEUM, centuplum accipiet.

Non.

ardentissimū Dei amorem excitand: 441

Non est ius, ut qui plus reliquit, minus accipiat. Qui reliquit voluntatem suam & gustum ejus, centuplum dulcedinis accipiet negando suam voluntatem, plus quàm si fecisset: nam facit voluntatem Dei, & majus præmium capiet. Quantò magis voluntatem ac gustum tuum abnegares tanto plus gustares in voluntate divina: divinus quidē sapor & lætitia tibi stillaretur. Si unum hominem tam felicem Deus fecisset, ut quidquid vellet, statim adimpleretur; & tam potentiam posset exequi quodcumque libere illi, & id licitè; & securus certusq; esset de hac potentia & fortuna sua: existimo, minùs gavisurum esse, quàm eum qui in nullo verè vellet impleri voluntatem propriam, sed in omnibus seriò abnegaret propter Deum. Omnem adimplentionem voluntatis sequitur quidam gustus ejusdem voluntatis: nec ullus gustus & delectatio major, quàm illa quam Deus habet in voluntatis suæ executione. Si Deus infundat tibi guttam delectationis voluntatis suæ, quam comunicat cum his, qui voluntatem ejus solùm faciunt & volunt, sine comparatione plus gaudebis abnegando tuam voluntatem totam; quàm si faceres semper illam. Nam qui implet voluntatem suam, gaudiū voluntatis humanæ

solum haberet: si verò neget, ut voluntatem *Dei* faciat, gustum divinæ voluntatis participabit, per gratiam divinæ bonitatis. Facere voluntatem propriam est ingens hominum gaudium; quid erit facere divinam? Voluntas humana impura est, locum dat tristitiæ, & corrumpitur mœroribus: voluntas divina purissima est, in possessione gaudij continua. Idem est *Deo* voluntas ac voluptas: quare debet voluptatem habere, qui divinam voluntatem solum habet. In *Deo* non distinguitur appetitus à lætitiâ, in creaturis plurimum distat. In elementis aliud est motus ad locum, aliud quies in loco, in cœlo idem est: lux & calor in igne duo sunt; in sole & stellis idem: sic voluntas humana & gaudium duo sunt, in *Deo* unum; Nec alibi gaudium tutò erit, nisi in adimplerione divinæ voluntatis, & spoliatione propriæ: tunc habens & volens homo divinam solum voluntatem, ejus privilegio gaudet, ut inseparabiliter gaudium habeat; nam cuncta eveniunt pro voto. Non est igitur triste, abominari suam voluntatem, exuere se omni proprietate, & penitus abnegare se. Nulli magis abnegatam & sibi mortuam habent voluntatem, & renuntiant omni proprietati suæ, quàm Beati in cœlo,

ardentissimū Dei amorem excitand: 443.

cælo, qui sine ullo sunt vestigio proprij velle aut nolle: & tamen in tanta mortificatione propriæ voluntatis summum gustum habent, & latissimi sunt. Cur tu refugis abnegare te, qui vis salvari in cælo, ubi summa abnegatio sui est? Instrue te ad gloriam, & relinque te. Non putes te posse esse beatum, quin facias ibi, quod nunc putas triste. Eja incipe, quod, si salveris, nunquam desiturus es facere. Fac aliquando, quod, si felicissimus fueris, facturus es in æternum. In perpetua illa felicitate nunquam quæres voluntatem tuam, per sæcula sæculorum non solum divinæ conformis, sed transformatus per ardentem charitatem.

Quis sitibundus, habens vasculum fictile & vacuum, non mallet habere auream, plenum suavissimâ potione & refrigerio? quis languens, habens morbidum membrum, non mallet habere sanum & robustum? quis hebes, obtusum intellectum habens, non mallet habere mentem Angeli, & intelligere ut Cherubim? O homo. cur non vis commutare tuam voluntatem infelicem, caducam votis, morbidam, stultam, cum voluntate Dei compote, latâ, felicissimâ? Si velles intelligere ut Angelus, quod non potes; cur non vis velle, ut Deus vult, quod potes.

444 *Lib. IV. De ijs, quæ spectant ad*
potes? Qui vult semper gaudere, nunquam
in se, nec sibi quærat gaudium: opus est,
ut revellat omnem privatum & creatum
amorem; alioqui, quocunque fugiat,
quodcunque peragat impedimentum &
turbationem secum deportat, imò auget;
ut quò longiùs fugiat; & plura peragat,
magis impediatur & minus inveniat gau-
dium quod quærit. Qui à recta via aberrat,
vit, quò magis incedit, magis errat & distat:
quantò magis homo hoc aut illud eligit, ut
gaudeat & quiescat, minùs gaudebit; quia
eò plus exercet voluntatem propriam, quæ
causa est inquietudinis & tristitiæ, & à via
paciis & gaudij aberrat. Passer in rete inci-
dens, quò plus liberari conatur, magis se
illaqueat & ligat.

Deus tam bonus est, ut superfluat illi
bonitas ad maiorem voluntatem, quàm tuâ
& omnium Seraphinorum: cur tuam unam
humanam voluntatem coarctas, occupans
illam te ipso, quasi in dimidio sui posset sa-
tisfacere, ac sufficere infinitati divinæ? Non
vacat diligere aliud, nec se, si Deus diligen-
dus est. Accipe, Domine, amorem meum
totum; accipe voluntatem totam meam:
nec amittâ hanc felicem commutationem,
ut pro pessimâ voluntate meâ fruatur volun-
tate tuâ.

CA-

C A P V T XIV.

Quòd oporteat jugiter meminisse Dei.

Quomodo potes, ô ingrate spiritus, ali-
quando oblivisci DEI, qui semper me-
minit tui, quasi reliquorum oblitus esset, &
tu unica res sua; qui semper tibi attendit &
tua, & in dulci memoria scribit, quidquid
boni feceris? Magnus favor putatur, si
terrenus Rex meminerit alicujus, aut ad-
mittat ad suam præsentiam: & ego non
æstimo quòd cælestis Rex nunquam obli-
viscat mei, nec absit? Aeger solatium
sumit, si aliquis invisat: cur anima ægra &
misella non exultat, quòd DEVS perpetuò
illam videat, & consideret? Si semel Prin-
ceps oculos injiciat benevolè in famulum,
lætatur; & ego Domine, non exulto, quod
nunquam oculos tuos avertas à me, nec
manus separe, in misericordia erga me
occupatus & intentus. Properant & cur-
runt homines, ut Regem temporalem in
transitu conspiciant; & ego te Regem æter-
num præsentem, manentem, non conside-
ro. Ut videant monstrum, solliciti sunt ho-
mines, & impendunt pretium; & ego gratis
non attendo pulchritudinem cæli & terræ,
in quam desiderant Angeli aspicere. Regina
Saba

446 *Lib. IV. De ijs, quæ spectant ad*
Saba tot itinera peregrinata est. ut Salomonem semel videret; & ego te DEVM tam vicinum, ut in me habites, non specio. Si mancipium mihi ministraret poculum aque, respicerem in faciem; & te Dominum Angelorum perpetuo servientem mihi in cunctis, & pro me implentem omnia benedictione, nolo aspicere, & cesso benedicere. O Domine, qui operaris omnia in omnibus pro me, quomodo pro te non operor modo, sed nec recordor tui? O amantissime DEVS. quid aliud cum hoste capitali facerem quam tecum soleo facere, nolens te respicere obvium mihi. & toties obvium; amorem meum exigentem tot beneficijs & obsequijs?

O quoties mihi DEVS ades, & te nolo semper videre! Essentia tua me penetrat, plusquam punctum crysalli penetrat radius solis, plusquam anima imbibita est in corpore. Præsentia tuæ sapientiæ mihi prospicit & attendit per se, ne quid mihi desit; & siquid boni faciam, ut remunereris: nec hoc confidis dumtaxat Angelis internuntijs, & relationi; sed per te ipsum me totum circumspicis. Potentia tua me sustinet in ultimis, ut nutrix aut mater filium dilectum: & quia hæc officia: esse in me, videre me,

susti-

sustinere me cum sum. necessaria sunt, & annexa imēnsæ divinitati tuæ, voluisti bone IESV, ut præsentiam voluntariam tibi deberem; ac in uno modo quō abesse poteras, & erat necesse abesse, invenisti modum, ut etiam mihi præsens esses in Corpore tuo sanctissimo, ut corporaliter & spiritaliter adessem mihi. O anima ingrata, cur non referes gratiam tam amantissimo Domino? & si quidem corpore non potes semper assistere huic divino Sacramento, spiritu saltem & cogitatione ne obliviscaris tam benefici Domini in te habitantis.

Reverere, ô anima, te ipsam, & sacrarium mentis tuæ; ubi habitat Deus, per gratiam, cuius nunc consors fortasse es, & vā tibi si non es, ubi divinitas participatur. Materias inanimas, quas Christi Sanguis contingit, venerāmur, & meritò: sed cur non etiam spiritus & animæ tuæ partem, ubi Spiritus sanctus diffusus est? Ante aram, ubi est Corpus Christi Domini desideratissimum, nihil indecorum audemus facere: nec ante te audeas, quia mens tua, ut potes sperare, per gratiam est altare & thronus DEI, ibi residentis maiori cum voluptate quàm in sacrarijs aureis. Quàm compositus & attentus curas esse cum suscipis Corpus Christi, si
mitem

448 *Lib. IV. De ijs, quæ spectant ad*
mitem modestiam, similem decorem sem-
per serva, cum DEVS hospes tuus sit, non
intra corpus tuum tantum, sed intra animã.
Si cum Christi Corpus hospes est corporis
tui, tam decenter te habes; non debes
amittere gravitatem, cum Spiritus Dei in-
cola sit spiritus tui, cum Pater & Filius ad te
venerunt, & mentionem apud te fecerunt.

Sive palàm, sive clàm, idem sis: Deus te
videt, DEVS iuxta est, DEVS intra te est,
DEVS tecum est. Si Christus de cælo ve-
niret ad te visibiliter, cum solus in cubiculo
esses, ane coram illo immodestè sederes
aut jaceres? an potius reverens, humilis,
compositus, contremiscens esses? Ecce
Divinitas tecum est, non minora officia illi
sunt debita. Divinitas præsens est, non uno
modo, sed pluribus, te implendo & circum-
ambiendo infinitã suã essentiã, velut oceanus
spongiam; te videndo præsentia suã, te su-
stentando potentia suã, te mulcendo, te am-
plexando, te adoptando in filium gratia
suã. O anima, cur longa vota facis, cum
Deus tam propè sit? quid speras gaudia alia,
cum DEVS adest? solatium vicinum habes
tuarum afflictionum, quid tristaris? per-
fugium & asylum propinquum est tuarum
calamitatum, quid times? Amer affectus
tuus,

ardentissimū Dei amorem excitand: 449

tuus, amplectatur & osculetur Patrem
amantissimum, in cuius gremio sustentaris
& foveris: cuius memoriā & delicijs obli-
viscere omniū. Considera te conjunctiorem
DEO quā fratri tuo, quā matri, quā
patri: cognatio enim & proximitas inter te
& DEVM, major est quā inter filium &
parentem. Habe semper præsentiem eum
qui tot modis præsens est. Ut speculum id
fit, cui præsens fit: sic sancta anima quodā-
modò divina fiet, si DEVM præsentiē habeat.

Hæc præsencia DEI est vitalis actio gratiæ
tamdiu vivit actu & expergefacta anima
sancta, quamdiu diligit & recordatur DEI
sive cū in cōsideratione ejus occupatur, si-
ve in opere pro gloria ejus. Quemadmodū
enim DEVS non tantū præsens est nobis
per essentiam suam & cognitionem, sed
etiam per potentiam & operationem: ita
optimum genus præsentiæ Dei est, per ope-
rationem bona opera faciendo. Quis non
operabitur pro DEO, qui pro nobis omnia
in omnibus operatur? Non tamen, si cesset
anima, mortua erit peccato; sed perinde
erit ac qui dormit, qui non est mortuus, sed
vitā non fruitur: sic anima oblita DEI, licet
non mortua sit, tamen velut sopita non
gaudet fructu spiritualis vitæ. O quantum

450 *Lib. IV. De ijs, quæ spectant ad*
vivet, o quot tempora implebit memor
DEI quæ passim amittunt etiam spirituales!
Hæc præsentia DEI est etiam sensus gratiæ;
aliõ qui velut paralytica jacet anima. Para-
lysis morbus est, non mors, sed sensu artus
privat & functione vitæ: otiosa est tunc vita
& gratia, cui non est memoria DEI, sive in
opere, sive oratione.

Una palma ad præsentiam solùm alterius
fructificat, & anima ad præsentiam DEI om-
nes fructus facit. Sine præsentia solis omnia
sunt obscura, & nihil pulchrum: præsentia
DEI venustissima & illustrata est anima.
Elementa non possunt ferre absentiam sui
centri: parem impetum anima in DEVM
habeat. Sicut lapis, si in aëre suspendatur,
semper servat propensionem ad terram; &
cùm relinquitur, statim ruit: sic anima a-
mans DEI, etiam cùm separatur à quiete
suâ ob occurrentia officia vitæ necessaria
aut status sui, etiam ibi anhelat ad DEVM
tacito affectu & velut connaturali, & statim
relicta sibi finitis occupationibus confugit
ad centrum suum, in sese colligens in inti-
mis recessibus cum DEO, ut quoad possit
similis sit anima Angelis DEI, qui semper
vident faciem Patris, & in quam desiderant
respicere: quo desiderio plus & crebrius

recre-

av
recrea

Q
Simili
mus
punch
pras
morn
esse o
quod
erat he
& solio
dulcis
petiti
lis cre
passim
bilissi
quiri
ut per
eroga
cumq
trans
stras
deam

ardentissimū Dei amorem excitand: 451
recreari oportet, quā respiracione cor,

C A P V T X V.

*Quòd amanda sit incomprehensibilis
bonitas DEI.*

Quid tibi, & mihi, qui sum abyssus malitiæ, ô Bonitatis pelagus, ut me ames? Similis similem amat: quomodo tu optimus diligis me pessimum? Ab omnibus pulchriora diliguntur: tu pulcherrimus optas à me vilissimo & horribili amari. O amor mundi, quid tibi & mihi, qui debeo esse odium & horror mundi? Quid est, quod mihi præcipias te amare? cur opus erat hoc mandare? quid est, quòd roges & solicates tot artibus? O sollicitatio & vox dulcissima. Fili præbe mihi cor tuum! ô petitio surdis hominibus repetita! in singulis creaturis temet exhibes, prospiciendus passim per naturæ transennam, hac amabilissima postulatione liquefcens, dum requiris me. In omni creaturâ occurris mihi, ut per omnes id petas, toties amorem tuum erogans, & amorem meum rogans. Quamcumque fenestram aperiā, ades amator, stans post parietem, respiciens per fenestras, prospiciens per cancellos. Si videam, si audiam, si odoror, si sapiam, ecce

432 *' Lib. IV. De ijs, qua spectant ad*
adest facies tua decora, vox tua dulcis, &
odor DEI mei, & favus cum melle tuo: ubi-
que convenior de amore. Si quatuor aut
quinque viri graves asseverarent aliquid &
hortarentur ad opus aliquod, nemo non
faceret, aut crederet: quomodo non audio
omnes creaturas adhortantes me ad amo-
rem DEI mei? cum tot asseverent venusta-
tem eius, quare non credam? Si specie rerū
illecti homines deos illas putaverū, quantō
his Dominator omnium speciosior es? spe-
ciei enim generator hæc omnia constituis.

Omnia amorem tuum & pulchritudinem
mutis clamoribus, & invisibilibus coloribus,
objectant. Sed quæ vox aut imago, noti-
tiam tui dabit? Non possunt creaturæ te
pingere: ex omni earum perfectione liturā
tantum cognosco. Quis ergo es, aut ubi,
Pulcher mi; qui cum ubique mihi adsis, nul-
libi te invenio; & cum omnia sis, nihil omni-
um te puto? Pro imagine tua se objectant
mihi creaturæ; sed ego ænigma existimo.
Non es Domine mi, id quod designant te
esse: quæ licet non mentiantur, taliter te
indicant, ut non sis id quod prædicant verè.
Ita quæsi vi quem diligit anima mea; quæsi-
vi illum, & non inveni. Surgam, & circuibō
mundum per vicos naturarum & plateas
cælo.

"arentissimū Dei amorem excitand: 433
cælorum. Interrogavi formas rerum, con-
centus melodiarum, odores aromatum,
sapores mellitorum, amplexus charorum;
& dixerunt, Non sumus dilectus tuus: ille
fulget, ut non capiat locus; sonat ut non fe-
rat ventus; olet, ut non spargat flatus; sa-
pit, ut non noceat fames; hæret, ut non se-
paret fastidium. Interrogavi terram, &
respondit, Non sum ego: si cœli cælorum
non capiunt illum, quid me rogas? Inter-
rogavi mare, & contremuit dicens, Non
sum; major abyssus est, & pertransiri nequit.
Interrogavi cælum, & dixit, Non sum Deus
tuus: ascēdit ultrā. Si vos non estis creaturæ,
dicite mihi aliquid de illo. Responderūt mi-
hi vigiles mentes, & custodes spiritus mūdi,
Ipse fecit nos, quære illum super nos. Pau-
lulum cū pertransissem eos, inveni quem
diligat anima mea, non inveniens illum in
creaturis. In hoc solo video & invenio te, ô
lumen in medio positum, quod non possum
te invenire nec videre: nam quomodo af-
sequare quod incomprehensibile est? Fuge,
fuge Dilecte mi: in hoc te cōsequar, quia fu-
gis me: plus nosco de te, quantum novi
non te posse noscere; plus accedo ad tui
noticiam, quantum recedis à meo captu
In lectulo, & quiete anguli mei, per noctes

quævisi quem diligit anima mea. Nox est, respectu tui, splendor rerum venustarum: nox est decor cœlorum; nox est ipsa solis pulchritudo, claritas, & quævis alia, non dicam creata, sed falsò excogitata venustas. Si singulæ stellæ fulgerent plusquam sol, quot atomi illuminantur à sole, & arenæ sunt maris, & ipse sol toties excederet stellas plusquam modò, sorderet præ te, nec appareret, velut sidera nunc in præsentia solis non videntur.

Sed quid afferro deformes has pulchritudines visibilium, & rusticas formas etiam solis, & æthiopes luces? Conferamus illas spirituales & candidas, cujus talis est decor, ut cum devotissimo Patri Joanni Fernandio nostræ Societatis affuisset Angelus DEI; eum intuitus præ lætitiâ deficiebat, & se ipsum capere non potuit; atque affirmavit quæcumque pulchra in mundo essent, hujus comparatione deformia & tetra fore. Finge igitur pulchritudinē ejus Angeli toties majorem, quot atomi in aëre, & singulos Angelos eadem pulchritudine præditos; & cum sint millia millium, seu pœnè non sit numerus illorum, totam hanc pulchritudinem omnium conglomerata in unum solum: turpis & obscura esset coram pulchritudine DEI;

ardentissimū Dei amorem excitand: 455

DEI; nec dico videretur unus atomus, sed nihil. O cor meum, quomodo non te elev-
lis post tantum decorem, & ardes ad im-
mensam illam lucem? O duritia & gravitas
cordis mei plusquàm ferrei, si non te elevat
& trahit immensus hic magnes amoris!

Sed fortēne tu Domine es illa claritas,
& decus quod confingo, ad quod tanta in-
finities illuminati solis & Angeli lux tenebræ
essent? Minimè; sed in finities pulcher: nec
post tantam lucē te video, licet splendidis-
simus sis. Tantum scio illam claritatem
te non esse, quia caligo ad te collata esset:
qualis autem sis, ignoro; tuum lumen me
excæcat: dum magis fulget, relinquit me
caligantem. Sed numquam te video clari-
us, quàm in hac caligine; nec nisi in hac no-
cte meridionali umquam invenio diem ve-
rum, antiquum dierum; clarum mihi, quia
in tota obscuritate, & media nocte. O a-
mor æterne, accipe jam cor & amorem me-
um. Sed quid inquam accipe, si tu rapu-
isti: quid jubes, ut cor meum tibi præbe-
am, si jam excordasti me; non in uno crine
aut oculo tuo, sed in nullo lumine meo, &
multo crimine. Excordasti me, quia tantus
es, ut te non videam: excordasti me,
quia cū te pusillus offendissem, vis à me
quan-

456 *Lib. IV. De ijs, quæ spectant ad*
quantus es amari. Sed tu Domine, qui
vulnerasti cor meum bonitate tuâ, eâdem
infundes oleum misericordiæ tuæ, ut sanes
vulnera peccatorum meorum.

O DEVS abscondite, si ignoratus places
mihi supra omnia quæ scio, quid faciēs cum
te coram & palam sciam? eripe, & velle cor
meum, accipe omne velle meum, nec mihi
umquam restituas; nec permittas cultrum
in manu amentis, sed retine cor amantis.
Quid enim mihi est in cælo, & à te quid vo-
lui super terram? Gaudeo quòd defecit
mihi cor meum, quia tu eripuisti illud. In
te sit cor meum, quia in te thesaurus meus.
O DEVS cordis mei, quia jam es Do-
minus illius! Sed quia tu meus, quamvis
defecit cor meum, non defecit cor melius:
tu supplebis ejus vices; tu es DEVS cor
meum, DEVS pars mea, quæ defecit mi-
hi. Cor scilicet meum eris in æternum:
officia cordis mei imple. Ipse poteris vel-
le pro me, & sollicitus esse, quæ mihi ex-
pediant, ego tantum diligam te. Tu ama-
bis me pro me, ut ego penitus amem te; ut
nec amor mei impediat me. O felix
jactura cordis, si DEVS pro
corde est!

C A P V T XVI.

*De superessentiali lumine sanctissima
Trinitatis.*

O Lux clarissima divinæ unitatis, si tanta
es, ut umbra tua in creaturis lucens pre-
stringas omnem intellectum, & caligare fa-
cias, plusquàm sol oculos noctuæ; quantum
lumen apud te erit in Trinitate tuâ, cujus
umbram natura creata non potuit sustine-
re, sed oportuit revelari à IESU? Si tanto pe-
rè radias apud nos; quantum in te lucebunt
illi splendores sanctitatis, qui extra te non
exeunt? Si tanto perè unitatis umbra lucet,
quantum lucebit lux Trinitatis, quæ non
habet umbram? O luminosissima tenebræ,
cùm animæ communicatur aliqua claritas
tanti arcani! Obscuritas est illa lux, quia
anima non se videt, & ibi se amittit. Velut
qui in tenebris ambulat, & nescit ubi sit; sic
mens in illo lumine de se nescit: & cùm in il-
la luce se lucretur, cùm sit in DEO; ibi se per-
dit, quia invenit DEVM, quando abrepta ab
omni occupatione inferiorum, & facta con-
formis Christo crucifixo per constantissi-
mam mortificationem & crucifixionem sue
voluntatis, in stupenda Trinitatis arcana
intentam aciem & humilem mentem figit.

seu potius figurur: ibi vitam in legitima suâ puritate, ut in fonte gustat: ibi bonitatis divinæ primitias libat ibi simplicissimæ simplicitatis naturam concordis cum Trinitate miratur.

Quidquid admirabile est, cum cognoscimus, jucundum est spectare. Quid admirabilius, ac proinde quid jucundius, quam nosse, illam simplicissimam unitatem, in quâ personarum Trinitas se immergit; & illam Trinitatem, quam non summergit unitissima simplicitas: Unitas in Trinitate distinctè coruscat; Trinitas, quatenus fertur introrsus, lucet in unitate. Pater est Filij origo: filius manat è Patre secundum distinctionem personæ, & manet in Patre secundum essentiæ unitatem: à Patre & Filio Spiritus sanctus procedit, & in Patre & Filio Spiritus sancti substantia relinquitur: ubi Trinitas non obest unitati, ubi unitas non officit Trinitati: imò ubi Trinitas proficit unitati, & unitas favet Trinitati. Ideò Deus est magis unus, quia trinus simul est.

Quid tam jucundum, quàm hæc quæ videntur repugnantia, videre se adjuvantia? Non esset simplicitas summa in Deo, si non esset efficacia summa: non esset efficacia summa, si non esset Trinitas personarum:

non

non esset Trinitas personarum, si non esset unitas essentia. Tam abest, ut simplicitas divina obsit Trinitati, ut Trinitas iuvet unitatem, & unitas unitissima requirat Trinitatem. Ideò quò DEVS est magis simplex in natura, est magis trinus in personis: & quemadmodum non potest concipi major simplicitas, quàm simplicitas naturæ divinæ; non potest esse verior distinctio, quàm distinctio personarum in illa unitate. Res quò simpliciores & puriores sunt efficaciores sunt, ut Philosophi fatentur. Ignis quia simplicior & purior, inter omnia elementa efficacior est; & cœli quàm sublunares naturæ, & spiritus quàm corpora. Virtus unita major est: & quod simplicius est, plus habet de forma, quæ actus & activitas est: quare in simplicitate infinita, quæ purissimus actus est, & forma simplicissima formarum, remotissima ab omni materia, infinita efficacia debet esse infinitæ personæ productione, infinitæ substantiæ communicatione ab æterno. Stupet anima hanc simplicitatem contemplans, & extra se raptæ divinam simplicitatis perfectionem adorat in æqualitate & æternitate personarum: nam quò res sunt simpliciores, quem admodum sunt efficaciores, sic in se perfectiores.

460 *Lib. IV. De ijs, quæ spectant ad*
Perfectio nõ sumitur à materia, sed à forma:
quare quantò aliquid plus habet de forma,
perfectius est; & cùm simpliciora plus habe-
ant de forma, perfectiora sunt: ideò Angeli
perfectiores sunt rebus sensibilibus. Cùm i-
gitur summa simplicitas, sit summa, sola, &
rota forma, seu actus, perfectissima est: qua-
re Filius DEI æqualis & coæternus est Patri
ob summam simplicitatem naturæ divinæ. In-
ter homines, major est pater quàm filius,
quia ad hoc ut creatura generet, requiritur,
ut perveniat ad statum perfectum: sed cùm
Deus ab æterno sit summè simplex, est ab æ-
terno perfectus, ideò ab æterno generans, &
nõ est major Pater Filio. Inter homines nul-
lus nascitur pater: Deus ab æterno est pater,
nec prius fuit DEVS quàm Pater. Inter
homines magnum quid est, in lineamentis
& superficie oris similem produci filium pa-
tri, & filius similior magis diligitur: quanta
fecunditas est, ubi non in accidentibus pro-
ducitur similis filius, sed in substantia idè?
quanta dilectio, ubi Filius tam similis est
Patri, ut nec ipse Pater similior sibi sit, nec
magis idem, & post tantam similitudinem
Filius sit unicus, & ab unico genitus purissi-
mè; ubi Pater virgo est, & virgo generat,
& natus non est infans, & sine matre editur?

Quare

ardentissimū Dei amorem excitand: 461

Quare Filius non minuit diuisum amorem cum matre, quæ non est; nec Pater cum sponsa. Sed Pater unicè unicum Filium, & Filius unicè unicum Parentem amat. Vbi Filius, non ex particula Patris genitus est, sed ex tota substantia paterna: & totum quod conspicit in Filio Pater, suum est, & à se est; & totum quod videt Filius in Patre, nescit sibi communicasse sine inuidia. Quomodo possunt non se summè diligere, qui tam summè unum sunt? Hæc & alia, perspicaci & indicibili modo, per altissimum silentium intonantur animæ, & in arcana caligine illucescunt; quomodo non ardebit, cum tanta luce, & omnibus viribus suis, superessentialem & superexcellentem simplicitatis & Trinitatis perfectionem diligeret, provocans omnes spiritus & Seraphim in illo fumo replente domum ex incendio charitatis ardentis, & clamans, Sanctus Sanctus, Sanctus, expansis alis cordis subvolans & refrigerans partim æstum amoris, partim excitans flammam.

Ibi tamen præcipuè quasi exanimis manet, tota delibuta dilectione divinâ, cum considerat pelagus illud bonitatis, quâ communjatur infinita natura Filio, & incendium illud amoris quo procedit Spiritus
san-

462 *Lib. IV. De ijs, quæ spectant ad*
sanctus. Hic deficit spiritus creatus & præ
dilectione quasi perit in se, velut aqua & i-
gni extinctus: summergeitur in oceano tan-
tæ bonitatis, ardet in pyra stupendi illius
amoris. Nihil efficacius est in se, ut nos
convincat & trahat ad amandum legitime
& purè DEVM, quàm bonitas illa in exco-
gitabilis quâ se communicat Pater Filio,
& uterque Spiritui sancto. Nihil devotius,
nihil tenerius, nihil suavius considerari po-
test, quàm illa eruptio, & excessus bonitatis
in æternis emanationibus. Nihil alacrius
& festivius & solemnus animæ, quàm na-
tivitas æterni Verbi. Nam si bonitas in se
est quæ placet, & præda amoris legitimi, &
in quam ruit toto pondere voluntas: ubi
potest major bonitas lucere, quàm cum
pro boni naturâ, quod est diffusum sui,
non partem sed totam se diffundit, & com-
municat, infinitudo bonitatis; ubi non tan-
tùm datur quod habetur, sed quod est?
Mirabilior apparet hæc liberalitas com-
municationis, quàm quævis infinita aliâ
perfectio divinæ naturæ. Si aliquis homo
haberet aliquam peregrinam & admirandâ
gemma, aut aliam rem pretiosissimam;
quâ felix haberetur, & nihil aliud haberet,
certè licet mirabilis tibi videretur ille unio,

mira-

ardentissimū Dei amorem excitand. 463
mirabilius judicares, si statim illum gratis
largiretur, sine ullā spe lucri. Mirabile qui-
dem est divina natura; sed mirabilius vide-
bitur alicui, donari gratis Filio per com-
municationem illam admirandam, & mira-
bilius donari tali modo, quòd maneat etiā
in donante. Tum si argumentum bonitatis
est amor; nam diffusio & communicatio
sine amore non est; ubi major amor, quā
ubi totum quod est, est amor? & amor est
æqualis amanti, & amato; & tantus est a-
mor, ut non solum sint similes amati, sed sint
idem inter se, & idem amor sit utriusque?
Vnde necessaria est summa fidelitas & gau-
dium, quia nō possunt non diligere, nec pos-
sunt non diligere æqualiter. Adeo efficax & le-
gitimus est ille amor, ut si per æternam ge-
nerationem non fuissent eadem una na-
tura Pater & Filius, faceret Spiritus sanctus
esse idem. Huc tendit charitas, hoc offi-
cium est amoris, unire amantes & amatos:
& cum ille amor sit DEI infinitè perfectis-
simus erga illum qui etiam est DEVS, in-
tensissimus & omnino efficacissimus est.
At si non faceret unum, non plenè perfectus
esset, sed velut amor rei finitæ, & erga rem
finitam, non erga infinitum Unigenitum
æqualem Patri infinito; ubi uterque, amans

464 *Lib. IV. De ijs, quæ spectant ad*
& amatus, infinitus est. Ubi est tam ex-
cellens & genuinus amor, quanta bonitas
erit? Ita Trinitas est præstantius indicium
infinitæ bonitatis, & proinde divinæ per-
fectionis, (quia id est bonum, quod perfe-
ctum) & denique simplicitatis DEI: quare
Trinitas personarum, est authenticum te-
stimonium divinæ unitatis. Quantoperè
arridet mens, cum hæc noscit! non prout
explicui ignoranter, aut explicari potest;
nam solum sentitur modo inenarrabili: si-
cut enim non sunt naturales species, quibus
cognoscitur; sic nec verba, quibus manife-
stari queat aliquid quod de verbo æterno
manifestatur pijs aliquibus animabus. A-
deo igitur gaudet mens creaturæ, cum
communicatur illi consensus & mutua con-
venientia increatæ Trinitatis & unitatis, &
utriusque necessitas ad perfectionem divi-
nam, ut exulter anima toto corde, impo-
tens sui, & exhausta præ desiderijs & suspi-
rijs puræ charitatis, & videndi clariùs in al-
tera vita admirandam Trinitatis bonita-
tem.

Quid cupis anima mea videre aliud, nisi
istud spectaculum mundi, ad quod viven-
dum dumtaxat introducti sunt in cælum &
creati Seraphim & omnes spirituum ordines
atque

ardentissimū Dei amorem excitand: 465
atque hominum sanctorum. Vbi est curiositas nostra? ubi studium sciendi, si non cupis dissolvi, & intueri istud arcanum, & scire hoc secretum? Sed curiositas te debet remittere ad alteram vitam, non ad scrutandum in istā rationem, quo pacto trinus & unus est. Non debes querere causam, quomodo ita sit; cum non possis dare causam, ex quā sit. Frustrā causam quæris in eo, qui nullam habet causam. Non esset magnus DEVS, si non esset major capta nostro. Non debes scrutari, quo modo ita potest esse, qui numquam potuit esse antequam esset. Vermiculorum plurium naturam non satis cognoverunt Philosophi, & nemo seipsum benè noscit: quomodo naturam divinam & auctorem cui vis dignoscere per omnia? Quare simplici fide debes captivare rationem tuam in superrationali hoc mysterio: nam illa claritas, quam insinuare interdum dignatur indulgentia divina, non est omnium, sed quorum DEVS vult, ex ijs qui cum Filio suo sunt in Calvaria monte, & omnimodā sui eieratione: qui abnegantes se sustulerunt crucem suam, & secuti sunt IESVM usque ad Calvariam, & deinde vult ut sequantur usque ad Olivetum & gloriam; hos exaltat, ut quandoque par-

466 *Lib. IV. De ijs, quæ spectant ad*
ticipent Majestatem suam. Vbi ego sum,
dicit IESVS, ibi & minister meus erit. Qui
habuerit cum Christo idem Vbi passionis,
habebit quoque Vbi tanti luminis & gaudij.
Sic sancto Patriarchæ nostro Ignatio, dum
magis afflictus fuit & exhaustus poenitentijs,
copiosius manifestatum est & clariùs, quàm
dici potest. Sic ferventissimus Pater Di-
dacus Martinius ferè semper se videbat cir-
cumfusus quadam luce splendidissimâ
Trinitatis, aut alicujus ex tribus Personis.
Omnium tamen est, ardentissimis deside-
rijs exoptare, videre hanc novitatem anti-
quam & æternam in altera vita. Sancto
viro Patri Ioanni Ferdinando revelatum
est, quemdam nostræ Societatis Religiosum
diu detineri in purgatorio, quia non desi-
deraverat ardens videre sanctissimam
Trinitatem. O anima, quo nodo non plus
desideras videre hoc theatrum Beatorum,
ad quod conspiciendum convocatæ sunt
omnes mentes, invitatæ sunt cunctæ ratio-
nales naturæ?

Quantum gaudium erit, videre quod
nunc cogitando, seu ignorando, præ júbilo
& amore sustinere nos non possumus? Quo-
modo non exultabimus, contemplantes
illas primitias divinæ perfectionis, illud pro-
ludium

ludium & recens facinus bonitatis divinæ, cum se dat Filio, & primogenitam illam liberalitatem DEI? Quantum pignus sibi accipiet anima divinæ benignitatis, cum videat infinitam benevolentiam indolem? Si sine deliberatione dedit DEVS totum quod est, nonne cum consilio & suffragio eiusdem bonitatis dabit, ut saltem videamus quod est? & si quidem non dat esse, dabit suspicere, si non dat possidere, dabit frui, si non dat vivere eadem vitam, dabit vivere simili vitam æternam, cuius pignus jam habet anima, videns generationem ubi non est mors. Quomodo non amabimus totam mentem & viribus Deum, considerantes illam auroram charitatis ardentis, cum illibatus & primus ros donorum suorum quem dat, sit ipsum incendium charitatis, ipse amor in eadem substantia, ut tantus sit amor quantus est DEVS, & in eadem donatione amoris det essentiam suam infinitam? Nam primum donum est amor ipse, & totum illud infinitum esse quicquid est DEI. Quas arrhas benevolentiam ex hoc sumet anima, cognoscens ram auspiciato quasi initiari benevolentiam Dei, & tam felix exordium bonitatis divinæ? ut gaudeat etiam amari eximio illo amore, seque accendat ad amandum illum, &

468 *Lib. IV. De ijs, quæ spect. ad ard. D. a. ex.*
imitandum tantam bonitatem, dando
seipsam DEO, nihil sibi relinquendo;
cum nihil sibi relinquat suæ substantiæ
Pater, quod non communicet Filio, &
uterque Spiritui sancto. In excessu hu-
ius considerationis, & consideratione
huius excessus, per luculentam caliginem
fit ineffabilis animæ & DEI communicatio,
& unio intima. Anima transit in DEVM per
gratiam & amorem: quæ licet maneat in se
naturâ suâ, nō manet affectu, & Deus transit
in animam per indulgentiam & charitatem,
quamvis maneat in se Majestas sua.

O summa Patris bonitas, summa Verbi sa-
pientia, summa Spiritus sancti suavitas, con-
cede, ut te unum Deum reverear, trinum
colam, bonum admirer, amantem imiter,
superexcellenti humiliter, viso fruar, adhæ-
rens tibi per æternitatem, factus unus spi-
ritus tecum, & interim adorans tuam Maje-
statem. In spiritu & veritate desiderem ve-
ritatem, spiritum, & superverissimam, su-
perspiritualissimam, superessentia-
lemque tuæ Trinitatis & Uni-

ratis excellentiam

palam intue-

ri.

FINIS

ser.
ndo
do;
ntia
, &
hu.
ne
nem
tio,
per
in se
ansit
em.

sa-
con-
um
ter,
he-
pi-
je-
ve-
su.

n
m

